



131204

BIBL. NAZ.
Vitt Emanuele III.

RACCOLTA
VILLAROSA

B

744
NAPOLI

Price Vol. B. 744
ANTONII THYLESII

CONSENTINI

523534

O P E R A



NEAPOLI·CICIDCCLXII.

EXCUD. FRATRES SIMONII

PUBLICA AUCTORITATE



THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

VIRO CLARISSIMO
AEMILIO JANUTIO SABELLO

PATRICIO CONSENTINO.

Ex Gheruntiae Principibus &c.

FRANCISCUS DANIEL S. P. D.



QUUM animadverterem, *AEMILI*
optime ac doctissime, idque saepe
mecum animo reputarem, non
immerito eorum vulgo commen-
dari industriam, qui nostra hac tempestate
in illustrandis elegantiorum Scriptorum ope-
ribus suam operam collocarunt: angebar qui-
dem, planeque dolebam *ANTONIUM THYLE-*
SIUM. Consentinum, quum in omni venu-
state, sermonisque mira puritate nemini pal-
mam concederet, non ea frui clarissima lu-
cis usura, quam ceteri politiorum littera-
rum amatores jam sunt promeriti. Commo-
a 2 dum



dum autem Tu pro eo , quod erga litteras
foves studio , mihi praecipuus auctor fuisti ,
ut THYLESII Operum editionem aggredi non
dubitarem , quam , quum pro virili adornas-
sem , cui aequius melius quam Tibi , Vir
Clarissime , inscriberetur prorsus erat nemo .
Ex Tuo enim censu potissimum profectum
est , ut egregia illius scripta a temporum in-
juria vindicarentur ; Tuque ex Tua biblio-
theca , quam selectissimorum librorum copia
refertissimam habes MStos codices submini-
strasti , quo auctior haec editio ornatioque
in publicum prodiret . Atque eo gratius Tibi
acceptiusque hoc muneris genus fore confido ,
quod elegantissimum Scriptorem popularem
Tuum , eundemque veteri affinitatis vinculo
Genti Tuae conjunctum Tibi offero , qui sua
latine scribendi praestantia , ac mira antiqui-
tatis intelligentia , nedum patriae , ac ne-
cessariis suis , sed & universae Italiae in-
gentem laudum cumulum adjecit . Quae cum
ita sint , in spem ingredior fore , ut hosce
meos labores , quales ii cunque sunt , aequi
bonique consulas . Quod si ita erit , uti haud
dubie futurum confido , pro ea , qua prae
ceteris praestas humanitate , me navatae di-
ligen-

N U N C U P A T O R I A . V

*ligentiae , industriaeque minime poenitebit .
Vale .*

Neapoli viii. kal. Octob. cIdIdccclxii.

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

11-11-11

ANTONII THYLESII

CONSENTINI

V I T A

A FRANCISCO DANIELE CONSCRIPTA.



THELESIA, sive Thylesia Gens si unquam alias amplitudine, dignitate, rebus gestis, opibusque crevit (a), inter reliqua sua decora, illud non ultimo loco accenseri debet, tot in lucem protulisse illustres literis & eruditione viros (b): quin, si rem recte putemus, ex eo tantum capite, vel praeclarissimis

a 4

apud

(a) Ab usque anno MDCCCLX. mihi se offerunt Petrus, ejusque filius Gulielmus Thylesii; alter gratia, qua apud Fridericum Caesarem pollebat maxima; alter Seminariae dominatu ea tempestate longe clarissimi. Fuit & Antonius hujus nominis primus a Ludovico III. cui a consiliis erat, & a Johanna II. summo in pretio habitus. Plerique ex Thylesia Gente recensentur plurium oppidorum variis temporibus Dynastae, Caelisani nempe, Castrifranci, Marani, & Bonifati. Hac de Familia fusius HIERONYMUS SAMBLASIUS [*Ragguaglio della Città di Cosenza, e di XXXI. sue nobili Famiglie. pag. 179. in Napoli 1639. 4.*] & FABRICIUS CASTILIONEUS MAURELLUS [*De Patricia Consen. Nobilitate num. XLV. pag. 67. Venetiis 1713. fol.*]

(b) Hi sunt Nicolaus ICTus insignis, quique de Venetiarum urbis laudibus Poëma exaravit, Joh. Baptista Petrarcae explanator, ANTONIUS ipse, cujus Vitam scripturi sumus, & Bernardinus cognomento Philosophus. De his omnibus locupletissime testatur SALVATOR SPIRITEUS [*Memorie degli Scrittori Consentini. pagg. 21. 39. 47. 83. in Napoli 1750. 4.*]

apud Brutios jure meritoque anteferetur. Quos inter cum profecto omnium clarissimus (praeter unum Bernardinum philosophicis studiis supra ceteros nedum Familiae, aut Patriae, verum etiam Italiae celebratissimum) ANTONIUS extiterit, de ejus Vita, & Scriptis Commentariolum, cum ad revocandam tanti viri memoriam situ pene & oblivione oblitteratam, tum ut ejus purum elegansque dicendi genus *ἐμπέ-
της*, atque soluto sermone, tanquam absolutum exemplar ad imitandum proponatur, accurate quantum per monumentorum inopiam poterimus, scribendum suscepimus.

Natus est ANTONIUS THYLESIUS Consentiniae circa annum ab adventu Christi *CIÖCCCCCLXXXII*. (a). Patre usus est diligente, indulgente, & ut ea ferebant tempora, in primis litterarum studio. Hujus opera a primis annis omnibus iis rebus fuit ornatus, quibus puerilem aetatem impertiri primum omnium maxime decet, scilicet, suavitate morum, & vitae innocentia elegantiaque. In litteris perdiscendis praecceptorem habuit Thydeum Actianum Picentinum, qui sub id fere tempus magna famae celebritate juventutem Consentinam in humanioribus studiis publico stipendio erudiebat (b). Quot heic quantasque progressiones fecerit, vel me tacente, is intelliget, qui divinos ejus foetus vel obiter lustrarit. Brevi enim tantum ad virtutis aditum processit, ut aetate provectiores vicerit, nedum suis aequalibus longe plurimum antecelluerit. Hinc nemo non ejus

prae-

(a) IDEM [*ibidem*. pag. 39.] ANTONIO TELESIO . . . *naeque* *il* *CIÖCCCCCLXXXII*.

(b) SERTORIUS QUADRIMANUS [*Istoria di Cosenza* MS. cujus autographon apud nos adservatur.] *Tideo Acciari-
ni . . . il quale ne' tempi de' nostri bisavoli fu chiamato
fin dalla Marca a leggere lettere umane in Cosenza. Et paul-
lo post. Costui (Tideo) venne a noi da lontane contrade per
ammaestrare la gioventù Cosentina.*

praecox admirabatur ingenium, quodque herbescen-
tis spei teneritudo praeter omnium expectationem
tam cito ad tantam maturitatem pervenisset. Omnes
uno ore omnia ei bona dicebant; parentisque fortu-
nam praedicabant. Verum haec, quae ceteris licet
non temere tanti erant, minime ejus animum com-
moverunt, quin imo, quo semper de se demisse sen-
tiret, effecerunt. Quare non heic sibi consisten-
dum, verum ulterius improbiore labore, impensiori-
busque studiis progrediendum existimavit. Namque se-
cum animo reputans nec hilum se proficere posse in
eloquentiae studiis, nisi optimos quosque auctores ad
imitandum sibi proponeret, eosque nocturna diurna-
que manu versando, in succum veluti & sanguinem
converteret; in elegantissimis tantum utriusque lin-
guae scriptoribus legendis juventutem suam deinceps
collocare statuit. Currenti calcaria exemplo suo ad-
dere visus est Janus Parrhasius, cum eo non com-
munis patriae tantummodo, sed affinitatis quoque
vinculo conjunctissimus: vir ad profligandam barba-
riem natus, quique jure optimo saeculi sui Varro est
appellatus (a). Ut autem eam dicendi facultatem,
ad quam toto animo, omnibusque nervis contende-
bat, certius & brevius assequeretur, Italiam statuit
peragraré per ea tempora velut alteram Graeciam
omnibus bonis artibus, in tanta doctissimorum prae-
ceptorum copia, florentem. Etenim cum sub Euge-
nio IV. de Orientalis, & Occidentalis Ecclesiae con-
cordia in Concilio Florentiae habito ageretur, com-
plu-

(a) JOH. MATTHAEUS TOSCANUS [*Peplus Italiae . lib. III. num. cv. pag. 63. Parisiis 1578. 8°.*]

Ille sui Janus Saecli Varro, ille veterum

Torpentem excussit, turba Magistra, tibi.

Abdita Cecropiae doctrina claustra resregit,

In Latiumque tuas transfudit, Hellas, opes.

plures ex Patribus Graecis illuc convenientibus in offensionem suorum indigenarum lapsi, apud Pontificem Romanum remanserunt (a) viri omnes profecto clarissimi; atque inter eos Bessario Archiepiscopus Nicaenus, mox Cardinalatu honestatus, de cuius eruditione, atque singulari erga Romanam Ecclesiam pietate nulla unquam aetas conticescet (b). Et non multo post capta, & subversa a Mahumete II. Constantinopoli, quo, veluti ad mercaturam bonarum artium, ut de Athenis scriptum legimus, e Graecia universa concursus fieri soliti erant; expulsi inde doctissimi homines in Italiam profugi ad Pontificem Romanum, ceterosque Principes Christianos venerant, quos inter facile eminebant Demetrius Calcondyles, Constantinus Lascaris, Theodorus Gaza, & Emmanuel Chrysoloras (c). Diversas igitur Italiae urbes complures annos pervagatus ANTONIUS semper usus doctorum hominum consuetudine, nec intermissa optimorum auctorum lectione, tantum in quolibet litterarum genere progressum fecit, ut brevi inter doctiores suae aetatis esset, & existimaretur. Hinc Mediolanenses singulari flagrantibus studio patriam Academiam viris omni disciplinarum genere ornatissimis augendi exornandique; eum, amplo & magnifico constituto stipendio, acciverunt, ut publice Graecos, Latinosque scriptores juventuti suae inter-

(a) LEO ALLATIUS [*de Ecclesiae Occid. & Orien. Perpetua Consensione lib. III. cap. I. pag. 876. Coloniae Agrippinae 1648. 4°.*]

(b) PAULLUS JOVIUS [*Elogia Illustrium litteris Virorum. in Bessarione. pag. 43. Basileae 1577. fol.*]

(c) ALLATIUS [*ibid. lib. II. cap. XVIII. pag. 855.*] *Quare Graeci, etiam ipsi prudentia, ac doctrina illustres, tanta rerum immutatione ac calamitate perterriti, & jam instans nationis excidium praesagientes; patria privati, vagique & exules per terras alienas, in quibus domicilii sedem locarent, errare voluerunt. Inter eos praecipui fuerunt Emmanuel Chrysoloras, Theodorus Gaza . . .*

terpretaretur; cumque in eam civitatem profectus esset, quae antiquitate, humanitate, doctrina praeestabat omnes, ei unus ante alios merito fuit carissimus (a). Inter alios sollertissimos discipulos, qui eum Mediolani docentem frequentes audire, recensentur Joh. Jacobus Ammianus Tigurini Collegii Rector, Latinaeque eloquentiae professor, Rhodulphus Collinus in eodem Collegio Graecae linguae interpret (b), & Bernardinus Thylesius fratris filius, qui illic Consentia se contulerat, quo commodius apud patrum bonis litteris vacaret (c), mox in arenam descensurus adversus Aristotelem, ejusque sectatores, libertatis philosophandi assertor, & vindex acerrimus: cujus egregii facinoris gloria omnino omnis tribuenda est ANTONIO, qui ei a puero rudimenta sanioris philosophiae animo instillavit. Quo autem tempore Mediolanum venerit THYLESIUS, nihil certi ausim proferre; sed, id accidisse videtur anno CIOIOXVII. idque mihi libentius persuadeo

(a) QUADRIMANUS [degli Uomini Illustri Cosentini MS. ejus autographon apud nos extat. ANTONIO TELESIO . . . lesse pubblicamente nella sua giovinezza in Milano con molto applauso di tutta quella Nobiltà.

(b) CONRADUS GESNERUS [Biblioth. Univers. pag. 63. Tiguri 1545. fol.] ANTONIUS THYLESIUS Consentinus Mediolani cum alios discipulos bonis litteris instituit, tum ex nostratibus Joh. Jacobum Ammianum Tigurini Collegii Scholarcham, Latinaeque linguae professorem colendissimum praecceptorem meum, & Rhodulphum Collinum doctissimum in Collegio nostro Graecae linguae interpretem, cui ego etiam propter ejus linguae quantulamcunque sum adeptus cognitionem, plurimum debeo.

(c) JACOBUS AUGUSTUS THUANUS [Historiar. lib. LXXXIX. ad ann. CIOIOXXXVIII. t. IV. pag. 265. edit. 1625. fol.] Orobri inveni-
te Cosentiae, quae illi patria erat, in Calabria ultimam die n-
elauisit Bernardinus Telesius, qui ANTONIUM patrum tri-
buit philosophicis studiis celeberrimum, ab eoque Mediolani
institutus.

deo, cum extet inter ejus Carmina poemation sane longum (a); in quo narratur quemadmodum Turris in arte Mediolanensi, circa illud tempus, ista fulmine tota dissiluerit (b). Eum peculiari studio, ut alios omittam, complexi sunt Trivultii, qui genere, opibus, auctoritate ante alios in civitate maxime florebant; cumque Joh. Jacobo eorum gentili strenuissimo exercituum imperatori in Galkia morte functo (c) sollemni funeris apparatione in patria parentassent, non nisi ANTONIUS delectus est, qui defunctum pro rostris in concione more majorum laudaret (d); atque hic supremus felicitati illius cumulus accessit laudator eloquentissimus. Ni bellum, quo per id temporis Mediolanum (e), suaeque ditio universa saevissime jactabatur causa fuerit, cur Romam concedendi consilium cepisset THYLESIUS, nullam prorsus aliam scirem afferre. Venit igitur in Urbem anno cldioxxiii. (f), quo tempore Julius Cardinalis Medices adscito Clementis VII. nomine ad Pontificatum Maximum fuit evectus. Praesens excepit omnium Ordinum gratulationes, deque ea re dedit epistolam ad Alexandrum Cacciam Florentinum (g). Amplissimo Datarii, uti ajunt, munereungebatur apud Pontificem Joh. Matthaeus Gybertus litterarum, litteratorumque virorum patrocinium firmissimum

(a) Carm. lib. I. num. vi. pag. 64. hujus editionis.

(b) FRANCISCUS GUICCIARDINIUS [*Istoria d' Italia lib. xiv. in Venezia 1738. fol.*]

(c) Orat. pag. 193.

(d) Toto caelo errat NICOLAUS TOPPIUS [*Biblioteca Napoletana. pag. 32. in Napoli 1678. fol.*] qui ait, THYLESIUM Romae habuisse Orationem in obitu Trivultii.

(e) GUICCIARDINIUS [*ibid. lib. xv.*]

(f) Clemens VII. renunciatus est Pont. Max. xiii. Kal. Decembres cldioxxiii. ALPHONSUS CIACCONIUS [*Vitae Pontific. Romanor. t. iii. Romae 1677. fol.*]

(g) pag. 123.

finum (a). Hunc, quamvis esset natura non satis facili (b), consuetudine sua sic sibi devinxit ANTONIUS noster, ut nemo ei perpetuo fuerit carior; quo factum est, ut huic omnia beneficia, quae posset, haberet; quorum in numero illud praecipuum est, quod ejus opera inter Professores in Romano Gymnasio cooptaretur; ibique Poëtas Latinos interpretatus (c) est ab Horatio auspicatus, ut patet, praeter Paulli Jovii (d) testimonium, ex ejus Praelectione in hunc Autorem elegantissime scripta (e). Neque heic silentio praetereundum est pingue sacerdotium, quo ab eodem

(a) PETRUS BEMBUS [*Epistolar. famil. lib. V. epist. XXI. ad Reginaldum Polam. pag. 216. Venetiis 1552. 8°.*] *Gybertus ... ad eam, qua nunc quidem apud Pontificem est auctoritatem & gratiam, quae profecto quantae sint, omnes jam homines intelligunt, summam vitae integritatem ... adjunxit, quodque tibi jucundissimum esse debet, cum litterarum & bonarum artium studia, quantum fieri ab homine occupatissimo potest, tum in doctis hominibus fovendis, juvandis, honestandis egregiam, & mirificam voluntatem.*

(b) FRANCISCUS TURRIUS [*Lettere di XIII. Uomini Illustri. a M. Carlo Gualteruzzi lib. V. lett. xvi. pag. 176. in Venezia 1565. 8°.*] *Che, benchè la sua natura (del Giberti) non avesse sempre tutta quella dolcezza, che averia desiderata la mia; temperava poi la sua imperfezione in quella parte con tante altre perfezioni, che quella austerità non poteva offendere.*

(c) ALEXANDER ZILIOLIUS [*Istoria de' Poeti Ital. MS. Biblioth. Angelicae Aprosianae*] ANTONIO TILESIO ... ebbe il carico di leggere i Poeti Latini nelle pubbliche Scuole di quella Città (di Roma) favorito da Matteo Giberti allora Datario. ZILIOLI de THYLESIO testimonium mihi communicavit amicissimus meus Benedictus Stay SS. D. N. Clementis XIII. Cubicularius Intimus, & a Latialis epistolis, quem honoris gratia nomino.

(d) JOVIUS [*Elogia. in Tilesio. pag. 204.*] *At Romae in Gymnasio Horatium comiter, & tenerè professus est.*

(e) pag. 207.

dem Gyberto auctus fuit, ut ipse Jovius est auctor (a). Quare ut aliquod grati animi monumentum apud posteritatem erga tantum tamque munificum Patronum extaret, Poëmatum, & de Coronis libellos Gyberto nuncupavit, atque sub ejus splendidissimo nomine promulgandos curavit. Coluit Romae Jovium ipsum omnium Latinae linguae eloquentia disertissimum (b), & Hieronymum Vidam, quem post veteres multo elegantissimum poëtam fuisse vere videor posse contendere, neque minus virum bonum, optimisque artibus eruditum (c). Utebatur etiam heic familiarissime Coriolano Martyrano, & Francisco Franchino civibus suis (d): quorum alter elegantius, quam antea esset factum Graecos auctores in Latinam linguam vertere conabatur, idemque orator non infacundus (e); alterum vero in condendis carminibus omnis generis facilitate, & elegantia nemo superabat (f). Romae morabatur ANTONIUS (g) cum exer-

ci-

(a) *ibid.*(b) *pag. 227.*(c) *ibid.*

(d) FRANCISCUS FRANCHINUS [*Epist. ad Coriolanum Martyranum. inter hujus Epistolas pag. 35. Neapoli 1556. 8°.*] THYLESIUS quoque accersatur, ut tot cives in alieno solo una conjuncti Romae Cosentiam videre videamur.

(e) SPIRITEUS [*Memorie. pag. 58.*] Coriolano Martyrano . . . scrisse leggiadramente molte Pistole, Orazioni, e Versi Latini; ma special cura egli pose nel tradurre in metro moltissime opere de' Greci Scrittori, nelle quali non meno il pieno dominio del puro Latino idioma, che il suo maturo, e chiaro discernimento si scopre.

(f) IDEM [*ibid. pag. 49.*] Francesco Franchini . . . compose sopra vario soggetto in versi; e in prosa con ugal felicità. Et paullo post. Il suo stile è nobile e sostenuto nell' eroico carattere, tenero e dolce nell' elegiaco, e concettoso nell' epigrammatico.

(g) Jovius [*ibid.*]

citus Germanicus frustra a duce Borbonio majora stipendia deposcens, propriae inopiae ex Romana direptione provisorus, in Urbem jamdiu oppugnatam repentina vi irrupit; quid ab efferratissimis hostibus in Romanas res, quid in homines, quid in sacras aedes, sacraeque aedium supellectilem, quid in dicatas etiam Deo virgines actum sit, hujus loci non est referre (a). THYLESIUS, qui pene divinitus tantum periculum incolumis effugerat, metu ne tumultuantium hostium impetu repetito obrueretur, alio sibi commigrandum putavit. Quare Venetias contendit, quo studiis suis tutius tranquilliusque obsequeretur. Ibi brevi pervenit in intimam familiaritatem omnium, eruditorum virorum, quibus urbs illa litterarum parens altrixque prae ceteris abundabat (b). Nec multo post in lucem emisit, opera Bernardini Vitalis typographi celeberrimi, libellum de Coloribus, & Tragoediam, quae Imber Aureus inscribitur: hinc amicitiiis satis, neque minus suarum virtutum fama commendatus abs Concilio Xvirum, quorum auctoritate res gerebatur, praeficitur Reipublicae Scribis erudiendis, cum ei stipendium C. aureorum publice praeberetur (c); quo in munere postmodum successit THYLESIO Jovita.

(a) Historiam Direptionis Urbis sub Clemente VII. habes a Francisco Guicciardinio, Jacobo Bonaparte, aliisque non vulgaris notae historicis scriptam; sed omnium diligentissimam a Leonardo Antonio Sanctorio Casertano nostro, italo sermone exaratam MStam nos adservamus, utinam edendam.

(b) pag. 228.

(c) JOH. BAPTISTA EGNATIUS (*Epistola ad Romulum Amasaeum inter Epistol. Cl. Virorum pag. 103. Venetiis 1556. 8°*). Quod, ut re intelligas ipsa, conditionem tibi honestissimam, & quam optare votis etiam debeas offero. In THYLESII nostri locum, viri sane & egregie litterati, & certe plus boni quam ut haec ferant tempora, cupio te adsciscere. Capias ex industria tua centena quinquage-

ta Rapicius Brixianus (a). Supra ceteros discipulos, quos Venetiis habuit, Benedictus Rhambertus oratoris studiis clarissimus a nobis est perhibendus. Anno vero MDCCCXIX. rei familiaris causa iter in patriam suscepit, & vix quadragesimo postquam conscendit die ad suos pervenit fere naufragus (b). Consentiae longius immorantem Collegae ejus crebrioribus litteris interpellabant, ut quamcitissime Venetias remigraret; cumque in aliquot menses reditum distulisset, vix ac ne vix quidem moram patiebantur; orta namque suspicio erat, fuisse THYLESIUM alibi invitatum ad litteras profitendas: hinc ille in epistola (c) ad Benedictum Rhambertum amicos orat obtestaturque, ne eum mutatae voluntatis arguerent, & alii litteris (d) ad eundem, ait, se non modo Ragusinis, qui aureis CC. bis eum publico decreto arcefferant, & Mediolanensibus id negasse, verum patriae

na annua: idque *ἀποτί φασί*, nam pomeridianis horis duabus ad summum praelegendum tibi nostris Scribis, bonarum artium ut nec ignaris, sic plane sitientibus, sentientibusque fructum in his maximum esse repositum; quod ad profectum mirum in modum facit. THILESIUS centena tamen meruit; tu quinquagena insuper referes mea commendatione.

(a) ANGELUS MARIA QUIRINUS S. R. E. Cardinalis (*de Litteratura Brixiana vol. II. pag. 93. Brixiae 1739. 4^o*). Eo itaque munere apud Venetos Scribas ex Xuiralis Consilii auctoritate functus fuerat Rapicius, quod Baptistam Egnatium Romulo Amasaco obtulisse jam vidimus, quodque rescribens ei Romulus *Thilesianam* conditionem vocavit, quoniam ANTONIO THILESEO qui munus idem obibat, suaeque in Calabriam protectione dimisisse videbatur, successor quaerebatur.

(b) pag. 230.

(c) pag. 231.

(d) pag. 233.

triae ipsi, & urbi florentissimae Neapoli (a); alibi-
que testatur eo animo Venetias remigraturum, ut
ibi reliquum omne aetatis suae tempus tranquille
cum amicis duceret (b). At mors ex transverso in-
currens in tumulum urget: circa annum namque
c1c10xxxiii (c) in patria decessit annos natus plus
minus L. supra L. Sepultus est in Cathedrali Ec-
clesia, gentilitio in conditorio. Vitam tamen diutur-
niorem, nullisque unquam temporis injuriis obno-
xiam vivent ejus Scripta elegantissima, pauca quidem,
si spectentur numero, sed quorum paucitatem apud
aequos judices candor, puritas, ceteraeque dicendi vir-
tutes abunde compensare possint. Quid enim omni
ex parte perfectius ejus Tragoedia? in ea sic ipsa ser-
monis elegancia, dicendique puritas, sic passim ser-
vata gravitas, sententiarumque splendor ubique elu-
cent, ut cum antiquitate ipsa certare videatur. Quid
porro ejus Carminibus limatius, vel argumenti no-
vitate amabilius? Quid ejus Libellis de Coronis, &
de Coloribus, aut copiosius, aut elegantius? Cete-
ras ANTONII THYLESII laudes vere immortales con-
sulto praeterrittam, eo quod illas, selecta doctorum
virosum de eo, quae sequuntur testimonia, abunde
praedicabunt.

b

AN-

(a) SAMBLASIUS [*Ragguaglio. pag. 200.*] addit. ANTONIO
TILESIO *fu chiamato da Carlo V. per ammaestrare Filippo*
II. Sed, cum de hoc nulla heic mentio, merito SAMBLA-
SIUM sublestae fidei arguit SPIRITEUS [*Memorie. pag. 40.*]

(b) pag. 228.

(c) JOH. ANTONIUS PANDOSIUS [*de Coena Domini. Romae*
1534. fol.] in epistola dedicatoria ad Petrum Antonium San-
severinum, data Kal. Juniis ejusdem anni c1c10xxxiv. cum
complures Consentinos nominasset, subdit. *Et ex oculis*
nostris nuper ablatum THYLESIUM...

IMBER AUREUS. Tragoedia. *Venetis*. MDXXIX. opera Bernardini Vitalis cum privilegio. 4°. In hac editione post Fabulae argumentum, subjiciuntur haec.

Ex hac igitur re Antonius Thyleſius Conſentinus Tragoediam, quae Imber Aureus inſcribitur concinnavit, ubi mixtus ſunt varii, querelae, ſectus, minae, atque etiam pugnae caeſeſque, quae omnia paſſim illuſtrata ſunt ſententiarum ac verborum ſplendore, ſic ut Tragoedia, quo genere poematis nihil gravius auditur, Latine videatur loqui non indecenter. Puto non injucundum erit ingenioſis, & eruditis hominibus rem cognoscere a Thyleſio per ocium diligenter compoſitam.

Norembergae. MDXXX. apud Fridericum Peypus, cum Praefatione Laeli Aleandri, quam recudendam curavimus. 8°.

Baſileae. MDXLV. apud Johannem Oporinum cum aliquot Poëmatiis, libellis de Coronis, & de Coloribus. 8°.

Antwerpiae. MDXLVI. in aedibus Johannis Steelfii, cum aliis Opusculis. 8°.

POEMATATA. Romae anno MDXXIII. mense majo in aedibus F. Minitii Calvi. 4°. Hujus editionis exemplar pergamena charta impreſſum eſt apud nos.

ARANEOLA, & CICINDELA. *Venetis* MDXXVIII. opera Bernardini Vitalis, cum libello de Coloribus. 4°.

Pariſiis. MDXXIX. apud Simonem Colin. cum Hier. Vidae Lud. Scacch. 8°.

Hanoviae. MDCXIX. in Amphith. Sapientiae &c. Gaſparis Dornavii.

CYCLOPS & GALATEA. *Tiguri* anno MDXXXI. ex aedibus Chriſtophori Froſchoweri, cum hac praefatione. 8°.

Tigurinae Juventuti S. Quum novam Antonii Thyleſii viri doctiſſimi Tragoediam, quae Imber Aureus inſcribitur tam avidè amplexi ſiſis, ut eam etiam magnifice feliciterque frequentiſſimo in Theatro arte ſcenica egeriſis, ubi Graecos, & Latinas ſubinde Fabulae non ſine laude ludicis, arbitror equidem me vobis rem gratam, omnibuſque Poëticæ ſtudioſis ſaturum; ſi ejuſdem Thyleſii Poëmata Cyclops, & Galatea typis excuderem. Sed & alia Thyleſii noſtri Poëmata, quae apud nos adhuc latent expectare, & valete. *Tiguri* XII. die Martii Anno MDXXXI.

DE CORONIS. Romae MDXXV. mense Februario apud F. Minitium Calvum. 4°. Co-

Coloniae. MDXXXI. 8°.

Basileae. MDXLV. apud Johannem Oporinum. 8°.

DE COLORIBUS. *Venetiis*. MDXXVIII. opera Bernardini Vitalis. 4°.

Parisis. MDXLIX. apud Christoph. Wechelium, cum Pauli Aeginetae de Crisi &c. 8°.

Basileae. MDXLV. apud Johannem Oporinum, cum libello de Coronis. 8°.

Parisis. MDXLVI. apud Christoph. Wechelium. 8°.

ibidem. MDXLVIII. apud Gazel., cum Aristotelis, vel Theophrasti de Coloribus, & Actuarii de Urinis. 8°.

Basileae. MDXXXVII. apud Hier. Frobenium, cum Lazari Bayphii de Re Navali &c. cum hac praefatione 4°.

Cum permulta, LeSor, a Bayphio in Libello de Re Navali, & Venetaria, potuissent dici, quae ad Colorum varietatem cognoscendam viderentur apprimè esse necessaria: ne tamen id a sua diligentia requireres, quod ab alio tractatum jam fuerat, & elegantissime explicatum; maluit vir prudens, suaeque utilitati aman- tissimus auctorem ipsum, a quo haec copiose desumas his libellis subnectere, quam ipsemet desumpsisse, & suis scriptis inseruisse: ne videretur bonum auctorem propria dignitate ac laude spoliare velle. Qui animus utinam permittis idem esses, a quibus quotidie novi, nescio quid, prodit. Scirent certe omnes quarum verum quisque verus esset inventor; quis honor, quoque gloria eis esset tribuenda, qui suis scriptis studiosorum laborem magnopere sublevarent. Vale.

ibidem. MDXLL. apud Nicolaum Episcopium. 4°.

Lutetiae. MDXLIX. apud Robertum Stephanum. 4°.

& som. IX. Thesauri Gronovii.

ORATIO in funere Joh. Jacobi Trivultii. *Mediolani*. MDXIX. mense Februarii per Augustinum de Vicemercato. 4°.

IN OEDIS HORATII FLACCI AUSPICIA ad Juventutem Romanam, sine temporis, vel typographi notatione, sed uti videtur *Romae* apud F. Minitium Calvum. 4°.

Venetiis. MDLIX. apud Joh. Mariam Bonellum, cum Horatii Operibus variorum notis illustratis. fol.

EPISTOLA ad Alexandrum Cacciam Florentinum ob Clemenis VII. Pontificatum Maximum. *Romae*. MDXXXIII. 4°.

EPISTOLAE IV. *Venetiis*. MDLVI. apud Paulum Manutium A. F. cum epistolis Cl. Virorum. 8°.

ibidem. MDLXVIII. ex Typographia Domini Guerci. 8°.

Coloniae Agrippinae. MDLXXXVI. apud Johannem Gymnicum. 8°.

EPITAPHIA HEROICA.

Thylesius ipse (de Coronis) Ad hoc ipse respexi cum de Achille loquerer in *Heroicis Epitaphiis*, quae plurima singulis jampridem lasi Carminibus.

THETIS, CHARITES vel FRAGA, & PROMETHEUS.

Gesnerus (Bibliotheca) Habet praeterea D. Rhodulphus Collinus noster Idyllia, sive poematia sex hujus auctoris (*Antonii*), videlicet *Aeneam*, *Lucernam*, *Thetyn*, *Charites* vel *Fraga*, *Arundinem*, & *Prometheum*.

ex his Aeneas, Lucerna, & Arundo supersunt.

DE ORTU ARCHINTORUM.

Simlerus, & Frisius (ad Gesneri Biblioth.) Scripsit etiam (*Thylesius*) Carmine de *Ortu Archintorum*.

PHAENIX.

Quadrimanus (Lettere) La *Fenice* del *Telezio* è una delle più belle Composizioni. *Ad haec Matthaeus Aegyptius*. La *Fenice* di *Antonio Telezio* noi non l'abbiamo fra le altre sue Opere stampate.

Phaenicem italice vertit *Franciscus Baro. Quadrim. (ibid.)* Anzi mi scrive, che fra due o tre poste m' invierà (*Francesco Barone*) la traduzione della *Fenice*.

RHODOS.

Idem (Istoria di Cosenza MS.) *Antonio Telezio* in un suo Poema intitolato *Rhodos*

THEOCRITI SYRINGIS Latina Versio.

Lilius Gregorius Gyraldus (Historia Deor. Syntag. XV.) Extat apud Theocritum Panos Fistula miro carminum artificio confecta, & aenigmati pene par. Exposita est ab *Johanne Pediasimo Cartophilace*, quam etiam in Latinum convertit non infeliciter amicus meus *Antonius Thilesius*.

Fortunius Licetus (Ad Syringam Theocriti) Versionem autem *Antonii Thilesii*, quam non infelicem laudat *Gyraldus* videre mihi non licuit.

GRAMMATICA.

Ziliolius (Ist. de' Poeti Ital. MS.) *Antonio Tilezio* ... fece un Trattato di *Gramatica* con bellissimo ordine.

EPISTOLARUM libri II.

Qua-

Quadrimanus (degli *Uomini illustri Cosentini MS.*) *An-
sonio Telezio* . . . scrisse due libri di *Epistole*, che non
sono date ancora fuori.

ANNOTATIONES in Horatium, Virgilium, Juvenalem, M.
Tullii Philippicas, & Svetonii Vitas.

Idem (*ibid.*) Ma alcune brevi *Sposizioni*, ch' egli fa
sopra Orazio, Vergilio, Giovenale, e sopra le Filip-
piche di M. Tullio, e le XII. Vite di Svetonio.

77 U.S. 101 (1869)

ALZHEIMER'S DISEASE

1. *Phragmites australis* (Cav.) Trin. ex Steud.

191

123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000

2000 年 12 月 20 日

[illegible]

... ..

Journal of Interpersonal Violence 20(1) 7-26
© The Author(s) 2005
DOI: 10.1177/0886260505279001

[illegible]

7. (1984) *Journal of the American Statistical Association*, 79, 1001-1011.

XXIII

S E L E C T A
DOCTORUM VIRORUM
DE ANTONIO THYLESIO

Ejusque Scriptis
T E S T I M O N I A

P A U L L U S J O V I U S

Elogia Virorum litteris Illustrum . Basileae 1577. fol.

ANTONIUS TILESIIUS. Hic varia tenuique materia, & minuto semper lemmate delectatus, non ignobilis Poëtae nomen tulit, quum in parvis singularis, & plane conspicuus esse mallet, quam in grandi charactere, veluti unus de populo in turba tot vatum trita, & centies repetita canentium, mediocris, & obscurus. Descripsit enim lepide, & diligenter nonnulla curta Poëmata inexpectati, ac ideo festivi semper argumenti; & in his Zonarium Reticulum, quo Sacerdotum serica crumena suspenditur: Fictilemque Lucernam, tantum sibi olei dum Musas coleret, exorbentem: & lucentem noctu volucrem Cicindelam, puerorum lufibus opportunam. Reliquit & Tragoediam, in qua Danaëm sub Aurei Imbris nomine, cum multo sententiarum, verborumque splendore expressisse judicatur: ac item breves Libellos de Coronis, atque Coloribus Grammaticis, rei novitate gratissimos. At Romae in Gymnasio Horatium comiter, & tenere professus sacerdotium a Giberto promeruit, effugitque cladem Urbis, ut in patria non plane senex interiret.

L I L I U S G R E G O R I U S .

*Pauca millia versuum, THYLESI,
Te, nec fallimur, edidisse constat:
Vives millia multa saeculorum;
Et gratas neget esse quis Camoenas?*

L I L I U S G R E G O R I U S G Y R A L D U S

*Historia Deorum Syntagm. XV. Lugduni Batav.
1696. fol.*

EXtat apud Theocritum Panos Fistula, miro carminum artificio confecta, quae obscurissima cum sit, & aenigmati pene par, exposita est ab Johanne Pediasimo Chartophylace, quam etiam in Latinum convertit non infeliciter amicus meus ANTONIUS THYLESIUS.

I D E M

Dialogus I. de Poëtis suorum temporum. Ibidem.

VIdimus & ANTONII THYLESII Carmina, etsi pressa illa quidem, erudita tamen, nec sine cultu.

JOHANNES BAPTISTA EGNATIUS

Epistola ad Romulum Amasacum, inter Epistolas Clarorum Virorum. Venetiis 1556. 8°.

IN THYLESII nostri locum viri sane & egregie litterati, & certe plus boni, quam haec ferant tempora, cupio te adflescere.

JOHANNES MATTHAEUS TOSCANUS

Peplus Italiae lib. II. num. CIII. Parisiis 1576. 8°.

SUAS THYLESIUS *minutiore*
Musas lemmate, sed novo, & faceta
Sic exercuit, ut decus Poëtae
Ferat perlepidi, ac perelegantis.
Sic Natus Veneris, vel Adriani 5
Puer, quos animavit arte caelum
Longe plus oculos tenent peritos,
Quam molefve gigantis in venusta,
Dolufve manu rudi colossus:
Hoc & THYLESIUS videbat, unde 10
Ducit pulchrius esse, judicetur
Si, dum parva canit, Poëta magnus,
Quam si magnā canens Poëta parvus.

THYLESIUS Consentinus in tenui materia semper versatus egregii Poëtae nomen meruit. Extant ejus Poëmata, quae Clemente VII. P. M. publicavit.

MATTHAEUS BANDELLIUS

Novelle par. III. In Londra 1740. 4.^o Lettera a Monsignor Gloriero.

DOpochè un dì nel Convento delle Grazie di Milano in compagnia del dotto M. Stefano Negro, di M. Valtero Corbetta, uomo nell' una, e nell' altra lingua erudito, e (se mal non mi sovviene) credo che ci fosse anche M. ANTONIO TILESIO... de' Commentarj delle Lezioni Antiche di M. Celio Rodigino a lungo ragionammo.

LEANDER ALBERTUS

Descrizione d' Italia. In Bologna 1550. fol.

PRodusse anco (*Cosenza*) Giovanpaolo Parrasio ornato di Lettere Greche, e Latine con ANTONIO TILESIO, Giovanni Crasso....

JOHANNES ANTONIUS PANDOSIUS

De Coena Domini. Epistola dedicatoria ad Petrum Antonium Sanseverinum. Romae 1534. fol.

E Quibus (*Consentinis*) ne omnes recenseamus, nostra aetas Parrasium in primis est admirata, rerum gravitate, & dicendi copia nemini suae aetatis inferiorem, & ex oculis nostris nuper ablatum ANTONIUM THYLESIUM, & carmine, & oratione

tionem insignem, ac nemini secundum, & utrumque in utraque lingua præstantem, qui ambo immatura morte intercepti complures studiorum suorum labores imperfectos reliquerunt.

JACOBUS AUGUSTUS THUANUS

*Historiarum lib. LXXXIX. ad ann. CIO IO LXXXVIII.
t. IV. edit. 1626. fol.*

Octobri ineunte Consentiae, quæ illi patria erat in Calabria ultimum diem clausit Bernardinus Telefus, qui ANTONIUM patrum habuit philosophicis studiis celeberrimum, ab eoque Mediolani institutus.

ANTONIUS TEISSIERIUS

*Eloges des Hommes Sçavans. t. II. A Utrecht
1697. 8°.*

ANTOINE TEISSIO son oncle (du Bernardin) étoit aussi un homme d'un grand sçavoir, & il a donné au public plusieurs ouvrages en prose, & en vers.

GABRIEL BARRIUS

*De Antiquitate, & Situ Calabriae lib. II. cap. VII.
Romae 1737. fol.*

Fuit & ANTONIUS TELESIIUS vir impen-
sè eruditus.

THOMAS ACETUS

Adnotationes ad Barrium . Ibid.

ANTONIUS TELESIIUS patruus , & magister
Bernardini , Philosophus , Orator , & Poëta cele-
berrimus .

SERTORIUS QUADRIMANUS

*Lettere lib. I. lett. XIII. a Francesco Barone . In
Napoli 1714. 8°.*

LA Fenice del TELESIO è una delle più belle
composizioni , che possa farsi in questo soggetto,
e gareggia colle prime degli antichi Avrà V.S.
con questa un' altro Poema dell' istesso TELESIO
intitolato da lui *Orpheus* , il quale è così dotto , e
così maraviglioso , ch' egli medesimo vi scrivesse sopra
hoc imprimatur omnino . Veggialo con diligenza , che
il giudicherà tale , quale è stato giudicato dagli altri.

IDEM

I D E M

Lettere lib. I. lett. xx. a Giovanvincenzo Egidii.

M Ando a V. S. una composizione del Signor ANTONIO TELESIO intitolata da lui *Uranos*, e fatta sopra un viaggio, che fece un Signore de i primi di Milano a Napoli, che fu grande amico del TELESIO, e se non fusse morto ne i primi anni della sua giovinezza l'avrebbe arricchito. Il Poema è tanto vago, così puro, e dolce, e grande, che non si potrebbe far migliore dall'istesso Virgilio. Procacciarò l'altre composizioni dell'istesso autore, poiche ella tanto dimostra averle care, e le manderò subito.

I D E M

Istoria di Cosenza MS. Apud nos.

S I accenna da ANTONIO TELESIO nostro Cittadino, e Poeta così chiaro, e di tanto pregio, che non cede punto agli antichi in un suo Poema intitolato *Rbodos*, ch'io non metto perche è alquanto lunghetto.

I D E M

Degli Uomini illustri Cosentini MS. Apud nos.

A NTONIO TELESIO ebbe molte lettere, e molto riposte, e fu uno de' più puliti Scrittori

ri del suo tempo . Lesse anche nella sua giovinezza in Milano con molto applauso di tutta quella Nobiltà , e poi in Roma , e andavano spesso ad udirlo Cardinali , e altri gran personaggi . Scrisse un libro de' Colori, ed un' altro delle Corone in prosa , e due libri di Epistole , che non sono ancora date fuori con uno stile niente lontano dal dire di Cicerone , e di Cesare . Ma alcune brevi Spofizioni ch' egli fa sopra Orazio , e Vergilio , e Giovenale , e sopra le Filippiche di Marco Tullio , è le XII. Vite di Svetonio, non so io perchè sieno tenute nascoste con tanto danno degli studiosi di belle lettere : e sono in vero cose da metter maraviglia a chiunque ha vaghezza di sì fatte leggiadrie ; poichè non dice se non cose risposte, e scioglie i nodi, e le malagevolezze , che in questi autori s' incontrano, e ciò fa con tante poche parole, che par che contenda di brevità con gli stessi autori, che ha impreso a dichiarare.

FRANCISCUS SANSOVINIUS

*Istoria delle Famiglie illustri d' Italia . In Venezia
1609. 4°.*

ANTONIO TILESIO Cosentino nell' Orazione ch' egli disse l' anno 1518. per la morte di Gianja-
como Trivulci , afferma che questa Famiglia discese
di Borgogna in Italia da un Castello chiamato Trivulcio ne' tempi di Diocleziano Imperadore.

AUCTOR

A U C T O R

Libelli de Rebus Consentinis MS. , qui sub nomine Bernardini Martyrani circumfertur . Apud nos .

INter hos (*Telesios*) eminet ANTONIUS TILESIIUS junior , qui nuper e vivis excessit , cujus fama ad exterar quoque nationes permeavit non sine etiam nostrae Civitatis gloria , quam vir ille praeclarissimus illustriorem ingenii sui monumentis reddidit .

JOHANNES PAULLUS DE AQUINO

Orazione in morte di Bernardino Telesio . In Cosenza 1596. 4°.

CHe dirò di ANTONIO TELESIO zio di questo , il quale scrisse così candidamente , che i Letterati Germani dicono , che parla con la lingua di Plauto , e di Cicerone ; e diffuse la sua dottrina per tutti gli Studj d'Italia

HIERONYMUS SAMBLASIUS

Ragguaglio di Cosenza , e di XXXI. sue Nobili Famiglie . In Napoli 1639. 4°.

RIsplende parimente in questa schiatta (*de' Tilesii*) un' altro ANTONIO eminentissimo in tutte

tutte le scienze , e nella nostra passata età molto chiaro e famoso .

ALEXANDER ZILIOLIUS

*Istoria de' Poeti Italiani MS. Cujus autographon
adservatur in Biblioth. Angelica Aprosiana .*

Cosenza Città nobile di Calabria ha prodotto ANTONIO TILESIO , il quale in Roma ne' tempi di Clemente VII. fu in concetto di buon Letterato , ed ebbe il carico di leggere i Poeti Latini nelle pubbliche scuole di quella Città favorito da Matteo Giberti allora Datario , e che fu poi Vescovo di Verona . Scrisse egli diverse Poesie , ma tutte burleschi e facete , eccettuata una Tragedia intitolata Pioggia d'Oro , e fece un Trattato di Gramatica con bellissimo ordine . Morì nella patria di assai fresca età , dove s'era ricoverato fuggendo da Roma in quel tempo , che fu' dagli eserciti di Carlo V. miseramente saccheggiata , lasciando erede delle sue sostanze , e della virtù insieme Bernardino Tilesio , che nacque d'un suo fratello , il quale . . .

HIERONYMUS MARAFIOTUS

*Croniche, ed Antichità di Calabria. In Padua
1601. 4°.*

E Stato cittadino Cosentino ANTONIO TELESIO uomo molto dotto, che scrisse . . .

NICOLAUS TOPPIUS

Biblioteca Napolitana. In Napoli 1678. fol.

ANTONIO TELESIO gentiluomo di Cosenza
Oratore, e Poeta celebre.

NICOLAUS AMENTA

*Vita di Monsig. Scipione Pasquale. In Vinegia
1703. 8°.*

IL celebratissimo ANTONIO TELESIO da allorarsi ragionevolmente tra quei, che fiorirono nel fortunato secolo di Ottaviano Augusto, non che tra gli antichi Latini.

I D E M

Rapporti di Parnaso . In Napoli 1710. 4°.

PERCHÈ ANTONIO TELESIO fra l'altre Opere degne d' immortal memoria , compose un Trattato de' Colori.

JANUS VINCENTIUS GRAVINA

Epistola ad J. Gabrielem Reginerium , inter Opuscula . Trajecti ad Rhenum 1713. 8°.

POËtarum autem veterum splendor , vis , ubertas , & artificium in nostris hominibus ita revixit , ut secundum Virgilium , Catullum , Horatium , eosque omnes , qui aurea , quam vocant aetate , concluduntur , collocandi merito sint Sannazarius , Fracastorius , Capycius , Rota , Cotta , Vida , ANTONIUS TELESIIUS , ejusque civis Martyranus , Navagerius , Castalio , Flaminius , Pontanus

JOSEPH CARAFA

De Gymnasio Romano lib. II. cap. I. Romae 1751. 4°.

ANTONIUS TELESIIUS Consentinus excelluit gloria Oratoriae artis , atque Poëticae in Romano Gymnasio .

SAL-

SALVATOR SPIRITEUS

*Memorie degli Scrittori Cosentini . In Napoli
1750. 4°.*

ANTONIO TELESIO. Questi che nella memoria degli uomini vive, e viverà mai sempre annoverato tra' più colti, e puri Scrittori Latini del secolo XV. nacque in Cosenza il 1482. traendo i natali dalla nobile altrove mentovata famiglia de' Telesj. Datosi egli con fervore a coltivare le buone Lettere, ed allo studio della Greca, e Latina eloquenza uno de' più chiari Poeti, ed Oratori divenne de' tempi suoi Scrisse così nel misurato, che nello sciolto sermone con egual maestà e leggiadria. E volle anzi sopra soggetti umili, ed in cose picciole rendersi singolare, che riandando le materie già trattate, e viete, mescersi con la schiera di coloro, che non fanno altro fare, che con poco sano discernimento degli altrui concetti investirsi

JOHANNES BERNARDINUS TAFURIUS

*Istoria degli Scrittori nati nel Regno t. I. p. II.
In Napoli 1750. 8°.*

ANTONIO TELESIO illustre non meno per nascita, che per sapere, uscì d' una famiglia nobile della Città di Cosenza, e benemerita al sommo delle buone Lettere. Sin da giovine applicò l' animo suo allo studio dell' Eloquenza, ed al purgato scrivere Latino, nel quale in breve tempo fece tanto profitto, che comunemente fu reputato per uno de'

de' più saggi Oratori , e de' più purgati Scrittori Latini dell' età sua , la quale sopra d' ogni altra ne fu abbondante e copiosa .

GERARDUS DE ANGELIS

Prose par. II. In Napoli 1758. 8°.

SOL riguardo a' Tragedi , in leggendosi fra l' Opere del maggior TELESIO la sua Latina Pioggia d' Oro , ove , oltre la bella e casta locuzione , si ammira la prudentissima , ed artificiosa economia della Favola , e la decente sentenza , che naturalmente spiega i proprij e convenevoli costumi delle persone ; chi non leggerà manifesto , che ne sia ritornata una di quelle perdute già de' politissimi Antichi , il cui luogo , a torto , secondochè il Gravina scrisse , occupò Seneca , privo del candor puro Latino , ed usante declamatoria favella ?

Praeter hos de ANTONIO THYLESIO me-
minerunt

- SALERNUS (*Sylvae*)
 GESNERUS (*Bibliotheca*)
 SIMLERUS, & FRISIUS (*Ad Gesneri Biblioth.*)
 KONINGIUS (*Biblioth.*)
 WANDER-LINDEN (*de Scriptis Medicis*)
 SPERA (*de Nobilit. Profess. Grammat.*)
 NICODEMI (*Giunte a Toppi*)
 AUCTORES (*Geographiae Blawianae*)
 MERULA (*Cosmographia*)
 NICERON (*Memories*)
 MAITTAIRE (*Annales Typographici*)
 CASTILIONEUS MAURELLUS (*de Patric. Consent.
Nobil.*)
 DE AMATO (*Pantopologia*)
 MORERI (*Dictionaire*)
 LOTTERIUS (*Vita Bernardini Telefii*)
 EGIZIO (*Vita di Quattromani*)
 Aliique .

XXXVIII

PAULLI MOCCIAE

Graecarum Latinarumque litterarum in Regio Ephæbo
Professoris

a d

FRANCISCUM DANIELEM

EPISTOLA.

FRANCISCO DANIELI

JUVENI PERILLUSTRI

PAULLUS MOCCIA

Χαίρειν καὶ εὐπράττειν.

EN tandem divino prorsus consilio factum est, ut, quae invidum sane, rerumque omnium edax tempus tamdiu hominum genus celaverat, densisque tenebris circumsepta tantum non absumserat, hoc fortunatissimo seculo, ab interitu vindicata, publicam in lucem prodirent. Ad CC. annos & amplius, clarissimi ANTONII TELESII quantivis pretii Opera delituerant, situque paene corrupta marcuerant; & quod caput est, nulla affulgebat specula fore, ut e tenebris emergerent, squaloreque deterso hominum conspectum, lucemque intuerentur. Quodque desperatum profecto, atque conclamatum opus videbatur; illud, te uno, quali quantoque juvene! accurante, & expeditum est celerrime, atque ad exitum perductum quam felicissime. Ipse enim nulli pepercisti labori, nullas non exhaussisti difficultates, nihilque tandem intentatum reliquisti, quo omnia penitus laudati Auctoris Opera undique diligenter conquistæ corraderes, inque unum coacta volumen promulgares. *Quantura*

tum vero operae pretium feceris, quamque fructuose operam collocaveris tuam, is haud dubie intelliget, qui vel defunctorie tanti viri, tamque praeclare de litteraria republica meriti divinas lucubrationes percurrerit. Tot quidem, tantisque abundant ingenitis bonis, iisque in oculis nulli non incurrentibus, ut quid prius mirere, quidve posterius, ambigas oporteat. Tanta enim se prodit elegantia, puritas, nitor, tantaeque enitent veneres, ubi profusa utitur oratione, ut nihil cultius, nihilque ornatius opsari posse videatur. Quod si ad ea, quae metro adstricta scripsit, oculos, animumque converteris, mirum profecto erit, si tibi constiteris. Jam ad ea te derепente tempora, nescio quam occultata vi, impetuque pertractum, ac sensim sine sensu translatum intelliges, quae Landinum Vatem, Venusinumque Alumnum tulerunt. Absit vero, ut isthaec inter paradoxa amandentur. Siquidem ANTONII TELESII elegantissima juxta atque purissima Poëmatia ita Achillis Statii, ac postea Josephi Scaligeri (proh quam emunctae naris viros, quamque sagaces!) oculos praestrinxerunt, ut illa tanquam diu, seu temporum injuria, sive hominum inertia atque incuria, tenebris conspulta, demumque eruta, atque vitalis lucis usura iterum donata, jure postliminii Cassio Parmensi vindicaverint. Neque σφάλμα τὸτο ἀναρχοποιήσιν detectum patuisset, nisi ipsemet Sertorius Quadrimanus, qui Achilli Statio imposuerat, sive dedita opera, sive imprudens in quadam epistola ad Franciscum Baronem, qui tum in philologis facile primas ferebat, quae inferne posuimus (†), scripsisset.

(†) QUATTROMANI (Lettere lib. I. lett. XIII.) avrà V. S. con questa un' altro Poema dell' istesso TELESIO intitolato da lui Orpheus, il quale è così dotto, e così maraviglioso, ch' egli medesimo vi scrisse sopra: hoc imprimatur omnino. Veggialo con diligenza, che il giudicherà tale, quale è stato giudicato dagli altri.

XL PAULLI MOCCIAE EPISTOLA.

set. At enim cui hoc acceptum referendum est? Incomparabili profecto tuae industriae, atque ἀναμύτην ἀρχαιολογίας studio, quod paene una cum ipso lacte hausisse videris. Jam vero, ut omnia omnibus numeris absolveres, operique feliciter incepto, atque ad umbilicum laudabiliter perducto coronidem imponeres, quae ceteri sparsim, pro re nata, atque aliud agendo de ANTONIO TELE-SIO litteris consignata reliquerunt, ea Tu, tanquam Absyrti dissecta membra naviter colligens ita affabre compegisti, ut uno prorsus tenore, continentique serie, atque ab uno eodemque auctore profecta & exarata esse videantur. Prob quale, & quam versatile ingenium! Ecquid enim, amabo, est tam retrusum, quod non luce meridiana clarius reddis? quid tam a vulgari cognitione remotum, quod non ita facile assequeris, tanquam si de trivio, nulloque labore peteretur? Postremo ne longus sim, omnibus his unum tantummodo addam, quod nemo ni fallor negaverit, nimirum te ita purum putumque aureorum Scriptorum dicendi genus probe callere, ut nativo puritatis candore atque elegantia, quaecumque publici juris fecisti, se commendare videantur. Haec me neque assentandi cupiditate, neque veritatis infuscandae gratia scripsisse; sed tantum ut quae sentiebam ingenue aperirem, neminem omnino fore confido, qui inficias sit iturus. Jampridem animis omnium, quibus cor sapit, ac palatum, ista insedit opinio, te supra tenerae aetatis vires, ea istud aetatae edidisse ingenii experimenta, quae nonnisi a consummatæ litteraturae viro, eoque subacti ingenii expectari posse videbantur. Qua de re te etiam, atque etiam oro obtestorque, ut haec qualia ea cunque sunt, aequi bonique consulas, tibi que persuadeas me tibi, tuaeque famae tantum esse ad dictum, quam qui maxime. Quod si feceris, uti non despero te facturum, me tibi beneficii memoria devincies sempiterna. Marcionem Salvatorem Spiritum, virum omniugena, qua ad miraculum usque excolitur, eruditione, hujusce seculi lumen ac ornamentum, cujus quotidianae con-

PAULLI MOCCIAE EPISTOLA. XLI

*consuetudini tantum debes, ut, quidquid est, te illius
ope affecutum non injuria prae te feras, a me si pluri-
mum salvere jusseris, per mibi gratum facies. Vale.*

Ex Aedibus Regii Ephebei Kalendis Martiis

CIDIOCCCLXII.

Adm. Rev. P. Gerardus de Angelis ex Minimorum Familia revident., & in scriptis referat.

Datum Neapoli 10. Septembris 1762.

PHILIPPUS EPISCOPUS ALLIFANUS VIC. GEN.

JOSEPH SPARANUS CAN. DEP.

EMINENTISSIME PRINCEPS.

ANTONII THYLESII Consentini Opera, immortalitate digna, litterarum quodam fato, jamdudum situ & squalore oblita in tenebris jacuere; nunc vero habenda gratia est *Francisco Danieli*, adolescenti optimo, egregio; qui accuratius illa recognovit, typisque nitidissimis edi curavit: & quo nihil ad THYLESII solidam laudem deesset, illius Vitam, & Studia litterarum singulari diligentia, eleganterque descripsit. Quae quidem quum non sine voluptate perlegissem, nec quicquam offendissem, quod Christianis institutionibus, aut bonis moribus adversaretur, digna censeo, quae publico bono in lucem prodeant.

Ex Aedibus S. Mariae Stellae XI. Kal. Octobris
C1762CCLXI.

Eminentiae Tuae

Devotissimus, atque obsequentissimus
F. Gerardus de Angelis ex Minimorum Familia.

Attenta relatione Domini Revisoris, imprimatur. Datum Neapoli 20. Septembris 1762.

PHILIPPUS EPISCOPUS ALLIF. V. G.

JOSEPH SPARANUS C. D.

*Adm. Rev. P. D. Cajetanus Maria Capece ex Clericor.
Regul. Theat. Familia, & in hac Regia Studiorum Univer-
sitate Professor reveideat, & in scriptis referat. Datum Nea-
poli die 2. Januarii 1761.*

NICOLAUS DE ROSA EPISC. PUTEOL. CAPP. MA.

S. R. M.

Opuscula Clarorum virorum, praesertim Nobilium Re-
gni nostri, ne depereant, nobis satagendum omnino est:
ea sunt veluti gemmulae quaedam pretiosissimae auro com-
mistae. Laudanda igitur illorum industria, qui ea diligen-
tissime conquesta in clariorem lucem proferre curant: pro-
bandaque maximopere nunc est solertia perquam eruditi Ju-
venis *Frantisci Danielis*, qui expiscatis undique Cl. vi-
ri **ANTONII THYLESII** Patricii Consentini sparsim editis
Opusculis, novam eorum, atque integram curat editionem;
de suo addens Auctoris Vitam elegantissime scriptam. Quae
omnia cum sedulo legissem, nec quidquam offendssem,
quod juribus Majestatis vel minime adversaretur, in publi-
cum emitti posse censeo, si Tua auctoritas accedat.

Ex Aedibus SS. Apostolorum XV. Kal. Februarii
MDCCCLXI.

Majestati Tuae

Additissimus Subditus

Cajetanus Maria Capycius C. R. T. Ethicae Professor.

Die 30. Martii 1761. Neapoli.

Viso rescripto suae Regiae Majestatis sub die 18. currentis
mensis, & anni, ac relatione Rev. D. Cajetani Cape-
ce de commissione Rev. Regii Cappellani Majoris, ordine
praefatae Regiae Majestatis.

Regalis Camera S. Clarae providet, decernit, atque man-
dat, quod imprimatur cum inserta forma Approbationis Rev.
Revisoris; verum in publicatione servetur Regia Pragmati-
ca. Hoc suum.

FRAOGIANNI. GAETA. ROMANUS. SCASSA.

*Illustris Marchio Danza Praeses S. R. C. tempore sub-
scriptionis impeditus.*

Reg. fol. 91.

Carulli.

Athanasius.

ERRATA : CORRECTIONES

Pag. 4. vers. 1.	<i>exponet</i>	<i>exponit</i>
p. 27. v. 21.	<i>pelues</i>	<i>pelues</i>
p. 50. v. 21.	<i>cermen</i>	<i>carmen</i>
p. 51. v. 5.	<i>quin</i>	<i>quin</i>
p. 75. v. 28.	<i>anceps</i>	<i>auceps</i>
p. 80. v. 11.	<i>mentivagis</i>	<i>montivagis</i>
p. 131. v. 10.	<i>pegno</i>	<i>segno</i>
p. 133. v. 2.	<i>difende</i>	<i>distende</i>

ANTONII THYLESII
CONSENTINI
IMBER AUREUS
TRAGŒDIA.



L A E L I I A L E A N D R I P R A E F A T I O

Ex editione Norembergenſi A. cld. Id. xxx.

L A E L I U S A L E A N D E R L I T T E R A R U M S T U D I O S I S .

CVM Tragoedia haec ANTONII THYLESII , viri, mediusfidius, ut ejus ſcripta declarant, ingenio, ac varia doctrina expoliti, in manus meas pervenerit, eamque ſemel, iterum, atque tercio integram perlegerim ; ſic ipſa ſermonis elegantia, dicendique puritas, ſic paſſim ſervata gravitas, ſententiarumque ſplendor ubique ſeſe mihi offerebant, ut non poſſem non majorem in modum admirari, virum, his temporibus noſtris id ſcriptis ſuis eſſe adſecutum, quod nemo poſt veteres illos, ne attingere quidem aulus eſt. Seneca enim tametſi plenus ſententiarum ſit, arsque fortasſe, quae praestari a ſcriptoribus omnibus praecipue debet, in eo non requiratur, tantum abeſt, ut eum Latine, ac pure locutum eſſe exiſtimem, quae literaturae pars, cui deeſt, omnia fere illi deeſſe fateri neceſſe eſt, ut ob id etiam in Latinorum Scriptorum numerum cooptandum eſſe minime cenſeam. At THYLESIUS non hac tantum, ſed aliarum quoque diſciplinarum, quam munitus ad ſcribendum acceſſerit, quando ejus ſcripta ſunt in virorum manibus, omnes facile judicare poſſunt. Ac mihi quidem aliquando, haec omnia conſideranti, ob id etiam omnes, qui aliquid poſt auream Ciceronis aetatem ediderunt, hic facile excellere videri ſolet, qui de ſuo, non autem aliena ſcripta invadens, latine ita pure, ac proprie omnia nobis

exponet, ut Plautino, vel potius Terentiano ore eloqui videatur. Nam quotusquisque est, his praecipue temporibus nostris, quod pace omnium fari liceat, qui non ita impudenter antiquorum scripta expiser, atque inepte in sua transferat, ut ingeniosis, ac eruditis hominibus saepe bilem, interdum etiam moveant jocum? Haec est communis, eademque praecipua tempestatis nostrae calamitas. Dum Vergilii omnes, & Cicerones hominibus videri student, faciunt, ut omnium scripta unius tantummodo esse videantur, ac sint, qui exclament furem, non poetam fabulam dedisse. Utinam in perlegendis optimis auctoribus tempus omne consumeremus: utinam naturam optimam ducem in scribendo deinde sequeremur. Sperarem profecto, ut bonae litterae, quae tot saecula in tenebris, & quasi sepultae jacuerunt, in lucem restitui, ac reviviscere possent. Bona enim ingenia semper, & ubique florere. Sed quemadmodum in optimis quibusque, ac pinguibus agris, nulla tamen agricolarum adhibita sollertia, evenire videmus, ut inutiles herbae, & plerumque maxime noxae nascantur, quae etiam non multo post, & ipsae neglectae sterilescent; sic hominum ingenia, cum nemo sit, qui recte illa, & summa cum diligentia excolat, atque ad bonam frugem perducere studeat, ex se ipsa facile intereunt. Quare illud mihi fateri verissime liceat, unum hunc THYLESIUM praeclare de republica litteraria, unde plurimum ei, atque etiam immortaliter homines debent, meruisse. Nobis enim non tantum Tragoediam, utilissimum ad formandos, excolendosque hominum mores, pulcherrimumque a diis immortalibus traditum munus, quasi postliminio restituit, atque adeo ut nihil in eo desiderare possimus: sed etiam quo pacto scribere debeamus, non ab aliis omnia mutuantes, edocuit. Proinde vos studiosos omnes adhortor, ut alendae, locuplerandaeque linguae latinae causa omnem ope-

operam , & studium vestrum conferatis : quod vobis
erit facilius , si bonos tantum modo auctores , qui ad
parandam dicendi facultatem , & copiam mirifice fa-
ciunt , in manibus habere , atque in scribendo genium
vestrum sequi volueritis . Valete .

P E R S O N A E.

ACRISIUS.

NUNCIUS.

CHORUS ex Argivis
mulieribus.

DANAE.

NUTRIX.

PYRACMON.

STEROPES.

BRONTES.

POLYPHEMUS.

CYCLOPUM turba.

NUNCIUS alter.

A R G U M E N T U M.

ROGAT Acrisius Argivorum rex Nuncium, a Delphico oraculo, quo illum miserat, redeuntem, quid sibi ex Apollinis sententia agendum sit de Danaë filia jam nubili, cujus ducendae in uxorem gratia flos Graeciae Argos convenerat. qui simulatque accipit, se ab eo, quem illa pareret, interfectum iri; a nuptiis abstinere, puellamque in turri ferrea ejus rei causa a Vulcano, & Cyclopibus tunc facta includit. At Juppiter, forma virginis captus, in pluviam auream mutatus, illam vitiat: quod cum rex comperisset, filiam in arca lignea clausam in mare abjicit.

ANTO.




ANTONII THYLESII

IMBER AUREUS.

ACTUS I.

Percontatur Acrisius Nuncium, quum is ex Apollinis Delphici fano
rediisset; auditoque Rex oraculo valde queritur.

ACRISIUS. NUNCIUS.

Acr.  *ANDEM reversus ades. age, hic
renuncia,
Tacitus alibi fidusque, quod scis
nesciens,
Nuptum dari cui Pythius natam
jubet,*

*Solus supremi conscius semper Jovis?
Adest frequens parata ferro cernere 5
Jam jam juventus nuptias Achaica.
Cordi nec est prae ceteris quisquam mihi.
Par est in omnibus vigor, seu cursibus
Certant leves superare Lyncas per nemus,
Aëri vagas seu spiculis sternunt aves, 10
Ipsique nubibus petunt praedam aucupes,
Pulvere libet vel equos agere celeripedes.
Nec regium nulli vetus claret genus.
Aetas quoque eadem vix genas vestis nova.
Unum velut vellere velit virentibus 15
Si quis rosariis puer florem, ambigit*

A 4

Potif-

Potissimum sibi legat quem ex omnibus,
 Ita unus ad se quisque flos dextram rapit;
 Sic me procorum turba diversum trahit,
 Generum mihi nunc maxime quem seligam. 20
 Sequar te Apollo non minus mortalium
 Obscura, clara, voce qui reddis tua,
 Quam noctis umbras pellis adducens diem,
 Caecamque radiis dissipas caliginem.

Nun. Ubi Delphicam Rex attigi Pytho, ultimus 25
 Tot millium consulta flagitantium,
 Primus redirem ut certior factus domum,
 Pythona profero aureum. stupor omnium
 Invasit animos illico. ad caelum manus
 Tollunt. Deo tandem videri munera 30
 Digna, diademate teque dignum praedicant,
 Exhilarat aliquos nam sacerdotum quoque
 Auri nitor, mentem serenans nubilam.
 His atque succollantibus, gazae decus,
 Serpens reconditur intimis penetralibus. 35
 Vixque immolatis victimis balantibus,
 Jam Phoebas horrida furit, haec ore intonans:
 Quo te puer agis alipes caelum petens?
 Laevaque gestas quid caput amictum anguibus?
 At at, lapis sit, unde natum hominum est genus. 40
 Avum sed heu cur impie extinguis nepos?
 Sic fata, mentis expulit recordiam,
 Deserbuist ac omnis animi rabies feri.
 Quare tibi Rex consule, monitus semel.
 Osor sui quem amat? vel esse cui potest 45
 Carus, sibi vilis, volens qui ultro occidit?

Acr. O vana spes, ubi senectae jam gravis
 Quies videbatur, necis terret metus.
 O quis reservas me malis inimica Spers?
 Ut filia parenti pariat ingens nefas, 50
 Atque impia nepos avum caedat manu,
 Verulus ut onere bos jugi fessus diu

Verbere

A C T U S I.

*Verbere cadit agricolae immemoris ictus gravi,
Animamque non meritam emeritus edit gemens.*

Nun. *Ubi est malum vitare, quis debet queri? 55*
Gaudere potius, fugere quia potis est malum.

Acr. *Auxi opibus iccirco, & triumphis regiam,
Ut esset ante destinatum qui diem
Sceptris potitus, praemio lethum daret?*

Nun. *Id equidem opinor esse lamentabile, 60*
Es de quibus bene meritus, male cum merent.

Acr. *Jam jam tui me nata miseret, quae, velut
Formosa circum vitis ulmos confitas
Procul tuetur, nec habet, ut se subleuet,
Jacens sed incomplexa humi sterilis senet, 65*
*Eris viri indiga, appetita plurimis
Frustra, nec heres imperii tanti puer
Avita ludet ante blandus lumina.
Sed hoc satius est, quam madere fletibus
Cari parentis funere tristem tui, 70*
*Cinere horridas quam vellere sparsas comas,
Niveumque pectus tundere plangoribus.
Scopulosa qui videt freta, nec abremigat
Flectens procul iter, naufragus merito interit.
Miserum fleas, qui nescius, pessum it, viae. 75*
*Monitum fuisse Diis, satis erit jam mihi,
Vitare, quod capiti malum impendet meo.*

*Graviter affectus cum abiisset Acrius, secum loquitur
Nuncius:*

N U N C I U S solus.

(Et tuans.)

D *Iscessit, agitatum ut mare, animo flu-
Missos faciet omnes, opinor, nunc procos.
Jam adsunt. ut illos vix loquutos deserit. 80*
*Prae ceteris & quem colit superis, pede
Adit ipse propero segnipedis adytum Dei.
Jam cogitans aliquid statim excudet vaser.
Indor-*

Indormiet caussae nec is tantae oscitans.
Aliis cavere suctus haud se negliget. 85
Quin, rem ut domi, forisque gessit naviter,
Toto hic, ut ajunt, pectore incumbet, brevisque
Amolietur, quae premunt onera animum.
Quiescere in utramque aurem, id optimum arbitror.
Nihil anxiiis profunt opes, regnum nihil, 90
Quo tanta res se verterit, novit Deus.
Sospite utinam Acrisio inclyto, ac Danaë, unica
Spe regiae, Argivisque, ac urbis moenibus,
Valida Cyclopum conditis olim manu,
Qui nunc ratibus adsunt procul vecti cavis, 95
Celebrent ut indicta sacra Vulcanalia.
Jamque est prope dies festus Argis, quo simul,
Sibi quisque conjugium puellae consequi
Ratus, in opibus omnes futuri erant proci.
Nunc ira mutat ora, pudor hinc aestuat 100
Repudii, amor coquit hinc ferus praecordia.

Repudiati ab Acrisio Proci, cum minabundi Argis discederent, Chorus mulierum pavidus Junonem orat, urbem ipsi consecratam ab hostibus defendat.

CHORUS.

O *Germana mariti,*
Fratris grataque conjux,
Cujus numine caelum,
Terraeque tremis orbis, 105
Ipsi quem metuunt Dii,
Sedes desere olympi
Curru vecta per auras,
Non quo versicolores
Vinctae colla volucres 110
Te per nubila vectant,
Vis si quando choreas
Inter laeta videri.

Cum

A C T U S I.

11

Cum te sanguine multo,

Multo & thure sacerdos

115

Lucos subter opacos

Caelo devocat alto,

Nunc sed junge frementes

Bello saeva quadrigas,

Tecta & casside crines

120

Hastam concute, semper

Hostis caede fluentem.

Namque ex urbe juvenus

Cedens saeva minatur,

Conjurata vetustos

125

Ferro diruere Argos.

Pavor heu quantus pectora turbat.

Horrent, video, rura sagittis,

Densus ut albet campus aristis.

Quassat galeas parsque comantes,

130

Equitum turmae celeresque ruunt.

Unum qui pote senium tot manus

Juvenum patriis pellere regnis

Incendia, caedesque minantur?

Agedum, prohibe, disjice, dissipa,

135

Notus ut Libycas tollit arenas,

Miscens nebulam pulveris atri,

Tua qui moenia diripere volunt,

Maxima Juno.

Unius omnes virginis ergo

140

Eandem miserae aut mortem oppetimus,

Aut captivae trahimur rapidum

Per mare cunctos famulatum annos.

Nil commervit tamen infelix,

Trahere una aevum infecundum omne

145

Patris imperio jussa tyranni.

Decus heu frontis lumina nitidae,

Heu coma, color & nix velut, aut prior,

Comitata choris cum venit, ipso

Jove

Jove digna, tuus ni vir is esset. 150
Forſitan illis paſcere ocellis
Mauult, quam alios, ſe pater ipſe,
Sibi nec patitur vellier aula.
Improba nam quo non penetrat Venus?
Arabum Regis nata Cupidine 155
Capta nefando, palluit amens,
Tenebris caecae fretaque noctis
Latus obtulit, heu, dira parenti,
Caluit tanto jecur igne ferum.
Sed quo celeri pede turba ruit? 160
Quid ſtupet omnis? tenuitque gradus?
Libet ire ſimul, lacrymae ore cadunt
Pariter cunctis, miſeramque vocant,
Timeo quid ſit, temere neque enim id.
Ibimus, & ſi nimis arcta via eſt. 165
Sine, ego antea paululo eam, rogo,
Jam jam perimor. miſeram quo tu?
Quo me trudiſ? carbaſa deſere,
Venit exultans ſonipes quantuſ?
Age te huc propere: age te huc, cedo manum. 170
Bene ſed, bene. jam evaſimus, agite.
Via ſe amplior in campum laxat,
Huc, ubi regia tollitur ingens,
Quo ruit omnis turba properiter,
Accedam prope cernere, quid id eſt. 175
Sed proh Juppiter, unde repente,
Nata eſt ingens, altaque moles.
Super aërias ferrea nubes?
Obdunt veſtes limen abeneum
Septum immani cardine circum. 180
Cara vix Phoebi lumina tenuis
Recipit denſis fixa clathris
Rara fenestra. quis auctor, & opifex
Operis tanti fuit operoſi?
Tacite applicuit bibulas omnis 185
 Popu-

*Populus querulis vocibus aures.
Audire libet carcere questus
Quis tam vasto jactat inanes,
Et lamenta promit in auras
Gemitus tristes geminans miseriter.*

190

A C T U S II.

Deplorat calamitates suas Danaë, cum a parente in turri
ferrea esset inclusa, eamque Nutrix consolatur.

DANAE. CHORUS. NUTRIX.

Dan. **Q**UANDO meis Sors invidet mortalium
Aures querelis, alloquar vos Caelites.
Qui templa quamvis celsa colitis olympia,
Auditis attamen pias propere preces,
Latet abditum ac nullum penitus usquam nefas,
Quin mille desuper oculis, quot sidera
Noctis per atras frigidae tenebras micant,
Spectetis usque sceleris ultro vindices.

Ch. Sile, sile, ipsius videor audire jam
Danaes misellae voculam lacrymabilem. 10

Dan. Sed heu quid infelix ego primum querar?
Primum aut fleam? Pater, o pater, me siccine
Nuptum dari? hos thalamos parari? has nuptias
Mibi celebrari? quod facinus ausa impium?

Nut. Corruptis ora lacrymis nitentia, 15
Regina felix nimis obiit, haec non videns,
Relicta in atrum hunc diem anus ego, vitam traho.

Dan. Scelesta numquid hostibus patriam feris,
Patrisque prodidi sacrum Regis caput?
Quondam velut nefanda Nisi filia 20
Amore saevo, & impotenti perdita,
Furtiva dempsit auream fato comam;
Volitat pavida nunc unde sub nubes fuga.
Lugu-

Lugubre resonans, sceleris heu numquam inmemor.
 Tamen illa felix, ora quamvis mollia 25
 Durata rostro prominent deformia,
 Parvumque plumea caput galea tegit.
 Agricola siquidem, qua libet, volucris volat.
 Camposque peragrans multivaga videt avios:
 Ubi nemus, ubi fontes, ubi Tempe virent, 30
 Ubi flumina scatebris sonant cava frigidis,
 Ubi mille quondam septa virginibus fui
 Tibi quum sacra ferebam Proserpina, floream
 Metens apricis saltibus messem Dea.
 Quae nunc memor quin gratiam referens, jubes 35
 Me regia natam domo, Styga transuehi
 Servitum in omne servitutem aevum tibi?

Ch. Audin? cupit mori, excutit lacrymas mihi.

Dan. Jamque mora nulla est, quin trabe sub hac aenea
 Linquens cadaver pendulum, sic, horridam 40
 Soluta mortis munere, effugiam domum,
 Novumque carcerem. ipsa mihi nitueum prius
 Vitale flamen, nunc nigrescens abstraham,
 Et quam viri non abstulit lateri manus,
 Cervice zonam pro lacertis ambiam. 45

Nut. Mors o mihi sera, his meas quin obferas
 Aures querelis? lumina his quin fletibus?

Dan. Vale diu, memor vale, miserae dolet
 Si cui negatus forsitan Danaes torus.
 Ultusque caede lugubres tumulto notas. 50
 Valet coetus vosque virginei simul,
 Et quando taedas Dii vetant Hymeneias,
 Quatite rogo manibus faces mihi funebres.
 Hac gaudeat pompa genitor, ac praeficae.
 Plangentis obstrepat querulus aures sonus. 55

Nut. Rapuit, vide, zonam furens. Mea tu, quid hoc
 Alumna? quo te tantus impellit dolor?
 Ultro ut, nefas, mortem velis tetram mori.

Dan. Sine, per ego Superos rogo, Nutrix sine.

Nut.

- Nut. Tuumne vivens ut ego funus conspicer? 60
 Dan. Taedet tueri, quod relictum est, aetheris.
 Nut. Vulnere oculos heu tam gravi series meos?
 Dan. Mortis ego particeps cupio jam omnis mori.
 Nut. Spargesque semper fletibus aniles genas?
 Dan. Animae atque reliquum corpore aegro expellere. 65
 Nut. Tibi superstes egon? obis tu me prius,
 Annis cadens puellula florentibus?
 In hunc reservant fata miseram me diem?
 Munusque id ego ut habeam mihi extremum jubes?
 Dan. Quibus est acerbum vivere, tuis dulce est mori. 70
 Nut. Una semel aufert Mors, bona omnibus omnia,
 Ut flumen impetu fata avulsa abripit.
 Dan. Eademque sentes vellit animis asperas.
 Ut ignis imbre, morte sic dolor interit.
 Quod si tuae miseret, juvas quin me? aut finis 75
 Ultro ire? ubi ante laboribus positis ferunt
 Manes quiescere sedibus tandem piis,
 Obliviosi prope vada sacra fluminis,
 Viride nemus quae myrteis sepit comis,
 Fronoso opacans tegmine herbarum toros. 80
 Nigrescit atris nunquam ibi aër nubibus,
 Alterna nec nox eripit tenebris diem.
 Heroidum tenet loca illa frequens chorus,
 Lucos pererrant garrulos avium sono,
 Ioque, Ledaque, Semeleque, Europaque 85
 Honore quoque dignae Jovis amatorio
 Electra flava, Maiaque soror candida.
 Cupit animus quas visere. est ubi regio
 His consecrata, poeniteret quam loci?
 Nut. Rumpere vetat aliquem sibi vitari Deus. 90
 Nec parricidium grave est aequae, ac suae
 Siquis animae non sustinens onus, abjicit,
 Manet hunc alumna Tartari domus impia
 Dejecta terras subter imas, ardui
 Vix quantum in auras aetheris polus eminet. 95
 Quo

- Quo despicit nunquam ipse, quin paveat procul,
 Cunctis tremendus ceteroquin Juppiter,
 Nox atra tantis terret umbris, oraque
 Hiant figuris tam feris immania.
 Poenas quis omnes omnium fando explicet? 100
 Hic sumit ora Tigridis, hic ululat lupus.
 Pars mersa lamis grunnit usque palustribus.
 Pars tortuosos callida sibi fodit specus,
 Caudata fugitans tricispitis rabiem ferae.
- Ch. Crudeliter qui vixerint, quique improbe, 105
 Qui nequiter, quique scelere instructi, ac dolo,
 Has, luce ubi aetheria carent, poenas lument.
- Nut. Nec unus angitur siti mersus lacu,
 Cadaverosus vultur aut unum comest,
 Eviscerat sed plurimis ressecans jecur. 110
 Gemunt anbeli sub onere plures gravi:
 Celeresque turbinis modo, vinctum puer
 Quem torquet, amento explicans, versant rotae.
 Nullum sed agit acque furor, ac illum, manus
 Sibi qui intulit. Noctiquerula velut avis gemens 115
 Carmen sepulcretis canit lugubriter,
 Sthenoboea replet questibus Disis domum,
 Juvenem ausa mulier credulo nimium viro
 Deferre criminibus, malum, insontem novis.
 Quam mox amor rediens, & insanus dolor 120
 Claudere diem nodo merentem perpulit.
 Nostris furor is arripiat animos hostibus.
 In melius haec alumna jam vertet Deus,
 Sinet diu nec immerentes deprimi.
 An non Lycaonis misera gemuit feris 125
 Hirsuta villis, resqua peragrans aspera?
 Quae nunc supremo semper elucet polo,
 Dubiosque ducit navitas mare per vagum.
 Inachis & olim cernua, gerens cornua,
 Nili fluente Dea prope colitur uberis. 130
 Jamque, nisi fallor, augur en nova nuncio.
- Teli,

*Teli, vides, ministra inevitabilis,
Magni Jovis satelles, ut fulva, ambiat
Conflata ferro recta sublimis volans?
Haud temere adest: age mecum, alumna, agedum
Jovis*

135

*Numen, agedum precare prece, mihi quam pius
Vates reliquit natus ad vada Cratidis.
Pineta tollit ubi sub auras aetheris,
Passimque fontibus scatens Sylva obstrepat,
Ac mille gelidum fistulis recinit nemus:
Haec praestat Oenotriae una silvis omnibus.*

140

*Dan. Video sacram, Nutrix, avem, video, Jovis;
Et, speculae injecit aliquid dudum mihi.
Sed age, novas aueo preces audire, age.*

*Nut. Pater o Superum, caelique potens sempernitidi,
Radiis etenim micat interdum Apollinis ignei,
Rutilatque per atram sideribus noctem tremulis,
Nequeunt venti quas extinguere, pluviaeque, faces.
Canere ecquis mortali te voce potest Juppiter?
Immotamoves qui terrarum pondera quatiens,
Vada mobilis & pelagi cogis veluti glaciem.
Hominum tibi sit rogo gens curae: viden ut misere
Vaga mille viis, errabundaque semper fluitet,
Corporis agitata laboribus, & curis animi?*

*Dan. Cedo sacram mihi tabellam. Nut. Age jam cape,
De collo quam primum tibi nunc pendulam
Cervice nunquam, ex quo data est, posui, meo
Sed pectori haesit semper haec mihi diu.*

*Dan. Ediscam. Nut. Humi submissa ter cane, ter manus
Extolle. Dan. Teneo. Nut. Crede sed nil non Jo-
vem*

160

*Posse. minor hanc Deus faber si condidit
Repente malleis domum, major potest
Eandem citius aut solvere igni tabidam,
Rapidis dare vel Euris perustam fulmine,
Te sospite, olim dispersit ut mons triplex*

165

B

Con-

*Congestus, unde stulta gens Titania
Centipes adorta Caelites bello fuit.*

*Dan. Ibo seorsum supplicatum nunc Jovi;
Sine teste nam magis rogantem audit Deus.*

Queritur Chorus sibi frustra acupiscam vestem, & ferta praeparasse, ut exquisito insignis ornaru Danaës nuptias celebraret, eamque absentem adloquitur.

CHORUS.

M odo Phrygios amictus,	170
<i>Modo futes corollas</i>	
<i>Serens mihi parabam,</i>	
<i>Quibus implicata capillos</i>	
<i>Myrrha madentes pingui</i>	
<i>Tibi choros agitarem</i>	175
<i>Insignis, Acrisione.</i>	
<i>Ne fronte vagus, & errans,</i>	
<i>Dum verso saltans orbem,</i>	
<i>Solutus impediret</i>	
<i>Me tortilis cincinnus.</i>	180
<i>Micantibusque Loton</i>	
<i>Digitis puer sonoram</i>	
<i>Tibicen inflans aderat</i>	
<i>Meditatus Hymenaeum.</i>	
<i>Nunc immerentem moerens</i>	185
<i>Abjecit, olim ut Pallas,</i>	
<i>Liquentibus cum vidit</i>	
<i>Speculis tumentes malas.</i>	
<i>Querar & ego, querar te</i>	
<i>Raptam mihi, tam saevo</i>	190
<i>Te carcere coërceri.</i>	
<i>At ore semper udo,</i>	
<i>Sipylus abundat usque</i>	
<i>Flebilibus ut mons undis;</i>	

At

A C T U S II.

At voce semper tristi, 19
Qualis sonans Aëdon 195
Flet conjugem, aut involucres
Fœtus inani extractos
Nido, levique clausos
Vimine tuens tabescit, 200
Circumque volitat frustra;
Ramo sedens mox valles
Cavas replet querelis.
Sperare quod tamen audes,
Non irritum faxint Dii. 205

A C T U S III.

Miratur Acrisius, turrim aeneam a Vulcano vix rogato tam repente fuisse excitatam.

ACRISIUS. CHORUS.

Acr. **Q**UID cogitare quispiam potest mortalium
 Ita arduum, expediant, velint modo,
 quum Superi illico?
 Et si hoc mihi infixum hæsit in animo sem-
 per meo,
 Rem nunc stupidus, ac vix mihi credens tan-
 go manu.
 Factum ne posteri putabunt, an fictum hoc magis?
 Aetasque veniens jam novam autumabit fabulam,
 Quae mira praestat omnibus dubio reliquis procul.
 Arcem rogavi, filiae ubi latebrae essent meae,
 Ut tuta ab insidiis procorum, & viribus foret,
 Vulcanum opificem ipsum, omnium unum sol-
 lertissimum. 10
 Ex quo etenim is Argiva chalybe ex confuso
 moenia
 Immania posuit, puer merito Junonius
 B 2 In

*In urbe matris, aede colitur aureus sacra.
 Ubi victimas furvas quotannis, fractis cruribus
 Ritu immolant solenni ad ignes succincti Popae; 15
 Quo transmigrat frequenter Actnaeis erupibus,
 Celerique pede venit ocus volucris loripes.
 Ubique enim pie vocatus subito adest Deus;
 Vixque precibus rogatus ingentem sonitum exci-
 tat :*

*Streperere omnia tonitu, inque numerum ictus
 audirier, 20*

*Omnisque mugire procul alta convexa aetheris,
 Incudibus gementibus, reboanti verberere.*

*Dictoque citius, ut imbriferâ nubes extollitur
 Repente, montis instar, aequoreis e fluctibus,
 Ilicet oritur ingens cacumine turris arduo 25
 Ferrea, velut opere facta ad unguem tota fusili.*

*Remque notat ipse litteratis omnem postibus,
 Haec esset ut cunctis nepotum nota saeculis:*

*Ubi latet abdita virginum Danaë decus omnium,
 Canibus ad ipsas excubantibus semper fores 30
 Immanibus, semine satis ex illius, procax*

*Quem sensit olim adulter incestans Ditis torum.
 Evellat hanc sibi nunc manus minis superbiens,*

*Vix datur aditus ipsi, potest caetera qui Juppiter.
 Nunc gratulatum ibo, nihil posthac metuens,*

Deo; 35

*Ipsisque mercedem merentibus reddam fabris:
 Nam non pecunia Diis, ut hominibus, animos
 capit.*

*Jamque ingredior adytum: favete linguis, dum
 loquor.*

Ch. *Nefas streperere sacris,*

Nefas fremere; gradus.

Sistite: silete jam.

Nostrum loquax nimis est

Muliebre, ut ajunt, genus.

Audite:

Audite: Diis honor hic

Debetur, O Regibus,

45

Qui proximi sunt Diis.

Act. O nate Junonis toro puer casto

Ex omnibus, quot Juppiter Deos servit,

Passim per orbem filios vagus spargens;

Ut esset alti seminarium Caeli,

50

Ac pullulans novella glisceret proles

Translata terris in serena convexa.

Jure unde maximi fores olympi haeres,

Stamen Jovi si sectile Atropos neret.

Tu primus ipsi incognitum patri fulmen, 55

Volans, trisulca cuspide fremens, igneum,

Excogitasse diceris, manus Caeli

Est ausa cum regnum aggredi Gigantaea;

Es affecutus unde nuptias natae,

Longis fovet quae noctibus fatigatum. 60

Te non Gradiivi terruit furor saevi,

Quin involutus mille nexibus caecis

Adulter annum pendulus daret poenas.

Tua mihi sed pace si licet fari,

Molitus es nunquam ullum opus, vel ingens,

vel

65

Tutum, vel affabre, ac repente sic natum,

Ut quae perennis est meae domus natae,

Nullis caduca saeculis, manens usque.

Quare tibi nunc plurimas ago grates,

Ac maximas, quin debiti reus voti 70

Centum immolo juvenculis patres junctos,

Totidemque temeti amphoras notae Cressae.

Tu honore tantum pascere, haud enim fas est

Mutabile ut sit nectar his cruentatis

Obsoniis, ac pinguibus bene omentis. 75

Sit visceratio haec Cyclopibus, seque

Ingurgitent, atque hauriant cados vini.

Voca Cyclopas: advenit fremitu turba strepens,

B 3

Abie-

*Abiegna silva tollitur vetus, densaque velut.
 Nil est vocatore hic opus: quot accurrunt! dapes 80
 Explere quae tantos queunt? pauxillulum quoque
 Est Liberi. methymna non una his satis foret
 Vinosa; comiter benigneque accipiam tamen.
 Facit ipse sermo, ac vultus homini non nun-
 quam satis.*

Ch. *Nihil exilarat animum
 Aeque, ac ubi Rex videt
 Te laetus, & satur,
 Quae vis, libens: aures
 Hic mulcet hominum magis
 Contentus, ac lyra.*

85

90

Reddit mercedem fabris ferrariis Acrisius, sitque ebrius Polyphemus
 epoto vini dolio; unde pugna inter eum exoritur, & Cyclopas.

ACRISIUS. STEROPES. BRONTES.
 POLYPHEMUS. PYRACMON.

Acr. **F**abri Jovis, sociique Vulcani, invictum genus
*Labore de me plurimum meriti, ac regno meo;
 Agite, capite virtutibus tantis nunc praemia;
 Ac gratiam praeter, quam habebò semper maxi-
 mam,
 Pecuniamque praeter immensam, vestrae parem 95
 Operae, bilares lautis simul mensis discumbite.
 Prius tamen talenta humi famuli diffundite.
 Utraque largiter capite manu, quae debeo.
 Quid statis? Pyr. adsumus; perustus barbam, ut
 Aethiops,
 Indusque ego, verso tenaciter dum forcipe 100
 Fornacibus massam chalybis ardentibus gravem.*
 St. *Quasi leve foret immanibus stridentes follibus
 Haurire ventos, per vices atque exprimere diu,
 Quantum Aeolia vix esset ipsa olim concava
 domus.*

Br. A-

Br. *Apagete. malleis gravibus incudes contudi, 105*
Fractasque liqui verberibus assiduis, maximis,
Instarque jaculorum ora, ac oculos feriebant mihi
Stricturae anbelo; viden adhuc vulnera ut appa-
reant?

Acr. *Quiescite, manete. fremere nihil opus est; un-*
de enim

Vestris queant laboribus, quod est par, reddere? 110
Diis gratia, atque opum omnium Summano diviti.
Vestro tamen duci ante, ut est aequum, auro
largius

Impertiam. nihil flagitans tacet, virum ut decet.
Polypheme Cyclops, finibus jam inde Siculis rate
Qui vectus huc Neptuni ope celeriter ades, cape. 115
Percussa modo Abantis micant facie numismata.
Bis mille tibi sunt; minus dimidio singuli
Vos capite, adeste simul. Pyracmon, en tibi saccu-
lum;

Tibi sacculum alterum accipe, Brontes, numero
parem.

Steropes ubi est? St. Adsum. Acr. Alterum quo-
que tertium cape. 120

Viritem Abantaeos dabo quingenos caeteris.

St. *Cyclopion patercule, nihil opus posthac erit,*
Obambulans tu quaerites victum precario,
Lustransque tuguriola minutatim asses congeras.

Poly. *Ego, Rex, tuae benignitati debeo satis; 125*
Inustus at dudum siti fauces vix queo loqui,
Volvensque, bajulansque cervice, atque hume-
ris trabes

Miser aereas, exsuctus humore omnis arvi.

Acr. *Solumingere, exple, prolue spumanti te diu*
Baccho, sed olfacito prius. Poly. Papae! nectar
supra. 130

Pyr. *Odisse non adhuc vel ipsum nomen Liberi*
Ut execrandum? es immemor Ithaci, pater o Cy-
clops, B 4 Cum,

Cum, qui unicus videbar, oculo emisti prodigus
 Urnam Maronaei. fuge edoctus rursus malum.
 Poly. Avertere quibus quaerit artibus cupas meri! 135
 Sibi vult relinqui, absterret iccirco stultus catum.
 Quid ais fatue? quasi poeniteat, aut faciam
 bili, nihil

Videre; lumen quin reluceret si jam mihi,
 Ut patre fertur olim Orion eodem, quo ego,
 satus,

Effossus utrumque oculum, iterum oculatus cer-
 nere, 140

Impenderem nunc denuo, nollemque abstemius
 Fieri Argus. age jam vina transfundam ex hoc
 dolio

Licet pusillo in alveum. Quid hoc? vah nil
 dolet,

Viaeque longinquae piget, laboris & nihil.

Jam addico me Rex nunc tibi totum, operam
 quoque meam 145

Jugem, perennem, compede impeditum ferrea
 Noctes, diesque defatiga hac me mercedula.

Quin capē, tuam tibi habe, libens reddo, pe-
 cuniam:

Dives satis etenim sum ego hac tantum re
 exuberans.

Acr. Num pereo? pandit ut ora torvus. adest, adest
 prope. 150

Poly. Audite sed vos, animum & advertite. Ne-
 mo audeat

Parere non mihi, cicatrix etsi palpebram
 Deformet ingens, caecus ac talpa cernam minus.

Heros ego Neptunius Rex Coclitum Cyclops

Edico, stillam nemo delibet liguriens 155

Laticis mei; quin hinc faceffite, & sicui sitis

Molesta, paret is sibi alium; permitto hoc, ac
 sino

Beni-

*Benignus . hic Regem decet tantum , genitum
& Deo.*

*Contemnat at si quis , manus sentiet jam diu
Suetas cruore noxiorum spargi , atque oblini . 160
Quid hic fremitus ? adesset Alcides mihi cadum
Abducere , hoc ego sagino contra clavam scypho
Facerem alteram Excetra magis metueret bel-
luam .*

Cellis procul vinariis , iners plebecula .

*Quis hic ? bibe hoc primus . etiam tu hoc ; te-
neo jam improbum ; 165*

*Obrortus ibis nunc gula poturus Stygis aquam .
Pro foribus adstabo , sinam nec Liberi sacram
Aedem profanus penetret hanc quisquam . Thyr-
so huc ades*

*Armatus , o Bromie , Bromie , tuumque maximum ,
Atque unicum adjuva sacerdotem contra eбри-
os . 170*

*Hirudo vini quo scelesti repis per pedes
Illapsa medios ? morere sitiens , oppressam obtero .
Circum crepat lagena multa aures iacta un-
dique .*

*Frustra . nihil movebor hinc . ipsis neci datis ,
Iactisque consternam cateruatim reliqua agmi-
na ; 175*

*Cunctisque deletis , dabitur illico Danaë mihi
Lepidissima omnium , omnium longe validis-
simo ,*

*Reliquis repudiatis procis , catamitis , improbis .
Ego Regius gener , ego jam scepro , ac diade-
mate*

*Insignis , ego jam diviti successor regiae , 180
Ego Acrisii opum legitimus haeres . quid pessimi
Invaditis aliena ? io , Argivi , accurrite simul ,
Adeste Regi , ac improbos bibaces in fugam
Versos sequimini , caedite , trucidate , extinguite .*

Br. Quid

- Br. *Quid contumeliosius superbiloquentia* 185
Tanta? vel esse mihi quid intolerabilius potest?
Quid tu Pyracmon? emori mavis miser simul
Caedi additus tot immerentium? vel ut decet
Fortem, bonumque, pellere injuriam, & ul-
tor tuae
Gentis, scelus durum, ac nefandum tollere
funditus? 190
- Pyr. *Egon? aestuans acri dolore dudum cogito*
Teterrimam pestem modo excidere: diu, diu
Pertulimus immanem Tyranni feritatem horridi.
Age Steropes, Brontesque, circumfiliamus leues:
Jam malleis oportet huius tempus perrumpere 195
Utrumque, caeca frontis & refodere vulnera;
Ut robur ictum undique securibus, nunc con-
cidet.
Jam jam sequimini: tu latus laevum, tu dexterum,
Adversa pulsabo ipse tempore eodem ora gra-
viter.
Monstrum peribit hominibus hodie invisum om-
nibus, 200
Vitaque nunc mercabitur Lyaei munera.
- Poly. *Congredere jam minax, topans verbis, tutus*
procul.
Captum ore glutiam, volabis vel sparsus diu
Per pubila. fugax, bella quid geris? sequar, se-
quar.
Habeo, teneo, peristi. abit pro discerpta ma-
nu. 205
Reliquit ori bucceam. quin tandem comminus
Committeris? lasciva circuit vulpecula
Fugitans, statariamque metuit pugnam callida.
Tamen habuit. inane cape solium infictum tem-
pori.
Tuque obliga vulnus. trabe, trabe humandum
alium pede. 210
Haba!

*Haba! ebris unum sobrium tot pavitant, ut canes
Leonis aggressus timent collatantes procul.*

Pyr. *Facite impetum, circumdate obfessum, & con-*
tundite,

*Malas, agite, findite feras, torvas findite genas,
Rictu excutite molas cruento exertas, horridas, 215*

*Plagis sonent tempora novis, caedite, sternite
ferum,*

*Inospitalem, Anthropophagum, hominum osorem,
ac Delum,*

*Trucem suorum victimarium. Poly. Fer opem,
pater*

*Neptune, pereo jam miser. Pyr. Ditem potius
voca:*

Diri immolo, nigrisque Manibus atram belluam.
(220

*Tandem ruens vasto ferit pectore moles humum,
Rugit cruentus animam agens, cadaver linquite
Pastum feris immanibus; vos sed discumbite
Vestram, illiusque portionem potantes meri,
Ac naeniam mecum canite laeti Cyclopeam. 225*

Pyracmon Polyphemum humi afflictum, atque interemtum
jocose alloquitur.

PYRACMON. CYCLOPUM turba.

Pyr. **A**ge, surge Cyclops,
*Positus quid bumi,
Longus ut es, jaces?
Fumant positis lancibus exta,
Patulis nec dum naribus afflant; 230
Aurita sonant pelues nec dum
Crepitantes tua tempora circum.
Mecum rursus conclamate.*

C.T. Age, surge Cyclops,

Positus

- Positus quid humi,*
Longus ut es, jaces? 235
- Pyr. *Numquid longo fessus ludo*
Refcis somno te sopitum?
Somno infelix heu lethali
Torpent, video, membra sepulta. 240
Altius iterum conclamemus.
- C.T. *Age, surge Cyclops,*
Positus quid humi,
Longus ut es, jaces?
- Pyr. *Ergo posthac laetas numquam* 245
Pastor ages ad saxa capellas
Dumosa vagus, nec resonabit
Per opacas cava fistula valles,
Nullis umquam garrula saeculis.
- C.T. *Age, surge Cyclops,* 250
Positus quid humi,
Longus ut es, jaces?
- Pyr. *Spargite dulci membra Lyaeo;*
Glaucus ut olim gramine tactus,
Redivivus erit sparsus Jaccho; 255
Metuo tamen heu, metuo, ne mox
Epulas omnes sorbeat, & nos.
- C.T. *Age, surge Cyclops,*
Positus quid humi,
Longus ut es, jaces? 260
- Pyr. *Frigidus orat transmissurus*
Horrida Cyclops stagna phaselo;
Frustra; molem non capit alveus.
Superis ergo pulsus, & Orco
Non admissus, nullibi eris miser. 265
- C.T. *Age, surge Cyclops,*
Positus quid humi,
Longus ut es, jaces?

Exanimatus pavore cum se e turba Cyclopum jam inter se ipsos
 faevientium confestim surripuisset Acrisius.

ACRISIUS solus.

Vivo ambulans? an, ut ferunt manes suis
 Exire luridos sepulcris, mortuus 270
 Erro? ubi miser sum? obiine? vivo ego jam;
 sed heu
 Comitum cohors ubi? periit omnis reor.
 Hoccine hominum tellurem alere? prob Juppiter!
 Tumultuantibus meri propter cados,
 Ac se intuentibus oculo minaciter 275
 Torvo Cyclopum ducibus, excessi ocus
 Vix integer, vix compos animi, territus;
 Numquam cor aequè inhorruit, sanguis super
 Intra coactus viscera obriguit gelu;
 Nec adhuc metus parcit quaterere praecordia. 280
 Quid heu si Jaccho fervidi, Lapithae velut,
 Aggressi abenam nunc domum, miseram patri
 Abducerent? non unus Argos Dis tenet
 Raptor puellarum, metuere tunc sinam
 Demum, cita rate cum revector audiam 285
 Aethnam revenisse usque, vel mari obrutos
 Periisse, squammigeris pecudibus pabulum,
 Mergisque edacibus pelagivolantibus.

Ostendit Chorus nonnumquam in eos potissimum fortunam
 faevire, quibus maxime fuerit benigna.

C H O R U S.

UT nihil laetum diu,
 Dii fidem vestram! manet; 290
 Quin beat quem Sors magis,
 Quem parem Superis veht,

Hunc

Hunc repente, turbinis
Mors furentis, turbida
Saepe correptum opprimit. 295
Quem pupugit numquam veniens
Scindit hunc gravius dolor,
Indomitus velut equuleus,
Cum foditur stimulis novis,
Insolens ferociter 300
Tollitur exsultim solo.
Vidit Acrisio hoc nihil
Laetius umquam Sol, terens
Volucris caelum voris,
Unde hominum tuens, refert 305
Cuncta Jovi, isque Aegide notat,
Quicquid agunt, fantur, putant,
Oblinens atro vitium,
Rectum ac albo insigniens;
Nunc quot heu premitur malis! 310
Imminens fatum hinc sibi,
Hostium, hinc metuit minas,
Coelibemque flet unicam
Natam, ac orbatam domum.
Quin &, unde poposcit opem, 315
Nunc Cyclopes horridos
Effugit, exanimis metu.

ACTUS IV.

Attonita secum loquitur Danaë, cum e turri, quo in pluviam
 auream mutatus penetraverat, Juppiter evolasset,
 mox omnia Nutrici enarrat.

DANAE. NUTRIX.

Dan. **Q**UO fugit heu, quo fugit?
 Elapsa manibus ut avis,
 Abiit volans, ubi quaeram?

Nusquam

Nusquam heu videtur, nusquam.

Vigilans loquor? an illudit

5

Imago somniantem?

Age, excito jam me, atque

Somnum excutio, jam cerno,

Tango, ambulo, audio me

Jam nunc loquentem, an fallor?

10

Nutrix age, mea Nutrix

Perii. Nut. Quid est? Dan. Quae vidi!

Nut. Quid, mea, stupes? Dan. Heu. Nut. Fare.

Dan. Jam jam occidi. Nut. Miseram me.

Quiesce alumna dulcis,

15

Quiesce, tingit quantus

Te pallor, eloqueredum,

Quid passa? Dan. Juppiter. Nut. Te,

Mea, sospitet, quid trepidas

Exterrita? quid horridula

20

Riget coma? quid hoc? eheu.

Dan. Hic ipse, Juppiter ipse.

Deliquit animus. O quae

Spektare contigit! vix,

Dum cogito, mihi vix

25

Credo, preces piaae a Diis

Quid non queunt? Nut. Exanimat

Pavidam mora, age dic tandem.

Dan. Jam cellulam, impedit pavor me proloqui,

Dicam attamen, pedem intulisset cum modo, 30

Supplexque prospectans plagam extremi aetheris,

Sol unde currus excitat, linguens mare,

Sacrisque precibus, quas mihi Nutrix, beans

Me sponste tanto munere, dedisti, Jovem

Superum omnium longe supremum devocans 35

Caelo, rogarem, opem mi ferret Deus;

Nova feram, inaudita, fidem O exsuperantia:

Pelago rosea nubes procul se sustulit,

Qua nulla hilarius pingit aëra caerulum,

Plu-

Pluviosa non ipsa decus Iris nubium,
Aurora mater lucis aut ipsa igneae;
Ac visa mihi magis, magisque accedere
Appulsa ventis levibus, avis ut advolat.
Mirata spectabam; nec id sine numine
Rebar, pependit ilicet prope culmina
Aëria turris aëreae cum immobilis.
Rapuit stupor tunc animum; & ecce ros sacra
Jam nube primum decedens sensim levis,
Tenuit velut cydonium lanugine
Pubescit, aut olus pruinis albicat,
Sparsit fenestra infusus aura, caeruleam
Pallam colore luteo, mica ut nitet.

Nut. Quid hoc? fidem Dii vestram opemque! age, loquere:

Dan. Crebrescit IMBER diffuens mox AUREUS,
 Illapsus undique, penetransque, qua domus
 Junctura, qua diem inferunt spiracula.
 Mentis mihi quid fuerit ibi tum, cogita,
 Concreta cum pars, grando ut aurea, crepitans
 Circumque resiliens peteret ultro sinum.
 Obrui, ac ipso auro magis tunc pallui.
 Sed ubi animum tandem recepi perditum,
 Munus rata Deum, subdidi explicans sinus.
 Aurumque colludens, micansque sedula,
 Flavus sonansque rivulis fluentibus
 Ignara sponte condidi in gremium mihi.
 Legens, ubique quod jacebat, protinus:

Nut. Sum nulla, inaudita audiens, sed quid super?

Dan. Sunt levia Nutrix, quae locuta sum, prae iis
 Quae dicam. Nut. An est quod majus? Dan. Ausculta, audies.

Caelestibus nam dum, memor adhuc me pavor
 Terrificat, opibus gaudeo, tremulum, leve,
 Fulvum intuens aurum, exsilit subito evolans
 Id omne, crederet quis hoc? pereunt opes,
 Versusque

*Versusque juvenis astitit, nisi is Deus
 Veruisset, animula attonita abiisset metu; 75
 Fuique vocem audire tunc visa illico:
 Danaë, Danaë; animo timores discute;
 Adsum ego vocatus ipse caelo Juppiter,
 Qui templa Olympi perstrepo cava fulmine.
 Miseratus buc advenio tibi opitularier. 80*

Nut. Num somnians haec ait? an audio somnians?

Dan. Sic fatus admoto fovens trepidam sinu,
 Utraque mulsit os manu, animum ac reddidit.
 Rursusque coepit sic loqui: mortalium
 Indigna virgo nuptiis, nubes Jovi; 85
 Gestisque puer ex te editus Solis domum
 Utramque lustrabit stupendis aliger,
 Armatus atque manibus immortalium,
 Saevaue caesa Gorgonæ, hostium agmina,
 Astricta glacie ut flumina, tenebit metu. 90
 Est maximus, qui sustinet caelum, senex,
 Demit ubi Sol equis jugum levipedibus,
 Unde Hesperus dux siderum exilis vadis.
 Claudens hic hospitio domum nato Jovis,
 Monstri rigebit ore viso territus; 95
 Eritque terris se erigentem ad sidera
 Vastam hominis effigiem videre saxeam;
 Avum quoque, sed incautus, interimet suum.
 Hic saucius dolore torpuit animus,
 Carique respersit oculos funus patris. 100
 Solatus inquit: profer hinc, Danaë, caput,
 Mecumque suspice, ac locum ostendens, ait:
 Stellatus illic usque fulgebit puer
 Labore functus, te quoque manent aspera;
 Ejecta namque fluctibus patria procul, 105
 Regis famula, dein uxor urbis arduae
 Longinqua pones moenia, futurum est ubi
 Regnum diu, populisque multiloquis caput.
 Haec elocutus, iterum adhaesit applicans

- Se collo, apis ut arguta confidit thymo, 110*
Tenuique nectar murmure exhaurit legens,
Mox avolans oculis, reliquit spiritum
Desiderii, amorisque, Nutrix, jam nihil
Dolet coerceri, quid ego vocis sonos,
Quid morum, O oris decus adoriar eloqui? 115
- Nut. *Lux unde modo sacra fulgeraret, territa*
Mirabar, unde tantus hic odor novus
Late per omnem dulce spiraret domum.
Sed quid? quid hoc alumna? residet adhuc nitor
Sparsus mitella, scobs ut aurea? Dan. Exime, 120
Sensim exime, vide, sed vide, Nutrix, tamen,
Roris, nefas, ne decidat aliquid sacri.
- Nut. *Eburneam rape pyxidem, aut ex arculis*
Aliquam, sed exterge, bene est, serva, vides,
Auro praeit quantum hoc, stupet quo hominum ge-
nus? 125
Ornaberis diademate, id equidem auguror;
Abiens reliquit capite regium decus.
- Dan. *Quotidie eadem prece rogabo saepius.*
- Nut. *Ita faciendum censeo. Dan. At quoties putas*
Fas esse? Nut. Ter, mane semel; iterum cum dies
(130
Medium rotis caelum terit ferventibus;
Dein ubi aderit nox, tertio, tunc maxime
Furtim revifere Superi terras amant.
- Dan. *Noctis mihi tempus quoque gratissimum;*
Duo sed relinquam reliqua non ego tempora. 135
Quid saepius si devocarem? Nut. Haud fas foret;
Caelestibus etenim est numerus hic amabilis.
- Dan. *Animus tamen praesagit ingens nunc malum.*
- Nut. *Expectora metum penitus omnem tibi.*
- Dan. *Praesens scio jam poena, Nutrix, me manet. 140*
- Nut. *Expue nefas, alumna, melius ominans.*
- Dan. *Plaudens cor intimum latus, cladem monet.*
- Nut. *In te quis unquam quippiam, Jove praeside?*
 Dan.

- Dan. *Quin ipse nuncians metum iniecit Deus.*
 Nut. *Aderit tibi, nec uspiam linquet suam.* 145
 Dan. *Patria carendum semper hei, Nutrix, mibi.*
 Nut. *Una est parens terra omnibus, ubi ubi fueris.*
 Dan. *Domoque, comitibusque vidua aequalibus.*
 Nut. *Saepe est ut exteri magis ament te tuis.*
 Dan. *Famularier servam heu genus me regium?* 150
 Nut. *Jam jam futura domina, nequicquam doles.*
 Dan. *Age, oscula, negata mibi post, da, dum licet.*
 Nut. *Tene ego sinam sine me ire quo fatum jubet?*
 Dan. *Tuaeque memor alumnae, ut usque sis, precor.*
 Nut. *Nisi ipsa fuero comes, mori quid nunc moror?* 155
Sed cur metuis, extrema fortuna verit
Tibi si Deus? quin etiam eum, atque etiam roga.
 Dan. *Secedam: in uno omnis mibi spes est Jove.*

Canit Chorus quantus sit Amoris furor, ejusque breviter pingit
 formam, & ornatum: postremo cum rogat, mitis sit
 erga genus humanum.

C H O R U S.

- Q**uis te, Cupido,
 Non paveat, ipsum 160
 Facula liquefacis si Jovem,
 Imbremque solvis in Aureum?
 Quam, ceu pusilla per nemus
 Nocturna scintillat volans
 Lita volucris caudam igneo 165
 Fulgore, lascivus jacis
 Passim per orbem dissipans.
 Heu quanta surgunt
 Incendia e parvo
 Ignis latentis semine! 170
 Nec est, cui semel haeserit,
 Ut excutiat ardorem;

Sed, sicut oestro percitus,
Errat furens;
Nemo tamen non appetens 175
Ultrò uritur:
Es dulcis adeo puer!
Nam sponte quis non advolet
Amore saevo saucius,
Quocumque ducis persequens, 180
Si te semel conspexerit,
Os purpura velut illitum,
Auroque fulgentem comas,
Ac vice oculorum sidera
Refixa caelo, atque insita 185
Sub fronte, natus es ubi puer
Alis decorus?
Tunc levi
Sed numquam inani cum pharetra,
Ardent ubi tot spicula, 190
Niveis rubent
Plumae quot humeris tibi leves,
Oras per orbis ultimas
Sparsisti amores seminans,
Unde omnia edita germinant. 195
Quare sator rerum es puer,
Hominum parens, ac Numinum,
In caelo, in undis, in solo
Terrarum amabilis,
Idemque formidabilis, 200
Lenis modo, modo asper, fluens
Lepore, moerore fluens.
Ut suggerit apis cum favos,
Eademque figit vulnera.
Tibi nec satis regum domos 205
Revisere potentium,
Quin pauperum sub culmina
Furtim volas.

A C T U S IV.

37

Gregis unde cutas abjicit
Flamma calefcens ruficus, 210
Silvisque fub frondofis
Solatur ignes cantibus.
Quid loquar, ut eloqueris
Dulcis per aures omnium?
Te intelligit gens barbara, 215
Te belluae, volucresque vagae,
Quae fimul adefl ver floridum,
Tuosque reditus sentiunt,
Praegefientes
Nitidum per aëra tinniunt. 220
Sis o placidus, & amove
Diros furores,
Suspendia, cruentas neces,
Lapsusque praecipites. fatis
Sint tibi querelae, 225
Fletusque, & irae gaudiis
Permiffae amantium.
Sed cur in aurum liquitur
Nunc Juppiter? an auro, ut fides,
Ut jura, vincitur 230
Quoque pudor? Utinam
Hoc mater unum
Tellus in auras
Numquam extuliffes malum!

ACTUS V.

Exponit flebili voce Nuncius, quibus fuerit modis extracta Danaë
ab Acrisio e turri, & in arcem ligneam coniecta,
marique, ac ventis commissa.

NUNCIUS. CHORUS.

- Nun. **M**ECUM quis eheu
Collacrymet? humor
Haustus sed omnis
Reliquit arentes genas;
Dolor tamen animo gravis
Infixus haeret. 5
- Ch. Quid eheu mali? quid hoc?
Nun. Vidisse tantum,
Tantum nefas? Scytha nihil umquam
Iratu hostis tale. 10
- Ch. Misere ut dolet, rogabo.
Nun. Eheu. Ch. Quid? oro te, quid hoc? age, fave?
Nun. Immane, barbarum.
Pater hoc, pater?
O virgo. Ch. Facinus quod tam atrox? 15
- Nun. Quin execrandum nefas
Rejecit unda respuens?
Sol ipse quin aversus
Refugit,
Unde oritur occidens? 20
- Ch. Exordiens, age loquere. Nun. Loquar ego, loquar
Infanda. Sævi carceris custos velut,
Rex ipse lustrans parietes aeneae domus,
Cautus dolos, ut hostium obsessus timet,
Aut pastor irrepentis insidias ferae, 25
Cum obstruit ovis septa vaser obambulans.
Visus fuit videre suspiciens procul

Caput

*Caput viri, Danaësq̃ue prolatum simul
Celsa e fenestra, quam plagae communiunt
Ferreae; pavor oculos puto fefellit senis.* 30

Ch. *Ut, saepe multi somniant id, quod timent.*

Nun. *Frendit furens, spumas agit ac ore horridus,
Ardetque, velut ignis, senilis pupula.
Ait haec rabie anhelans, ferus voce insuper:
Fossis, cuniculisque subterraneus,* 35
*At at, habet arcem vix positam adulter, sequar,
Sequar ego refugientem sub umbras Tartari.
Dixit, diuque circuit, an ullum foret
Extra cavum, valloque militum obsidet
Late loca, effugium esset ut nullum improbo.* 40
*Mox, ipse quam ferebat usque, ut janitor,
Clavi reserat adamantina parvas fores.
Ingressus, ut canis acer, indagat specum,
Obliviosior nihil reputans senex
Ex aere solidasse sola solido Mulcibrem.* 45
*Nusquam ubi videt quicquam daret quo se furor,
Natam aggreditur ipsam pater trepidam ferus.*

Ch. *Eheu pater natam? Nu. Necet ut atrox. Ch. Necet?
Se parricidio ut parens natae inquinet?
Danaën genitor? heu miseram! Nun. acutos ter suae* (50

*Admovit enses filiae jugulo impius,
Ter destitit, cruenta atrocius nece
Jam moliens animo scelus. Ch. Quod majus? heu!*

Nun. *Saevum, nefandum. Ch. Dic age. Nun. Abreptam
novis*

Danaën modis, numquam meminit animus feri, 55
*Numquam misellae, quin cor absumat dolor.
Protraxit ad vada pelagi. Ch. Genitam parens?*

Nun. *Arcamque jussit pineam ilicet ingredi.*

Ch. *Quorsum? quod heu trux imperans? quid cogitans?*

Nun. *Manabat ore virginis fletus miser,* 60
Formata ut effigies nivea hominis fuit

- Radiis liquefcens Solis iſta flammeis ;
 Torvumque ſupplex tabidula patrem intuens ;
 Mene, inquit, undis, me ne miſeram extingui ?
 Ah te, perit mecum niſi pietas, rogo, 65
 Caefam tegat humus, ſine, ſine, moriens ego
 Hoc grata munus auferam extremum patris.
 Heu me furenter aſpicit, igitur mari
 Jactata ſcopulos inter infelix diu
 Natabis eſca piſcibus, Danaë, feris, 70
 Fluitans vago diſperſa membratim ſalo,
 Dudum beata. Haud paſſus ulterius queri
 Natam ipſe ter Jovis vocantem nupina
 Brevi alveo impactam pede in vada propulit.
 Ch. Crudele, inauditum, nefarium ſcelus! 75
 Nun. Et ecce ſine nube inſonuit, atque aequoris
 Tranquillat undas ventus aſpirans levis,
 Clauſamque littore abſtulit in altum ferens.
 Ch. Io miſella, io puella regia
 Sortita qualem lucis exitum occidis! 80
 Nun. Ac velut aquoſa nube cum Sol abditur,
 Caelumque mugit triſte manans imbris,
 Sic nulla proſpicitur ubi, lacrymabilis
 Exoritur undique fremitus. Danaën nemus
 Circum reſultat conſitum, Danaën cauae 85
 Rupes, pelagus omne Danaën, Danaën reſert;
 Quin ipſe tandem victus evellit comam,
 Barbamque obortis humidam lacrymis ſenex,
 Seſeque rapuit, ac domum Cyclopeam
 Ingreſſus ipſe, exhorret hoſtiles minas, 90
 Cruesque natae vindices metuit ſuos.
 Utinam graves, utinam pares ſcleri luat
 Poenas nefandus: quae tamen ſcleri pares?
 Ch. Infanda reſert. Nun. Heu tamen acta.
 Ch. Saevus ne ſenex magis? infelix 95
 An virgo? Nun. Nihil ſaevius hoc eſt,
 Nihil atque infelicius illa.*

Ch.

Ch. *Patris infelix filia saevi,
 Quo te miseram nunc maris aestus,
 Adigunt, quo te flamina venti?
 Vagus o utinam navita rediens
 Obvius esset, Phocas vel qui
 Procul hinc captat, te nodosis
 Appulsam maculis deferret,
 Regemque bearet
 Insperata conjuge laetum.
 Specula velut aëria praeceps
 Incidit ipsis reribus olim
 Britomartis, amantem Minoa
 Dum fugit exanimata sequentem.
 Ite per altum, veligeras citi
 Solvite puppes, scandite, pellite,
 Verrite latis aequora ronsis.
 Quaerite circum, sicubi forte
 Ejecta vagis fluctibus errat
 Sub opacis, heu, sola cavernis;
 Aut imminobilis inflicta vadis
 Haeret brevibus, mortua nec dum
 Ante diem tumulatur arena:
 Quod si te movet, Amphitrite,
 Sors immeritae saeva puellae,
 Tangit si te regia proles,
 Formosaeque coetu comitari
 Gaudes formoso, venit en tuis
 Virgo digna choreis.
 Non hac, nuper numina ponti
 Inter quae colitur, Cadmeis
 Nitet ore magis, candida quamvis
 Inter virides luceat undas,
 Micat ut coelo luna sereno.
 I Dea curru delata levi
 Per mare labens, miseramque leva.
 Tamen, utcumque est, seu crudeli*

100

105

110

115

120

125

130

Fato

*Fato occidis, es seu caelesti
 Ope in aeternum servata decus,
 Nobis luctus, nobisque dolor,
 Lacrymae nobis, & querimoniae
 Usque relictæ, funestabunt
 Orbatam, te propter, vitam,
 Omne per ævum.*

135

140

*Nun. Ite, atque alios sumite cultus
 Passisque comis iterate novos
 Questus, adductis livescant
 Pectora palmis.*

*Numquam, posita ex quo sunt tantæ
 Urbis moenia, tantus moeror
 Consternatam perculit urbem.*

145

*Ch. Jovis, o Melpomene, decus,
 Roseo vincta corburno,
 Lyra cordi cui lugubris,
 Delatum hoc tibi munus
 Faxis perpetuum, rogo.*

150

F I N I S.

ANTONII THYLESII
CARMINUM
LIBRI DUO.





ANTONII THYLESII

C A R M I N U M

L I B E R I.

AD JOH. MATTHAEUM GYBERTUM

Clementis VII. P. M. Datarium.

I.



*OCTIS nobilitat sacer libellis
Illos saepe poeta, vita quorum est
Segnis, mors velut, eripitque morti
Post mortem insuper & facit perennes.
Tantum mûsa viri potest disertis! 5
Contra nunc sed ego peto, GYBERTE,*

*Ignotum celebrare me poetam
Per Te, cûs in Urbe, & Orbe fama
Indefessa volans canit benigne.
Quare hunc sic Tibi dedico libellum, 10
Non ipse ut capias decus, sed esse
Per Te nobilis ut queat libellus.*

II.

Ab Aeneas rogatus Achaemenides Ulyssis socius lamenta exponit,
 iraque Polyphemi coecitatem deplorantis.

Hoc quoque, Achaemenides, referas, timor
 omnis abesto,
 Acquora namque tenet jam classis, fave age, Cy-
 clops
 Quos fremitus, miseros solitus quos edere questus,
 Lucis inops errat dum cassus lumine, & beros
 Exanimis procul alta petens effugit Ulysses. 5
 Nate dea; Teucrum decus, & spes certa, fa-
 tebor
 Sospite quo numquam Neptunia Pergama flam-
 mis
 Consedisse; juvant quando haec, quae saepius
 hausi
 Auribus, expediam dictis, praecordia quamvis
 Pulsat adhuc, prohibetque pavor audita profa-
 vi. 10
 Est prope spumantes fluctus sub rupibus Aetnae
 Spelaeum scopulis super impendentibus ingens,
 Diva domus, suffixa horrent ubi terga ferarum,
 Brachiaque informi dependent squallida tabo.
 Inde ferus, cum vix aperit Sol aureus Orbem, 15
 Egreditur pecudes inter, vastusque recumbit,
 Qua salis assiduo pulsu cava saxa resultant.
 Hinc procul e densis latitans ubi conditus umbris
 Errabam, tales jactantem voce querelas
 Auribus his tacitus suspensis saepe notavi. 20
 Invisum Superis caput hoc cur parcis in undas,
 Lethaeas undas, tandem demergere, siqua
 Es dea Trinacriae, quae rapta silentibus umbris
 Im-

*Imperitas? memini questus audisse parentis,
 Armatusque animis ingentibus ilicet ultro 25
 Accurri laturus opem, timor ante sed illum
 Abstulerat: rursus dic mecum, fistula, carmen.
 Aut pater alstonans unum e tot millibus ignem
 Fulmineum, tibi quem manus haec formaverat
 olim,*

*Incute, ut immani transfixus verbere, vitae 30
 Quod superest, reddam, placitaque in morte
 quiescam.*

*Enceladus quondam velut actus turbine vasto
 Mole sub hac flammam efflat latere ustus, &
 ardet*

*Saecula tot: numquam Jovis ira extincta quie-
 scit.*

Applorans rursus dic mecum, fistula, carmen. 35

Tam procul Eois surgens rubicunda tenebras

Dispulit ore nitens roseo Titonia conjunx,

Undique & extinctus stellarum diffugit orbis.

Mox ruit, elabensque fragrantibus exit ab undis

Extremas radiis lustrans Sol igneus oras, 40

Et tremulis fulgore vadis accenditur aequor,

Impellunt animae quod leniter aspirantes:

Omnia quae quondam fuerant mihi dulcia visu,

Quae nunc perpetua percunt caligine mersa.

Applorans rursus dic mecum, fistula, carmen. 45

Plurima per silvas errat vaga turba volucrum

Nativis depicta coloribus, illa nec usquam

Conspicienda fluit celeri per inania lapsu:

Argutis tantum resonant loca vocibus usque;

Tuque arguta iterum dic mecum, fistula, carmen.

(50

*O nemus hinc illinc surgens super aethera, quon-
 dam*

Grata quies fesso, cum stratus gramine molli

Suspiciens teretes ramos super impendentes

Gau-

*Gaudebam viridi specie resupinus in umbra.
Hic bederae serpunt molles, hic arbutus antris,*

(55

*Eminet hic fugiens in caelum garrula pinus,
Cum levis hirsutas frondes movet aura favoni.
Garrula tuque etiam dic mecum, fistula, carmen.
Obstrepat ecce cadens saxi manantibus humor,
Et salebris offensa procul responderet imago. 60
Ite simul prope me pecudes, simul ite capellae,
Lanigeras pecudes, hirtae, simaeque capellae,
Pascite propter aquas, hic mollia pabula campi,
Hic dumosa viret rupes, ne vis fera venti
Praecipites summa specula deturbet in undas, 65
Ne lupo insidias circum malus investiget:*

*Ite simul prope me pecudes, simul ite capellae.
Tu quoque pelliti custos gregis, ardua, pernix,
Strenua, fida, sagax, venatrix, effera, pugnax,
Comminus occurrens fures age, candida Leuce. 70
Dulcius hoc iterum resonet mea fistula carmen.
Caeruleo surgunt candentes gurgite Nymphae,
Stellantes. nox picta sinus ubi fusca recondit;
Quas inter, mea cura, venit Galatea sorores,
Hanc numquam vitreis e fluctibus egredientem,*

(75

*Ceu quondam solitus fueram, spectare licebit.
Et nunc illa novos casus miseratur amantis,
Assidet O forsan, sed suppressit ore querelas,
Ne mea praesenti laceret praecordia luctu.
Dulcius hoc iterum resonet mea fistula carmen.*

(80

*Jamque procul visus tristes agnoscere voces,
Et gemitus jam saepe meas gravis impulit aures.
Quandoquidem unanimes pariter conjunxerat
ambo*

*Fidus amor, pressitque tenaci compede victos.
Ex quo levis adhuc matrem comitatus euntem, 85*

(Nam-

(Namque juvat meminisse meos, mea fistula, amores)

Conspexi roseis carpentem lilia palmis,

Et strophio religata comas formosa nitebat.

Dulcius hoc iterum resonet mea fistula carmen.

Tunc primum rudis insolito jactatus amore 90

Errabam, memini bis denas condere noctes,

Bisque dies denos solis sub rupibus Aetnae.

Nec minor, Aetnaeis quam rupibus aestuat ignis,

Gliscebatur tenero sub corde Cupidinis ignis.

Inspexi primum liquidis tunc fontibus ora, 95

Florebat malis cum nondum pulchra juventus,

Luxuriemque comae fingebar laetus opacam.

Te quoque tunc primum modulans, mea fistula, cantus

Edocui, quibus obstupuit genus omne ferarum,

Atque evulsa procul radicitus affuit arbor. 100

Tum vaga praecipites tenuerunt flumina cursus,

Et mea victa novis concentibus, effera quamvis,

Nata mari quamvis, properans e fluctibus ultro

Adnabat, dolor est, haec & meminisse voluptas.

Frigidulam ab quoties, trepidamque amplexus in acta

(105

Nusquam amittebam, donec suspenderet altam

Luna facem, & tremulis splenderet ignibus ac-

ther.

Tanta mihi quae nunc ceciderunt gaudia, nec te

Aspiciam posthac levibus super aequora plantis

Nereidas inter blandas agitare choreas. 110

Tristius extremum repetat cava fistula carmen.

Vivite montivagi Panes, vos vivite Nymphae.

Ille ego sum Cyclops Sicalae modulator avenae,

Pascere doctus oves, calathosque intexere junco,

Et canibus lustrare sagacibus omnia silvae, 115

Viribus invictis quondam, quae cuncta nefandus

Abstulit in tenebras rapiens mihi noctifer attras.

Tristius extremum repetat cava fistula carmen.

Stultus ego! Eurymides praedixerat omnia vates:

D

Inse-

Infelix Cyclops, Isbacus tibi frontis honorem 120
Demet Dardaniis veniens rate vectus ab oris.
Quae, nisi demta foret mihi mens prius, evitasset.
Venerat, & blando celans immania vultu
Insidiis animum rapuit malus ante, dolosi
Tristia dona ferens nimium pretiosa Lyaci: 125
Nectar erat dulci mihi nectare dulcius Hyblae,
Et ceu Letbaeo dilutum flumine sensus
Eripuit, circum visi concurrere montes,
Et remeare vadis refluentibus Acidis unda;
Tum geminum caput attollens pecus omne per ae-
quor 130
Cernere erat passim liquidis colludere campis.
Jamque sopor pressit languentem, sponte nec inde
Territus exsilui, caecaque in nocte volutus,
Caede madens, ustusque genas, ferus, anxius, a-
mens,
Voce fremens, miser errabam, ruit undique silvis 135
Turba minax, nec quo se vertat, conspicit usquam.
Ille etenim insultans, victorque fugacibus Austris
Vela prius procul hinc dederat levis ales in altum,
Atque ingrata sui monumenta aeterna reliquit.
Tristius extremum repetat cava fistula cermen. 140
O pater, o pelagi regnator, siccine inultum
Me finis? invisi navem praedonis adaetam
Quin rapis hac nobis perdendam? vulsa videres
Corpora jacta manu, pontoque immersa cruento:
Jamque volant passim correpta cadavera raptis 145
Visceribus, rivi que fluunt jam sanguinis attri;
Tum capitis diri direptum lumen utrumque
Disjicerem, poenas lueret, quas repperit ipse,
Suppliciis quando nihil est bis tetrius usquam.
Tristius extremum repetat cava fistula cermen. 150
Vel tu, siqua mei tangit te cura, procellas
Injice, ut impulsus per saxa furentibus Euris
Frigidus exhalet vitam sine honore sepulchri.
Quod

*Quod si fata negant, patriosque revisere portus
Constituunt, longis, durisque laboribus actus, 155
Da, Pater, amissis locis crudelia passus
Hospitia, ignotaque pererret naufragus oras.
Quin etiam exhaustis erroribus in sua postquam
Regna relictus erit, manus impia morte cruentet.
Haec horrenda fremebat atrox Polyphemus ad un-*
das. (160

*Quae mea ne posthac quaterent tremefacta pavore
Pectora, tu tandem veniens dux inclyte Teucrum
Eripis, & dira servas a morte receptum.*

III.

ARCHINTI Hortulus.

Fessus eram, bibulis licet auribus inter eundum
Haurivem, quaecumque meus Corvita ferebat,
Jucundus, si quisquam alius, facundus & idem;
Dira animum excoluit cui Pieris, atque in utroque
Jussit ut excellens sermone, Graja Latinis 5
Adderet, & patriam studiis decoraret honestis:
Cum mihi per tempus profert se Archintus agendis
Spectatus caussis, seu sacris, sive profanis,
Nec tamen a Musis quicquam semotus, & ambo
Quo properant? melius ne pati nunc pulveris haustus?

(10

*An aliud, suadent quod tempora forsan, & aestus?
Haec ait, & dextra pariter, laevaue moratur
Injecta geminos, ceu polypus acer, & ad se
Non hercle invitos trahit ille, sequemur? ego in-*
quam.

Qui potis inquit eris meus hinc avellier usquam?

(15

Vestibulum ingredimur, mox Hortulus excipit herbis

*Fertilis, unde balant varii, nova germina, flores;
Quasque solet Paeon, senior vel filius olim
Colligere, & succis morbos depellere taetros,
Quis calor extinctus redit in frigentia membra, 20
Pallor abit saevo revocatis Manibus Orco.*

*Multraque frondosis viret haec arbuscula ramis
Buxifero quondam procul buc advecta Cytboro,
Materiam unde faber serratis dentibus aequans
Mundiciem in capitis format, contumque capilli.*

(25

*Vertit & hanc circum tornans stridentibus armis,
Quae matris retinet nomen, seu conditur illic
Gurgitis esca mali, irritamentumque nepotis,
Quo scabies magis increscit vesana palati;
Sive Euros, Zephyrosque notant spirare per aequor*

(30

*Nautarum vaga turba, silent licet omnia ventis.
Artificis ferro nitet haec detonsa bidenri,
Surgit & (horrendum) varias imitata figuras.
Frondeus ingressos terret ferus ora Colossus,
Saevit & allatrans canis asper non minus, atque*

(35

*Persephones rabiem cuius male sensit amator.
Navigat hic ingens mare corbita, alta videres
Carbasa tenta Noto, distentos undique funes;
Nereides prope consurgunt, ceu cum vada quondam
Caerula prima novo sulcavit flamine puppis, 40
Abductura gregis decus ingens, quo Thetis alma
Tempore Pelaeo correpta cupidine sensit
Quid sit amor, gelidisque exarsit tota sub undis.
Nec mora (tanta repente medullas flamma perussit)
Enatat, inque atram fugiens mutata figuram, 45
Falleret ut centum Nereo genitore sorores,
Saxa per, & cautes, & salsas labitur undas;*

Ab-

*Abditaque in scopulis latebrosis dulcia carpit
Furta, nec undanti meminit se reddere ponto.
Quid loquar & Dryadum facies? Satyrique bicor-
nis?*

*Diceret hunc quis non Veneris stimularier oestro?
Intortosque sinus, spirisque ingentibus angues?
Et circumsonfos orbes, simulacraque caeli?
Ardua quid referam sacri fastigia templi?*

*Est ubi, quem dixisse nefas, ne ludicra veris
Miscere, & levibus confundere sacra, sit ingens
Religio, sed quo nascente pericula mille,
Mille vias lesbi vitavimus, ante reflexo
Poplite suspiciens tristi vir flebilis ore*

*Pectora contundit scopulo, ferus adjacet una.
Omnia quae formata licet simulataque, dices
Mortua non haec sunt, non haec sine moribus esse.
Nam crescunt, pariterque vigent, & suppetit humor
Cuique suus, cunctas nutrit alit ubere eodem.*

*Quod neque Praxiteles mira quae fecerat arte
Contigit, aut tabulis quascumque probavit Apelles,
Sive luto quisquam, fulvo seu clarnit auro;
Haec, quando numquam sunt aucta vigoribus ullis,
Vivere ne vere affirmes, quae nulla moventur.*

*Caetera me rapiunt, & passim lumina sistunt.
Quae Mirtus Veneri, quae grata est Vitis Jaccho,
Utraque formosa est; gracili nitet altera ramo,
Frondebis & pariter positis consurgit acutis,
Semper odoratis, semperque virentibus isdem;*

*Altera condensat scenam diffusa, vivensque
Laeta comam aestivos defendit tegmine soles.
Nil tamen oblectat me valdius, atque virenti
Praetentus paries hedera, quae plurima lapsu
Multiplici serpit lambentibus omnia ramis,*

*Grata Deo, mentis qui curas eluit acres.
Namque novercales hac tectus parvulus iras
Effugit, Thyrsos ornat qua nunc memor, inque*

*Crateras torquet, curruque, & Tigribus aprat;
Dat quoque ferre suis, sibi nec Deus invidet illam,
Vestit at impubesque genas, crinemque madentem,*

(85)

*Ne rapidi exurat faciem vis ignea Solis.
Vosque Deum curae vates hoc munere donat;
Ut quoniam numquam frondis decus interit aestu,
Nec glacie, pluvisque, viret sed jugiter illa,
Tempore sic omni vobis quoque fama perennet. 90
Salve hominum, Divumque decus, formosa virensque,
Ambitiosa, sequens quodcumque amplecteris, errans
Mille viis, lasciva, fluens, mollissima, levis
Nec minus, innumeris fibris quae infixæ supremos
Ascendit ramos innitens arboris altae. 95
Nec telluris amans tantum, sed cortice, quamvis
Praedura, surgis laetissima, cornibus inque
Ramosis visa es celeris quoque vivere cervi,
Teque fuga rapit ille sua venatibus actus.
Digna polo tandem, nam tu quoque sidere fulges*

(100)

*Aurea, Minois postquam misera occidit, & te
Deposuit tristis Liber, caeloque locavit.*

IV.

Lucernam describit a LAMPPIO patricio Mediolanensi
dono missam.

A Enea vineta bederae foliis cava tempora Bac-
chi

*Affixae gratum praebeant mihi Lampadis usum.
Vertice nam qua se partes coma vertit in omnes,
Et tenuis gyro capitis patet area summi,
Descendit velut exiguae testudinis orbis. 5
Cornibus hunc operit religatum emblemata gemellis
Insigne, inque vicem reteggit specus inde remotum,
Agri-*

Agricolae munus quo Palladis instillatur.
Quem simul accepit calva aerea parva liquorem,
Mittit in os, animi cui nuncia lingua palato 10
Exerta, & sulco caelata ellychnia anhelat.
Usque laboranti similis persona videtur:
Aestuat, efflat hians arduentes faucibus ignes,
Atque exusta genas atro furit horrida vultu,
Ejectus quondam Semeles velut ignibus alvo. 15
Grata mihi, & nostris aptissima dona Camoenis
Lampius haec dedit insignis patriaque, domoque,
Lampius ingenti mecum conjunctus amore.
Scilicet ut, veterum seu me monumenta virorum
Nosse juvat, Latium, vel quos tulit Attica Tellus,

(20

Ludere seu mihi quid libet inter carmine curas,
Quels scater undique vita calentibus insperatis,
Lumina sufficeret tam cari munus amici,
Et quasi jucundi socius foret ille laboris.
Ignipotentis opus fuit hoc, Deus hoc sibi primum, 25
Ipse sibi, & sponsae formavit Mulciber, exit
Vertice quae sacro; nam quamvis bellua nobis
Persimilis nutrit similem turpissima alumnum,
Tardigradumque, moleste, ac turpiter incedentem;
Attamen ictus amore procaciter appetit usque 30
Conjugium duro formosae Palladis ore,
Quamvis laeta oculos, quamvis nitet aurea crines.
Nec pater abnuat hoc; carum sed nata pudorem
Castia negat sibi posse auferri viribus ullis.
Ergo infelicis deus ipse solamen amoris 35
Finxit, ubi foret inventum utriusque deorum,
Et ceu nocturnus vigil esset conjuge mistus.
Lumineque apposito faber Aegida perficit illi,
Spicula praefigens adamantina vel politae hastae,
Aut crebris tegmen capitis cavat ictibus aurei, 40
Frigida cum tremulis nox ignibus atra relucet,
Candidus & fuscae frater cessisse sorori

D 4

Non

Non dolet Oceani delapsus in ima barathri.
 Mittit & banc ipsam gemmisque, auroque decoram,
 Ingentem, expressam signis, quo laeta tenebras 45
 Pellat, opus si quid caelesti lucubrat aula,
 Aurea seu torquet subtemina, pectine densat
 Seu telas, urgensque argutis plausibus aequat;
 Ornat acupictrix seu pallam, nam licet usque
 Casta dea est, cupit usque tamen formosa videri.

(50

Nec minus hinc illinc omnes jam commovet in se
 Spectantes cupide Divos, oculisque inbiantes,
 Quam soror Idaeis victrix convallibus olim;
 Quamvis illa Cupidine sit comitata volucris,
 Effusus occultos qui spargit arundinis ignes, 55
 Semper & huc illuc blandos Dea spirat amores.
 Interdum studiosa coloribus atria caeli
 Distinguit vastos armans in praelia fratres,
 Enceladumque, Typhoeumque, aëriumque Mimanta,
 Et movet hinc acies horrendas, inde Deorum, 60
 Bellonamque, Gradivumque, Amphitryoniademque
 Ipsumque ardenti jaculantem fulmina dextra
 Impavidum Altitonantem, animisque in bella ruen-
 tem,

Quem prope Gorgoneis astans furit anguibus ipsa,
 Nec superas tanto discrimine deserit arces. 65
 Unde Deus sese gaudet spectare, memorque
 Difficilis quondam pugnae pictosque triumphos
 Perlegit, & carae libat pater oscula natae.
 Quin etiam Phoebi, Musarumque aemula Pallas
 Nocte silente modos, & carmina digna Deorum 70
 Auribus invigilat, docet haec, quos diligit, ipsa,
 Omnia sollerti fingit quae pectore diva,
 Atque alia, gratum despecti ad lumen amantis,
 Cum facibus primum mortalis sedulus atram
 Dispellit noctis nebulam, caecaeque tenebras. 75
 Idque est, qui caelo nunc Palladis Hesperus ardet,

Hespe-

*Hesperus, aeternum decus altisonantis Olympi.
Non minus hic quamvis Divum Regina, Venusque,
Et galea insignis Tritonia certat, in uda
Quam Phrygio quondam sub iudice lis fuit Ida.* 80

V.

*Aestu, remigioque fessus cum e navi descendisset Alethes
Syracusanus, aerumnas exponit miseriaeque
Nautarum.*

Solverat Aetnaeis puppem longaevus Alethes
Finibus, & solita fulcans vada salsa carina
Nota Syracosiae repetebat littora terrae;
Cum defessa manus juvenum per caerula remex
Aequora, solis aquas flammis urentibus ipsas, 5
Aetheriei medium jam conscendentis Olympi,
Scrupea, quae cernunt cava proxima rupe sub ima,
Antra petunt curvis laquearibus edita summis,
Desuper incumbente coma spissa arboris altae -
Lympharum scatebris frigentibus insonat & fons, (10

Fons praedives aquae dulcis, quem glareæ rivum
Excipit, & lapidosa velut remoratur, amaris
Ignarus ne se praeceptis immisceat undis.
Algida dumque aliis somnos facit umbra, torusque
Graminis, ales opacae & garrulus incola silvae; 15
Ipse senex mecum recubans, sic me modo tristis,
Invisum spectans pelagus modo, talia fatur..
Quae mala mens, quaeve ira Deum te compulit, bo-
spes,

Ignotas tentare vias, nostrosque labores
Discere, & infidis ultro te credere ventis? 20
Conditio nulla est hominum crudelior usquam,
Quam mare, quam tristes hyemes horrescere, nec cum
Aequora tuta vides, jam tunc datur hora quieti.

Sed

Sed miseri insanos aestus, & saeva vicissim
 Frigora perferimus noctes freta vasta, diesque. 25
 Assueto incumbens operi jam lassus arator,
 Vesper ubi, piger agricolas agit ante juvencos
 Per nemus, irrepitque domum, dulcesque revisit
 Servantes limen fida cum conjuge natos.
 Raraque post miles pulchri certamina belli 30
 Divres, honore fluit, functusque labore quiescit.
 Nobis nulla quies, visu quid saevius usquam est,
 Quam si quando maris facies turbatur, & imis
 Sedibus eructat ferventi gurgite fluctus,
 Pontus & illisus scopulis super aethera surgit? 35
 Hinc atque hinc ignes exterrent nubibus atris,
 Humidaque immissis feriuntur carbasa nimbis,
 Et convexa tonant ingenti murmure caeli,
 Cunctaque nox horrenda cavo convolvit amictu.
 Exitium crudele oculis tunc omnibus haeret, 40
 Nec spes ulla fugae pavidis, maris obruat unda,
 Cautibus an caecis immani turbine adacti
 Vitam exhalamus miseram sine honore sepulchri,
 Et super advolitent nudata cadavera Mergi.
 Quod si forte Pater Neptunus parcit, & audit 45
 Vota libens, mulcetque secundis aequora ventis;
 Non tamen est quicquam non formidabile nautis.
 Saepe etenim scopulos impacta regentibus undis
 Membra natant passim fragilis disiecta carinae,
 Aut compage senescit hians, fluctusque vieta 50
 Accipit occultos, portu quibus mergitur ipso:
 Sentit enim tutos non semper navita portus.
 Quid, laeti quoties levibus delabimur auris,
 Nec timor ullus habet, subito cum remige praedo
 Improvisus adest? altis nam saepe cavernis 55
 Pestis acerba hominum speculans latet abdita furtim,
 Armatusque animis ingentibus evolat acer.
 Nec tantum fuerant tantis quae parta periclis
 Diripiunt, duris sed vinclis neclimur, unde

Notæ

Non datur effugium, donec miserata labores 60
 Expectata animae nexus mors corpore solvat.
 Ter maris unda furens aquilonibus horruit attris,
 Subdola ter faciles revocat pellacia nautas
 Blandius aestivis solito insidiantibus auris,
 Dicitur haec Grajis Siren maris accola vasti, 65
 Ex quo sola duas armatas Maura biremis,
 Et minor, ingentes expugnat fraude carinas.
 Mira quidem, sed res nulli non cognita tanta est.
 Nam geminas longo cum cerneret intervallo
 Remigibus liquido, viridique incumbere campo, 70
 Quae propior, fidens animis, atque artibus illam
 Aggreditur, laetisque volat clamoribus ultro.
 Explicat & nostris eadem vexilla, velut quae
 Congressu laetetur amicae, viribus impar,
 Scilicet ut sese non hostem ostenderet hosti; 75
 Atque ita vela facit, tectisque adremigat armis.
 Ergo quae properans prius exsilit aspera pugnae,
 Capta dolo, infelix plausus quoque reddit amicos.
 Nec mora, multipedes polypi correpta tenent ceu,
 Hinc illinc congressa manu religatur athena; 80
 Insiluitque levis pubes diro effera vultu,
 Sternit & incautos ferro, natat omnis ubique
 Per juga, perque foros respersa caede triremis.
 Desiluitque salo pars integra vulnere, & ultro
 Maluit extingui crudeli funere in undis, 85
 Quam subiisse truces gladios, & compede dura
 Impedienda dare immani vestigia Mauro.
 Cetera ut aerumnas servata spirat in omnes.
 Nec satur iis animum rebus, vel sanguine praedo,
 Victricem, ceu victa foret, de more carinam 90
 Pone ligans victae, sociis redit obvius audax.
 Alter successuque tumens, spe elatus & idem
 Concurrit, sociae rebus gratetur ut alter,
 Prospectu secus esse putans, quam res foret, atque is.
 Laetus utrinque sonat diffusus in aequora clamor. 95.
 Et

Et vario dulcis certat symphonia cantu,
 Expressisque tonat tum fistula ferrea bombis;
 Eque sua jam tunc habitum mentitus, & arma
 Bis felix multa pervertit caede triumphos.
 Quid tibi quanta fuit referam pretiosa supellex? 100
 Pondus & argenti? fulvi quid pondus & auri?
 Utraque cum gemini longum dominata per ævum
 Aequoris imperiosa daret jura omnibus undis.
 Flos quoque libatus siculis perit omnis ibidem,
 Nec posita immortalis adhuc insignia luctus. 105
 Non satis est duris committere praelia campis.
 Sæva suo gaudens hominum gens sanguine classes
 Deducit, mediasque hostes irritat in undas,
 Confliguntque domus compulsæ per mare vastum,
 Arx volat, & pelago concurrunt oppida, & urbes.

(110

Undique tela cadunt, immania saxa, facesque,
 Quæ gelidis serpunt in fluctibus. unde vel igni
 Usta perit navis, vel mole sepulta sub unda est.
 Cognita quin etiam rigido velut arietat ore
 Bellua, pertunditque ratem, terebratque sub undas.

115

Quo simul irrupit furtim vis æquoris ingens,
 Et depressa mari subsidit, funera victrix
 Discerpens rabido depascitur improba morsu.
 Nec miseris inimica lues natat hæc modo nautis.
 Crederet, hæc nisi monstra fuit cui cernere, quis-
 nam?

120

Instar at immensæ vomit ore erecta columna
 Altera flumen aquæ immergens hominesque, ratesque,
 Reddit ut exsaturatus aquas olim imbrifer arcus.
 Est quoque, quæ exsuperat dorso, velut insula, vasto.
 Currentemque evertit agens molem obvia Pristis,

(125

Horrendum visu, quales configere quondam
 Cyaneas timus cautes, quæ plurima ponto

Saxa

*Saxa vagantur aquis ingentia, fluctibus acta.
Parvaeque, mira quidem sed res jam nota, Echeneis.
Ingentem cohibet navem remorata volucrem. 130
Namque tibi auditum puto, quod Scinis in spelunca*

*Prodigium pascebat atrox, cum rupe sub alta
Testudo exsiliens projecta cadavera in aequor
Corripiebat bians: natat haec non sola per undas.
Plura quoque emergunt variis portenta figuris, 135
Atque aliae innumerae pestes maria omnia complent.
Tutus ab aligeris errat nec navita ponto.
Nil referam, stupui quod & ipse, ut Strymonia*

Grus

*Alti volans petat horrifono nos desuper imbri.
Cum secura maris, defessaque pondere sese 140
Exonerat, laxatque volas novus, unde pluit ros.
Densa phalanx etenim commigrans transfretat aequor.*

*Hoc miserum multo magis accidit. horrida nubes
Ortygiae nomen dedit insula saepe volucrum
Cum freta transmittit, simul involat omnis, & al-
veo. 145*

*Incumbens pectus plago dat. turbine nec sic
Exborrent, trepidantque atram nautae omnibus bo-
ram.*

*Aut ferus expugnat cum moenia barbarus hostis,
Consternata tremis sic omnis turba tumultu.
Horribilis venit ut pavidis exercitus hospes, 150
Lassus ut in sicca fidens statione quiescat.*

*Utque nihil, quae dicta mihi, contingeret unquam,
In terris quidnam gravius, quam vertere fluctus
Remigio? & duris intendere brachia tonsis?*

*Aut tortis versare rudentibus undique vela? 155
Et cursare jugis? undasque immergier infra?*

*Murice nam scopuli persaepe tenaciter haeret
Anchora, quam potis est vis demere nulla superne,
Ni*

Ni natet buc aliquis penitus cava saxa pererrans ,
Atque animam compressus, aquis vagus omnia lustrat,

(160

Et manibus sistens infixam detrahat uncis
Vix tandem inventam undae, atque obluētatus arenae.
Hic mihi consumptis lacrymis, tamen haeret in imo
Corde dolor, unquam nec defluet, unica proles,
Spesque meae fuit, & requies sucunda senectae,

(165

Ora puer primo vestitus flore iuventae ;
Dicta syracosii fuerat cui filia Glauci
Leucorhoë, specie ante alias pulcherrima virgo.
Cui res cuncta domus tot parva laboribus uni
Dotalis servatur adhuc intacta puellae. 170
Hic dummersus aquis audax petit ima profundi
Aequoris, (heu laesi imprudens quo crimine Divos!)
Infelix oculis nostris non redditus unquam est ;
Vortice seu victus, quamvis nec fortior alter
Nare minas inter pelagi ; seu fixus inhaesit 175
Angustas inter cautes ; seu bellua nantem
Invasit, gliscunt variis namque aequora monstis.
Notus Abydeni tibi quondam casus amantis,
Nec potui saltim funus producere, & inter
Cognatos patrio cinerem mandare sepulcro ; 180
Piscibus at lanianda feris mea membra reliqui.
Post illa & potui caelesti vescier aura?
Sed redeam saevus divertit me dolor unde.
Omnia sunt miseranda. caput vix ponere transtris
Nocte licet, fessos durisque ad murmura ponti. 185
Colluvies quo foeda fuit taeterrima pestis,
Et gravis in superas efflatur spiritus auras.
Semper & buc illuc fluitant cava lignea pulsu
Undarum ; currunt scopuli, terraeque recedunt,
Vertitur atque aër circum ; tum nausea victum 190
Rejicit. at siquando fames furit improba, tantum
Atra Ceres modice succurrit summa, bis ulla,

Atque

*Atque exesa situ, nec munda: hac vescimur omnes.
Pocula nec dulcis nobis sunt nota Lyaei,
Parcus at humor aquae longo corruptus ab aevo ;*

(195

*Qui tamen interdum cum deficit, & sitis angit
Arida, amariciem tristem, salsoſque liquores
Cogimur exhaurire, nihil quo taetrius uſquam eſt.
Nec non ſaeva diu tempeſtas obſidet oris
Jam procul, importuna fames ſubigitque vel ipſos,*

(200

*Quemque ſuos, (dirum!) conſumere dentibus artus,
Sponte fatigatas animas vel tradere ponto.
Singula ſi ſequerer, quae ſunt aſperrima, fari,
Undique quod miſeris ſit deplorabile fatum,
Ardentes Sol ante rotas extingueret undis 205
Oceani, & tremulis ſplendesceret ignibus aether.
Nimirum ſerus ille fuit, qui littora liquit
Primus, & iſanos auſus contemnere ventos,
Et dulcem rapidis animam obſectare procellis.
Non ſatis huic fuerat vitam duxiſſe vel intra 210
Oppida tuta frui vel ſilvis. o mihi quando
Hoc dabitur, lucos inter, camposque viventes
Securo, ſupereſt vitae quod, vivere, cunque.
Eſt mihi rus modicum patriae prope moenia terrae,
Fons Arethuſa tuus qua dulci exuberat unda, 215
Deſpicere unde licet pulſantes littora fluctus.
Humida nec tantum praetendunt nubila caelum,
Quin nitidus pulſa caligine videat aër,
Et dulces ſpirant Zephyri; tum floribus balat
Pinguis humus, ramis denſiſque refrigerat umbra.*

(220

*Hic mihi jam certum eſt tandem requieſcere, ibique
Immanem tibi conſtituam, Neptune, Tridentem.
Semper aquis quoniam primo verſatus ab aevo
Vitavi impendens fatum, manibuſque relapſus
Saepe fui dirae Mortis, quae turbida vultum, 225
Et*

Et

*Et furiale tuens instabat faucibus atris.
Sed satis haec, leni increpitans vocat aura susurro,
Et favet impulsu ventis mare: forsitan audit
Ipse Pater, votumque libens Deus accipit aure.
Surge age, & optatos fines cernamus ovantes.* 230

VI.

De Arce Mediolanensi fulminata.

Aerio superans Turris modo vertice nubes
Quo disiecta abiit? Jovis haec fuit ira Ton-
nantis,
Ira Jovis magni, trepidat cor, mente recurſat
Nox ubi, cum venit Hesperio prius igne diurna.
Nec facies eadem caeli, modo densa tenebris 5
Terrificat, pavidos sternit modo flammae, vasto
Murmure deſectis caeleſtibus undique telis.
Unum, quae molita fuit manus? omnia flammis
Occupat ante, fragor ſequiturque immanis, & uſque
Verberibus furit horriſonis, tum funditus omnis 10
Urbs quatitur, clauſas ruptis patuiſſe fenestras
Veſtibus extimuit gens territa, plurima ſacris
Cardine vulſa procul jacuit quoque janua templis.
Altera jam alterius noctis nox additur umbris,
Jam tandem docet ingentes lux orta ruinas, 15
Et vigiles, luſi ceu ſomno, cernimus ultra
Cuncta fidem, paſſim per campos ſaxa patentes
Sedibus ejaculata ſuis, immania monſtra,
Sic poſita, illaeſa (mirum!) ut tellure jacerent.
Quanta nec inſurgens Salaminius impulit Heros, 20
Nec pius Idaeis, Latiſſque expertus in oris
Trojus, aut claiſſis fugiens victoris Ulyſſi.
Illa etenim aëriam vis diſſidit ignea molem,
Sulſure miſtus ubi fuerat ſitus abditus olim,
Parie-

Parietibus situs erasus squallentibus ante,
 Namque pruina velut canescens floret opacus,
 Occupat & deserta domus lanugine sentus,
 Quo gravibus tormenta ardent immania bombis,
 Cum teres impletur specus usto fomite adacto,
 Aëraque inculcata cavum pila truditur orbem, 30
 Obstruit & cumulus spiramina pulveris atri,
 Semina qui admoti spira simul allicit ignis,
 Emicuit stridens, penitus mox lapsa per arctum
 Intestina vorat fax ilicet omnia, & acris
 Flamma furens vacuas saevit prorumpere in auras.

(35

Insitque excutitur, vique evolat excita pestis
 Bellica, perque viros fertur, qua densa minatur
 Hinc atque hinc acies adversa micantibus armis,
 Omnibus ore tonans vasto saevam horrida caedem.
 Nec potis ulla phalanx obsistere, sed velut amnis,

(40

Cum praeceps agit arva, nec objice segnior ullo est,
 Sic quacumque furor venit igneus, omnia differt,
 Atque catervatim sternit, capita aenea equorum
 Tollit, idemque virum fortissima pectora telum.
 Uteriusque volat, nec pone sequentibus, ante 45
 Qui pereunt, quicquam profunt, ex ordine cunctos
 Dissipat, ora, manus, & mille cadavera acervat.
 Quaque prius confertus erat globus, ampla videtur,
 Plurimaque hinc illinc deletis semita turmis.

Oppida quid referam quo verbere disjicit? hostis 50
 Fulmineo vallata quatit cum moenia telo.

Edita nec quamvis rupes praecisa, minaxque
 Sustinet immensis erectas turribus arces,
 Est quicquam; subjecta cadunt quoque fragmina mon-

tis.

Nec minus hinc Steropes propugnans, quod procul
 omne

55

E

Cum-

Cumque videt, saevis collimans ictibus aufert,
 Erigit inque Deum sedes, supera astra laceffens,
 Unde ruina cadit cunctis trepidantibus ingens,
 Tecta super, tabulataque transvolat omnia praeceps;
 Perque solum penitus fugiens diverberat ima 60
 Tartara, & exsanguis terret formidine Manes.
 Quod si tergeminis cum montibus impia tentant
 Praelia Terrigenae centenis ensibus unus
 Quisque fremens, haec nota feris portenta fuissent,
 Victa foret numquam superis manus horrida telis.

(65

Maxima quin potius sublimia sidera Mundi,
 Et gemina accensae fregissent cornua Phoebes;
 Tuque pater lucis disiectus inane per ingens
 Nullus grata dares extinctus lumina, Titan.
 Quis male tam solers finxit, quod nulla vetustas?

(70

Aligerum summis fugientem nubibus, atque
 Iäpetionidem tulerit licet illa Prometheum;
 Unde homines ficti luteum genus, & tamen illic
 Terrenis fertur caveis clausisse volucres
 Aethereoque animos subducto callidus igni. 75
 Cuncta tamen docuit quicquid vetus, haec nova &
 aetas,

Praestitit inventum super, seu Rheticus illud,
 Seu Meroë dedit exanimi circumflua Nilo.
 Quis tamen, ille mali, sive haec fuit auctor, in iras
 Prodidit arma Jovis faber irritabile numen, 80
 Aetnaeus faber acceptus male, namque tenebris,
 Deque die imparibus festinat gressibus usque,
 Deturpans nigra tostas fuligine malas;
 Dum grave tollit onus, ferro versatque bidenti,
 Exacuit rapidas seu tela sequentia flammis, 85
 Sive coactus opus Marti facit armipotenti;
 Cum interea ambrosiae succos, & nectaris ille

Per-

Perpotat strophæis redimitus in ætheris aula,
 Affidet & caræ, cura hæc cor valdius urit.
 Nam nisi conjugio parens uxorius esset, 90
 Ipsa suas sibi haberet opes Cypris edita ponto,
 Dotalis quicquid dives fert insula, & oris
 Quicquid gemmiferis vitrei lavat æquoris unda.
 Idque videns mussat furibundus, & usque cavernis
 Insonat Aeoliis, tantus timor urget amantem. 95
 Neve tori insidiis vigilet, vaser edocet artes,
 Ostenditque dolens furtim caelestia tela.
 Unde ruit, vastumque extrudit pondus, & inter
 Ipse venit turmas Vulcanus, nec sua vires
 Arma ferunt, juveni Pelidae qualia quondam 100
 Fecerat æquoreæ Thetidis prece victus amator.
 Namque Deus numquam est non pronus ad ulci-
 scendum.

Ipsa parens, Regina Deum, soror, & Jovis uxor
 Insidiosa sui stupuit nova munera nati,
 Lumina cum solio fugientes abdidit aureo 105
 Intendens laqueos ultus fastidia matris.

Praeter enim Olenio qui germine natus adulter
 Sensit idem, pater indoluit quoque conjuge Divum
 Tenuibus irretita adamantibus undique nexis.
 Quare nec Mavors fera praelia tentat, ut ante, 110
 Nec Bellona gradus, nec confert Attica virgo;
 Quippe hominum armati metuunt nova fulmina Divi,
 Et videt esse Joves tot terris Juppiter unus
 Aethereus; fremit infrendens hinc horridus ira
 Dementis memor Arcadii, quem vana ferentem 115
 Fulmina, detrusum veris sub tartara adegit.
 Ergo caelestis, penetrabilis, & vagus ignis
 Missus adest, rapuitque cados, quæ condita mille
 Hostilis fuerat caedes, si sistere contra
 Ausa manus foret ulla potentibus obvia belli. 120
 Altera namque dies simul orta rediret Eo,

Mittere perniciem fuerat mens hostibus atram,
 Qua pater Eridanus pingues secat aequore campos.
 Praelia quanta illic, & strages quanta fuisset!
 Haec metuens gravibus summo ruit axe quadrigis

(125

Noctiferas nubes Saturnius, imbriferasque
 Saevus agens, Turrisque Ducum monumenta prio-
 rum,

Tamque operosa petit ferus impete moenia vasto.
 Illicet ima furit, capitur nec fornice, quamvis
 Ingenti, peritura poli loca celsa, Deumque 130
 Sidereas, vitreasque domos late excita flamma,
 Ni praeclusa foret circumque, & desuper omnis.
 Hinc enixa, datur nullus postquam exitus, alta
 Culmina convellens jacit in sublime, volantque
 Sidera trans suspensa trabes, radicibus atque 135
 Dissiliunt imis ingentia saxa cavernis,
 Marmorei postes, simulacra, insignia regum.
 Unde urbs contremefacta solo, procul ista ruinis,
 Exanimata fragore, novissima palluit amens.
 Trinacris ut flagrans rupes cava perfurit olim, 140
 Undique collapsis scopulis cum flamma sepulta est;
 Sicelis unde tremit Tellus; mox mille sub auras
 Saxa vomit vastis Crateribus alta vorago;
 Arvaeque, littoreique sinus, urbesque, marisque
 Aequora complentur, trepidis pavor omnibus idem
 est. 145

Excidio custos devotae cessit & arcis,
 Trans vada lata mitra bifida redimitus acuta,
 Et levam armatus lituo, dextramque flagello,
 Stabat ut ante fores venerandus imagine Divus.
 Et comes elapsa est serpens Epidauria, sacri 150
 Velleris, Hesperiaeque vigil custodia silvae
 Involvens geminam sinuosis flexibus Arcton.
 Quique ingens Turris fastigia celsa tenebat,
 Mar-

Martius, insignis galea, & calcaribus, ipse,
 Quem docuit roseis pictum palearibus Atlas, 155
 Persarum procul huc vectum regionibus usque,
 Quem villosa pavet Cybeles, refugitque curulis,
 Tunc primum tentare coactus abeneus ales
 Nocturnasque umbras, rapidosque volatibus imbres.
 Et levis excelsa sublatus in aethera lapsu, 160
 Allaturus opem fundo gravis affuit imo.
 Fundamenta fuere ubi, sed dejecta, superbae
 Turris, ibi vastus barathri descendit hiatus.
 Hinc atque hinc vulso patet ingens pariete porta,
 Quem super agrestis pellebat plaustra Bootes. 165
 Bis duo lapsa super post ter quinquennia centum,
 Terque replens senos Diçlynnæ resceraat orbes,
 Lux ea, clavigero dicta est cui proxima Divo,
 Exoritur saeculis ex quo prior omnibus infans,
 Cum diversa volans vestigia nulla relinquit. 170
 Notesces tamen incolumi magis, eruta Turris,
 Omnis & horrificos gens audiet ultima casus,
 Non hominum deleta manu, caelestibus impar.
 Unde gravi labefacta dolet dominae utraque fato,
 Fida diu tecum tot passa pericula belli, 175
 Hinc atque hinc Turris superans, ut Olympia Calpe,
 Et socia immani, aeternoque adjuncta labori.
 Quae, velut aetheris hae, pelagi sensere furorem.
 Attulit at miserum multo magis ampla ruina:
 Nam glomerata virum sumptis manus aspera telis
 (180

Plurima, dum foedos defendunt tegmine nimbos,
 Omnibus una rapax horam quae dixit eandem,
 Saeva repentino Proserpina turbine lethi
 Abstulit; at mortis species non una virorum.
 Pars collisa gravi sub mole, cadavere nullo 185
 Occidit; ignis at haec vi rapta repente perusta est.
 Fumæa vel nubes taeterrima, vel necat aestus,

Sulfuris aut horrendus odos afflixit ademptos;
 Dissiliensque fuit lapidum vis plurima letho;
 Et pavor attonitos illaesis artubus aufert. 190
 Praecipitatur aquis multus; fuit altera jam lux,
 Cum frustra quaesita diu duo mersa sub undis
 Juncta gemunt sociis vix agnita funera maestis;
 Arx etenim media est circum stagnante palude;
 Nam pariter subito quatesactus pectora casu 195
 Alter ut alterius carum caput auferat Orco,
 Brachia complexus per mutua, victus uterque est,
 Quêis arcis tutela duobus tradita fidis;
 Horrida quique ultro pulsarent hostia Ditis,
 Desererent commissa fide quam viribus ullis, 200
 Heu male grata suis delapsa arx prodidit ipsa.
 Aurea quin etiam ter Luna bicornibus exit
 Menstrua temporibus, claro ter cessit Olympo,
 Et miser oblectus suspensis molibus omnis
 Non obuisse cavis defletur forte relictis. 205
 Viribus alta super flammaram tella furentum
 Proiectum longinqua virum nova suspicit uxor,
 Contractumque rigore necis, flavamque perustum
 Caesariem, impubesque genas, mirabile dictu;
 Ut nec Amazonia est manibus delapsa securis. 210
 Ferreaque impressis stabant rude jactibus ora
 Durateis in equis suffixa, hostilia contra
 Agmina, parsque rotis labentibus, haec quoque tacta
 Ignibus oppositos spargunt expressa repente.
 At chorus omnis erat supplex de more sacello 215
 Flebilis ante aras, & te Salvere jubebat
 O Regina, salus miseris mortalibus una.
 Per te vitalis (modulans sic voce vocabat)
 Lux datur, o jucunda voluptas, spes quoque, salve.
 Exilio en partus matris damnatus iniquae 220
 Clamat, io mater fidissima, pectore & imo
 Suspirans gemit, atque in fletus liquitur omnis;
 Cocy-

*Coccyi quibus exoritur fons. Eja age & ista
In nos verte libens placido mitissima vultu
Lumina, certa tuae gentis tutela, fidesque, 225
Ac tandem miserata diu tot casibus actos
Eripe, & aeterni post tanta pericula lethi,
Post tenebras, jubar ostende, praeque omnibus unus
Luceat aequaevus Patri puer, editus alvo
Virginis, optatos fessis portusque recludat. 230
Semper o ante sacros, & post castissima partus,
Sola puerperio quae junior, aurea mundi
Sidera vecta super, quam nunc comitantur ovantem
Caelicolae, & gaudens plaudit pia turba triumpho,
Lucina, & vere mater Junonia, felix 235
Sis diva, o mitisque tuis sanctissima Virgo.
Talibus aërias seriebant cantibus auras.
Sicut olorinis respondent vocibus amnes,
Sive Caystraci, seu flumina Maeandreae,
Cum vetus immoritur grex candidus, & sua quae-
que 240
Fata vocat vitae alterius praesaga volucris.
Sunt nemora excelsis ubi semper amoena viretis,
Fontibus & resonant muscosa fluentibus antra;
Tum levis aspirans fecunda Favonius arva
Mulcet, & aethereos suavis diffundit odores; 245
Ac sine nocte dies, laetus sine nubibus aër
Formosam spargit caelesti nectare silvam.
Nec vocalis abest avium vaga turba per umbras
Lapsa, per & ramos distincta coloribus altos,
Quêis longe assurgit Medus, quas misit & Indus, 250
Attica quasque dedit, vel quae volat aurea lucos
Inter odoratos Arabum, nova gutture fundens
Carmina dulcisono, sola, & longaeva volucris.
Haec Jove nata Venus loca possidet, altera curis
Quam quae sollicitas hominum coquit improba men-
tes; 255*

*Caelestes Venus illa piis hic afflat amores,
 Auguris ire Dei gestit quo cantibus alet.
 Teque manent meliora, vocat quem mater ab Orco
 Rursus, & ipsa suis pia prorogat ossibus aevum.
 Nec refert obeas Caeyx, vel Phthius Achilles, 260
 Vel Samius, lavit quem Juppiter, unxit Apollo,
 Speluncae vel te lapsus fatalis eodem
 Memento, quo fessus adis cava frizida, tollat.
 Tantalus an plumosa gemas per strata volutus,
 Consofususque dolore gravi, fervoribus ustus, 265
 Taedia ad extremum moriari domestica tabes,
 Conscia dum recti vita mens gaudeat acta.
 Sed mala pestiferum quae fulgur nunciat? etsi
 Evulsum decus Arcis, tot miserabilis etsi
 Trans simul Alpinos casus tulit, occubuisse 270
 Quot Cremera atratis generoso sanguine lymphis
 Vidit. Jane tuum crimen, qui talia suades.
 Unde tibi numquam post illa Romulus audet
 Credere fallaci; tuque o patefacta tuorum
 Exitio, infamis scelere, & malefida, sororum 275
 Pessima, commissos reddis quin impia cives?
 Impia nequicquam lacrymis commota parentis.
 Sed licet illa fuere, metus graviora minatur,
 Et tremefacta pavet mens omnia. Juppiter urbem
 Respice, multa tibi calet ara ubi divos olenti 280
 Tibure, frequens inopi postes ubi pandit Asylum
 Semper, Eleusinae Cererisque benignius aede;
 Castaque supplicibus resonant delubra puellis,
 Non adeunda viris veluti sacraria Divae.
 Heu tamen immissos hostes, sparsasque cruenta 285
 Caede vias, prohibete nefas, videoque tenebris
 Conjectos trepidare fuga, flammisque furentes,
 Direptasque domos, heu diri carceris umbras,
 Et subeunda trucidis (miserum!) tormenta Proculstis.
 Membra levat miles vix caede fluentibus armis, 290
 Le-*

Lethifera & morbi vis effert funere laetos.
Quis perimet diras tot civibus impendentes?
Postulat his quaenam nunc februa Juppiter? ite,
Ite, piae, & sacras verrentes crinibus aedes,
Et repente genu, precibusque avertite tantas 295
Urbe minas, solet ira Deum mitescere, siquem
Poeniter admisisse nefas, veniamque precatur.
Vosque Duces, vos o populos armare nefandas
Tot simul in caedes toties, miserescite tandem:
Jam satis effuso natat omnis sanguine Tellus, 300
Inque sepulta jacent passim squallentibus arvis
Ossa virum, jacite arma, Duces, dextrisque cruore
Deterfis, certum unanimes conjungite foedus.
Tu, quem bellatrix decorat Regina volucrum,
Grata Jovi, aërias labens super ardua nubes; 305
Et cui caeruleo florescunt Lilia campo
Aurea, per tenebras caeli velut astra sereni:
Quod si nunc animus fremit arma, & tanta cu-
pido est
Magnanimos inter Reges Decora Alta, triumphos
Ducere, & erectis spolia ampla ornare trophaeis;
(310
Hostis acerbus adest, jam saecula impune superbus,
Improbis, insultans victis tot gentibus unus;
Jactat & ereptas urbes, & regna, premitque
Servitio; replent miseris caelum unde querelis.
Ite pares animis: vos jam Byzantia pridem 315
Terra vocat; satis illa iugum crudele Tyranni
Sustinet, & fessis cervicibus ingemit: o Sol,
Ecquam collustrans maris oram despicias urbem,
Lucifer extollis, seu condis Noctifer Orbem,
Ingentes quae tot ferat aerumnosa dolores? 320
Huc rapite arma, tegant omnes laeta agmina cam-
pos;
Albaque felici sinuentur lintea vento;

Trans

*Trans mare mille rates inimicas sistite ad oras.
His coeptis favet ipse Deus, mentemque, animum-
que*

*Excitat, invictasque manus in praelia servat. 325
Fulserit illa dies fortunatissima, quando
Prodigium gravibus vinctum furiale catenis
Dives opum, aurato ducet Victoria curru;
Jussus & objectas rapere offas Cerberus ore
Stabit hians rabido vinclis oneratus abenis, 330
Ante epulas Scythici pasta est ceu Bellua Regis.
At si bella manent nos impia, jam venit ultro,
Auguror; infelix circum malus errat ovile
Improbis ingluvie jampridem. Saeva Leonum
Ira quid, & vires valeant Fera sentiat atra. 335*

VII.

Araneola.

H Aeret Araneolae laxis dum cassibus errans
Musca levis, conata fugam sese magis ultro
Implicat, & quatiens alas stridore coruscat:
Effugium dum quae scrutatur, labitur ecce
Illico Araneola, opperiens si praeda feriret 5
Reticulum, tenui quod stamine neverat ipsa,
Sub Salice, & trepidam saevo rapit improba morsu.
Illa iterum fremitu resonans, pedibusque repugnans
Concutitur, sed nulla datur fuga, forcipe namque
Pressit atrox, urgetque tenax, perque omnia ver-
sat; 10
At tandem magno luctamine victa pusillam
Exspirans animam moritur miserabilis ales.

Cal-

Callida sed quam sit caecas componere fraudes,
 Omnibus inque locis innectere tenuia fila,
 Est operae pretium cognoscere: rixa puellae 15
 Moeoniae vulgata diu est; quis Palladis ira,
 Seu livore magis mutata nescit, amaret
 Infelix dum se Caelestibus aequiparare?
 Sive in amore soror fratris deprensa Phalangis
 Casta Deae furtim templa incestavit Arachne. 20
 Appula nunc etiam puer unde per oppida passim
 Multipedem repit faciem contractus in atram;
 Jamque vetus retinent metuenda Phalangia nomen,
 Quis tamen ipsa novum dedit urbs quoque prisca
 Tarenti.

Principio ignaros rerum ne occulta morentur, 25
 Quicquid id est, per quod delabitur, aut spuit ore,
 Aut denso exterius glomeramine fila revolvit.
 Quod simulacrum lucem suspexit Araneus ipsum
 Emitter, victumque sibi molitur, & usque
 Nescit fila levi defectus corpora saltu, 30
 Itque, reditque citus, sursum modo repit, & al-
 tum

Jam tenet, hinc rursus suspensus decidit, & jam
 Mille viis aequo discrimine texuit orbem.
 Tum malus insidias sub opacis frondibus abdit,
 Ne si forte oculis volucrum leve cerneret agmen

Exitium, aufugeret tremefactum corda pavore: (35
 Sic positis tandem laqueis, procul occuluit se,
 Prospektatque, plagis siquid novus incidit auceps.
 Ecce feri Culices, Muscaeque, atque id genus omne

Alituum, volat imprudens, & retibus ultro 40
 Infertur, laxatque sinus, atque omnia miscet.
 E specula intentus raprim sese jacit alta
 Explorator, & implicitas has mordicus, atque has
 Dir-

*Diripit, ac circum lictor ligat, atque ita acervat
Omnia venatu assiduo, victumque reponit. 45
Sed ne forte leves volucres, infirmaque tantum
Hunc captare putes, tristem subtemina Asylum
Densa tenent, saevitque furens detentus; at il-*
lum

*Ingluvie accurrens Venator conficit atra.
Quid referam Fucos, & quidquid virus amara 50
Gestat acu? quoties captum fremit, ac velut ipsos
Damnatos factae suspendit Aranea caedis,
Spectaturque diu passim, spolia ampla, cadaver;
Voce minans quamvis immane superbiat armis,
Quodque venenatis fert telis, vulnus inurat. 55
Quin tantis etiam stimulis furit ictus edendi,
Involet apricos ut in ipsos saepe Lacertos,
Frenet & incassum torquentes terga, nec ullis
Saltibus excussus, caecis premat undique vinclis;
Nec mora fit, raptet quin subterraneus illos, 60
Cacus ut aversos retraheret in antra juvencos.*

VIII.

Cicindela.

T*Antula nocte volans volucris micat aëre tan-*
tum,
*Ardenti similis scintillae, quam puer olim
Aequales inter metuebam tangere, ne me
Ureret, infirma est aetas cum nescia rerum:
Quae quoniam noctu lucet, cognomen adepta est; 5
Aut incensa nitet quoniam, velut ignea lampas,
Cauda sit una licet, nomen non est tamen unum.
Haec modo summa petens commotis emicat alis;
Rur-*

Rursus & adductis fulvum decus aurea condit;
 Ardentique procul fugiens levis igne coruscat, 10
 Et quocumque volat, secum sua lumina gestat,
 Lumina, quae tenebras arcent, quae flamina te-
 mnunt.

Nunc, velut obsequiosa videntibus, advolat, atque
 Fit magis, atque propinqua magis scintillat &
 ante

Ora, minuta velut candentis frustula ferri, 15
 Verbere quae assiduo fornacibus excutuntur.

Ex quo rapta Jovi Stygio Proserpina, namque
 Una fuit comitum: veterem mutata figuram
 Quaerit adhuc dominae vestigia, & omnia lustrat.
 Omniparens Natura, hominum, rerumque creatrix,

(20

Difficilis, Facilis, Similis tibi, Dissimilisque,
 Nulligena, Indefessa Ferax, te pulchrior ipsa,
 Solaque quae tecum certas, te & victa revincis;
 Omnia me nimis afficiunt, quo lumina cumque
 Verto libens, nihil est non mirum, Daedala quod
 tu

25

Effingis, rebusque animam simul omnibus afflas,
 Unde vigent, quaecumque videntur pabula, fron-
 des,

Et genus aligerum, pecudesque, & squamea tur-
 ba.

IX.

Orpheus.

Arguta primum cum plectra parentis, & auro
 Distinctam sumfit citharam Rhodopeus heros;
 Ridebant segnes pulsus, digitosque micantes
 Serius, & chordis indoctae dissona vocis.
 Mox pudor exardens, & gloria dulcis honesti 5
 Lusibus avertit puerilibus, omnis & illuc
 Perditus incumbens Musae pallebat amore.
 Et nunc maternis inhiat, nunc ille paternis
 Cantibus: hinc illinc discens dependet utrinque.
 Nulla Venus faciem cepit mentita dolosis 10
 Compedibus; somni fuerat, parcusque Lyaci:
 Donec, ridiculus dudum, modulamine silvas,
 Evulsosque suis scopulos radicibus egit;
 Ausus & ire viam mortalibus inconcessam,
 Poenarum oblitos demulsit carmine Manes. 15
 Non levis adscensus, si quis petit ardua; sudor
 Plurimus hunc tollit; nocturno exsomnia olivo
 Immoritur; delet, quod mox laudaverat in se,
 Qui cupit aeternae donari frondis honore.

Me-

METAPHRASIS GRAECA
MATTHIAE BERGII

Brunswicensis.

ΟΡφέα φασι τὸ πρῶτον ἐπεὶ φόρμιγγα λιγέαν
 Μῆτρος ἤς ἔκρυτε προτὰδ' ὤν μυχάδι φωνῇ,
 Πᾶσιν τοῖς αἶσσι γέλων χλευάσας τε ἐπόρται
 Τῷ μέλει τῷ ἀμύτῳ, ἐπεὶ νωθροῖσί τε νευρα
 Κρήτματιν ἀμφαφάσκει, καὶ ἄδ' ἐοικότ' ἐπᾶδε. 5
 Αἶψα δ' ὁμῶς αἰδοῖ τε τυπεῖς καὶ ἡμέρῃ ὥδης
 Χάριεν πόλλ' ἐκέλευε τὰ παιδικά, καὶ φρέν' ἔτρεψε
 Παντῆμαρ πρὸς μῦσαν ὅσον σθένος: ἔχ' ὅγε μῆτρος,
 Οὔτε πατρός μεθίεις ὅτ' αἰοιδιάοντας ἑώρα.
 Οὐδὲ μιν ἄδολόεσσα πάθω δαλήτατε Κύπρις, 10
 Οὐδὲ πέδας σφιγχθέντ' ἀπὸ δέσμιον ἀλλαχότ' ἦγε,
 Οὐχ ὁ διδῶς βαδύν ὕπνον ὀπωπαῖς, ἔχ' ὅγε νηδύν
 Πολλὰ χιρζόμενος, μογέεσκε δὲ μῦνον ἐπ' ὥδῃ
 Καὶ τότ' ὁ πρῶτα γελοῖος, ὁ μηδὲν ἀραρότα φθίγγας
 Θεσπεσίᾳ ἐνοπῇ καὶ ἀτειρέας ἤρετι πέτρας, 15
 Ψηγὺς τ' ἀγριάδας ἀκτῆς ἐπὶ τηλεθώστας,
 Οὐκ ἔτι μαινομένης τε ἀπήγαγε θῆρας ἀγρώτας,
 Τοῖς δ' ἐπὶ καὶ ζαοῖς ἄσειπταν ἔβανε κέλευθον
 Τάιναρν ἠνίκ' ἔβη, σκοτίνην ὁδὸν, αἶδ' εἶτω
 Μειλιχίῃ πυτινὸς κιθαρῇ, δι' ἔρωτ' ἀλόχοιο. 20
 Ἐνδ' ἀρα καὶ χθονίων τὸν ἀπειθέα χῶρον ἔπειτε.
 Πρὸς τὰ μέγισ' ἐπίπαν ἔραδία ἐς' ἐπιβάθρα:
 Ἰδρῶς καὶ πόντος εὐρύς ἐκεῖτ' ἀποπέμπετε ἄνδρα
 Ὃς καὶ ἀκομήτοισι κεκασμένον ὀφθαλμοῖσι
 Ἐγκεκυφῶς τε βίβλοισι, λύχνην τε καὶ ἐλαίῃ οὐδωδῶς 25
 Τωδάζει θαμὰ τῶτ' ἐν ἐκωτῷ ὅπερ πρὶν ἐπῆναι.
 Ταῦτά γε νωλεμέως ἔρδων κλέος ἄρνυτε ἐσθλόν.

Arundo.

X.

Arundo.

F Luminis undisonas ripas praetexit Arundo,
 Atque erecta comis pariter consurgit acutis,
 Quaeis gelida fessos aestu refrigerat umbra.
 Plurimus hac usus, teneras seu jungere vites,
 Seu libet agrestes calarhos, & vilia tecta 5
 Construere, pluvias arcere, & idonea soles;
 Seu magis incautos pisces captare doloſos
 Artibus, hamus aquis illudens pendet aduncus.
 Armat eam ferro raptimque per aëra torquet
 Gnoſſius altivolae figens sub nube volucres, 10
 Vel fera mentivagis erroribus aëta, vel hostis
 Saucius injecto cadit eminus, ilia telo
 Cum brevibus compulsa noto volat ocius alis.
 Quin etiam dentata levis manus aequora eadem
 Aëteis, Latiiſque notat studioſa figuris, 15
 Pingit & horrendas acies, laudesque Deorum,
 Legibus emendat mores, juvat, increpat, ardet
 Extinguitque faces collectas pectore, & iras,
 Sensibus, & secreta ſagacibus omnia rerum
 Eruit, immenſum pelagus metitur, & auras. 20
 Dulcius haec reſonat longeque ſonantius, atque
 Immortale magis, quam quae paſtoris in ore
 Mille ſoraminibus garrir pulſata canentis;
 Unde vagae pecudes perſultant gramina laetae,
 Semiferumque genus Satyri, Faunusque bicornis 25
 Arguta primus modulatus arundine muſam.
 Dicitur & qua Sol admoſos inficit Indos
 Singula ſtuminibus nare internodia remis,
 Quae ſubigit notis vergens vagus incolae ripis:
 Namque

Namque virent illic Libycis majora columnis. 30
Quid referam gratos succos? rimosa fatiscit,
Succinaque hinc illinc dependens dulcia circum;
Concreti erumpunt lacrymoso cortice rores:
Hinc coquitur, glacieque riget nova pyramis, ipsa
Vel nive candidior, vel nectare dulcior ipso. 35

XI.

Nenia de obitu Patris.

Solvimus ante diem merito dum justa parenti,
 Nec potis est vis ulla novos lenire dolores;
 Pallida, scissa comas, tristisque evincta cupressu,
 Dic age, dic maestos mecum, mea Nenia, cantus.
 Improvisa virum frangunt praecordia: laetus 5
 Ibam festa Delum venerans, cum nuntius aures
 Perculit; ante fores subito pes deficit aeger,
 Labentemque manus juvenum miserata repente
 Excipit, ora fovens gelidis pallentia lymphis,
 Hospitis inque domum referunt mea membra Lyco-
 tae. 10

Dic age, dic maestos mecum, mea Nenia, cantus.
 Huc ubi perventum est, lacrymis sine more profusis,
 Immundoque comas foedatus pulvere, mecum
 Immatura mei lugebam fata parentis.
 Conveniunt socii, quos inter candidus Idas 15
 Sic ultro affatur dictis: quid fessa, Thylefi,
 Infelix multo tabescunt lumina fletu?
 Navita num Stygius placabitur? ille silentes
 Ut semel inferna vexit rate tristior umbras,
 Nequicquam precibus lenitur, victima non si 20
 Plurima Persephone caderet prope litus Avernii,
 Unde ferunt trepidos revocari sanguine Manes.

F

Dic

Dic age, dic maestos mecum, mea Nenia, cantus.
 Gallus adest Messala ardenti pulcher in ostro,
 Inscius; utque videt luctus insignia tanti, 25
 Obstupuit, tenuitque gradum; mox ora resolvens:
 Ecquis, ait, tantus dolor occupat? unde repente
 Tam gravis oppressit moles? sic fatus obortis
 Lumina deterfit lacrymis, nec fit mora, culius
 Puniceos etiam ferrugine mutat Ibera. 30
 Dic age, dic maestos mecum, mea Nenia, cantus.
 Atra dies, atris semper signanda lapillis!
 Redditur ecce mihi paucis post nota diebus
 Littera, quae certum vulnus simul edocet, utque
 Maereat orba domus, miserum me! lumine adem-
 pro; 35
 Inferiasque refert, & pompam funeris atri.
 Dic age, dic maestos mecum, mea Nenia, cantus.
 Maesta soror tumulo postquam redit, acta furore,
 Impatiensque animi, scissisque horrenda capillis,
 Infelix levi necebat vincula collo, 40
 Erigonen imitata, sui quae funera patris
 Nacta, diem zona clausit miserabilis ultro,
 Pallidaque aëria pinu demissa pependit.
 Dic age, dic maestos mecum, mea Nenia, cantus.
 Accurrit genitrix, subitoque exterrita visu: 45
 Tunc mei, clamat, gemini tu causa doloris
 Nata eris? infernas sine me prius ire sub umbras
 Sperasti? quae tanta animum dementia adegit?
 Ut misera ante diem prima moverere juventa,
 Non experta virum, non dulcia pignora, natos. 50
 Me vero ante alias, vixi satis ipsa superque,
 Me decet. Alcesti licuit subiisse puellae
 Fata viri, quis me consecram denegat aëvo,
 Quis Deus, unanimis comitari conjugis umbram?
 Dic age, dic maestos mecum, mea Nenia, cantus. 55
 Ergo ego te numquam posthac, pater optime, num-
 quam

Aspi-

Aspiciam? numquam tua verba audire licebit?
O dolor! incassum reditus fingeat inanes
Nescia mens. Adero, quisquam nec nuncius ante
Praeveniat, videarque Deum demissus ab arce; 60
Amplexusque patris cari jucunda lacertis
Colla, vias referam, populos, duosque labores.
Haec egoolvebam, celeres quae vota procellae
Per mare nunc jactant, & per scopulos praeruptos.
Dic age, dic maestos mecum, mea Nenia, cantus. 65
Ferte simul, Nymphae, Cyrrhae quas integit umbra,
Aoniae Nymphae, solemnna dona sepulcro.
Non molles desint violae, non alba ligustra
Mista rosis, sedeant ut molliter ossa Thyless;
Annuaque ad tumulum certatim carmina, Divae, 70
Fundite, ut extincti semper sit fama superstes.
Ipse ego nigrantem pecudem, mea vota, quotannis
Constituam, niveique feram cava cymbia lactis,
Vinaque qua flavus rapido fluit agmine Crathis,
Nobilis & pingues spectat Consentia campos. 75
Desine, jam satis est, maestos, mea Nenia, cantus.
Elysia fessus, genitor, requiesce sub umbra,
Ver ubi perpetuum floret, Zephyrique salubres
Jucundis spirant animis, ubi concava lymphis
Saxa sonant, lucisque volat genus omne volucrum.

(80)

Jamque vale, & nostri superest siquid tamen ultra,
Ultra fatorum leges, cineresque sepultos,
Sis memor, & canae venient cum fata senectae,
Erranti longe procedas obvius umbrae.
Desine, jam satis est, maestos, mea Nenia, cantus.

(85)

† XII.

Conqueritur amica de Lydii adolescentis discessu.

DUm nova tempestas Caeli furit, atraque magno
 Nubila miscentur sonitu, terraeque teguntur
 Imbribus, & plenis exundant flumina ripis;
 Deserit invitam me Lydus, & parat ultro
 Ire procul: terrent nec tanta pericula rerum. 5
 Heu, heu quid praeter solitum praesaga minatur
 Mens mihi! vana precor sint omnia; sed tamen unde
 Sponte rigant vultum lacrymae? quatit anxius unde
 Me pavor? an miseros semper metus urget amantes?
 Sic precor, incassum timeam, perque omnia tutus 10
 Semper eas, quamvis rapidus te nunc ferit imber,
 Te impulsae ventis pluviae, te flumina quamvis
 Praecipitata jugis, & hiulca tonitrua mentem
 Terrificant; sed laetus eas: non Numina laedunt
 Ulla pios, fidae serves modo foedera amanti; 15
 Et redeas, nec te matris pia cura moretur.
 O jocunda dies, reddet quae te mihi tandem,
 O quos complexus! quae gaudia! Lucifer alium
 Quid cessas proferre diem? tibi lecta paratur
 Victima, quae tantum reliquas supereminet omnes, 20
 Sidera tu quantum superas ardentia, quantum
 Lydus aequales forma micat inter ephebos.

Phar-

† XIII.

Pharmaceutria de eodem Lydio.

Pollicitus fuerat, Superis in verba vocatis,
 Rure moras triduo producere Lydus; & jam
 Mensis adest, ex quo miseram spe ludit amantem,
 Tamquam vana fides, tamquam perjuria temnat.
 Quemnam ego quem Superum nunc conquerar? aurea
 Pboebe,

Laberis aethereo quae nunc Dea vertice, & atras
 Purpureo procul ore fugas, Lucina, tenebras,
 Accipe quae moriens primo nunc alloquor aevo,
 Accipe; nam testis fueras, cum perfidus ultro
 Nocte domum veniens: quid fles, mea, dixit, opacae

Per tibi nunc juro taciturna silentia Noctis,
 Me sine te invitum discedere; sed tamen ante
 Tertia quam Caelo lucebit Luna sereno,
 Affore me laetum cernes; sic fatus amantem
 Semianximem linquens (animae pars altera namque

Ille fuit) nostris oculis non redditus usquam est.
 Quare, Diva, preces nunc accipe; nam tibi quondam
 Notus amor, cum tu Caelo delapsa per umbras
 Mortalem somno fallebas, anxia ne te
 Effugeret, si forte tuos sensisset amores;
 Quamvis ore Deas vincis, Dea, lucida quamvis
 Nocte micas inter superi vaga sidera Mundi.
 Ergo age, namque tibi jamdudum lecta parata est
 Victima; jamdudum rapidis calet ignibus ara,
 Siste precor, dum pauca queror; num fallimur?

an tu

F 3

Exo-²⁵

Exorata Dea es, Caeloque affixa moraris?
 Sic certe nunc tempus adest, nunc verba profari,
 Funde, puer, quid stas? cava cymbia; sic malus ille
 Mente fluat, sacri laticis velut effluit humor:
 Siste leves, dum sacra cano, Latonia, bigas. 30
 Ignis ut absumto decrescit fomite, ut ater
 Fumus abit, velut umbra levis, nebulaeque palu-
 stres;
 Deficiat sic saevus amor, nec cura supersit.
 Siste leves, dum sacra cano, Latonia, bigas.
 Ut nihil his sacris fas est me vinciat, utque 35
 Vincula nulla pedes nectunt; sic capta repente,
 Libera eam, & dura solvam me compede victam.
 Siste leves, dum sacra cano, Latonia, bigas.
 Diffugiunt tenebrae, cum Diva natantia linquens
 Aequora, collustrat radiis mare, nubila, terras; 40
 Sic animus, demta caligine, luce fruatur:
 Siste leves, dum sacra cano, Latonia, bigas.
 Ecce modo e Caelo delapsa repente cucurrit
 Stella, nec est umquam posthac conspecta; recedat
 Sic amor & tenues subito vanescat in auras. 45
 Siste leves, dum sacra cano, Latonia, bigas.
 Aspice, sparsa furens ut nubila dissipat Euris,
 Dum loquor; haud secus incenso quas corde que-
 relas
 Fundimus, infani verrant per inania venti.
 Siste leves, dum sacra cano, Latonia, bigas. 50
 Cereia jam flammis admota liquecit imago
 Ore meum referens, similis coma, lumina, vultus;
 Intima sic pereat qui nunc calor ossa perurit.
 Siste leves, dum sacra cano... Sed cur, Dea, nimbo
 Praetendis subito vultum? quo nunc fugis & me
 (55
 Deseris? heu nihil est, curas quod lenit! & aurae
 Verba ferunt: nil sacra Desum, nil carmina pro-
 sunt.

† XIV.

De Iulo adolescente.

Imminet obsessis patriae dum moenibus hostis,
 Nec spes ulla fugae, vili quid rectus amictu,
 Impexusque comas, faciemque illotus, Iule,
 Discedens inimica paras nunc fallere castra?
 Scilicet agrestri tunica velatus honorem 5
 Dissimulare putas formae; licet ista sit usque
 Neglecta, egregio prodit te sanguine cretum.
 Arguit incessus, & suavis spiritus oris
 Non te rure satum, fluvios nec propter opacos
 Lanigeros pavisse greges, sed Regis in aula 10
 Divitis adfuetum nitidam duxisse juventam.
 Quis decus ingenii linguam, si forte loquendum
 Sit tibi, non nimium mirabitur? unde Deorum
 Venit inaudito juvenis sermone decorus?
 Quin, mihi si quicquam credis, nunc indue vestem
 (15
 Sepositam, nunc pectus comas, nunc fontibus ora
 Perluce: per medios hostes sic tutior ibis.
 Nemo adeo ferus est, qui te modo viderit, ultro
 Non veniat, victorque velit se dedere victo.
 Regius obseffa pubescens Troilus urbe 20
 Egredius quoties fuerat, non ulla timebat
 Tela puer; cuncti astabant, stupor omnibus idem
 Candida dum vebitur crinem per colla solutus:
 Quem postquam dura depressit casside, & ora
 Velavit, primo miserabilis occidit aëvo, 25
 Et patriae campos foedavit caede recenti.

† XV.

Malum punicum.

Arboreos inter foetus Rex inclyte, quondam
 Punica viatores donat quo terra Quirites,
 Unde etiam nomen servas; sitis arida per te
 Lenitur, dum vina negat Podalirius aegro,
 Nec finit innatos restringere faucibus ignes. 5
 Te tantum innocuum permittens, cetera saevus.
 Ergo plena rubet pomis mihi mensa, videre
 Quam juvat, insigne est regis viden omnibus? illud
 Sed nativa tamen fucat nova purpura, at illi
 Pallor inest viridis, tegit hoc, hoc prodit hono-
 rem 10
 Sponte suam rumpens tunicam, diductaque gemmas
 Constructas pariter cupit ostentare cruentas,
 Quas mihi purgatas, affert cratere minister.
 Hoc multo est nectar mihi nectare dulcius Hyblae.
 Nil mirum, simul ac gustavit talia, matrem 15
 Filia si spreuit, lucemque exosa tenebras
 Maluit, O Pblegethonta vadis ferventibus annem.

† XVI.

Flosculus.

Parvus biat parvo non dissimilis calathisco
 Flos niveus, viridesque recens internitet her-
 bas,
 Quo nihil est quicquam visu jucundius usquam.
 Aspice

*Aspice quam tenui filo suspensa moventur
 Semina, quae penitus simul insita, scissa sub auras
 Aequali sensim consurgunt intervallo;
 Undique & angustus foliorum circulus ambit,
 Singula quae paribusque notis, minioque videntur
 Intus picta levi, roseisque coloribus ardent,
 Hinc, atque hinc variis perplexa meatibus errant: 10
 Ceu labyrinthis dixerunt flexibus esse
 Mille vias, fixum me detinet, haud potis & sum
 Expleri, aut usquam discedere, lumen eodem
 Haeret, & huc illuc rapitur, diversaue lustrat, 15
 Attonitumque super miratur: Flosculus ut se
 Deflectit, fessusque caput procumbit in herba;
 Candida ceu quondam virgo cum lapsa per aestum
 Propter aquam frondes inter requiescis opacas:
 Spiritus interea suavi permulcet odore. 20
 Pronus humi dum me oblecto admotus, & usque
 Inspecto, pascit visus, simul efflat olentem
 Tempore eodem auram: sit quanta potentia matris
 Naturae, hinc parvo perdiscas munere, nec te
 Reddant, quae vulgus temere miratur, hiantem.*

(25)

† XVII.

De Anima.

E*Lapsus postquam fuerit de corpore quoniam
 Spiritus hinc volitans fugiet, qui me movet
 usque
 Quicquid ago, multum Messala diuque putavi.
 An simul exierit ceu flamma, repente silescet
 Extinctus glacie mortis, cum membra rigescent, 5
 Insitus atque calor dilabitur artubus omnis;
 An levis aërias subito dilatus in auras,*

Um-

*Umbra velut, nebulaeque leves, fumusque peribit;
Et nunc qui mecum loquitur, meminisse videtur
Omnia, qui numquam me deserit, heu dolor in-*
gens!

*Nullus erit, fas hoc non credere, dicere nec fas.
Immo ego sive loquor certissima, sive refelli
Haec possunt, nimium juvat haec me credere, in-*
astra

*Ignæ labetur post fata novissima vitae,
Sidereosque globos inter, quos suspicit usque
Devinctus, vivet, nulloque movebitur aëro,
Despicietque hominum curas, & inania vulgi.
Ter quater o felix, nimiumque beatus, adire
Cui liceat: non omnis adit, sed crimine ab omni
Castus, & a caede, scelere, atque libidine, & ira.*

*Mortales Furiae taedis quem ardentibus urunt,
Inquinat his qui se, loca taetra miserrimus usque
Incolit, & vita simulac levis umbra recessit,
Non seges est ubi laeta, virent nec prata, nec bu-*
mor

*Dulcis aqua salit è scabro nitidissimus antro;
Sed dolor, & luctus, rabiesque immista furore,
Livor, & ultrices posuerunt castra querelae.*

† XVIII.

Testudo caelestis.

S*uspensus nitet ingenti testudine Mundus
Undique continuo complexu cuncta coercens,
Et nullo, mirum! tibicine tanta quiescunt
Pondera. Quas vaciles! quae caela immania, quare*
Au-

Auctor opus tantum concepit mente! quis ausus 5
Metiri, & longo sic circuit intervallo,
Tornavitque polos celeri vertigine adactos,
Quos inter crebris collucent sidera flammis
Tam procul, & nullo vis interit ignea seclo,
Nec cadit in praeceps umquam, sit maxima quam-
vis; 10

Nutibus at librata suis se sustinet ultro.
Purius hac nihil est, nec quod sublimia tantum
Appetat, aut tantum terris secedat ab imis.
Creditur his etiam supremo lucis in orsu
Quod sequimur, fugimusque davi, venit inde la-
boris, 15

Inde quietis amor, studiis nec ducitur isdem
Gens hominum; fremit hic atrox crudelia bella,
Aut mare per tumidum gessit se credere ventis;
Frondosas colit hic silvas ignobilis usque,
Quamque puer terram novit, grandaevis eandem. (20

Haec quoque despectant testes seu recta sequamur,
Devius aut signis virtutis limite aberret,
Occultum nihil est Superis, immune nec hilum
Sive boni quicquam fiet, te praemia recti
Magna manent; contra seu quid tu turpiter audes, (25

Sera licet, stat magna tamen, nec poena recedit.
Pervigilant, numquam flectunt sua lumina somno,
Desuper explorant, nostris licet omnia Phoebus
Eripiat rediens oculis, solusque diurna
Lampade collustrat caelum, mare, nubila, terras; 30
Unus pro cunctis fulget, fluit inde quod usquam est
Luminis, inde calor manat, pater omnibus idem est,
Omnibus idem animas afflat, quaecumque moventur,

Seu suspensa levi fugiunt per inania lapsu,
Squam-

Squammea seu penetrant fluctus errantque per aequor

Immensum, vel qua solidus se colligit Orbis. 35

Noctifuge, aurato qui laberis aethera curru,

Luciparens, frugumque potens, per te omnia primum

Exoriuntur, alisque idem quodcumque videtur,

Sive hominum, pecudumque genus, seu turba volucrum, 40

Pabulaque, & ramis dense frondentibus arbor:

Salve magna Jovis proles, caeli decus ingens

Cuncta videns, quae sunt, quae mox ventura trahuntur,

Quodque fuit, Reges insignes, oppida, & arces,

Bellaque, & ingentes strages, partosque triumphos. 45

† XIX.

Uranos.

D *Iscedit nostro Phoebus, velut aethere, & al-*
mam

Eripiens lucem miseris mortalibus, affert

Tristitiam, noctisque premit caligine terras;

Sic tua dum nobis rapis ora optata, Trivulti,

Et cupis Etruscoque lares, & siqua supersunt, 5

Visere magnanimum quondam monumenta Quiritum,

Deferis in tenebris, atque anxia pectora turbas.

Sed licet exanimem linquas, licet undique mentis

Destituar, tantum pavor & mihi cura supersit;

I tamen, ire libet quoniam: sint omnia laeta. 10

Non pluviae laedant, densi non nubila Caeli,

Non fera tempestas, saevi non impetus Euri,

Sed levis aspires zephyrus, sed lucidus aer

Sem-

*Semper, opaca vetent rapidumque umbracula Solem
Frondebis hinc, illinc ultro praebentibus umbram.*

(15

*Ne calor exurat faciem, dum fervidus Aetbon
Incumbit terris, rursus, mea fistula, carmen
Dic age, dic felix mea fistula, dic age carmen.
Impediant non te salebrosoque saxa, madensque
Semita, dum multo tellus diffunditur imbre.
Non levis impulsu ventorum pulvis in ora 20
Spargatur, surgant flores, & mollia passim
Gramina, ferre juvat qua te vestigia cumque.
Dic age, dic felix mea fistula, dic age carmen.
Flumina, quae summis dejecta ex rupibus ultro
Aequoreas celeri lapsu properatis in undas, 25
Accipite haec, tentat vada dum transmittere forti
Vectus equo, ratibus seu textis; sistite fluctus.
Ne grave murmur aquae violentius obstrepat aures,
Leniter ac facili vectetur laetus in alvo,
Gaudebunt nymphae viridesque e gurgite crines 30
Extollent: quae forma micat tam pulcra per undas?
Quis Deus? accipient vitreis te sedibus omnes,
Flumineaeque comas velabit arundine Nais
Munera grata ferens, violas, & lilia, calthas,
Quaeque nitent passim riguis nova germina ripis.*

(35

*Dic age, dic felix mea fistula, dic age carmen.
Leucippe acer equos inter, quo non fuit umquam
Sanctior in terris quisquam, nec pulchrior umquam
Impositum vectas, qualem non Pegasus olim
Excitus alato vexit super aethera dorso. 40
Nullum omen verbis, excussus decidit ille,
Tu fidus rerum columen mihi redde mearum,
Ne mea perpetuo laceres praecordia luctu.
Dic age, dic felix mea fistula, dic age carmen.
Quod si forte voles vastum maris ire per aequor,*

(45

Mo-

Molliter impellat fluctus levis aura favonj,
 Caeruleisque Pater vectus super alta quadrigis.
 Sit comes, optatosque sinat te tangere portus.
 Quamvis te invitus linquet Deus, & tibi currus
 Cederet, ut Oceani regimenque & sola potestas 50
 Sit tua, sint quae te venerentur Numina ponti.
 Frustra, nam mavis prima dominarier aula,
 Musarumque choros, & amoena vireta, piumque
 Concelebrare nemus, quod te super ardua caeli
 Extollit, nomenque tuum diffundit Eois 55
 Partibus, & qua Sol stuvio se condit Ibero.
 Dic age, dic rursus mea fistula, dic age carmen.
 Ergo iter optatum perages, & Romula vises
 Moenia: convenient juvenes, stupor omnibus idem,
 Idem amor, & cuncti assurgent, domus incluta,
 non quod (60
 Sit tua, quae magnis fulget decorata triumphis;
 Pinguia quodque colant non jugera mille juvenci,
 Sint haec magna licet: sed quod defensor honesti
 Diceris, & verae semper virtutis Amator.
 Aspicias illic septem quae collibus urbem 65
 Tollitur, & veterum fuerant quae maxima rerum,
 Nunc tantum molis superant vestigia tantae,
 Famaque, quae semper vivax non interit umquam.
 Dic age, dic felix mea fistula, dic age carmen.
 Protinus & laetas sedes, sic mens tua gestit 70
 Parthenopes, & culta vagus pomaria cernes,
 Fluminaque, & fontes gelidos, vineta, lacusque,
 Et nitidam insueti speciem mirabere Caeli.
 Illic ne blandae capiant te forte puellae
 Ius memor, occurrunt ultrô, variisque morantur 75
 Vocibus, & cupidos misere praedantur amantes.
 Sed bene quod Siren noto tumultata sepulchro est,
 Parthenope Siren facie quae insignis ad undam
 Assiduo resonans fallebat carmine nautas:
 Viveret illa dolis instructa atque artibus, ut te 80
 Eri-

Eriperet, quid non faceret? Sit mortua quamvis,
 Non tamen extinctum genus est, fuge remige surdo,
 Inque sinum patriae redeas, notosque penates.
 Hic ubi me primum es verbis affatus amicis,
 Quae mihi cumque dedit sors, accipe sit tibi me-
 cum 85
 Pars quoque, sitque tuis requies hic parva Camoe-
 nis.
 Ex illo semper mens saucia, se tibi prorsus
 Addixit; caeli liceat dum vescier aura.

† XX.

Campe.

A Spice ut aureolus virides intermicat herbas,
 Virgatisque nitet maculis, insignis & ostro,
 Pulchra velut variis distincta coloribus Iris:
 Nam persaepe licet magnis componere parva.
 Caulibus hic patulis repit modo tortilis, & se 5
 Colligit in spiram tenuem, mox saltibus ultro
 Exsiluit, seseque levis per inania vibrat;
 Rursus & in teneris resupinus pascitur herbis,
 Quas simulac carpsit morso jam grandior, atque
 Multiforas rosit frondes, affixus inhaeret, 10
 Decutere unde queunt pluviae, nec flamina venti,
 Et tenui formans orsum se involvit amictu.
 Tempore nec longo cum jam mirabile visu,
 Cornibus exiguis prorupta veste volucris
 Argutum caput aethereas ostendit in auras; 15
 Dissimilique alas incensa nitore coruscat,
 Caerula namque vires pars haec, pars lutea, pars-
 que
 Illita purpureisque notis, minioque resulget,
 Edita-

*Editaque in lucem primum male firma, nec alis
Fræta suis, stat mollis adhuc, & fixa moratur; 20
Mox durata die, sursumque elata revisit,
Unde viget quodcumque movetur, lumina Solis.*

† XXI.

Dryas.

P*Arce, lates viridi quisquis sub cortice, prudens
Non ego te læsi, lacrymas compesce fluentes,
Sive Dryas, seu quis Deus insitus arbore sacra es.
Omnia namque regunt Superi, cava flumina, mon-
tes,
Pabulaque, & truncos immixtos stirpibus altis. 5
Ipse mea errabam dum mente remotus in umbra,
Cuspide, quam mecum gestabam, te mea fixit
Impia, lapsa tamen casu manus impia, quamvis
Vulnus & elicit lacrymantes cortice guttas;
Forſitan & tecum quereris crudelia passus, 10
Ingemis, & mæſtas voces attollis in auras:
Sed non est homini fas verba audire Deorum:
Noſtra igitur queſtus penitus non accipit auris;
Teque nemus miſeratur amicum, te quoque mollis
Herba, tuis quæ ſe ramis defendit ab æſtu; 15
Parce tamen, ſceleris licet inſcius, ultro ego nunc
me
Damno libens, nec tu ſævas memor exige poenas.
Nam ſatis eſt Divis animus peccaſſe ſærentis.
Negligit at ſiquis Superum contemtor, & audent
Contra ſtare Deos; hunc Thræcis dira Lycurgi 20
Supplicia exſpectant: proprio quæ vulnere aberrans
Concidit, atque iras placavit ſanguine Divum.*

Micro-

† XXII.

Microcosmos.

Suspicit erectus mundum qui ex omnibus unus
 Gnarus Homo rerum cunctarum, pluribus illi
 Est similis: flagrat penitus, velut igneus ardor,
 Accipit, inque vicem vitalia flamina reddit;
 Perfluit hac illac membris quoque plurimus humor

Corporis, & solidum reddit pars maxima terra,
 Cujus ceu venis hinc atque hinc labitur unda,
 Sanguinis assidue fluxu rigat intima passim.
 Inde vides ferri torrentes nubibus auctos,
 Non minus obscoenos hinc lectos conspicias imbres;

Offaque non lapides referunt, non stirpibus haerent
 Plurima? non foedus serpens latet usque caver-
 nis?

Atra cavo scopuli velut impia vipera saxo,
 Pestifer horrendusque paludibus halitus exit;
 Proluvies sic ventris item foedissima putet.
 Nonne aliquae sudore madent, ut corpora terrae?
 Nonne loca, eructans Siculis velut Aetna caminis?
 Tristatur caeli facies, mox imbre redundant
 Omnia; sic miseris mortalibus ora moventur:
 Nubila frons pluviasque suas demittit obortas,
 Miscetur raucum simul & per viscera murmur;
 Quid sequitur Zeno referat liberrimus, at nos
 Ingenuus fugat inde pudor; sic flamina nubes
 Convolvunt magno luctamine, rumpitur ingens
 Mox fragor, horrifonoque fremit quoque terra tu-
 multu;

G

Cu-

Cujus ut obstructo spiramine vis fera venti
 Visceribus praeclusa furit prorumpere in auras
 Nequicquam, quatitur radicitus insula fundo:
 Scilicet huic similis conceptus spiritus artus
 Commovet, & talos a vertice quassat ad imos. 30
 Ad summam, sceler ne singula, plura referri
 Namque queunt, pressit cum nos incurva senectus,
 Ceu vetus, & ramis, foliisque arentibus arbor
 Deficimus solito defecti sanguine, & igni.

† XXIII.

Somnia.

OMnia quæ rerum lufit Natura creatrix,
 Namque solet nobis colludere, non secus atque
 Garrula cum teneris nutricula gaudet alumnis,
 Valde animo oblectant tacitæ me Somnia noctis,
 Miror & attonitus variis errantia formis. 5
 Pallida namque modo veniunt, tristesque querelas
 Conjiciunt, lacrymisque rigant manantibus ora;
 Et modo læta nimis gessit levis umbra petulcis
 Motibus, argutisque jocatur callida dictis,
 Assidet, & tremulo ridet lasciva cachinno; 10
 Nunc turbata furit, furvoque horrenda colore
 Ense minatur atrox, vastoque immanis hiatus
 Terret, & ardentes oculos fert obvia contra,
 Abrumpitque pavore leves a pectore somnos:
 Nunc secus accedit suavi pulcherrima motu 15
 Blanda loquens, animumque nova dulcedine vellit:
 Quæ tamen unde fluunt hæc omnia, quis potis esset
 Mortalis tantum gnarus cognoscere causas?
 Multa ferunt, quæ incerta licet, sunt proxima
 veris:

Falsa

Fessa jacent quum membra gravi devincta quic-
te,

20

Evolat inde animus velox, ceu compede missus
Ut quid agat; tunc multa videt, loquiturque vi-
cissim,

Pleraque praesentit, quae sunt ventura Deorum
Admonitu, genus unde trahit, cum mens bona re-
ctum

Servat, & immunis scelerum tranquilla senescit, 25
Tum bene de miseris gaudens solet usque mereri.

Quæ simul ac multo noctu jacet obruta Baccho,
Aut timet, aut impulsæ malis jactatur iniquis,
Sive etiam quemquam spes erigit, omnia motu
Miscentur vario, sumptis super aethera pennis 30

Ire videtur, aquas vel currere, praecipitatque
Rupibus, & scopulis praeruptis, vel grave pondus
Opprimit, una animæ vix est sperare potestas.

Ceu vigilēs nunc læta videmus, moestaque contra.
Nempe animus cunctis procul exit, sive quieti 35
Tradimur, integris seu sensibus esse videmur.

Sic desiderio correptus sæpe remotos
Ad Calabrum rapior saltus, fontesque salubres,
Antiquasque domos, primum quas ortus in auras
Aspexi, procul occurrunt ut somnia noctis. 40

Et qui jam pridem sumulatus decidit, ossaque
Arida, & extinctum cinerem, luctusque reliquit,
Sæpe patris jucunda modo, modo tristis imago

Alloquitur, fuerat ceu quondam sœvus, & usque
Hortatur, vitamque ostendit sedulus omnem, 45
Quidve sequar, fugiam quid contra præcipit absens,

Personat atque auris notis mihi vocibus, hærent-
que

Oribus ora, datur modo non tractare potestas.
Quin etiam qua nil pernicious omnia cernit
Mens eadem, quos non vidi, videt illa superbos 50

Aut reges, vatesque sacros, volat altius, inque
G 2 Tem-

*Templa Deum, redit ista cupidine, semper biat-
que,
Unde prius delapsa, recurrere saucia rursus.*

† XXIV.

Anas.

G Audet Anas fluvii frigentibus humida ripis,
Dum furit incumbens terris Sol acrius aequo,
Et querulis frondosa fremis jam silva cicadis.
Haec suspensa modo summa se sustinet unda,
Et refovet gelidis obstantia pectora lymphis, 5
Nec poris est vis ulla retrorsum pellere, quisquis
Praecipitatur aquae lapsus, stat fixa, nec bilum
Cedit, in immenso cautes velut edita ponto:
Parvula namque licet rebus componere magnis.
Nunc fluitat, vitreisque ultro se fluctibus abdit, 10
Ter cadit inque caput praeceps, rursusque sub auras
Tollitur, & croceum defigens flumine rostrum
Turbat aquas, gestitque recenti spargier unda;
Interdumque immota secundum lata per amnem
Labitur, ut compulsa fuit levis aequore cymba 15
Cum mare contractis velis secas incita vento.
Saepe etiam adverso contendit vertice nitens
Contra nare, pedesque urgens simul obvia fluctu
Remigat, & geminis pellit retro vada palmis,
Quels intenta ligans digitos membrana coërcet, 20
Trajicit hac vastosque lacus, fluviosque rapaces;
Nam si fissa foret manus unguibus interscissis,
Discretos levis humor aquae interromperet usque,
Atque pedum, validus quamvis, vanesceret ictus.
Haec operae pretium est spectare, & ludere versu 25
Sic

*Sic gracili, quando rerum Natura creatrix
Me tenet attonitum, quo lumina cumque locorum
Verto libens, nihil hac quicquam mihi dulcius una
est.*

*Sed satis haec, jam jungit equos, jam fusca re-
surgit*

Oceano, tenebrisque polum Nox inficit atris. 30

† XXV.

Aquarum concentus.

Obstrepit aërio de culmine nocte silenti
Gutta fluens quoties Austris pluvialibus aër
Cogitur, & multo tellus diffunditur imbre;
Et nunc illa cadens aequo discrimine murmur
Suae ciet, crebro sese nunc concitat ictu 5
Substratamque ferit silicem: nil dulcius illa
Est mihi, fessa jacent molli cum membra cubili;
Non lyra, non citharae, non suavi tibia cantu;
Cantus quis tam jucundus? si credere fas est
Hinc ortam ex undis Musam, quæ garrula complet. (10

Omnia concentu vario, mare, sidera, terras:
Nam quid dulce magis, musco cum salit antro
Fons gelidus, tenuique fuit per gramina rivo;
Aut ingens summis dejectus montibus amnis
Cum venit, & rauco saxosas murmure valles 15
Praecipiti infertur lapsu? sonat omnis utrimque
Ripa, sonant sylvae quæ flumina circumvallant.
Quid, Pater Oceanus levibus cum littora pulsat
Fluctibus, & scopulis illis caerula mulcet
Aequora? subsistunt venti, passimque videntur 20
Nereides per summa leves agitare choreas,

G 3

Del-

*Dolphinumque greges placidis colludere in undis:
 Tunc Venus alma poli linquens convexa revisit
 Regna patris, gaudent undae, cum vecta per aequor
 Viva Cytheriaca dilabitur aurea concha; 25
 Et Deus ingenti labefactus amore, repente
 Assurgit, trepidamque sedilibus accipit altis;
 Omniaque immensi laetantur numina ponti:
 Sol quoque cuncta videns segnes calcaribus urget
 Acer equos cupiens liquidos contingere campos. 30*

† XXVI.

Tempe, seu Turris vetus prope Crathim amnem.

Molliter acclinis rupes, mox ardua surgit
 Et praecisa volat sub nubila celsa, sinusque
 Pandit in immensum moles imitata Theatri.
 Altius hac nil est nil hac muscosius usquam,
 Quodque magis gelida fessos refrigeret umbra, 5
 Incendit Canis aestivas dum lampade terras,
 Et frondosa fremunt querulis virgulta cicadis:
 Inde vocant Tempe; locus est prope Crathidis
 undas
 Qua septem caput attollens se montibus effert
 Nobilis, & pingues spectat Consentia campos 10
 Grande decus Calabrum, fuit haec mihi cognita pri-
 mum
 Editus in lucem pavidus cum lumina circum
 Versabam nitidi speciem miratus Olympi;
 Hinc animus revolat, dulcesque revisere fontes
 Gestit, & apricos colles, silvasque virentes, 15
 Nec desiderium potis est vis ulla morari,
 Mens aet ardentem percussa cupidinis aestu,
 Florentisque novo gaudere examine pubis.

O quos

O quos concursus! bilaris domus exilit omnis
Oboia, certatimque ruens amplexibus ambit, 20
Atque optata genis rorantibus oscula jungit
Laetitia excutiente novos e lumine fletus:
Haec reor ante nova, quam luce reluxerit ore
Dira renidenti quater instaurata bicornis
Interea, rerum longe carissima, salve 25
Cumque tuis vigeas pulcherrima semper alumniis,
Pascere seu dabitur tam dulci lumina visu,
Seu mea, quod non fas, discerpunt gaudia venti;
Namque piis faciles precibus Deus admovent aures;
Et tibi laeta Salus oculis adrideat aequis, 30
Qualis Hyperboreis fertur, qui longa pererrant
Saecula, & una omnes mors tempore solvit eodem,
Cum matura comas tandem mutaverit aetas ;
Perpetuoque tuis Mavors sit finibus exul
Seditione relegata, pia, candida, simplex, 35
Unanimesque meos teneat Concordia cives,
Nomine ut ex vero constat, consentiat omnis,
Quod simul hinc dici sese Consentia jactet:
Nec Lybicus cedas quoque messibus, augeat usque
Omnibus hinc, illinc te rebus fertilis annus: 40
Insula Oceano in magno velut alma beata
Est ubi dives ager, tellusque inarata videtur
Sponte sua fruges diffundere, fontibus idem
Non liquor est, vitreis scatet hic uberrimus undis,
Purpureis rubet ille coloribus, aureus alter 45
Distillat semper ramis frondentibus humor,
Et nive candidior, spumans quoque rivus abundat;
Non eadem nostris florent arbuta, nec usquam
Tam variae volucres concentibus aëramulcent,
Quels longe assurgunt, Medus quos misit, & In-
dus 50
Attica quasque dedit, quas nobilis unda Caystri:
Illic certa piis domus est, procul unde locorum
Livor abit, sitis & fulvi insatiabilis auri,

*Nec pavor exanimat, nec mentis futilis aestus
 Laetitia, aut mordaci extollit gloria furo;
 Omnibus at sincera fides, pietasque Deumque
 Religio, & quicquid suadent haec tempora, quies
 me
 Natum esse alterius gaudet mens praescia vitae.*

† XXVII.

Vitacula.

Cernis, ut extendat tenuis *Vitacula* palmas
 Atque roget jam paene manu se sublevet ul-
 mum?

*Ne, quia non potis est per se firmata morari,
 Concidat, incultoque caduca recumbat in arvo,
 Atterat atque comas, & scindat sentibus uncis, 5
 Aut decerpat edax errat quae bucula campo:
 Nec timor omnis abest, purgat dum falcibus antes
 Vinitor offensus ne crescat inutile vimen;
 Erigit idcirco sese ceu provida, jamque
 Quod prope cumque videt, cernat velut, arripit
 omne*

10

*Brachioliisque tenax ligat acrius, annulus atque
 Multiplici astrictus spira se involvit in orbem,
 Ter quater atque ambit ramos, ita flexilis, ut non
 Incumbens gravis Euris aquis, aut turbidus Au-
 ster*

*Enodare queant, arctosque resolvere nexus; 15
 Anchora mox, polypusque velut complexa resurgit
 Rursus, & huc illuc diffundit prodiga longe
 Vimina, quod nihil est non vinctum, brachia mille,
 Mille*

*Mille manus teneros innectunt undique ramos;
Frondibus, & patulis serpens interviret ulmum;* (20

*Quae super incumbens caram defendit alumnam
Neu rapidi nimium Soles, neu laeva perurat,
Unde suum nata est nomen, demissa pruina;
Aut glaciata gelu grando de nubibus atris
Contundat teneros descendens alba racemos .* 25
*Ergo palmitibus suspensa tumescit acerba
Uva prius, succo, mox aucta nigrescit, & imbre
Sparsa levi sensim dulci miscescit Jaccho;
Qui simul infusus, deformes undique curas
Diluit, ardentesque extinguit pectoris aestus.* 30



AN.





ANTONII THYLESII

C A R M I N U M

L I B E R II.

I.

Dono mittit JOH. MATTHAEO GYBERTO
reticulum sericum.



*ERICA jam dudum maculis mibi Cin-
gula densis,
Insignis niveo flamine missa fuit.
Quae disseta aperit crescentes mille
figuras,*

*Et variae exiguo rete vagantur aves.
Dic Dea, cui radius cordi est, & pensa, colusque, §
Quis tam formoso munere dignus erit?
Nempe, tuis primo qui se dedit artibus aervo,
Inque dies magis est deditus, atque magis,
Gybertus, quem nulla Venus movet, aut sitis auri,
Alea nec segnes perdit avara dies. 10
Per te, perque patris precor, o Tritonia, numen,
Ne pigeat sacrae limen adire domus,
Prima aderit cum nox, juvenisque oracula cessant,
Pythia veridici quanta fuere Dei.
Sed memor ante pios galea caput exue postes, 15
Sic*

Sic merito fas est verba referre Deam.
Attonita aspicias, te qualem fontis imago
Dira refert, vitreo cum lavis amne comas.
Lumina sunt eadem, color idem, spiritus idem est,
Nec loquitur verbis dissona verba tuis, 20
Forsan & est tecum de vertice natus eodem,
Tam similes quis idem non putet esse genus?
Atque ubi sancta tuis continges pectora palmis,
Exornans donis officiosa meis,
Effice, plus valeat blandi ne Cestus amoris, 25
Cingula quam castae Palladis apta manu.
Ille valet cupidos conjungere foedere amantes,
Perpetuo haec valeantnectere vincula fidem.
Utque meum sibi jam GIBERTUS vinxit amore,
Ingenti ut semper vinxit amore animum, 30
Sic amat ille suum, rogo te, Dea magna, nitentes
Perque oculos, flavas annue perque comas.

II.

Dum in silvis queritur Polyhemus, audiens echo resonantem,
voces opinatur Galatae, ab eaque dolet irrideri.

Q*uid mecum quereris? vel me, magis improba,*
rides,
Garrula, vocalis, mimae, diserta, loquax?
Quae mihi nulla videris opacis abdita silvis,
Sed mea dicta refers affona, nulla licet.
Jam satis, o Galatea, superque jocosa fuisti, 5
Ludere quin ludum desinis insolitum?
Quin profers formosa caput, latebrasque relinquis?
Inque sinu recubantem ambitiosa foves?
Irritas lasciva, meum jecur aestuat ardens;
Ibo ego per rupes, teque per antra sequar. 10
Nunquam hodie evades salsas fugiens super undas,
Flu-

Fluctibus aut merges lapsa sub aequoreis;
 Sed gelida mecum requiesces strata sub umbra
 Illicis, ad ripas dulce sonantis aquae.
 Et modo blanda choros agitare vivensibus herbis 15
 Hospes gaudebis inter Hamadryadas,
 Dum cava mille sonans numeros mea garrit arundo,
 Ludit & intonsas corniger inter oves,
 Quamvis muta silet nunc fistula, buccina postquam
 Tortilis inflexo turbine missa fuit; 20
 Quae patula hirsuto illudens in pectore pendet
 Pignus vel nostrae testis amicitiae.
 Congregat una greges sparfos ad septa, fluentis
 Hac quoque deponunt ubera lactis onus,
 Admoveo assidue simul ora, impexaque menta, 25
 Sola etenim sedat concava testa sitim;
 Saepius & multo sinuosa volumine questus
 Fundit, & umbriferum personat omne nemus;
 Ac mihi dum texto calathus concrescit hibisco,
 Barbatos tibi sit pascere cura greges. 30
 Interdum pharetrata fugacibus obvia cervis
 Ibis lyncaeo tegmine amicta humeros,
 Candentes humeros, qualis nix albet in Aetnae
 Aëriae incensis frigida verticibus,
 Quae velut aestivis tabescit solibus, utque 35
 Liquitur ex altis lapsa cacuminibus,
 Sic miser, Aetnaeo quem non minor ignis inurit,
 Solvor, & ora madent fletibus assiduis.
 Munera quid referam? torquatas laeta columbas,
 Picula quoque binnulei mollia terga notis; 40
 Qui tener, assuetusque sero, lactisque fluore,
 Caprigenum quaerit, consequiturque pecus
 Tesqua per, & rupes, & per frutices dumosos,
 Jamque manu instituit carpere dente cibos.
 Atque alia accipies: sed munera nulla movent te:

(45

Saxa ego vestigans te latebrosa petam.

Quae-

*Quaenam, age, quae curvis conuallibus insonat?
audis,*

Quam docili nostros reddidit ore sonos?

*Dura, (proserua, procax, petulans, quae illudis a-
mantem,*

*Quo properas? nullum jam datur effugium; 50
Cerrum est per saltus perquirere, sicubi se abdit:*

Ite canes, rursus rettulit, ite canes.

Fallor, & his forsan latet occultata cavernis

*Delia, namque canes infremit alipedes,
Incutietque feris rabiem. Cadmeia proles 55
Senferat iratae numina saeva Deae.*

Fessus an ingenti sub fornice semicaper Pan

Se reficit? locus hic arguit esse Deum;

Oblita nam tonso, mollique sedilia musco

*Laeta virent, fons & dulcis abundat aquae; 60
Tum coma formosis procumbit pinea ramis,*

Floret & illaeso caespite dives humus.

Excitus hic somno furit irritabilis ira,

Saevaque terrificis objicit ora modis.

Quisquis es, opperiar, mugit specus ecce resultans, 65

Quis scit an his stabulet Bellua dira carvis?

Effera quae vasto si carcere forte fuisset

Libera, quas strages prodigiosa daret?

*Atque utinam me nunc ingentibus aspera malis
Perderet, ut tandem desinerem esse miser. 70*

III.

De obitu AULI JANI PARRHASII.

Quis situs hic? situs hic? non est, inimica Mi-
nervae

Impia

Impia cur sacro texat opus lapide .
Conditus hoc inquam tumulo? vel quis jacet? Aulus.
Numquid amata Deae Tibia Cecropiae?
Ferali extinctos solita est quae efferre querela, 5
Num silet? inque vicem nunc regit alta silex?
Memnonio resonat magis haec quin Mausolaeo.
Non tamen artificis tibia facta manu est.
Qualis es hospes, ego vel qualis, amica choreis
Musarum haec spirans Tibia talis erat. 10
Nec jucunda magis fuit alitis illa puellae
Tergeminae, illectas sistere blanda rates.
Jamque latina fuit Siren; insignia Graji
Rheroris hoc hospes sunt quoque digna viro.
Audita Eridani prope flumina, dixit & amnis, 15
Non mutatus olor dulcius ore canit,
Dum Phaethontaeos querulis moribundus amores
Vocibus, atque suos ingemit interitus.
Tibris & obstupuit doctae modulamine vocis,
Affonuit ripis haec quoque, Tibri, tuis; 20
Fassus & huic uni es veteres cessisse Quirites,
Dum Latiis sonat hic dulce magis Latium.
Attice ut Attaea magis urbe locutus, & ipsa est
Hospes divino dictus ab eloquio.
Unde superbit aquis tumefactus Crathis alumno, 25
Piscolis colles Crathis oliviferos
Fluctibus allabens pulcherrimus, arva fovensque
Pingua, pampineas suspiciensque comas,
Quaeque cruenta gerit ramis frondentibus arbor,
Lapsaeque collectis poma cadunt foliis. 30
Qui nunc auricomans tristis caput occulit undis,
Auget & insolitis fletibus amnis aquas.
Qua vetus aucta viris septem se montibus effert
Aemula Romanis montibus, & Libycis,
Dives opum, Calabrumque decus Consentia, nati 35
Funera, quae rapti moeret acerba parens.
Plurima ubi manant gelidis resonantia Tempe
Fon-

Fontibus, herbosa rupe viretque domus,
 Aonidum domus, hanc permutat saepe relicto
 Fonte Aganippaeo Pieris alma domum: 40
 Unde miser migrans vastam modo Ditis in aulam,
 Non potes, ut redeas, Jane, aperire fores;
 Eumenidasque truces, canis & portentosa, Chimaeras,
 Pestis Echidnaeae sibila mille pavet.
 Te tamen inde fugax rapiet, nec Fama sepultum

(45

Centena resonans garrula voce sinet.
 Cumque aliis, procul illa licet, vetus audiet ora,
 Gens tua, nec tacitum deferet Arcadia;
 Multus at umbriferis calamo cantabere silvis,
 Oreque, namque tuum callet utrumque genus, 50
 Annuaque ad tumulum solemnia dicere vates
 Thyrsis erit, Corydon, & Meliboeus erit:
 Ibis & astra nitens inter fulgentia, non qua
 Sol venit, Hesperias vel cadit inter aquas,
 Vel latet alter ubi dejectus, & abditus infra 55
 Tartara, luminibus invidet astra polus;
 Sed quos sublimis rotat ignes concitus axis,
 Vertice quae summo sidera clara micant,
 Nec lavat unda maris, vasto sed in aequore certos
 Semper agunt nautas lucida per tenebras. 60
 Illic te cognata Lycaonis accipiet lux,
 Nec modo caelesti fulget honore fides;
 Tibia sed veniens augebit lumina Caeli
 Nocturni, gnarus suspicietque Conon,
 Miratusque novum decus accessisse, quid ipsa 65
 Nascuntur sacro sidera conjugio?
 Quodque novo exoritur sidus magis enitet aev?
 Dicit. Sed felix, haec satis, hospes abi.

Par-

IV.

Parma urbs obsessa.

URbs vetus armatis obsistens Parma catervis,
 Nunc tandem ex vero bellica nomen habet.
 Tot simul extorquere Duci quam millia telis
 Perfractam; hostiles non valere manus.
 Non solet hic Parma trepidus dare terga relictâ: 5
 Gallica lex hæc est, non Lacedaemonia.
 Quin Romanorum velut Annibal opposuit se,
 Unus enim clypeus omnibus ille fuit.
 Alter ut ensis erat, Poenus quem Marte dolofo,
 Et patriis metuens contudit insidiis. 10
 Ante sed articulis servato umbone cruentis
 Vulnere pinxisset, fortis ut Othryades:
 Et velut Aonius dux victor lactus eodem
 Clausisset viso lumina, caede madens;
 Quam raperet passus, tantisque insigne trophæum 15

Hostis jactaret maximus exuviis,
 Qualibus ornavit Marvortius alta Feretrj
 Tempia Jovis Romae conditor Iliades.
 Cedite cuncta, prius quaecumque fuere per ævum,
 Scuta virum; priscis praestitit ecce recens. 20
 Quod Capitolina suffixerat ultor in arce
 Scipiadum, accensa Martius ante coma;
 Quodque Numa aethereo dejectum condidit axe,
 Quod Diomedæi surripuere doli;
 Vel quod Phidiacæ manus exornata Minervæ 25
 Sustinuit celsis ardua culminibus;
 Ipsa vel immanes quo Gorgone saeva Gigantes
 Perfurit, armifonus quod pater ipse gerit

H

Tegmi-

*Tegmine munitum carae nutricis, eisdem
 Terrigenas inter cum tonat igne Deus: 30
 Haec texit non una virum nam Parma, sed omnes.
 Quam bene dicetur, nunc olus olla legit.*

V.

*Aeneas ex Antandro conscendens, Patriam a Graecis
 deletam alloquitur.*

J *Am nova caeruleas deducta est classis in undas
 Caesa sub Idaeis pinea verticibus.
 Impelluntque leves suspensa rudentibus aurae
 Linthea, dilapsis undique sideribus.
 Linquendum est jam dulce solum, fuit incluta quon-
 dam 5
 Troja ubi, siue armis incluta, siue opibus.
 O Patria, o manibus disiecta hostilibus, omnis
 Collapsa in cinerem, & flamine sparsa Noti!
 Tanta fuit numquam e florentibus urbibus ulla,
 Tam subito, & casu diruta praecipiti. 10
 Si qua salus superest post fata novissima, salve,
 Atque vale, extremum hoc, quod datur, aspi-
 cere est.
 Non licuit, saevis aut te hostibus eripere, aut me
 Te prius optato concidere interitu?
 Flavus ubi toties atratus caede refluxit 15
 Xanthus, ubi & Simois decolor auxit aquas;
 Quae manus Danaum pavitans per littora in al-
 tum
 Profugit, ratibus delituitque cavis;
 Aut latebrosa gravis tenebras cum enixa per atras
 Exitium peperit bellua Dardaniae; 20
 Cum, cives rapite arma, urbs tota fremebat in au-
 ras*

Voci-

Vocibus, hostis adest, ferte agite arma viri.
 Ilion aeternis deplorandum lamentis,
 Quis tua tot potis est, quis mala tanta queri?
 Saevitiam hostilis ferri subiisse, per aedes 25
 Civili undantes sanguine, perque vias.
 Ignibus heu devota furentibus omnia, siquid
 Restitit, Argolicae sensit aratra manus.
 Tunc potui superesse armisque, dolisque Pelasgum,
 Numine sublatus matris Acidaliae. 30
 Cum vetus armipotentibus arx Priameia Grajis
 Capta, malum, auratis ardua culminibus
 Corruit, & flammis superantibus omnia diris
 Exultabat atrox caede Neoptolemus;
 Quem furete, & geminis immistum vidi ego A-
 tridis 35
 Terribilem abjectis stare cadaveribus,
 Hercaenumque Jovem Regis foedare senili
 Sanguine: quam indigna est hostia caesa Jovi?
 Funera post nati crudelia raptus ibidem
 Ilicet aeternum tuque, puerque vale, 40
 Et suboles germana, perit quae, excelsa viretis
 Silva velut telis saucia nubigenis.
 Perdidit unius furor omnes; semper aquosa
 Maluisses Ida pascere lanigeras,
 Agresti contentus amore, fuisset Oreas 45
 Sive tibi cordi, candida sive Dryas;
 Innuptis quam sic alienam abducere nuptiis
 Damnofo insignis factus adulterio.
 Tempore quo virgo doctissima Priamidarum
 Sparsa comam, & niveas fletibus uda genas, 50
 Affatur mare prospectans e turribus altis
 Infortunatos Laomedontiadas:
 En iterum Grajis cadit Ilion, Ilion armis;
 Pergama collucet ignibus Inachiis. 55
 O tantum prohibete nefas, miserescite venti,
 Vos saltem venti pellite, ferte ratem,
 H 2 Red-

Reddite desertis, fugit unde, Penatibus, actam
 Turbine vel rapidis mergite vorticibus.
 Quid soror insanam retines? ad busta jacebis 60
 Tu quoque amatoris vindicis ulta prius.
 Sed melius, mihi quam quod Fata inimica reser-
 vant,
 Impie, dira dabis jam mihi supplicia.
 Verte, Dea, ingentes fluctus, e nubibus atris
 Nata patris casta conjice tela manu. . . 65
 Ultima sed superant immania, maxima Phoebi
 Nulla forent utinam, vel rata dona forent.
 Sed tantae reus es seu caedis, siue Deorum
 In mala devotus numine, tuque vale,
 Eminus Herculei trajectus acumine teli, 70
 Sparsus & intonsam pulvere caesariem.
 Et patriae ante omnes quondam tutela peremptus
 Magnus Achillaea cuspide Priamides,
 Felix Priamides, cui sic occumbere, mortem
 Et licuit campis oppetere in patriis. 75
 Excidio superare tibi non contigit urbis.
 (O Neptune perit, Phoebe opus atque tuum.)
 Nec stupefacta repentinis ululatus auris
 Horruit, & rebus tot dolere oculi,
 Infandis rebus, quas nox congesserat una, 80
 Una omne extinxit nox decus Iliacum.
 Ab facinus! celso dejectus culmine quis non
 Respersit lacrymis hostibus ora puer?
 Sacrilegas miser ille manus tremefactus, & iras
 Sensit Ulyssaeas regius Aethymax. 85
 Imperiis quoque paret herilibus Hectoris uxor
 Tradita victoris serva ministerio.
 Haec quoque praemoriens vitasti, munere divum
 Mors data, non vitae lux tibi dempta fuit.
 Sed neque regalesque nurus, matrumque catervas 90
 Contigit additas cernere servitio,

Perque

*Perque salum rapere insuetum, insultantibus essent
Tam procul Argivis matribus ut famulae.*

*Trojugenū regina parens longaeva triumphis,
Passa nefas o quantum! acta Agamemnoniis.*

*Et soror Aeacidae letalis cura sepulti, 93
Altera quaeque tuum movit Apollo animum.*

*Tertia, quam flammis nequicquam atque hoste re-
cepi,*

*Rapta iterum est conjunx regia caelitibus,
Qui mihi fatalis sociam invidere laboris,
Jucundam, longae qui comitemque viae. 100*

*Ille per umbrosas, docuere oracula, silvas
Sacra facit Matri maxima Turrigeræ.
Quanta tamen cumque est, mihi certe nulla reli-
cta est:*

*Praesidet alma aliis, sed perit illa suis.
Care puer, jubeam cur ora madentia fletu 105*

*Tergere, & curas pellere, Iule, animo?
En ego solator tot luctibus indefessus*

*Frangor, & huic uni mens mea pressa malo est.
Vive tamen nostri non immemor, o ubicumque*

*Es nemorum, fluvios seu colis undisonos, 110
Atque vale: feror exul aquae super aequora vasta,*

*Fata jubent quo me tendere caelicolū;
Et pater ipse comes grandaevus non timet ire*

*Servatus patriae bis pater exitio;
Nec communis amor natus tua dulcis imago 115*

*Parvus idem profugus denegat exilium,
Cum sociis mecum simul omnia ferre paratis,*

*Aspera quae terrae, quaeque ferunt maria.
Jamque rates evaserunt: quos igne, Penates,*

Eripui, velis flamina carbasseis 120

*Servate, o semper felicia! vosque Latinis
Templa manent meritos maxima litoribus.*

VI.

Ad Rus suum.

Quando sub nemorum coma
 Semorus populo te fruar improbo
 O Rus, grata animo quies?
 En ex quo pelagi sol oritur vadis,
 Et serus micat Hesperus, 5
 Urgens me assidue turba procax tenet
 Fessum mille laboribus.
 Felix heu nimium, cui licet inviis
 Silvis ævum agere, o nemus
 Lympharum scatebris irriguum nemus, 10
 Formosisque refrigerans
 Umbris, & Zephyris aestiferos dies.
 Quam me, quam juvat in solo
 Stratum gramineo cernere garrulas,
 Et ramis volucres vagas! 15
 O quis me procul hinc constituet jugis
 Frondosis! prope concavas
 Rupes, muscus ubi saxa virens tegit,
 Hircus corniger & rubos
 Passim carpit edax pendulus asperos, 20
 Flavæ lumina Phyllidis
 Dum voce, aut calamis multiforis canit,
 Et juncis calathos leves,
 Aut scissa Corydon nectit arundine.
 Quem non ambitio levis, 25
 Livor nec miserum luteus inficit.

Alac

VII.

Alae Cupidinis

Ad Theocriti imitationem.

H As tibi, parve puer, numerosas dedicat alas,
 Fessa jugo tandem colla solutus amans.
 Decreram specula me dare Leucadis,
 Aut necem ferro properare adactis,
 Alta claudere vel diem 5
 Pendulus Orno.
 Ora madebant
 Largis pallida fleribus,
 Serpserat furtim calor in medullis,
 Qualis Trinacriae rupibus aestuat 10
 Ignis; nunc memores munera parva damus,
 Sed quae nulla queat consumere longior aetas.

† VIII.

Alae Cupidinis.

Quem tam securo fovisti semper amore,
 Ut nullum dominae senserit imperium;
 Compositasque suam in puellam
 Crebras undique fraudes
 Spreverit omnes; 5
 Qui sacer usque
 Securusque sub alis
 Vixerit ipse tuis beatus;
 Ille, Cupido, tui nunc memor officii
 Ex fulvo geminas auro tibi dedicat Alas. 10
 H 4 De

IX.

De Prometheo, & Cupidine.

Illusit Superis quondam vaser omnibus unus
 Mortalis, tacitas surripuitque faces.
 Juppiter ulciscens mortales imperat omnes
 Ludat ut occultis ignibus unus Amor.

X.

De Juvene personato.

DUm tegit os roseum juvenis sub imagine
 Mauri,
 Et velut insidians urbe vagatur Amor,
 Astitit agnoscens Glycere tamen, inquit O: oris
 Quid juvat egregium dissimulare decus?
 Sed neque dissimulas, magis ardent lumina in
 atro
 Tegmine, ut obscura sidera nocte magis. 5

XI.

De Hyacintho.

Nil opus elogio redimire, aut flore sepulchrum:
 Ipse sibi flos est, elogiumque puer.

De

XII.

De Vite rubente.

C Aederet immeritae Vitis dum crura, recidis
 Ipsa sua, & dira caede Lycurgus obit.
 Unde prius viridis, rubet hostis sparsa cruore
 Illaeso Vitis stipite, & ulta nefas.

XIII.

De Scarabeis.

P Arvula Sisyphio gens condemnata labori
 Quas figula ipsa facit, fertque refertque pilas.
 Pars nigra, ut Aethiopum manus usta caloribus
 horret
 Regia, pars viridi picta colore nitet.
 Parva micat cujus dorso nota, magna minutis 5
 Si conferre licet, Luna pusilla velut.
 Dixit Equum Lunae hinc cognomine Brutia Tellus.
 Quod si bellator sic nitisset Equus,
 Illo capta foret non una Semiramis, essent
 Centauri & plures, quam genus est Hominum.

(10)

De

XIV.

De colore Purpureo ab Hercule primum invento.

ERrat dum bibulis Hercules littoribus canis,
Nantem sorte videt spumifero gurgite Purpu-
ram;

Aggressusque ferox corripuit viscera mordicus.
Non passus rediit commaculans gramina sanguine.
Quem Tyro simul ac pulchra videt (namque erat
haec comes)

Prolutum roseis candida sic ora coloribus,
Alcidem alloquitur: non alio munere te sequar,
Quam si picta mihi palla rubens huic similis da-
tur;

Quod nunc per spolium terrificae te rogo Belluae,
Invictaeque manus robora, per tela sonantia,
Non ignota avibus nubila translata fugacibus,
Da ferre haec (poteris nam omnia) nec te te-
nuit Maris

Circumfusa palus, Hesperidum quo minus aurea
Ferres munera. Sic brachiolis fata revinciens
Robusta implicuit Nympha procax colla tenaciter.

Paret victus amans blanditiis Amphitrionius,
Nactusque exanimem, quam expuerat jam mare,
purpuram

Infecit Tyrio primus ovem Murice candidam.

In

XV.

In obitu PETRI GRAVINAE.

NUllius aequè fuit Aoniis grata Camoenis òita,
 Ac tua, jucunde Gravina; dolent rursus
 morte nec ullius
 Ita acerbe; tuum obortis tumulum lacrymis urgens
 miseriter,
 Inscriptisque exornant hyacinthis; & saepius beu,
 beu
 Tacita ingemit urna querens periisse decus ingens
 Latii.
 Gelidus saevi frigore lethi, qui simul ore obmutuit,
 Ubi Venus, & suadendi dulcis Dea semper erat
 Pitho:
 Musis nihilum est cordi, tantum Vatis carmina re-
 legunt,
 Recinuntque per umbras, Nemus & Castalium,
 spretis Phoebi
 Carminibus. valet una, Paleni, (a) res; 10
 Fletusque genis extergere manantibus. ille etenim
 ille
 Obiit fama nunquam moritura, secumque Gravina
 Gaudet simul ipsa Camoenarum te volitare per ora.

In

(a) Joh. Franciscus de Capua Palenensium Comes, cujus opera
 Gravinae Carmina edita fuere.

† XVI.

In obitu AUREAE FERRARAE.

Pulchra Cypria, Cypriaeque pulcher
 Fili, pulchraque turba Gratiarum,
 Omnes Dique, Deaeque pulbrioros,
 Vos omnes homines venustiores,
 Vim magnam lacrymate lacrymarum; 5
 Res fletu, lacrymisque digna vestris
 Haec est: occidit, occidit repente
 Misella Aurea, qua venustiore
 Nec conspexit in Orbe Sol puellam.
 Licet fama Jovem ferat Tonantem 10
 Assumsisse bovis sibi figuram,
 Imbrisque aurei, & albi oloris, ille
 Europen, Danaenque tantum amavit,
 Et Leden niveam: nihil profecto
 Hac est, vel fuit, aut erit puella 15
 Usquam candidius, venustiusque;
 Cui frons aurea, & aurei capilli,
 Mores aureoli, aureumque nomen,
 Ipsaque Aurea tota erat, misella.

† XVII.

Ad Venerem

De POMPEII COLUMNA libello.

Spumanti o Venus edita ponto,
 Pulchris gaudens pulchra puellis,
 Si tibi cordi est Diva libellus,

Quo

Quo femineum genus evexit
 Pompejus super astra Columna,
 Celeri concha labere virides
 Per aquas vicinam Inarimen, precor,
 Ubi Victoria, qualis Siren
 Dulce cantat prope litora pelagi,
 Sacratque novis cantibus Avalum;
 Ac velut incensa renidet soror
 Phoebi radiis Cynthia fratris,
 Sic contra nunc illa mariti
 Auget proprio lumine lumen.
 Felix tali conjuge conjux!
 Opus huic, tu Dea, manibus
 Tu trade tuis, neque enim decet id
 Tantum scriptum nomine, tantae
 Sacratum Nymphae, nisi per te
 Mitti; vix est illius aure
 Quisquam, ore aut dignus: te precor.

5

10

15

20

† XVIII.

Ad Silvam ab aegro optatam.

S Ilvarum decus omnium,
 Flavis quas Tiberis fluctibus alluit,
 Ingens & Latium colit,
 Aeger visus ubi ludere somniis,
 Arentemque fluentibus
 Pronus saepe sitim pellere fontibus
 Spirans expuit uberes
 Dulcesque effigies quas elephantina,
 Tectus qua paries nitet
 Hinc illinc bederis usque virentibus,
 Lucus desuper, & domos

5

10

Den.

Densis aethereas arboribus petit;
 Ut te nunc video laetus, ut omnia
 Collustrare juvat? quibus
 Aeternum carui pene, sepultus heu
 Non patris cinis est ubi
 Tellus extera, sed Romula me meis
 Clausisset tumulo procul;
 Languenti propere cum pius affuit
 Gybertus, decus offerens
 Oris, sideribus prima ubi non micat,
 Certe sidus & is velut
 Affulsit misero tunc mihi, & irritus
 Admota refugit rate
 Hoc viso Stygius portitor licet,
 Castos namque pavent viros
 Damnati Superum judicio semel;
 Aures personat atque adhuc
 Vox dulcis; veluti certa foret salus,
 Caelo missa salus, sacra
 Pallentem miserans allicit & manu:
 Tristis tunc abiit color,
 Defesso rediit vividus & vigor:
 Hinc te nunc fruor, illius
 Sospes munere, fons, qui exiliens specu,
 Occultisque meatibus,
 Piscosos resonans decidit in lacus.

† XIX.

In Lycaonem.

Solvitur infausta ratis alite, te precor altae
 Arbiter Aeoliae,

Car-

Carceribus dimitte Notos, da caerulea ponti
Eruat Ausonii
Horriſer inſurgens Boreas bacchatus ab Arcto, 5
Tundat utrumque latus,
Hec devota mari navis, male texta procellis
Diſſoluenda dabis;
Jam video turbata tuis praeccordia nautis,
Jam Pater altitonans 10
In te tela tenet dextra, jam ſurgit ab imo
Gurgite acerba tuens
Armatus magna Neptunus cuspide, & omnia
Agmina Nereidum
Eripiunt nimbis, fallax, tua vota, Lycaon; 15
Jam venit illa dies,
Qua foedam exſpires animam, correptus acutos
Turbine per ſcopulos;
Et tua caeruleis explebunt membra ſub undis 20
Piſcibus ingluviem;
Aut volitans rauco mergus clangore cadaver
Littore paſcet iners.
Annuere vota libens Deus aequoris, iſta calentes
Corruet ante focos
Viſtima pro meritis; nec tu ſine honore manebis 25
Muneris Hippotade.

ANTONII THYLESII CARMINUM FINIS.

ANTONIUM THYLESIUM.

O D E.

UXORE, natis, fratribus, & solo
 Exul relictis, frigida per loca
 Musarum alumnus, barbarorum
 Ferre superbiam, & insolentes
 Mores coactus jam didici, & invia
 Per saxa voces ingeminantia
 Fletusque sub rauco querelas
 *Murmure Danubii levare
O nate tristem sollicitudine
 Lenire mentem, & rebus atrociter
 Urgentibus, fulcire amici
 Pectora docte manu **THYLEST**
Jam jam sonantem Delius admove
 Dexter tacentem barbiton antea
 Cantare Sebethi suadent
 Ad vaga flumina cursitantes
Nymphae, jam amatis moenibus inclyte
 Non Urbis, amnis quam Tagus aureo
 Nodare nexu gestat, ultra
 Me lacerat modum amor furentem
Syrenum amoena jam prima juvat
 Cultoque pulchra Parthenopae solo
 Juxtaque manes confidere,
 Vel potius cineres Maronis
Ah egro deorum quis tulerit rogas
 Herbis repositis auxilium potens?
 Mentisque consternationem
 Cantibus & fidibus levarit?
Idem sonanti cui vaga flumina
 Sistant silentes margine vortices

5

10

15

20

25

30

Ven-

Ventosque narratur frementes Per nemora ardua conquiesse	
Hic nam revinxit me tibi vinculo Gratis Camoenae quod mihi nexibus Texere, praelargus quid ultra Me miserum potuit juvare?	35
Imbrem beatis nubibus aureum Vivaeque talum compede candidum Nexam puellam, conjugemque Languidulis oculis querentem	40
Carmen canentis, sic animus rapit Mentemque, ut omnes subjaceant graves Curae, & labores, evolemque Aliger his super elevatus,	
Te mi THYLESI te comite obtulit Sese parentis quem veneror loco, Cui dulce pignus nostri amoris Non animum pigeat patere	45
Arcana Divum dum referat, novus Huic pectus alte sollicitat furor Curare seu mortalium res Caelicolas, grave sive monstrat	50
Natos parentum crimina ab impia Vexari, ut auras carpere dum licet Nec luxui ipsi indulgeant, nec Poena parentibus ulla desit	55
Haec aure cuncti, praecipue imbibunt Alte silentes, & Marius meus, Rerumque multarum refertus Atque memor Placitus bonarum	60
Honesta cunctos hinc domus accipit, Liberque sermo nascitur, haud tamen Impune, nam si tortuosis Nexibus implicitum, quid audes	
Suadere, sperans ingeniosius Quam verius, nos pertrahere ad tuum Sensum, statim aggressa est cohors te, Ut ciconum irruit in canentem	65
Num tu fluentem divitiis Tagum Num prata Gyrus avida rosidis Mutare me insanum putabas Dulcibus immemorque amicis?	70

BER-

INSTITUT A
H E R M A O

BERNARDINI THYLESII
ANTONII NEPOTIS
AD JOHANNAM CASTRIOTAM
C A R M E N

Cum Italica versione

JULII CAVALCANTIS;

C A R M E N

N *I me divina incendens Sapiencia forma
Totum in amore sui primis tenuisset ab
annis ;*

*Quam per inaccessos calles, perque invia vulgo
Passibus haud timidis sectans, alia omnia liqui;
Tu mihi primus amor, Tu maxima cura fuisses, s
O Graeae, O Latiae Gentis decus, edita Caelo
Progenies, veterum tot ducta ab origine Regum.*

*Et qui nunc oculis magnorum invisus Achivum
Aemulus obversor laudis, quam consequor unus,
„ Vltus Avos Trojae, templa O temerata Mi-
nervae, 10
Tecum una volitarem, ipsis vel carus Athenis;
Consultoque Deae propriis praeferrer alumniis.
Nunc solito ingenium nescit despectere cursu,
Aut alio jam ardore tepescere vis animae.*

Sed

T R A D U Z I O N E

1.

SE non che di saper, come al Ciel piacque,
Da la mia prima etade
Novo desir sì dentro al cor mi nacque,
Che per solinghe strade
Seguendo sua beltade,
Quantunque io vidi dopo lei mi spiacque:
Tu sola, dal mio petto
Scacciando ogni altro affetto,
O di Grecia, o d' Italia, o del Ciel pegno,
Donna, del mio cor pegno
Saresti, e del pensier unico oggetto.

2.

Ed io che a pena l'alta gloria tolsi
A' Greci, e loro avanti
Noioso agli occhi da quel dì mi avvolsi,
Che i fuochi antichi, e i pianti
Vengiai di Troia, e i santi
Templi, ove il pregio a le mie tempie accolli;
Tra' suoi figli 'l più caro
Volerei teco a paro.
Or non fa l'alma dal suo corso altrove
Volger per mille prove,
Nè sentir d'altra fiamma il dolce amaro.

Sed qualis Terram tepidi vigor ignis inertem 15
Illapsus tenuat, pigramque exsurgere molem
Edocet in liquidos latices, aurasque sequentes
Inversam, donec lento certamine victa
Cuncta novo assuescant volitare per aëra motu:
Sic tua me virtus superans totum rapit ad se 20
Cunstantem, residesque animos mollescere cogit;
Pondereque exutos in Caelum lumine ferri.

O volucrem flammam, & flammæ monumenta vo-
lucris
En sublime feror: nec te, memorande ruina
Icare, despiciens, paveo: non Daedalus alis 25
Sustinet errantem, major vis tollit Olympo.
Hinc animæ proprios motus contemplor, & ipsum
Divinum inspicio, qui spiritus intimus omni est.

Hinc

3.

Come la rozza Terra il caldo lume
Del Sole apre, e difende,
E in acqua, e in vento spiega il suo volume;
E tanta a l'opra intende,
Che vinta in guerra apprende,
A volar per lo Ciel nuovo costume:
Così tutto mi sforza
Del tuo valor la forza,
Che a se mi tragge, e i lenti spirti, e l'anima
D'ogni terrena anima
Scotendo, a volar sù m'invoglia, e sforza.

4.

O fiamma, o altri affetti, cui pur cale:
Del Cielo, ecco or men volo,
Nè il tuo cader mirando orror mi affale,
Fanciul del folle volo,
Non me Dedalo a volo
Sostien; ma maggior forza spiega l'ale:
E mentre l'aer fendo,
De l'anima i moti apprendo;
E come in lei spirital luce eterna,
Da Dio mossa, s'interna,
Ancor mirando, alteramente intendo.

*Hinc ipsam speciem intueor, quae diffusa Mundo
Nativum amittit mortali corpore florem. 30
Quae si tanta tuo nunc emicat, Heroine;
Qualis erit, cum pulchram animam sua forma ni-
tenti
Excipiet cultu, ac mediis spatiaabitur astris?*

*Huc pennis contende, vocat quo virvida virtus,
Et Patrum benefacta, O aviti gloria regni: 35
Cetera quae angusto Phoebe complectitur orbe,
Fortunae instabili versantur turbine fluxu.
Te nos actutum Caeli per aperta secuti
Aequora formosi divina luce fruemur
Permisti Divis, dolituri tempore nullo. 40*

*Plura loqui Deus ipse vetat, nec frigida lingua
Pectoris accensi potis est aequare furores.
Tu furtiva senis placide cape munera amanti.*

5.

Quinci 'l bel lume, onde Natura pingè,
L' Universo, vagheggio,
Che il suo natò splendor ne' corpi iatìnge;
Che s'or tale in te veggio
Arder, che più non chieggio;
Qual fia, se dal mortal l'alma si scinge,
Sì ch' ella in sua più bella
Forma, a la par sua stella
Tornando, dal terreno incarco sciolta,
Tra l' alme in Cielo accolta,
Voli con chiara, ed immortal facella?

6.

Quì drizza il volo, ove dal Ciel ti chiama
L' alto valore, e l'opre
Sante, e de i Maggior tuoi la real fama;
Che quanto il Ciel ricopre,
El Sol volgendo scopre,
Turba, e raggira in questa oscura lama
Di ria Fortuna un fiato,
Che mai non ferba stato.
Te pur io dietro a quel divino raggio,
Securo d' ogni oltraggio,
Seguirò spìrto ignudo, e in Ciel beato.

Canzon, tutta s' agghiaccia
La mia debil virtude, e non può dramma
De la mia interna fiamma
Ridir la lingua; onde convien che taccia.

E J U S D E M

E P I G R A M M A

Ad SCIPIONEM MAZZELLAM

Hist. Neap. edentem.

Romulidis quantum dux Scipio profuit olim,
 Quod valida evertit Punica regna manu,

Quodque suae genti famam, peperitque quietem,
 Belligeri Jami limina clausa videns:

Tantum Parthenope, immo plus, tu proficis almae,
 Scipio, non armis, sed magis ingenio;

Aeternis quando scriptis ornaveris illam,
 Unde tibi, & patriae gloria, bonosque venit.

Gaudeat hinc tanto tellus jam dulcis alumno
 Euboica, & relegat quod bene scribis Opus. 10



GIO: GIACOMO DE' ROSSI.

*nella Tavola de' Lodatori di D. Giovanna Castriota. Vico Equense
1585. appresso Giuseppe Gacchi 4.^o*

Bernardino Telefio è assai chiaro. . . . fa talor Versi,
è rappresenta più Lucrezio, che Virgilio.

GIO: PAOLO DI AQUINO

*nell' Orazione in morte di Bernardino Telefio. Costanza 1596. per
Leonardo Angrifano 4.^o*

Quanto fosse eccellente poeta, e come intendesse i segreti della poesia, oltre alcune sue opere, che non sono fuori, si può comprendere da que' pochi Versi latini, ch' egli fe in lode di D. Giovanna Castriota Duchessa di Nocera, da' quali si può conoscere l'eccellenza della sua poesia, come dall' unghia si conosce il leoné, e come Pittagora dal piede d' Ercole conobbe la sua statura.

IL MARCHESE SALVADORE SPIRITI

nelle Memorie degli Scrittori Cosentini. Napoli 1750. appo i Muzi 4.^o

Si leggono parimente alcuni suoi (di Bernardino) Versi latini nella Raccolta per la Castriota, dalli quali può chiaramente conoscerli, ch' egli merita nome di leggiadro, ed eccellente poeta non meno, che di profondo, e sottile filosofante.

SERTORIO QUATTROMANI

*nelle Lettere lib. 11. lett. 54. a Giulio Cavalcanti. Napoli 1714.
appresso il Mosca 8.º*

La Canzone di VS. è cosa divina, e farà di molta maraviglia a chiunque intende i mestieri di poesia. Parmi che abbia molta somiglianza colle canzoni del Casa; ma in questo è più ammirabile di ogni altra, perchè tratta soggetto assai malagevole, e che appena può distendersi in prosa, e ciò fa con tanta felicità, che par che ragioni di bellezze di amore; e perchè anche è costretto a dire quelle cose istesse che dice il latino, ed esprime ogni cosa nobilmente, che par che sia composizione di chi la scrive, e non portata in nostro linguaggio da altra favella.

IL MARCHESE SALVADORE SPIRITI

nelle Memorie degli Scrittori Cosentini &c.

E solo per faggio del suo (di Giulio Cavalcanti) talento nel mestier di poesia si legge nella Raccolta del Monti una Traduzione di certi Versi latini del Telesio in forma di Canzone, che in vero per essere un ristretto traslatamento di cose malagevoli a spiegarli in rime, è molto da commendare.

I N D E X

C A R M I N U M

ANTONII THYLESII.

- A** *Enea vincula bederae foliis cava tempora*
Bacchi Lib. I. Num. iv. Pag. 54.
Arboreos inter foetus Rex inclute quondam I. xv. 88.
 ex MS. biblioth. Aemilii Jannutii Sabelli
Argutae primum cum plectra parentis & auro I. ix. 78.
 ex lib. III. Commentar. in Phaedrum Cunradi
 Rittershusii, cum graeca versione Mat-
 thiae Bergii
Aërio superans Turris modo vertice nubes I. vi. 64.
Aspice ut aureolus virides intermicat herbas I. xx. 95.
 ex eodem MS.
Caederet immeritatae Vitis dum crura, recidit II. xii. 121.
 ex lib. de Coloribus
Cernis, ut extendat tenuis Viticula palmas I. xxvii. 104.
 ex MS. apud Franciscum Danielem
Discedis nostro Phoebus velus aethere, & almam I. xix. 92.
 ex MS. biblioth. Aem. Jannutii Sabelli
Doctis nobilitas sacer libellis I. i. 45.
Dum nova tempestas Caeli furit, atraque magno I. xii. 84.
 ex eodem MS.
Dum tegis os roseum juvenis sub imagine Mauri II. x. 120.
Elapsus postquam fuerit de corpore quondam I. xvii. 89.
 ex eodem MS.
Errat dum bibulis Hercules littoribus canis II. xiv. 122.
 ex lib. de Colorib.
Fessus eram, bibulis licet auribus inter eundem I. iii. 51.
Fluminis undisonas ripas praetexit harundo I. x. 80.
 inter Delic. cc. Poetar. Italor. a Ranutio
 Ghero collec. par. II.
Gaudet Anas fluvii frigentibus humida ripis I. xxiv. 100.
 ex MS. apud F. Danielem
Haeret Araneola laxis dum cassibus errans I. vii. 74.
 in calce lib. de Colorib.

Has

<i>Has tibi parve puer numerosas dedicat alas</i> ex eodem MS.	II. VII. 119.
<i>Hoc quoque, Achæmenides, referas, timor omnis abesto</i>	I. II. 46.
<i>Jam nova caeruleas deducta est classis in undas</i>	II. V. 114.
<i>Illustit Superis quondam vaser omnibus unus</i>	II. IX. 120.
<i>Imminet obsessis patriae dum moenibus hostis</i> ex MS. biblioth. Aem. Jannutii Sabelli	I. XIV. 87.
<i>Molliter acclinis rupe, mox ardua surgit</i> ex eodem MS.	I. XXVI. 102.
<i>Nil opus elogio redimire, aut flore sepulchrum.</i> ex lib. de Colorib.	II. XI. 120.
<i>Nullius aequè fuit Aoniis grata Camoenis vita</i> in calce Carminum Petri Gravinae	II. XV. 123.
<i>Obstrepit aërio de culmine nocte silenti</i> ex MS. apud F. Danielelem	I. XXV. 101.
<i>Omnia, quae lusit rerum Natura creatrix</i> ex eodem MS.	I. XXIII. 98.
<i>Parce, lates viridi quisquis sub cortice prudens</i> ex MS. biblioth. Aem. Jannutii Sabelli	I. XXI. 96.
<i>Parvus hiat parvo non dissimilis calathisco</i> ex eodem MS.	I. XVI. 88.
<i>Pollicitus fuerat Superis in verba vocatis</i> ex eodem MS.	I. XIII. 85.
<i>Pulchra Cypria, Cypriæque pulcher</i> ex MS. apud F. Danielelem	II. XVI. 124.
<i>Quando sub nemorum coma</i>	II. VI. 118.
<i>Quem tam securo fovisti semper amore</i> ex eodem MS.	II. VIII. 119.
<i>Quid tecum quereris? vel me magis improba rides</i>	II. II. 118.
<i>Quis situs hic? situs hic? non est inimica Minervæ</i>	II. III. 100.
<i>Serica jamdudum maculis mihi cingula densis.</i>	II. I. 107.
<i>Silvarum decus omnium</i> ex eodem MS.	II. XVIII. 125.
<i>Solverat Actnaeis puppem longaevus Alethes</i>	I. V. 57.
<i>Solvimus ante diem merito dum justa parenti</i>	I. XI. 81.
<i>Solvitur infausta ratis alite, te precor alta</i> ex eodem MS.	II. XIX. 126.
<i>Spumanti, o Venus, edita ponto</i> ex eodem MS.	II. XVII. 124.

Suspen-

- Suspensus nitet ingenti Testudine Mundus* I. xviii. 90.
 ex MS. biblioth. Aem. Jannutii Sabelli
- Suspicit erectas Mundus ex omnibus unus* I. xxii. 97.
 ex eodem MS.
- Tantula nocte volans volucris micat aëre tantum* I. viii. 76.
 ex Amphitheatro Sapientiae &c. Gasparis
 Dornavii
- Urbs vetus armatis obfistens Parma catervis* II. iv. 113.





ANTONII THYLESII

CONSENTINI

DE CORONIS.



ANTONII THYLESII

CONSENTINI

DE CORONIS

AD JOH. MATTHAEUM GYBERTUM

Clementis VII. P. M. Datarium.



Arium antiquis temporibus honorem fuisse Coronarum, quas Janum tradunt Bicipitem invenisse, unde ejus nonnulla numismata corollam habent expressam, res adeo in promptu est, ut eam nihil sit opus produëtis quodammodo testibus comprobare; quando Graeci pariter, ac Latini scriptores de iis saepissime loquantur, & gravissimus auctor Theophrastus Peripateticus Coronas scriptis suis nobilitaverit; necnon Callimachus, & Mnestheus medici de iisdem seorsum a caeteris rebus, quas uterque memoriae prodidit, multa differuerint. Harum igitur, cum tantorum virorum labores nusquam appareant, statuenti mihi aliquas, velut e musarum hortis florentibus, per ludum colligere, tuisque sacratissimis postibus, GYBERTE, in perpetuum dedicare, atque omnia collustranti illa primum suo se obtulit fulgore conspiciendam, quam divino atque immortali quondam Vulcani artificio caelatam, ipsa manibus suis Venus Dionysio, cum ejus, & Ariadnae nuptias Dii, Deaeque complures non sine exquisitis

K 2

mu-

muneribus celebrarent, donum detulit, omnium, quae ab aliis collata fuerunt, longe formosissimum. Solumque excogitarum, ut subterranei Labyrinthi perplexos & tenebricosos errores, velut noctem Solis cedentem radijs, superaret, ac dignum postremo existimatum, unde Caelum ipsum novem, praeter illas, quibus ante fulgebat, Stellis illustraretur, quot gemmas e Thespiadum numero, globisque caelestibus earum cantu supra mortalium sensus usque resonantibus, auro inclusit Deorum faber sollertissimus, sive ejusdem Bacchi fuerit hedera a nobis in Archinti hortulo carminibus celebrata; quam pro capillo fatorum lege intonsili, in uxoris funere lugens deposuit Liber, ejusque singulas frondes singulis luminibus accendit caelestibus, perpetuisque. Neque enim palmitibus tantum redimitur ille pampineis, interdum etiam racemiferis, ramisque ficulneis late frondentibus, quibus primum dicitur is victis hostibus triumphasse, aut variis praeterea fertis ejusdem floret cornigerum caput; sed multo magis hederæ foliis delectatur Cissi adolescentuli memor, quem humi lethaliter afflictum, dum secum Satyriscus temere, & immodice saltaret, in arbusculam mutavit erraticæ saltationis imitatricem: hinc est illud

Ludit adhuc, casusque memor, vagus arbore Cissus

Mille manus quaerit nectere, mille pedes.

Quamvis aliqui eandem Thesei manu factam prodiderint e flore, quem ab eodem artifice Thesæum nomine dixerunt. Sit haec inter Coronas, quomodocumque nata fuerit, nunc prima, etsi stelliferae noctis domina id minime patriatur Luna, suamque longe praeferrat Ariadnaeae. Haec autem Dea Solis, ut perhibent, germana, quia sit ore formoso, & illustri, non datur nobis hominibus contemplari; neque enim divini oris nitor in oculos cadit mortalium, sive illius splendore victi hebescent, sive indigni sunt tantam virginis pulchri-

chritudinem spectare; sacri modo capitis decus suspici-
mus geminis cornibus conspicuum lucentibus; atque
ita veteres cum Lunae simulacrum ostenderent, puellam
faciebant curru per caelum vehi, dimidiato Lunari
globo temporibus accommodato sursum versus reflexo,
ut in nummo apparet aeneo Romanorum saeculis
percussio: assumerunt sibi tam egregium insigne
Antelunares, sic ipsi se dicebant, Arcades, ex
quibus Romana postea nobilitas accepit, Lunae
imaginem pedibus affluens, ut fundamentum, hoc est
principium generis ab Evandro Arcade deductum esse
significarent; quin & Augustus Caesar in hoc idem
argumentum argentum signavit, ubi eadem species
curvatae Lunae expressa est, majoris avunculi, unde
adoptatus fuit, stellam utroque cornu penitus complexa,
ut inde quoque gentem suam gloria augeret; in qua
quidem re non potuit locum excogitare Octavius toto
caelo digniorem, ubi Caesaris sui animam collocaret,
quam ut in Lunae semicirculo eam includeret. Sed
nescio quomodo dum in rebus antiquis, & alienis
puto me versari, in praesentibus, propriisque
versor, quando instar supini hemicycli Lunae dimidium
argenteae tribus stellis splendentibus adjunctis tuum est
eximium gestamen GYBERTE. Ut autem unde deflexus
est, eo reducatur sermo, quam aliarum primam dixi,
non pudeat Cnosiam coronam Lunae concedere, suae,
aliorumque omnium siderum reginae.

A quibus ut ad eas ipsius Naturae opificio
formatas, ac mortalium oculis propius admotas deveniam,
nec aliquid de floribus dicam, quorum plerique folio-
rum ambitu variis coloribus distincti pusillae coronae
speciem referunt, habet mespilum nescio quid hujus-
modi; quod id ipsum in punico, cujus arbor sola ex
omnibus flore rubens puniceo in Cypro insula Vene-
ris fata manu primum visa fuit, multo distinctius
erigitur, adeo ut inter omnes alias arborum fruges,

quasi regnum obtinere videatur, nec regio tantum insigni, sed totius mali specie, granisque, velut regum divitiis, penitus inclusis purpureo quodam fulgore nitentibus aptissime constructis. Pulcherrimum provenit hoc in nemoribus Consentinis, ubi Terrae, Caelique benignitate plantarum omnium fructus incredibili copia spectantur eximii. Fecimus nos & de eo carmen.

Ex animantibus autem, ut serpentes missi fiant cristati; & oculea conspiciendus cauda Junonius Pavo, aliaeque aves, atque ipsa Ciris Virgiliano carmine descripta venustissime; coronatus incedit, quem a Persis accepimus, gallinaceus leoni formidolosus, non Nocti tantum, Cybele, Mensi, Mercurioque, & Marti, sed ipsi quoque Jovi, atque Aesculapio medico consecratus.

Quorum alter, nam sapiens illa, & omnibus disciplinis erudita vetustas Deos coluit, nihilo, quam homines minus voluptarios, ut eorum exemplo nequiter viverent ipsi, neque enim fas fuisset se Diis immortalibus meliores exhibere; ex illis igitur alter Divum Pater, atque hominum Rex in quotidianis symposiis, ubi olim in caelesti triclinio, nam nunc ne in terris quidem locus relictus est ullus, simul discumbebant

Juno, Vesta, Minerva, Ceres, Diana, Venus, Mars, Mercurius, Jovi, Neptunus, Vulcanus, Apollo.

Quae Dearum, Deorumque nomina apte composuit Calaber Ennius, cum nullam tamen conjunctionem adhiberet, fecitque, ut Venus Marti accumberet, quod non sine amore, ut sodalium una discumbentium mos erat, res ageretur; in illis inquam symposiis perpetuus coenandi magister Juppiter nectar a Juventute, vel Ganymede astantibus ministratum potabat quercu redimitus, aut olea: ex quo bellum, puto, inter utramque antiquum & immortale peperit Zelotypia;

nihilo

nihilo enim deterius hae inter se plantae dissentiunt ,
quam arundinis est cum filicis discordia ; quam vi-
tem odit

Brassica Threicii lacrymis exorta Lyncurgi ;

Quam inter hanc est & origanum inimicitia : ut ni-
hil querendum sit homines inter se animis hostilibus
dissentire , quando illud idem nihil sentientibus a Na-
tura ingentum sit . Quercum vero oraculis consecra-
tam , Jovi esse cordi nemo ignorat ; at olea Solstitii
index ab eodem amatur , cum foliis sit caeruleis , ut
caeli , ubi is regnat , videtur color . Communem hanc
habet cum Jove , e cujus vertice armata exsiluit Pal-
las Gorgonia , quam tamen nonnunquam myrto per-
mutat . Alter Canis alumnus Phoebi semper adoles-
centis filius Aesculapius senex , ut Vesta , quae prae-
ter laneam Coronam , adamat etiam lauream , ut se-
ditionis expultrix Concordia crinibus circumviret lau-
reatis , ut ipse Apollo pater per Caelum curru vectus
quadrijugo , diffilientibus radiis effulgens , sic artis ,
frondisque paternae aemulus ille caput frustra iisdem
vallatum habuit foliis , cum avi fulmine transverbera-
tus interiit . Magnum sustinet pondus Cybele , turribus
usque circum Deae verticem piniferum urgentibus :
opino , multo magis haec laborat , quam Atlas ; quan-
do longe gravior est solidus Terrarum globus , quam
Caelum suapte levitate suspensum . At doctrinarum
inventrices Musae levibus pennis caesariem ambiunt
versicoloribus in perpetuum nobilis Victoriae monu-
mentum : non enim tantum illae garrulas Pierii filias
arte musica victas mutata virginum forma plumis con-
vestierunt , sed Sirenas maris usque canentes accolas su-
perarunt ; qua puellarum acerrima , diuque ancipiti
contentione nihil fuit unquam auditu jucundius ; cum
alterae Oceani ambitus , ejusque ad nos ingressiones ,
tum oras omnes , insulas , totiusque terrae pulchritu-
dinem cantu describerent ; excelsos docerent alterae ,

continuosque, & volucres Solis meatus, Lunamque notilucam, ac perpetuo splendore illustratas ingentes, altasque Stellarum moles. Sed ubi tandem canendi suavitas, & doctrina Musis adjudicata est, viatrices Jovis filiae Sirenum alas stirpitus divellentes se novo ferti genere nunquam antea viso decoraverunt, ne solus Maja natus temporibus esset aligeris. Spectantur Romae novem Musarum signa marmorea affabre, & antiquo artificio facta, singulae pennam habent capillo suffixam: non abhorrent & hae a palmarum ramis Victoriae consecratis eodem semper folio pallentibus. Quarum ex una Vrania genitus Hymen cingit tempora floribus suaveolentis amaraci. Ejusque comes Pronuba Juno lilia sibi legit candentia exorta, ut ajunt, ex ipsius lacte in terram effuso, cum in novercae dormientis mammam infans Hercules invalisset; unde rosae dicuntur Junoniae: imperat & sibi alios flores Dea afferri, iisque novae graviditatis memor, & se & flore natum olenio Gradivum suum exornat, geniculato propter hoc idem nonnunquam conspicendum gramine. Quamvis quis e Deorum numero iisdem telluris muneribus non capiatur? voluptatis amator imprimis Genius platano etiam gaudens, & Venus, quae non tantum myrteis frondibus semper odoratis, semperque virentibus, sed omnibus quoque floribus delectatur. Rosas maxime tamen affectat purpureas suo, vel Cupidinis exiguo vulnere coloratas; unde gestit puer arcitenens eodem strophio ornari, cum ita praesertim se pictum a Zeufide maternum ingressus templum hilaris conspexisset: etsi non desint, qui scribant candidam prius, nectare perfusam puniceo, rosam illico rubuisse, itaque divinus etiam odor ex ea efflatur. Est & de hac triplici fabella ad rosam epigramma.

*Seu te pinxit Amor, volucris seu mater Amoris,
Seu Rosa caelesti nectare sparsa rubes,*

In

In terris quae sint ostendis dona Deorum,

Circumsepta comis aurea purpureis.

Quis nescit & in campis Ennenlibus flores , cum rapta fuit , studiose collegisse , & inde non semel ad Brutios nostros e Sicilia tua , eruditissime GYBERTE , transfretasse Proserpinam Nymphis Virginem comitantibus eadem de causa ? uberrime enim locorum omnium floret regio illa , ubi ferta primum fuisse inventa memoriae proditum est ; ac multo post in Graecia Stephanos ab eorum auctore appellatos , cui si Diana comitem se adjunxit , argumentum est huic talia esse cordi ; quorum tamen summe amat heliochrysum ; quippe quem ferunt circum Deae caput a puella nescio qua Ephesia olim fuisse involutum . Quin etiam Solis ministrae longaevae , sed habitu virginali , formosae , & caelibes Horae , non gravantur quotidie mane Caelo delabi , & amoenissimum Chloridos hortulum ingredi , ut florentes inde torques unaquaeque sibi concinnet . Quae Zephyri felicissima uxor hujusmodi Terrae divitiis dotalibus , ut earum domina est , ita praeter caeteras merito laetatur , nomenque sibi indidem posuit , & priori repudiato pro Chloride Flora voluit dici , atque e florum omnium varietate , quas coronas , prisca vocarunt Pancarpias , non eodem modo capitis contextit ornamentum . Ut nullis non solet arboreis foetibus Pomona frontem circumligare . Cujus multiformis maritus Etruriae quondam Deus Vertumnus , hujusmodi

Mille habet ornatus , mille decenter habet.

Elegit & curarum sedatrix , ac languentium instauratrix mortalium sapientissima Nox , somniorum mater , ex omnibus unum papaver soporiferum . Proprium habet parturientium vocibus implorata dictamnum Ithyja ,

Ut facili vigeat servata puerpera partu.

Aristam quoque Ceres habet propriam . Secus agit Deorum

rum

rum omnium mirissima Pax, modo enim Phoebeam usurpat, Veneream modo, aut Palladium frondem, nonnunquam hujus ipsius legiferae Cereris spica per urbes jam pacatas crinibus incedit circumnexus: datur & haec eadem Diis domesticis spica. Stulta ac ridicula veterum religio! mene his saeculis natum esse diesque, & noctes non laetari, rerumque omnium Opifici tantae benignitatis memorem non agere gratias assidue? etiam Ithyphallo non deerat coronatrix, quae illum e rebus horrendis variis contexto sibi conciliaret strophio. Verum ut ad Coronas redeam e frondosis arborum ramis compositas, septis floridis antiquiores, habita est in hoc honore populus alba, quam nos Consentini Graecae orationis participes leucam dicimus, ut pro arbuto comaron, schinon pro lentisco, aliaque multa variarum rerum Graecis vocibus nuncupamus; haec inquam populus ab Hercule primum confixa sui satoris caput caeliferum frondibus obumbrat bicoloribus, quam arborem Acheruntiam Dionysio Proserpinae filio, ejusque Silenis, Satyris senescentibus, ac reliquis comitibus insanis jucundam fuisse fabulatur Graecia; quae eisdem marathro quoque docet solitos nonnunquam coronari. At fratres Tyndaridae, equorum alter studiosus, alter pugnae, uno eodemque horoscopo simul enati ex ovo Cycnaeo, unde in speciem ovi oblongius paulo, quam latius Romae videtur Amphitheatrum in honorem Pollucis, quem pugilem fuisse nobilissimum narrat Graecia, illic enim variis modis decertantes undique sedens spectabat populus; nam quemadmodum Circus, ubi curribus contendebant, Soli vecto indefessis, ac pernicious quadrigis erat consecratus; sic ex eodem patre genitus, suo quodam jure Pollux Amphitheatrum sibi vendicat. ignorassent Syracusani, inquit Cicero, unius sui civis acutissimi monumentum, nisi ab homine Arpinate didicissent: in qua quidem re, ut existimo, non dedecuit

cuit patriae liberatorem plurimis , amplissimisque honoribus functum , nec non de literis , & Latina eloquentia excellenter meritum , ita de se magnifice praedicare , aliis hoc idem non licet ; eoque minus licet , quo longe major Syracusis est domina gentium Roma , ac nihil fere est exiguum Archimedis sepulchrum , si hujus Amphitheatri molem excelsam , ingentemque suspicimus , tantum dico , non ut talia jactarem , sed ut res cognitu non injucunda , nulli , quod sciam , haecenus exposita , ac per me nunc primum excogitata , multisque & ingenio , & doctrina ornatis hominibus , quibuscum eam communicavi , comprobata , aliis quoque ejusmodi rerum studiosis innotesceret , me iccirco hoc attigisse . Revertor nunc ad juvenes semideos , geminosque Tyndaridas : foliis illi pileum suum vincunt arundineis , quae fluviorum plerique sibi assument ; iisque quidam fecit stygium Portitorem caniciem suam implicuisse : non fugit & haec Syringis amator Pan semiferus . Pinu praeterea Neptuno non ingrata propter Isthmia , de quibus loco diceretur , cornua circum vestiens : carpit & idem Faunus , ut inde se pulchriorem Nymphis ostendat , florentes Ferulas , Silvano dilectas , aequae ac lilia , aequae ac cupressus conifera , quam omnibus notum est Plutoni placere Summano . Quaero & Saturni Senium non inornatum relinquere : potest is , si quando animum remittit , Cyrenenses imitari , qui ficis recentibus ipsi falcifero agrorumque cultori Saturno sacrificant circum caput undique pendentibus . Sed quid in coronae usum non poterat venire ? quando Maenades semideae Liberi patris comites furibundae capita jactabant anguineis nexibus viventibus circumvoluta : nam Parcae feruntur vitae , mortisque arbitrae , niveis & ipsae velleribus comptae Bacchum e paterno femore editum anguibus cinxisse immanibus , pueri tamen ora sine fraude lambentibus , unde in rei memoriam Bacchantium

Pars

Pars sese tortis serpentibus incingebant .

Applicabant & Aegyptii Deorum suorum frontibus , ut immortalitatem significarent , Basiliscum , mortis , ut volunt , expertem . E quatuor autem anni tempestatibus , quae olim velut numina , colebantur ,

Veris tempora floreat comantis ,

Aestas torrida sit decora aristis ,

Autumni caput ambient racemi ,

Lactas spernat Hyems anus corollas .

Proximum ab iis , quos in concilio Deorum veteres posuerunt , locum sibi ipsorum vindicant Sacerdotes , ut pastor agrorumque cultor Romulus , fato tamen ut tantam Urbem conderet destinatus , in arvalis Sacerdotii religiosum insigne Cereali usus est corona , omnium , quot unquam Romae fuerunt , antiquissima , cujus ubique gentium gestandae nec exules jus amittebant , nec ab hostibus capri ; mors tantum illud , vitamque pariter auferebat . Ut quem Najadum formosissima , Latina , & decima Musa dilexit Egeria , alter Romanorum Rex Numa Pompilius Inuo sacrificans fagineum ramum gestabat intonsis crinibus obvolutum . Etiam per hunc feciales instituti pacis , bellicae nuncii verbenis coronabantur . Et sacrificuli Regis uxor Punicae virgulam in eadem corporis parte incurvatam ferebat , quem dicebant Inarculum ; alii denique omnes id genus frondis in eundem ornatum fumebant , quam Deo noverant , cui sacrificabant , dedicatam . Hinc Anius Phoebi sacerdos Anchisae occurrit laureatus ; quem Deum quoniam musici venerabantur , eodem modo ornatus in mare desiluit dithyrambi inventor evectus delphino Methymnaeus Arion . Sed quid singulos commemoro ? cum Augurum universum collegium eadem uteretur laurea , quam ipse summus augur gestavit olim Apollo .

Sequuntur Poëtae praestantissimum ex eruditis hominum genus , atque antiquissimum , caelestique naturae

rae propter id ipsum maxime conjunctum , unde non sine quodam divinae mentis instinctu carmen effundunt ; quamvis nunc , & ceterarum quoque omnium honestarum artium vix aliqua vestigia apparent , ita veteris illius Poëticae semen prorsus exaruit. Cherili nunc tantum passim volitant , suiue amatores sine rivali multis carminum millibus editis insani & superbientes Suffeni , tum pinguis Caesiorum turba , Aquini insuper , Bavii , Maevii , & Cluviени , saeculi incommoda pessimi poëtae , pauci admodum non infusi. Sed qui in Graecia quondam fuerunt , nobilissima primum illa & decantata omnibus certamina plurimum frequentabant , ut poëticis facultatibus in maxima hominum corona , sic enim circumstantium multitudo voce appellatur honorifica , cum ejusdem doctrinae professoribus contenderent , atque a Criticis praeter reliquos probati in artis , & ingenii sui praemium coronam acciperent , nec aliam , quam qui in idem stadium veniebant , de more donabantur , sive jactu disci certarent illi , sive cursu , quo ne pedis quidem vestigium in arena relinquens omnibus , cum quibus contendit , praestitit Ladas ; sive saltu , aut caestibus , aut palaestra , quarum omnium artium gnari Quinquertiones a nostris , a Graecis autem magistris Pentathli dicti fuerunt ; iique non idem ubique capiebant , sed alibi aliud , ut Olympiae victores oleastrum , vel ut Aristoteles inquit , oleam Jovi , in cujus honorem ludi fuerunt instituti , ut dictum est , gratam , quam philostephanum vocabant . Fuit inter Olympionicas nobilissimus Milo ille Crotoniates vicinus noster , & Glaucus Carystius , qui cum agrum araret , ac vomerem contractae manus ictu pro malleo in stivam , unde ferramentum illud rusticum exciderat , intrussisset , vim , ac duriciem corporis pater miratus in Olympia adolescentem adduxit , ubi quinquies , viciesque vicisse perhibetur , ut qui Isthmia Neptuno

con-

consecrata vinceret , pinu , e cujus materia vastae fiunt volucres velis natantes pelagivolantibus , crines velabat ; nonnunquam tamen ibidem dabatur victori apium , ludis designatum Nemeaeis , quia infans Archemorus , cujus memoriam Graeci celebrabant , anguis morfu sub apio latentis dicitur interiisse , ubi , quemadmodum in aliis quoque sacris certaminibus , non robustos tantum , lacertososque pugiles , sed ingeniosos , atque eruditos poetas coronari solitos , Linus etiam ostendit Virgilianus , floribus , atque apio crines ornatus amaro . In Pythiis autem esculus ante , Apollinis deinde arbor pomis ex ejusdem templo sumptis , ac circumpositis victorem declarabat . Sed praeter haec quatuor aliorum omnium nobilissima certamina , Minervae ludos spectabat Atheniensium civitas , deae frondibus consecratis coronata omnis : quorum aemuli , atque hostes Lacedaemonii propter Tyn-
daridas suos , de quibus locuti sumus , ex arundine minime omnium ambitiosas , pro se quisque coronas accipiebant , ut myrteam , qui Argis Junonia vicisse praeconis voce pronunciabatur . Quin & Populus Romanus laureatus omnis collata etiam stipe ludos spectabat Apollinares . Ex illis igitur quatuor Graeciae ludis omnium celeberrimis natum fuit , ut Poetae quoque hujusmodi capitis honorem assequerentur ; nam quia excellentissimam humani corporis partem , eandemque pulcherrimam , ac divinae rationis , ut Plato ait , sedem caput honorat , inde dicta est corona literis praepostere , quod saepe fit , collocatis ; itaque olim nonnulli notam flatilem huic verbo adhibebant . Sunt tamen , qui a choro deductam velint . Quod tanti veteres illi faciebant , ut ceteris rebus omnibus posthabitis , ac hominum consuetudine sua sponte privati secessus aliquos , & solitudines peterent ; quo sine interpellatore aliquid fingerent , unde victores domum reverterentur , quod ipsum omnibus quaerebant saecu-

saeculis testatum relinquere. Quamobrem exultant aliqui, & in tragoediarum suarum fine Victoriae quodam modo gratias agunt, eamque ne se relinquat, anxie orant. Quinquies tantum vicisse ferunt Euripidem, cum fabulas centum praeter illas victrices edidisset; nam unius tragoediae nuncius exoptatus, quem animi dubius, pavidusque expectabat Sophocles, tanta laetitia senis animum repente corripuit, ut inde hominem dicant anima destitutum. Horum autem similiumque praeclara ingenia aurigarum magis, quam musarum amicus Nero aemulatus coronam non carminis tantum, sed latinae etiam orationis per Consulares sibi concessam venerabundus recepit, ne in musicis solum excelleret nobilis Hieronices geminis eodem triumpho oneratus coronis, quarum alteram Olympicam capite gestabat, alteram dextra manu Pythiam. Hedera tamen prae caeteris, ac laurus poëtis data est; amarunt & iidem florum omne genus, laneamque, & quernam: quibus autem poësis erat amatoria, illos non dedecebat myrtus. Sed olim optimi quique doctissimorum consensu his insignibus decorati erant, nunc contra, ut quisque stultissimus est, ita hoc idem temere affectat; recte quidem se res habet, si ignavi homines non naturae & studio, sed Principum beneficio poëticae quoque gloriam acceptam referunt.

Restant Militares ipsorum, unde vocatae sunt, militum, ac ducum felicitatibus, praeclarisque virtutibus praemio constitutae, & alterae Geniales convivarum voluptatibus accommodatae; illas prius attingam, atque ex iis ipsis ante alias omnes Triumphalem legionum ductoribus lege decretam, qui non minus quinque hostium millibus uno praelio concidisset, ex arbore fiebat haec Delphica baccis onusta grandibus, semper odora, & virenti, eademque caedis, & scelerum expiatrix, ac sola Jovis fulminibus inviolata, iisque de causis omnibus triumpho destinata, & lau-

laureto capiebatur; haec Aventini in ornamentum illud triumphale, ubi nunc nemus habent densissima, ac pulcherrima lauru confutum Marius Maphaeus optimus & jucundissimus Antistes, literarumque cum summa gloria studiosissimus, ac meus Centelles non minus in poëticis, atque in oratoriis facultatibus excellens, quam in usu rerum, & in omnibus vitae officiis, ad quas praeclaras artes ut semper toto pectore incubuit, ita in iis nulli prorsus concedit. Quinque honorem hunc consecutus fuit Romanorum clarissimus Caesar Dictator, quoties nescio an alius praeterea unquam; qua Senatus decreto concessa usus est laurea, per causam celandi, quo offendi simulabat, calvitii, quasi perpetuo de victis, ac servientibus inimicis triumpharet; quo tam eleganti commento unus calvus omnes cives voluit calvi, ut olim loquebantur Pacuvii, & Lucilii, ipseque antiquitatis amator ad reprehensionem usque Sallustius rerum gravissimus explicator; gliscentibus tamen in civitate Romana divitiis, ex auro fiebat haec coronario Etrusca nomine, quam servus eodem, quo Imperator curru vestus triumphali, pone fustinebat, militibus etiam consequentibus laureatis, aut ferta gestantibus; citharoedorum insuper, ac tibicinum collegium coronis nonnunquam aureis exornatum non sine modularis carminibus triumphum comitabatur. Hunc autem qui bellici laboris & periculi expertes procurabant, ut ocio, ac pace laeti fruebantur, ita pacis insignia sumebant, victoremque in Capitolium prosequiebantur oleagina coronati, quam turmae equestres idibus Julii capiebant. Erat & quidam minor triumphus, cum hostis sine caede vinceretur, aut res non magni forent momenti; e virgultis facta haec myrteis dicebatur Ovalis, tanquam pugnasset illic pro Marte suo tot bellis defesso Venus ipsa sine sanguine. Fuit & quandoque ex oliva ovantibus data, ut e myrto triumphantibus. Reddebatur & sua
vel

vel qui in hostium muros, aut in castra primus com-
 militonum evasisset, vel qui maritimo praelio com-
 misso in adversas ante alios socios naves armatus in-
 siluisset, ex auro conflatae habebant hae aut muri
 speciem expugnati, aut valli, aut navium; ex quo
 Murales vocatae fuerunt, Vallares, quae & Castren-
 ses, ac Navales, alio etiam nomine Rostratae a non-
 nullis dictae. Pia erat Civica, nec ingloria, qua,
 qui civem, unde nomen nata est, ab hostibus cir-
 cumventum magis alterius, quam sui capitis memor
 liberasset, magnificis verbis pro concione laudatus a
 duce suo donabatur. Querna erat illa, glandifera,
 torisque saepe, ut multae praeterea, districta tumen-
 tibus, quia in promptu erat militibus ubique fere pro-
 veniens arbor, non Jovi modo, sed ejus quoque Ger-
 manae, atque Uxori urbium praesidibus dedicata. Ar-
 cadum etiam, ex quibus nonnulla sumserunt Roma-
 ni, amica; ut enim hominum antiquissimi fuerunt il-
 li, ita haec plantarum omnium prima est nata; fuisse
 tamen quandoque perhibetur Iligneae, etiam Escu-
 leae, hanc servato parente non minus modestia, quam
 pietate, & fortitudine clarus adolescens Scipio Cartha-
 ginienis domitor repudiavit. Hac aureae illi, quae
 Demostheni adjudicata fuit, anteferenda dignum L.
 Gellius Censorius Ciceronem frequenti Senatu pronun-
 ciavit, patefacto, ac statim oppresso scelere Catilina-
 rio. Quater, deciesque consecutus fuit eandem Sici-
 nius Dentatus, Achilles cognomento Romanus, quod
 genus honoris cum Q. etiam Corio commune habuit;
 fastitabant enim hoc veteres, ut quem in aliqua re
 excellere viderent, nonnunquam laudis, aut contu-
 meliae causa antiquum ei, atque celebre nomen im-
 ponerent; ut Ruticellus quidam mole, ac robore cor-
 poris admirandus, Hercules cognominatus fuit; & sa-
 piens ille Cato Censorius, ut tenuis erat tunc in ur-
 be facundia, cum posteris jejuna quasi, atque aridus

L

ejus

ejus sermo judicaretur ; Demosthenes tamen Romanus a suis aequalibus dictus est . At Lucillum Pompejus, a dicacibus Agamemnon ipse appellatus, cum succisis rupibus quasi cujusdam mediterranei maris speciem terras influere, ac longe rursus in altum ingentes aedificiorum moles progredi videret, Xerxem togatum vocabat aemulum suum ; ut bipedum teterrimus, optimo tamen parente natus Caligula Liviam Augustam Ulysses stolatum, quasi vafram, astutamque, & veteratricem . Verum ut unde egressus sum, eo me recipiam, militarium omnium praestantissima erat Graminea non gemmata tantum, vel aurea, sed ipsa etiam multo nobilior triumphali: hac universus exercitus obsidione receptus ducem, liberatorem suum tanti beneficii memor gratias suppliciter agens exornabat, gramine indidem in coronam decerpro, ubi obsessus fuerat ipse, sive vallo, castrisque inclusus, sive murorum ambitu . Herbam vero victoribus dari solitam, ita notum est, ut tritum factum sit inde vetustate proverbium ; nullam praeterea sibi aliam bellator Deus seligebat ex omnibus, nisi hanc ipsam contortam e gramine, ut qui eam consequeretur, velut Mars alter veneratus exquisito quodam, ac divino afficeretur honore . Decreta fuit haec, ut de reliquis in praesentia taceam, per Senatum, Populumque Romanum, atque Italos omnes summo studio consentientes, cum ejecta tandem ex Italia esset Carthaginensium diritas, Fabio Maximo Dictatori Verrucoso, quem a moribus placidissimis, fortitudine & prudentia, Ovicolam, Scutumque, & Romanorum Annibalem virtus excellentibus elogiis cognominavit . Invidia vero contumeliosa, quae illustrium virorum fulgore uritur, tanquam si timidus fuisset, Cunctatorem, & velut Annibalis pedissequum dictitabat . Qui animorum ad capeffendas virtutes stimuli jam pridem prorsus retusi, ac fracti interierunt . Reges nunc tantum deposito ,
quo

quo prius vincti erant , diademate , hujusmodi decus a reliquis privatis , ac principibus fecernit , ipsumque Caesarem tribus insignem coronis , quarum primam e paleis contextam flaventibus apud Alexandriam Cisalpinæ Galliae urbem , velut populis significans se frugum ubertatem illaturum , accipit . Riget altera e ferro conflata virtutem ejusdem arguens , ac justitiam , eamque Mogontia , quam Modoëtiā nunc dicunt Insubriae oppidum celeberrimum , gaudet Caesari dono dare . Ex auro coelata effulget tertia , nil nisi syncerum promittens , opulentum , ac magnificum ; eaque idem ornatur Imperator Romae Pontificis Optimi , Maximique manibus , qui triplici quoque , atque aliarum omnium prima venerandus ipse Pontifex corona auro , gemmisque plurimis pretiosissima gestatur . Quae si quempiam maxime decuit unquam , hunc certe Pontificem Sanctissimum , ac Potentissimum CLEMENTEM VII. decet , fato nobis propitio his temporibus datum , ut religionem nostram suae fidei , & sapientiae commissam ab omni impiorum macula puram , quod jam facit , inviolatamque defendat . Verum ne in mora sim , in conclave jam dudum coactis , & sitientibus convivis , corollae sunt & iis , ut proposui tribuendae fasciolis lemniscatae , aut Phyllira . Myrto plurima utebantur illi , vel simplici , vel rosas intermicantibus puniceis , etiam frontibus potabant hederatis , aut floribus illas variis ambientibus , e quibus plurimi fiebant rosalia . Sic enim strophia dicebantur e solis tantum foliis rosarum suaveolentibus connexa post paciles coronas inventa , ac sutiles , Saliorum caeremoniis , epulisque solemnibus destinatas ; amabilis erat inter Rosas autumnalis , Coroneola a frequenti coronarum usu nuncupata . Liliū praeterea in hoc idem legebatur , & Viola , Ion graece dicta , ab Io , ut est in fabulis , Inachi filia , cujus eximiam speciem in vastae pecudis formam ab Jove Junonis

iracundiam metuente commutatam, ac longinquos errores Tellus omniparens miserata, nusquam antea visum hunc florem in ejus pabulum divinitus summisit. Sane Rosa, Liliū, & Viola, ut deinceps posita sunt, e ceteris omnibus principatum obtinent. Inferebatur & in triclinium Caltha Luteola, litteratusque Hyacinthus, & Pallens floribus aureis Genista, Rhododendron, Zizipha, Cyclamini flos colossinus, Ambrosia Lillii species ex Alexandri statua sic enata in Co insula, ut caput quodammodo tanti ducis ultro videretur ornare. Cappadoces ea imprimis coronabantur. Flos praeterea Narcissi, cujus sepulchrum a Bocotis taciturnum olim appellatum viatores indicto silentio de more taciti praeteribant. Item Anemone, ex Adonidis sanguine genita, floribus nunquam nisi flante vento hiantibus, adhibebatur, & Iacha odore commendata jucundo, Struthium, Acis, spinæ arboris flos, Serpyllum insuper, Sampsuchus in Aegypto copiosissime proveniens, Anethum etiam Alcaei, Sapphusque carminibus commemoratum; ad haec Sisybrium, & quem Jovis flammam, floremque aliter dicunt Coronarium, Apium, atque, ex Helenae lacrymis natum, Helenium, necnon Casiae erat locus Abrotono, Thymo apibus gratissima, Origano, Trifolio, Meliloto, quae quoniam ex ea plurima fiebant ferta, fertula vocata fuit Campana; non excludebatur ex his Papyrus, Coronaria ex hoc dicta; tum Helix Alexandrinis olim studiose convivantibus admodum familiaris, apud quos in usu fuit coronae genus ridiculum, aviculis circum devinctis potorem assidue unguiculis, morfuque vellicantibus, atque alarum plausu, occentuque ad aures undique obstrepentibus, ut somnum quo ebrii urgebantur, averterent. Quin e Vitice coronam necti solitam auctor est Anacreon, addidit & Cratinus Taxum; ad extremum quicquid nares, aut oculos suavitate afficit, in ornatum hujusmodi

modi veteres convertabant, quo non caput ipsum modo, sed cervices, ac pectus vinciebant; illud praeter-eundum non est, confertas e floribus corollas ab antiquis vocatas fuisse Servias, quarum ubi prae hyemali frigore nulla dabatur facultas, e laminis eas capiebant corneis, colore, ut pulchriores essent, depictis, unde non hibernae modo dictae fuerunt, & Aegyptiae, nam inde id genus coronarum missum fuit, sed Corneae; etsi eburneae viderentur aliquae, etiam lignae; afferebantur, & e Nardi folio, atque e sericis vestibus unguento madentibus probatissimae, unicus tamen Amarantus aqua madefactus, atque inde redivivus hibernas convivis suppeditabat. Hanc veterum consuetudinem nequitiarum, ac libidinum genitricem non fuisse a Censoribus morum magistris funditus sublatam, mirum potest videri; cum praesertim iidem his multo leviora severissime castigarent. Fuerunt & alia Coronarum genera, quas licet Salutares dicere, quando ex iis humana valetudo aliqua ex parte juvatur, ut quae capite imposita sanguinem sisteret defluentem Graminea, ut Crocea, atque Hederacea, quarum utraque stuporem tollit ebrietatis, ut quam ad fulmina pavidus induebatur Tiberius. Jam vero frons Bacchare obligata fascinum perimit; ad aestimationem autem, & gloriam conferre crediderunt, quae fiebat ex Heliochryso; at e Smilace, qui & Nicophoros vocatur, impari foliorum numero facta capitis medetur doloribus: erat & qui in spiram volutus verticem circuibat Cesticillus intortus quidam circulus ad onera ferenda accommodatus. Addantur & his contumeliosae, velut ex vellere composita adulteris ad magistratus arreptis, ut mollicies argueretur, destinata. Servi quoque, & captivi eodem modo soliti erant venire: unde M. Cato in eo libro, qui inscriptus fuit de Re Militari, populum hortabatur bene re gesta potius coronatus Diis Caestibus supplicaret, quia victus

sub corona turpiter venderetur. Ferebat & nova nupta sub amiculo fecta Verbenis commissa, herbilique praeterea aliis olentibus manu sua de more collectis; in Latio id fiebat; at in Boeotia comam asparagis sponsa vincebat, ut quemadmodum ex asperitate suavitas percipitur, sic ex illo coniugii primo congressu non admodum, ut videtur, amico, vitae communitas nascitur jucundissima. Quam vero pudicitiam veteres laudarent, ex hoc etiam facile videtur, quod quae semel tantum nupta non sustinisset, post mariti excessum rursus matrimonio copulari, coronata adrogum efferebatur. Omnino, ut principio dictum est, plurimus erat hic ornatu, nec hominibus modo, sed ipsis etiam victimis accommodatus: quin & annuis laboribus persuncti, & in agrorum etiam lustrationibus coronati boves solebant stabulari; equi insuper in stadiis victores, ac triumphales hoc honore non carebant; cuius quadrupedis immolati caput panibus cingebatur in campo Martio ob frugum eventum. Res quoque sensu privatae complures redimitae videbantur, ut poemata, ac litterae victoriam nunciantes lauro circumdatae, ut lictorum fasces, hastae, trophaea imprimis. In quorum coniferis, & galeatis capitibus victoriae videtur imago coronas suis manibus imponere. Arae etiam Deorum immortalium, eorum rursus, atque illustrium virorum simulacra, inter quae maxime eminebat Colossus Rhodiensis, quique Romae spectabatur capite, ut ille, radiato: unde Romanorum quidam Imperatores, quasi ipsi quoque Soles essent, ac virtutibus cuncta collustrarent, numismata percusserunt, ubi capita ipsorum videntur cincta radiis solaribus: etiam sepulchra erant Velleribus niveis & fecta fronde revincta, quae usque adeo prae reliquis sertis Apio cingebantur, ut ii dicerentur egere Apio, quorum saluti nullum plane esset remedium. Thessali ta-

men

men Achillis sui monumentum Amaranto coronabant, ut ostenderent quemadmodum flos ille nunquam interit, sic ejus famam perpetuo duraturam: ad hoc ipse respexi, cum de Achille loquerer in Heroicis Epitaphiis, quae plurima singulis jampridem lusi carminibus,

Heroum jacet hic flos immortalis Achilles.

Nam quis nescit redimitum pincernam pocula discumbentibus ministrare solitum redimita? atque in sacrificiis canistra sertis florentia a sacerdotulis gestari capite non inornato? Umbracula etiam eodem modo ad pluvias, Solisque ardores defendendos distendebant, nec non & Termini numen, sive lapis fuisset ille, sive stipes: sed praeter caetera Januae florebant, vel Principum, nam Querna suspendebatur in aedibus Caesarum; vel puellarum, siquidem earum limina solitus erat olim operire floribus, & sertis lacrymans exclusus amator. Venit nunc in mentem Atheniensium consuetudo, e quibus qui filiolo augeretur, Olivae ramus in orbem convolutus, ac ejus postibus suffixus innatum illic esse infantem praetereuntibus declarabat, videlicet agrorum volebant cives suos esse cultores, lucubratoresque, & Minervae, Pacis insuper, ac Victoriae studiosos. Virgunculam vero editam Lana ibidem significabat suspensa, tanquam nata esset illa ad lanificium. Quid naves? nonne puppibus gaudebant per Maris undas remo, veloque labi coronatis? cujusmodi fuisse eam tradunt, quam Philosophorum omnium eloquentissimo obviam honoris gratia misit Syracusarum Tyrannus: nam circum aedes coronam aedificari solitam passim videmus. Nunc autem Regum insignia, sive picta sint illa, sive coelata, aut expressa coronantur. Oppida etiam ipsa, urbesque, & arces excelsae, quasi Reginae murorum, ac parietum coronis circumdantur perpetuis.

Sed haec, non ignoro, potuerunt diffusius ex-

plicari , & alia praeterea non pauca annexi . Verum ne te , humanissime GYBERTE , plurimis , ac maximis negotiis distentum longiori , quam deceret , sermone remorarer , finem scribendi consulto feci . Nam piaculum , opinor , esset rebus his , quas , ut dictum est , quasi per ludum congesimus , tuoque Jovio insigni historico , viro varia rerum cognitione ornatissimo , deque me optime merito adhortante edidimus , Illius Coronam adjungere , ad cujus sanctissimum simulacrum , Potentissimi Reges , ac Caesares , ipsique ejus Vicarii Pontifices summi , suis aureis , gemmeisque coronis , ac tiaris abjectis suppliciter procumbunt , unumque ex omnibus verum confitentur , conclamantque Regem , ac Dominum ; tantum dico , quemadmodum illo eodem puero divinitus enato , saeculorum antiquissimo , sensim deserunt mortales natale quisque suum , ut solebant , celebrare , sed unius tantum , per quem vere nati sumus , ortum cuncti veneramur . Utque una pro nobis omnibus victima innocentissima crudeliter immolata , nullae ulterius pecudum sanguine foedantur arae ; sic postquam frutex ille omnium , quot unquam terra protulit , felicissimus , aculeis armatus horrentibus , Regis adeo excelsi sacratissimum caput circumpositus cruentavit , reliquae omnes ex aliorum capitibus arefactae quodammodo defluerunt coronae . Quem regem nos esse ipsius beneficio natos , grates eidem semper agendaesunt , Optime & Sapientissime GYBERTE .

F I N I S .

ANTONII THYLESII

CONSENTINI

DE COLORIBUS.





ANTONII THYLESII
 CONSENTINI
 DE COLORIBUS.



DICAM aliquid de Coloribus in hoc libello : non quidem unde conficiantur , aut quae sit eorum natura : neque enim Pictoribus haec traduntur , aut Philosophis ; sed tantum Philologis , qui Latini sermonis elegantiam studiose inquirunt . Scribam omnia breviter & accurate : ac rerum ipsarum nomina , quo statim Colores intelligantur , singulis apponam .

CAERULEUS. CAP. I.

EXordiar primum a Caeruleo : quo nisi Natura ipsa maxime gauderet , nunquam profecto Deorum hoc domicilium , continuo circum complexu cuncta coërens , specie tam laeta universum exhilarasset : reliquos deinde contexam . Caeruleus igitur dictus quasi caeluleus , ut ex voce ipsa apparet , proprie color est Caeli , sed sereni : id quod Ennius respiciens , *Caeli* , inquit , *caerula templa* : atque inde ab omnibus mare appellatur caeruleum , refert enim illud eundem , quem ab ipso superne accipit , Caeli nitorem . Quare ex antiquis nonnulli , ut alterum Homeri opus , propter caedes ; de quibus illic Poëta loquitur , colore exorna-

ornabant sanguineo : sic Odyffeam, ubi Ulyffis idem maritimos scribit etrores, membrana contegebant caerulea. Sed quoniam caerulei quaedam species est pene nigra, ut quod Indicum dicitur, eoque olim vestitu Graecae mulieres amictae producebant eorum funera, quorum in Caelum animas migrasse caeruleum existimabant, idcirco pro tristi nonnunquam capitur, ut apud Virgilium, puppis caerulea Charontis. Imberque, & Sol caeruleus. Cucumis autem caeruleus, nam id quoque legitur, melopeponem significat, qui inter cucumeres multa, enim sunt eorum genera, pulcherrimus est. Nec tantum caerulei videtur particeps, sed ipsius quoque Mundi gradus, introrsum versus, attenuatos ostendit, ut hoc olim de eo lusimus :

*Quis neget e Caelo missum, formamque, coloremque,
Atque gradus Caeli, nectaris atque refert.*

est enim sapore suavissimo. Sine ulla dubitatione, quod nos Caeruleum, Graeci dicunt Cyaneum, in quorum etiam commentariis Lazurion invenio. Ascribitur huic generi, qui Venerus olim, nunc vulgo Blavus nuncupatur, color ex factione Circensi valde nobilitatus. Fuerunt autem colores in Circo, praeter hunc Venerum, Roseus, Albus, & Prasinus : quibus Auratus postea, Purpureus, & Luteus additi sunt. De iis loco dicemus.

CAESIUS. CAP. II.

CAesius vero si dictus esset, ut doctissimi viri monumentis olim tradiderunt, quasi caelius a Caelo, eadem foret in Caelo, & caesio diphthongus. Constat autem esse in iis vocibus diversam ; nihil praeterea differret a caeruleo, quando id ut ostendimus, a Caelo deductum est : differt autem sine dubio, vel ex ipsius Marci Tullii auctoritate, cujus haec sunt verba, in primo de Natura Deorum libro : *Caesios oculos*

culos Minervae, Caeruleos esse Neptuni. Ad haec, non, quemadmodum legimus Caelum, Mare, Vestem, Florem caeruleum, ita legimus Caelum, Mare, Vestem, Florem Caesium: sed oculos tantum Caesios, veteres dixerunt, quibus inest fulgor quidam visu horrendus. Unde existimo, sicut Caesar, & Caeso dicuntur a caedendo, ita Caesium a caede nominatum esse, ut qui Caesius sit, caedem quodammodo oculis minari videatur: qualis praelio gaudens & caede dicitur fuisse Minerva, ex quo illa ab antiquis vocata fuit, ut ego arbitror, Caesia. Significat hoc M. Cicero, ubi de Catilina ait: *Notat, & designat oculis ad caedem unumquemque nostrum.* Hinc, qui oculis ad caedem senatores designabat, Caesius erat. Cujus etiam oculos Sallustius insignis historicus fuisse tradidit foedos, idest Caesios. Cujusmodi memoriae proditum est Neronis quoque oculos fuisse, quod ipsum non leve fuit argumentum tyrannicae crudelitatis. Quin a Terentio Caesii hominis facies dicitur cadaverosa, hoc est immanis, & saevitiam arguens, qualem sicarii prae se ferunt, & carnifices: quamvis alii parum erudite cadaverosam pro sublivida exposuerint. Enim vero leonis oculos si quis inspexit, qualis sit hic color, intelligit. Micant illi, ut studiose ipsi prope consideravimus, velut ignis penitus flagrans. Dicitur color hic graece ab omnibus Glaucus, quod verbum longo jam usu Latini Poëtae suum fecerunt. Latius tamen patet Glaucus: nam praeter oculos nocturnos, quos, ut avis ipsius graecum nomen declarat, omnes Glaucos esse confirmant, multa quoque dicuntur Glaucæ, ut Ulva palustris herba: ut Salix, cujus cum frondes, tum multo magis cortex in ramis, praesertim anniculis, nitet hoc colore. Quem laudat Virgilius in equis, eosque noto carmine Glaucos appellat, communi Italorum lingua Bajos nominatos. Nam Spadices honesti ab eodem Poëta ibidem vocati, illustrio-

Iustiores sunt aliquanto, Baji & ipsi, sed Clari, vulgo nuncupati: atque ii duo aliorum omnium maxime probantur colores in equis. Ulva igitur, salix, quas idem Virgilius glaucas dixit, equi item species optima, castaneae, etiam nucis tunica, aliaque multa, praeter leonis, ac noctuae oculos, colorem Glaucum ostendunt. Sed ut unde discessi, redeam, quando Caesius color tantum est oculorum, videndum est, ne is sit potius quem Aristoteles Charopon vocat. Sic enim ab illo dicitur leo ab oculorum saevitia, quem Catullus Poëta doctissimus Caesium appellat: Unde Hercules cognomento dictus fuit Charops, quasi iracunde intuens. Nam Chara graece, ira quoque dicitur latine: & ex eodem, ut puto, horrore Charybdis nominata est, & Charon: de quo cum inquit Virgilius,

Stant lumina flamma,

Caesium voluit senem illum horribilem, ac dirum significare. Quamvis non nesciam, Charopon ab aliis aliter quoque exponi.

ATER. CAP. III.

Horribilis etiam color est Ater dictus, omnino velut anthrax, idest carbo: nam proprie est carbonis extincti. Quare scite, ut omnia, Terentius tam excoctam, inquit, reddam, atque Atram, quam est carbo. Et inde a Virgilio cinis dictus est Ater, & favilla Atra. Sanguis praeterea caloris, atque coloris ignei particeps, effusus ac frigidatus amisso rubore, tanquam in carbonem mutatus, Ater ab omnibus vocatur. Dicitur & mors Atra, quia cadaver extincto calore illo vitali, quo corpus alitur, Atrum relinquitur, ut est carbo, quae mihi perquam elegans videtur similitudo. Quid quod dies Atri eadem de causa dicti fuerunt? Qui enim luctum afferebant, carbonibus,

bus, ut contra dies laeti scrupis signabantur gypseis, ex quo Horatius ait,

Creta, an Carbone notandi.

Differt in hoc a colore nigro : quod ut omnis Ater est niger, sic non omnis niger est Ater : horrendus est hic, tristis, visu injucundus, lugentibus accommodatus; ille contra nonnunquam lepidus ac venustus: ut humani oculi sunt complures, quos nemo Atros diceret, sed nigros, iisque tamen nihil majori cum voluptate spectamus. Vocabatur autem Ater ab antiquis etiam Anthracinus, idemque Furfus. Quibus longe minus sunt nigri, Lividus, & Fuscus. Alter ex gravi corporis ictu proveniens deformitatem habet. Unde invidi aliorum bonis, velut verberibus laniati, & idcirco exangues, Lividi nuncupantur. Alter non insuavis, & in homine persaepe laudatur. Qui tamen si modum excedit, ac maxime Fuscus est, & quasi nigrescit, Pressus dicitur : ut quae aliquandiu sub prelo vestis pressa, nimium coloratur. Legimus etiam equi colorem Pressum. Secus vero fasciolae Coloriscae dictae fuerunt, quae non saturatae, sed vix colore aliquo illitae e coronis dependebant. Est autem forma diminutiva, ut Lycisca, Syrisca. Aquilum veteres hunc Fuscum a colore aquae vocarunt, qui inter nigrum, & album, id quod Plato etiam docet.

ALBUS. CAP. IV.

Est autem Albus color purissimus, quocirca ad anum translatus pro sincero capitur; is nullibi quam in nive, clarior est, quam tamen Atram esse Anaxagoras affirmabat. Sumitur pro Pallido, unde timor Albus legitur, & metu exalbuit. Quam ob rem Romanae mulieres quondam funera sequebantur in veste Alba, tanquam mortui quem efferebant, colorem referrent.

Elucet

Elucet Candidus, atque oculos delectat. At Candens non hoc tantum est, sed pro ignito accipitur. Itaque Veneris humeros recte dixeris Candidos, vel Candentes. Ferrum quod a Marito tunditur, non Candidum est, sed Candens. Ejusdem generis est Canus, qui etsi ad alia transfertur, proprie tamen est capilli, & barbæ senilis. Nascitur equus nonnunquam canus atque albineus, non idem qui & candidus, aut albus, sed hujus non expertus. Est & color albi, nigrique particeps, a Graecis inde Leucophaeos, voce jam a nostris usurpata, vocatus. Genus est id coloris nativi, non enim inficitur, sed ovis ipsa sic natura quasi pingitur. Hunc sibi secta sacerdotum summis sanctissima, qui nulla tunica linea penitus induti, pro cingulo recte se vinciunt nodosa, ac ligneis tantum calciamentis usi, precario victum quaeritant.

PULLUS. CAP. V.

Qualis vero sit Pullus, ostendit terrae ipsius color: major enim illius pars Pulla est. Itaque quoniam ea mortuis injicitur, voluerunt veteres, ut qui lugerent, Pullis pallis, terrae similibus, essent amicti. Dorsum etiam leporinum proprie est Pullum: quamobrem Naturae ipsius doctus magisterio, terram recentem ab aratro metu pavidus quaerit ille, ibique nonnunquam stratus, nulla re abditus, venatores, canesque ipsos praetereuntes, ac sagaciter prope omnia perquirentes, coloris tantum beneficio saepissime latet: &, ut in quodam epigrammate de lepore diximus,

*Quem fuga non rapit ore canum, non occulit umbra,
Concolor immotum sub Jove terra tegit.*

Nulla arte aut impensa color hic paratur. Natura enim sic provenit, unde Nativus quoque vocatus est, diver-

diversus ab eo de quo locuti sumus. Jamque nos Consentini, apud quos multa antiquitatis vestigia apparent, siquidem & Praeficae, ut quondam, mortuos laudant, & Silicernium in usu est, ac nemo sine suorum osculo sepelitur, utriusque sexus vestimentum funebre, Nativum dicimus: quamvis atrum sit illud, & in mulieribus matrimonio junctis Cyaneum, quo Graecae, ut dictum est, olim in funere utebantur. Idem quoque Hispanus vocatus est, & Baericus, etiam Mutinensis. In iis enim locis id genus lanae videtur. Est autem Pullus nomen, ut reor, diminutivum a Puro, velut a Rara vestimenti genere fit Ralla, ab Opera Opella, a Terra etiam Tellus: ut lana pulla sit pura, nullo alio colore infecta, sed suorum tantum & ingenio contenta. Colorias, hujusmodi vestes per se coloratas aliqui dixerunt. Posuit hanc vocem Augustinus in suo testamento, ubi haec verba legebantur: Gausapes, Lodices purpureas, & Colorias meas. Atque indidem, ut sentio, dicti sunt Pulli equorum, aliarumque pecudum, quasi pura, nulla adhuc libidine aut labore violati. Sunt huic Pullo similissimi color Impluviatus, dictus velut fumato stillicidio implutus: & Suafus, qui Insuasus quoque vocatus, lutum refert. Est autem Suafus e stillicidio etiam factus fumoso, in vestimento albo. Quare haud dubitanter non alius est quam Impluviatus: quamvis aliqui tradiderint colorem omnem, qui fiat inficiendo, Suasum dici, quod illi quodam modo sit persuasum, in alium quemvis colorem ex albo transire.

FERRUGINEUS. CAP. VI.

Ferrum longo situ rubiginosum, facile ostendit colorem ab ipso appellatum Ferrugineum: agit enim is, id est refert colorem ferri. Quin & fila-

M

men-

menta, quibus saepe Conopeum, & multae praeterea vestes lineae circum suuntur, Ferrugineum dicunt infectores. Tunica etiam nuclei pinei lanugine quadam pulverulenta, ferruginea est. Erat is quoque lugentium color. Itaque capitur nonnunquam & ipse pro funesto, atque ea de causa Hyacinthi dicti fuerunt a Vergilio Ferruginei, quasi lugubres, quia puerum, ut est in fabulis, casu interfectum Apollo diu luxit, atque in ejus foliis velut epitaphium, in sui doloris perpetuum monumentum inscripsit, non quia vere floris color sit ferrugineus: est enim is, in quem mutatum ferunt adolescentulum, purpureus. De Hyacintho in literatum flosculum transformato fecimus hoc:

Nil opus elogio redimire, aut flore sepulchrum.

Ipse sibi flos est, elogiumque puer.

Eodem modo Caelum vocatur Ferrugineum, hoc est nubilum & triste, atque apud eundem Vergilium, Sol caput suum nitidum in morte Caesaris texit Ferrugine, quasi colorem se induit lugenti aptum, ut tanti viri caedem Sol ipse lamentari videretur. Nec alia ratione Charontis naviculam dixit Ferrugineam, quam quoniam ea una, loco Sandapilae, mortuos omnes vespillo indefessus transvectat.

RUFUS. CAP. VII.

NON eundem esse Rufum, atque Rubrum, ex hoc intelligi potest, quod recte dicitur sanguis Ruber, Rufus non recte. Rursus barbam, & capillum Aenobardi Rubrum veteres non dixerunt, sed modo Rufum, Rutilum modo, qui idem est. Quin & canes immolabant Romani sacerdotes, nunquam Rubras vocatas, sed quas nunc Rufas, nunc Rutilas appellabant, ad placandum Caniculae sidus, frugibus inimicum. Ex quo manifestum est, Rufum rutilum-
que

que eundem esse, id quod ex antiquis etiam aliqui docent. Et canis igitur colore satis noto, atque e multorum barba, & capillo, cujusmodi sit color Rufus, apparet. Hunc rustici in armentis Robum, Gilvumque olim dixerunt, atque etiam Heluum: ut vini genus est quoddam inter Rufum, Albumque nulli non cognitum: quod quoniam Cerasi colorem refert duracini, Cerasolum aliqui dicunt Italiae populi. Sed & Burrham iidem appellabant vitulam, quae rostro esset Rufo. At homo Burrhus est, qui pransus, cibo, & portione rubet, hunc aliqui etiam Rubidum vocant. Invenitur & Rubeus, etli aliqui non indocti vocem non esse latinam monuerint: cum tamen apud auctores non malos ex uvis nigris fieri vinum forte legatur, e Rubeis autem suave: necnon bos Rubeus probetur. Verbum est omnino rusticum, nec prorsus idem color est, qui & Ruber, sed ad eum proxime accedit. Quid quod Russeus etiam legitur? negat quidam e vetustis Grammaticis dici posse, Rufum jubet, ex quo pannus est Russatus. Utrumque certe Latinum est, sed Aratoris magis, quam Oratoris; habent enim & sua verba, qui ruri vivunt Urbanis nonnullis inaudita. Russeum equum dicunt illi, qui non plane Russus est, sed aliquanto minus ruboris habens idem fere videtur. Hic autem, quoniam quasi cruentato similis est, hodie saginatus, quasi sanguinatus vulgo nominatur, quamvis hujus nominis nonnunquam equi albescant.

RUBER. CAP. VIII.

Rubrum maxime indicat animantium sanguis, & quo lana inficitur, Coccus, granum id a nostris vocatur, unde vestis est Coccina, nulli ignota. Ostentat tamen hunc colorem prae ceteris rebus liquor purpurae, cujus adeo gratus est color, ut si quid paululum

lulum habeat ruboris, modo visu sit illud non injucundum, Purpureum saepe dicatur, ut sunt violae, & varia florum genera: quin & Candidus, is enim quoque oculos remoratur, a Poëtis vocatur nonnuncquam Purpureus. Nam & olores Purpureos dixit Horatius, & nivem ipsam purpuream Albinovanus. Invenitur & Blatteus positus pro Purpureo. Non praetereundus est color Vitis frondibus arefactis simillimus, & idcirco Xerampelinus Graece dictus. Usurpant hanc vocem Latini, certum enim Vitis genus adulto jam autumnopampinis rubet velut cruentatis, unde nomen colori inditum est. Rosa ab omnibus nunc dicitur Sicca. Atrabapticas vestes eo colore infectas, quoniam in eo Purpura nigresceret, aliqui appellaverunt. De-ea re fabellam excogitatam his versiculis fui complexus:

Caederet immeritae Vitis dum crura, recidit

Ipse sua, & dira caede Lycurgus obit.

Unde prius viridis, rubet hostis sparsa cruore

Illaeſo Vitis ſtipite, & ulta nefas.

ROSEUS. CAP. IX.

Jucundissimus omnium est color Roseus, atque humano corpori, si id formosum est, quam simillimus. Itaque os, cervicem, papillas, digitos Roseos Poëtae dicunt, id est Candidos, rubeo sanguinis penitus diffuso cum venustate, isque color proprie est, quem communis sermo Incarnatum vocat. Refert enim maxime omnium pueri nitorem, ac virginis rosam, non Milesiam intelligo: quae nimis purpurea ardere quodammodo videtur, nec rursus albam, sed quae utrinque decorem accepit, & quia corpus hominis imitatur, quod lingua vernacula carnem appellat, eadem id genus Rosarum Incarnatum nominavit. Cicero colorem hunc Suavem dixit.

P U.

PUNICEUS. CAP. X.

A Phoenicibus color Phoeniceus , Puniceus quoque dictus flagrat , velut Viola flammea , atque ita a multis olim Purpura vocata fuit violacea , hodie poene nomen servat : nam Paonacius , quasi Puniceus dicitur , & si aliqui vocem hanc vernaculam a Pavonis colore factam volunt . Phoeniceum vero alium ab hoc , Palma quae Phoenix Graece est , a se nominavit : color hic in equo , ut jam diximus , maxime laudatur , qui modo Spadiceus , Bajus modo , Badius etiam & Balias , variis nominibus vocatus est . Termites enim palmarum cum fructu Spadices , & Baja Graeci dicunt : unde equus ab equisonibus appellatur Bajus .

FULVUS. CAP. XI.

EX omnibus maxime lucet Fulvus , quem multa jactant , Orichalcum in primis , Aurum , ipsaeque etiam Stellae .

*Quas non extinguunt venti , non nimbus aquosa
Nube cadens , celsa semper sed luce coruscant .*

Quare Tibullus proprie sidera Fulva appellavit . Est & aureolae species arenae quam Fulvam dixit Vergilius , & genus quoddam aquilae ab Aristotele maxime celebratum , colore etiam Fulvo . Qui si obtusus quodam modo est , atque obscuratus , vocatur Ravus . Jamque sic Horatius lupam appellavit , cujus colorem noto magis verbo plerique omnes Fulvum dixerunt . Tradunt aliqui Ravos oculos quos in cane & ariete laudat M. Varro inter caesios esse , & flavos . Ornat saepe color hic Flavus virginum , ac puerorum capita , atque in maturis frugibus semper elucet , necnon pro pulchro frequenter positum videmus . At

Luteum nihil aequae ostentat, ac flos Calthae & Genistae, ovique etiam vitellus. Croceo est hic perquam similis, sed lucidior aliquanto, ab antiquis Flammeus quoque dictus, quoniam eo Flaminis uxor Flaminica utebatur. Potest hoc loco Pallidus poni, ac Luridus: mortui color est hic horribilis, ipsiusque mortis, ut poetae dicunt, & Plutonis: ille nonnunquam vel gratus in homine, atque amabilis.

VIRIDIS. CAP. XII.

CUjusmodi sit color Viridis, suppeditat exemplum herbarum multitudo, quarum tanta est varietas, ut cum earum vis sit infinita, nulla tamen aequae atque ex iis aliqua, prorsus vireat, sed omnes inter se discolores videantur, id quod in reliquis omnibus coloribus apparet. Quare si minus est hic Albus, aut Niger, quam ille, non idcirco nomen Albi amittit, aut Nigri. Ex auribus autem insignis est hoc colore Psittacus, avis inde a quibusdam Viridis appellata, & qua nihil laetius est, Smaragdus. Maxime quoque lucet Viriditas in genere quodam Scarabei, cuius ipse meminit Aristoteles. Is quoniam dorsum habet nota quadam aureola sic litum atque illustratum, ut Lunae speciem exiguae sustinere videatur, non invenuste a nobis Consentinis equus Lunae nuncupatur. Fecimus hoc jampridem de Scarabeis jocosum epigramma:

*Parvula Sisyphio gens condemnata labori,
Quas Figula ipsa facit, fertque refertque pilas.
Pars nigra, ut Aethiopum manus usta caloribus borret,
Regia pars viridi picta colore nitet.
Parva micat cuius dorso nota, magna minutis
Si conferre licet, Luna pusilla velut.
Dixit Equum Lunae hinc cognomine Brutia Tellus.
Quod si bellator sic nituisset Equus,*

Illo

Illo capta foret non una Semiramis, essent

Centauri & plures, quam genus est Hominum. 10

Egregius est inter colores, qui virent, Prassinus, multorum carminibus collaudatus, nunc Viride Porrum ab Inferioribus vocatur.

EPILOGUS. CAP. XIII.

Libet epilogum addere, varietatem proprie de Coloribus dici, ex quo vestis varia, discolor est, diversisque coloribus confuta. Divisam nunc omnes vocant, & equus varius non totus vel candidus, vel niger, sed his, aliisque coloribus distinctus: sic & Caelum varium, cujus partes serenae interlucent, partes nubilae tristantur. Atque alium saepe pro alio, si inter eos affinitas est, colorem usurpant poëtae, ut lumen Minervae Flavum dixit Vergilius pro Glaucō, quo venustatem quoque esse in oculis Deae ostenderet, quemadmodum amictum Tiberis, cujus aquam alibi Flavam appellavit. Glaucum idem esse cecinit: est enim inter hos colores similitudo, & quasi vicinitas. Sic ut jam dictum est, Albus pro Pallido, ac Caeruleus pro Subviridi poëtice ponitur, proque etiam Subnigro, multique praeterea invicem cedunt. Ex omnibus vero maxime contrarii sunt Albus, & Niger: quare nihil aequè apparet, atque in alba papyro atramentum. Utebantur veteres, quod nunc etiam servatur, cum librorum titulos notarent, colore puniceo in honorem memoriamque Phoenicum, quos literarum tradunt fuisse inventores.

Sunt etiam e coloribus aliqui incerti, qui intuentium oculos fallunt, ut est Caeli nitor, quod cum tenebrosū quidam autument, illustratum radiis solaribus Cyaneum videtur, ut Iris, ut quas suspicimus nubes nonnunquam ignescere, ut mare ipsum, quod praeter Caeruleum, modo Atrum horret, modo vire-

fcit, interdum etiam Flavum, Ravumque se ostendit, aut specie quadam purpurascit violacea.

Non idem quoque decor in collo cernitur Columbæ, & Pavonis, unde aves sæpe dicuntur Versicolores, quale est serici genus notum, quod e diversis partibus spectanti non eundem offert coloris leporem. Discolor autem non modo pro vario sumitur, sed si quid eundem colorem velut radios quosdam diffundit, ut

Discolor unde auri per ramos aura refulsit.

At Decolor is igitur, ex cujus ore color defluxit, & exanguis relictus est, atque iccirco pro deformi capitur & nigro, ut Decolor Indus: nam Concolorem ejusdem esse coloris nemo ignorat. Ad hæc colores bifariam dividuntur, nam Austeri vocabantur reliqui omnes, præter Minium, Purpurissum, Cinnabarim, Armenium, Chrysocollam, Indicum, quos Floridos dixerunt. Sed hæc Pictores videant, quibus olim in usu tantum erat Melinus color, Candidus, Silaceus, qui inter caeruleos nominatur, Sinopis genus rubricæ, & atramentum. Quidam etiam Suaves dicti sunt, ut Flavus, Purpureus, Candidus, in primis Roseus, humanis autem oculis nihil venusti hominis colore suavius videtur. Inesse vero coloribus suavitatem, præterquam quod sensus ipsi judicant, egregii Latinitatis auctores ostendunt, M. Cicero, & Vergilius Maro, quorum alter suavem hominis colorem dixit, ab altero

Suave rubens Hyacinthus

vocatus est. Alii tristes sunt & lugubres, velut Atrum esse diximus, Pullum, Ferrugineum, & Caerulei speciem.

Quin ut videntur, sic Sordidi etiam aliqui dicti sunt, ut de quibus locuti sumus Suasus & Impluviatus, iis enim rei ut misericordiam apud iudices capterent, sed deturpabant. Talem quoque fuisse vestitum

tum Charontis ostendit, cum inquit Vergilius:

Sordidus ex humeris nodo pendebat amictus.

Jam vero colores partim nominati sunt a locis, ut Puniceus, Tyrius, idemque Sarranus. Purpurei sunt hi, Indicum, Sinopis, Melinus, Hispanus, Boeticus, Murinensis, de quibus dictum est. Colossinus a Colosso urbe in Troade, ubi lana inficitur florem referens Cyclamini, quod tum Raptum, tum terrae Malum, ac Tuber vocatur, a nobis Consentinis Terrigena, fulget flos ille inter candorem, & purpuram.

Partim a metallis nuncupati sunt, ut Plumbeus, Ferrugineus, Argenteus, Aureus. Sed a plantis nomen acceperunt complures, ut praeter Phoeniceum, id est Palmeum, ac Xerampelinum, Buxeus est qui pro Pallido sumitur, pallet enim prae ceteris [Buxea materia. Roseus praeterea Hyacinthinus, in quo purpura lucet subnigra, Hysginus ab Hysge herba, Coccinus, & utrique similis Sandycinus. Violaceus qui & Ianthinus, ex quo Tyrianthinus, e purpura ut nomen indicat, factus, & Viola. Additur his Croceus. Unde Crocotula vestis genus, ut a Caltha Calthula: a Byssu lini genere tenuissimo Byssina: erantque hae omnes Luteae, sed Byssina pene ut aurum fulgebat. Fuit in usu vestis a Citri similitudine, Citrosa dicta. Et quaedam coloris candidi, Papaverata a Lucilio Satyrico, cum eam, ut probrum, Torquato objecisset, nominata. Invenitur quoque Galbina vestis alba a Galbano. A Malvae item flosculo color est Molochinus, ut a Punicae etiam flore Balaustinus. Virentis quoque Porri folia nomen ex se, ut jam diximus, fecerunt Prasinum. Multi praeterea ab animalibus vocati sunt, ut Cervinus, Murinus. Atque hi colores sunt in equo notissimi. Mustellinus, de quo Terentius. Istericus, qui Regio morbo laborat, a colore Galguli, quam Graeci avem Isteron dicunt. Luteus est hic admodum. Cygnaeus, idemque Latine Olorinus,

nus, id est Candidus, ut contra Coracinus, Niger. Ascribuntur & his Ostrinus, Conchyliatus, Muriceus, Purpureus, ab Hercule, ut fabulantur, primum inventus. Feci paucos de ea re Choriambos, quos visum est hic ponere:

*Errat dum bibulis Herculeus littoribus canis,
Nantem forte videt spumifero gurgite Purpuram,
Aggressusque ferox corripuit viscera mordicus.
Non pastus rediit commaculans gramina sanguine.
Quem Tyro simul ac pulchra videt (namque erat
haec comes)* 5
*Prolutum roseis candida sic ora coloribus,
Alcidem alloquitur: Non alio munere te sequar,
Quam si picta mihi Palla rubens huic similis datur.
Quod nunc per spoliū terrificae te rogo Belluae,
Invisitaeque manus robora, per tela sonantia,* 10
*Non ignota avibus nubila translata fugacibus,
Da ferre haec (poteris nam omnia) nec te tenuit
Maris
Circumsusa palus, Hesperidum quo minus aurea
Ferres munera. Sic brachiolis fata revinciens
Robusta implicuit Nympha procax colla tenaciter.* 15
*Paret victus amans blanditiis Amphitryonius,
Natusque exanimem, quam expuerat jam mare,
Purpuram
Infecit Tyrio primus ovem Murice candidam.*

A rebus denique diversis nonnulli colores dicti sunt, ut Igneus, Flammeus. Sic orbis, nitorque Solis ab Accio, & Catullo appellatus est. Quare color Solis, & quia ita apparet, & ex illorum auctoritate Flammeus proprie potest vocari. A Caelo, ut jam principio dixi, Caeruleus est. Marinus, & Thalassinus a Mari: ab unda Cymatilis & Cymatius: idemque est in iis omnibus color. Quin etiam ab Arcu plu-

pluviarum nuncio, Arquatus est nominatus. Hyalinus, qui & Vitreus, Niveus, Marmoreus, Lacteus, Eburneus, quo dictus fuit cognomento propter candorem corporis Fabius quidam. Amethystinus praeterea, ex quo Tyriamethystus in usu fuit olim. Sandaracinus, Flammeus est is, quibus etiam Impluviatus, Sanguineus, atque Herbidus adduntur. Cereus item, Piceus, Cinereus, ut Cardui genus esculenti a colore, Cinara vocatum. In hoc autem Carduo esse etiam aliquod ipsius virtutis simulachrum, pauci quos hic subjeci declarant versiculi.

*Ut vallatus acutis
Circum frondibus horret
Intus sed tamen abdit
Dulcem Carduus escam;
Caelo missa sereno
Sic virtus, puer, aspris
Ambit sentibus ipsam
Jucundam Ambrosiam Diis.*

5

A Spumis quoque, & Maculis, Spumeus est, & Maculosus: atque ii equorum sunt etiam colores, ut a Guttis Guttatus, cujusmodi, praeter equos, canes videntur nonnulli sagaces, quos a Muscarum similitudine Muscatos dicunt, velut equus Scutulatus a Scutuliculis: quem ab exiguum Pomorum specie Pomulatum vocant equisones, & si orbes sunt latiusculi, Rotatum. Videtur ad extremum natura amare Caeruleum: eo enim ut initio diximus, Mare collustravit, ac Caelum ipsum quod nunquam stellis fulgentibus ornasset, nisi eadem quoque Fulvo maxime delectaretur. Sed quia vicissim videmus Terram, aut Viriditate convestiri, aut eo ornatu spoliata, Pullam esse, aut etiam candore niveo contegi, Viridem, Pullum, atque Album Naturae gratum esse nemo potest dubitare.

Nigra

Nigra insuper est Nox, nigri sunt Indi, aut Aethiopes. Gaudet igitur rerum mater colore Nigro; quam a Rubro nihil abhorreere, hominum, ac ceterorum animalium sanguis facile declarat.

F I N I S.

I N:

I N D E X ¹⁸⁹

C O L O R U M.

A <i>Albus</i>	cap. 3	D <i>Ecolor</i>	cap. 13
<i>Amethystinus</i>	13	<i>Discolor</i>	13
<i>Anthracinus</i>	3		
<i>Aquilus</i>	3	F <i>Lavus</i>	cap. 11
<i>Arquatus</i>	13	<i>Flammeus</i>	13
<i>Argenteus</i>	13	<i>Flameus</i>	11
<i>Ater</i>	3	<i>Ferrugineus</i>	6
<i>Aureus</i>	13	<i>Floriâus</i>	13
<i>Austerus</i>	13	<i>Fulvus</i>	11
		<i>Furvus</i>	3
		<i>Fuscus</i>	3
B <i>Adius</i>	cap. 10		
<i>Baeticus</i>	5	G <i>Albinus</i>	cap. 13
<i>Bajus</i>	10	<i>Gilvus</i>	7
<i>Balius</i>	10	<i>Glaucus</i>	2
<i>Balaustinus</i>	13	<i>Guttatus</i>	13
<i>Blatteus</i>	8		
<i>Burrhus</i>	7	H <i>Elvus</i>	cap. 7
<i>Buxeus</i>	13	<i>Herbidus</i>	13
<i>Byssinus</i>	13	<i>Hispanus</i>	5
		<i>Hyacinthinus</i>	13
C <i>Aesius</i>	cap. 2	<i>Hyssginus</i>	13
<i>Candidus</i>	4	<i>Hyalinus</i>	13
<i>Candens</i>	4		
<i>Canus</i>	4	I <i>Anthinus</i>	cap. 13
<i>Cervinus</i>	13	<i>Istericus</i>	13
<i>Cereus</i>	13	<i>Igneus</i>	13
<i>Cinereus</i>	13	<i>Impluviatus</i>	5
<i>Caeruleus</i>	1	<i>Incertus</i>	13
<i>Coccinus</i>	8	<i>Insuasus</i>	5
<i>Colossinus</i>	13		
<i>Concolor</i>	13	L <i>Eucophaus</i>	cap. 4
<i>Conchyliatus</i>	13	<i>Lividus</i>	3
<i>Coracinus</i>	13	<i>Luridus</i>	11
<i>Croceus</i>	11 13	<i>Luteus</i>	11
<i>Cyaneus</i>	1		
<i>Cymatilis</i>	13		

MA-

M *Aculosus*
Marinus

Melinus

Molochinus

Murinus

Muriceus

Musculinus

Mutinensis

N *Ativus*
Niger

O *Lorinus*
Ostrinus

P *Allidus*
Plumbeus

Phoeniceus

Prasinus

Pressus

Pullus

Puniceus

Purpureus

R *Avus*
Robus

Roseus

Ruber

Rubidus

cap.13 *Rubeus* 7
 13 *Rufus* 7
 13 *Ruffus* 7
 13 *Ruffeus* 7
 13 *Rutilus* 7

S *Arranus* cap.13
Sandycinus 13
Sandaracinus 13
 cap.4. 5 *Sanguineus* 13
 13 *Scutulatus* 13
Silaceus 13
 cap.13 *Sordidus* 13
 13 *Spumeus* 13
Suasus 13
 cap.11 *Suavis* 13

T *Halassinus* cap.13
Tyrius 13
Tyrianthinus 13
Tyriamethystus 13

V *Arius* cap.13
Venetus 1
 cap.11 *Versicolor* 13
 7 *Violaceus* 13
 7 *Viridis* 12
 7. 8 *Vitreus* 13
 7 *Xerampelinus* 8

ANTONII THYLESII

CONSENTINI

O R A T I O,

Quam habuit in funere

JOHANNIS JACOBI TRIVULTII.



ANTONII THYLESII

CONSENTINI

O R A T I O,

Quam habuit in funere

JOHANNIS JACOBI TRIVULTII.



QUASI lux quaedam, quae patriam fulgore illustrabat ; extinctus est JOHANNES JACOBUS TRIVULTIUS. Unde nunc illa sese afflicta, in moerore versatur ; lugetque caput fidissimum tot tantisque victoriis insigne, Italicae militiae decus, & columnen, morte sibi ereptum esse ; funusque in senibus tempestivum, tamquam immaturum, deflet acerbissime. Jure quidem deflet : multa enim in uno magnaue amisit. De quibus rebus jussus aliquid breviter dicere, Odete Princeps Illustrissime, Rectorque, & Gubernator Cisalpine sapientissime, Praeses optime, ceterique qui adestis, Patres amplissimi, ac Viri Magnifici, scio me benigne audietis, & intente. quando inter plurimas, maximasque virtutes, quibus abundatis, humanitas quaedam elucet splendidissima ; quando bonas artes amatis, earumque studiosos ; quando de homine, seu viro, seu principe potius, ac duce dicturus sum clarissimo, Cive vestro, optime merito, eodemque omnium Parente. Nam & aetate reliquis anteibat,

N

teibat,

teibat, & tanquam Parens bonus omnium honori, & utilitati pariter consulebat. Cujus gesta, si externi homines libentissime audiunt, & cum voluptate; quid vobis faciendum est, quibuscum gloriam, famamque suam vir ille communicavit? Quaecumque enim gessit, quae multa fuerunt, & praeclara, earum rerum vos omnes estis participes, & quasi coheredes. Atque ego ea mente veni, ut aliquas tanti Ducis laudes recenserem, non omnes; siquidem difficillimum esset quae diversis locis, temporibus diversis, a pueritia ad senectutem usque egit, brevi oratione colligere. Jamque existimo ea multo esse vobis notiora, quam mihi; ut Familiae vetustatem, dignitatemque, quae multis abhinc annis, atque adeo saeculis, Diocleriano Imperante, e Trivultio Burgundiae (sic enim legi in antiquis monumentis) in Urbem hanc celeberrimam profecta est; quam cum armis defendisset, cunctis rogantibus uno ore, in ea consedit, ubi longa serie in maximo fuit honore, & auctoritate; ac non semel acerrime pugnans hostium exuviis civitatem hanc pulcherrimam exornavit. Sed ne antiquissima videar adducere, & a nostra memoria remotissima, Pater hujus Ducis eminentissimi, cujus exequias maestissimi celebratis, Excellentissimus fuit Antonius Trivultius, qui cum varia gessit, & egregia, tum prioris Alphonsi Regis copias in Piceno profligavit, cepitque, & trans Aternum fugavit, missus a Francisco Mediolani Duce. Clarus quoque fuit Renatus Trivultius. Clari etiam complures. Quid tamen attrinet eos, qui jampridem e vita excefferunt, nominare; quum praesentes specteris, praesentem stirpem hanc generosissimam? In qua quot, quantosque Viros videris? E quibus Antistites sunt multi probitate, doctrinaque, & amplissimis sacerdotiis aucti, & hic, & in Urbe Roma Pontifici Maximo omnes acceptissimi. Optimus enim ille non solum Maximus sui si-

miles

miles amat, fovetque, qui nunc eodem lumine orbat
 ti producta funeris pompa maerent gravissime. Plures
 in re militari diu multumque versati, Ductoresque exi-
 mii, & spectati: verum haec, ut dixi, vos longe me-
 lius nostis, quam ego; quemadmodum & ea, quae pro-
 pria fuerunt hujus ornatissimi Viri JOHANNIS JACOBI
 TRIVULTII; quae quamquam nemini vestrum ignota
 sunt, tamen, quia cum jure amatis, puto non inju-
 cundum vobis fore, si ea quam paucissimis exponam:
 quae enim memoratu dulcia sunt, quanto saepius re-
 peruntur, eo delectant magis. Atque ut hinc inci-
 piam, illum sic Natura formavit, ut natus videretur,
 sicut fuit, ad militares aerumnas sustinendas. Cibi,
 portionisque parcissimus, quo genere abstinenciae,
 cum semper mentem servavit integram, syncceram,
 vigilemque, & intentam, tum gravissimum a se
 morbum repulit articulare, qui, nulla re possit
 curari, curavit tamen ille, seu potius tamquam ho-
 stem fugavit temperato, & salubri victu. Caloris etiam
 fuit frigorisque patientissimus: testes sunt Alpes Gal-
 licae, per quas Grajus Hercules, & Carthaginensis An-
 nibal uterque in aetate juvenili semel transivit. Hic
 longaevus saepissime iter illud concepit eundo, & re-
 deundo frigidissimo anni tempore, per saxeta, crepidines,
 per rupes praecipites, diuturna nive, & glacie rigen-
 tes. Quid rerum gerit JOHANNES JACOBUS TRIVUL-
 TIUS in hac hyeme? Senectutem ne fovet suam ad ignem?
 an in lectulo quiescit? sic aliqui rogabant. Respon-
 debatur: Ille aliquot abhinc diebus in Galliam profe-
 ctus est, Transalpinam brevi rediturus; nam sic soli-
 tus erat illuc ire, & redire, ubi aliquid pro Christia-
 nissimis Regibus faciendum esset; tamquam si Gallia
 regio fuisset suburbana. Somno quoque minime omnium
 deditus erat, domi cum esset antelucanis horis surge-
 bat quotidie, ut mente tractaret ea, quae ad Christia-
 nissimos Reges, quaeque ad Rempubicam attinerent;

Nam in Castris nunquam, nisi victis, aut fugatis hostibus quiescebat, sub galea, sub lorica, sub scuto; nulla sub culcitra, sub pulvino, aut stragulo: Inter equorum fremitus, armorum strepitus, militum clamores, turbarumque clangores: Hae erant citharae, hae lyrae; ad hos cantus vir ille somnos captabat. Totius vero corporis robore, & firmitate, quanta fuerit in juventute, declaravit ejusdem senectus; in qua sic equum armatus conscendebat, descendebat, incitabat, sustinebat; quasi adolescens fuisset validissimus. Inter suos loricatus cum equiraret, caniciemque galea premeret, hastamque vibraret, omnium in se unum oculos convertebat: nam si haec probantur in juvene, mirabilia sunt in sene, & quasi divina. Talem, ajunt, fuisse Numidiae Regem Masinissam; sed quae legimus, non ita creduntur, ut ea, quae oculis ipsi cernimus. Quin etiam ipsa oris dignitas virum arguebat fortissimum. Legistis puto de C. Mario, qui & senex, & inermis vultu tantum, & voce Cimbrum in se venientem armatum terrefecit, & fugavit; itemque de Coriolano, cujus aspectus hostibus erat formidolosus. Illam eandem praeferebat animi praesentiam, & spiritum TRIVULTIUS. Quam etiam inter cives debebat caput illud senile, & canis venerandum? quam etiam inter Proceres? Unius ob os omnes ora vertebant sua: quem quoniam vivum nequeunt ultra spectare, convenerunt nunc, ut spectent mortuum, rati, quod Metellus Macedonicus liberis suis dixit de Africano Minori fore, ut numquam videre possint civis exequias majoris. Sed agite virtutes animi inspiciamus. Sunt quidem illae innumerabiles; sed ex iis paucas celeriter percurram, imprimisque ejus fortitudinem attingam, qua munitus multa, & gravia pertulit, bonorum jaeturam, exilii incommoda, patriae suorumque desiderium, unici, atque optimi filii mortem acerbam. Sed illud admodum laudabile, quod fortunae

tunae numquam cessit, sed cum ea assidue contendit, dimicavit, digladiatus est, fessamque tandem, ac victam fregit: quum illa invidia aestuans, omnes aditus quaereret, & enixe laboraret hujus splendorem extinguere; deturbaret quandoque insidiis; isque animis resistens fortior surgeret, eamque ulciscens sterneret, rueret, praecipitaret: Quid me audes minacibus oculis intueri? alios terre, Fortuna, ignavos, segnes, oscitantes, ocio languentes, somniculosos; quid tibi cum impigris? cum intrepidis? cum impavidis? nihil cum fortibus juris habes; nihil potestatis cum magnanimis. Haec atque alia cum cogitaret, sese adhortans obvius ibat laboribus, & periculis. Unde tutus semper evasit duce, non tantum animi magnitudine, sed prudentia; qua, & se, suosque tamquam clypeo protegebat, & hostes superabat. Accedebat, & illa erga omnes aequitas, qua severe iniquas militum direptiones, rapinas, incendia, stupra, ceteraque flagitiosa vindicabat, lites componebat omnium ipse, quicquid acciderat, judicabat ipse. Comis interdum, facilis, & clemens; interdum, ubi opus erat, tristis in improbos, inexorabilis, & vehemens. Non una in uno videbatur natura, sed omnium. Nam quid ego dicam de ejusdem mansuetudine, & injuriarum oblivione? Victor, cum id facile posset, neminem violavit umquam. Quid de fide? quam cum multi non semel tentarent promissis ingentibus, & certissimis labefactare illam, rebus omnibus contemptis, & repudiatis, sanctissime semper servavit. Quibus artibus multos, magnosque Christiani Populi Principes sibi conciliavit: sub quorum auspiciis, quae gesserit, longum esset commemorare: quoties in acie fuerit, quot servaverit commilitones, quot hostes partim ceperit, partim straverit, multis acceptis vulneribus, pluribus tamen illatis, oppidaque expugnaverit; cum ipse scalis admotis, ut Ducem intrepidum decet, primus omnium muros conscenderet;

unde saepissime in concione laudatus praemia accepit plurima, & maxima: quot praeterea matronas, virginesque libidini militum eripuerit. Senenses fuerunt illae, quas Juvenis continentissimus (nam haec jampridem fuerunt) & servavit, & ad suos remisit integras. Pene exciderat e memoria Auximum, qui locus natura, & praesidio munitus, artes sensit, viresque TRIVULTII: cum valles aggere montibus aequavit, ac tormentis hinc inde moenia verberans trepidantes compulit oppidanos ad deditiorem, praeter omnium spem, & opinionem. Unde a Pontifice Maximo hilariter acceptus multis, magnisque muneribus donatus est, oblato etiam pileo Cardinalium insigni purpureo; sed ille cassidem maluit ferream, natus videlicet ad arma, & ad res gerendas maximas. Leguntur haec, & habentur in manibus; supervacaneum igitur esset differere. Praesertim cum Oratio sit haec, non Historia, aut Annales; neque statuerim tanti Ducis vitam hic explicare. Quod si fecissem, ab illius puericia inciperem, in qua constat armorum, equorumque fuisse studiosum. Dicerem de adolescentia, in qua spem & futurae virtutis argumenta exhibuit; cum ex equitum ludicro concursu, & hastarum certamine, ut fit, solus ex omnibus palmam assequutus esset: quasi praeludium fuit illud, & tamquam omen certissimum, fore ut non semel victis hostibus victoriam reportaret. Dicerem ejusdem prima stipendia, quae Galeatium Sforziam sequutus fecit in Gallia: quo tempore à Ludovico Rege Christianissimo aliquot e suis deserunt, multis abhinc annis, ubi inter alia pulchra facinora, constat civem servasse non sine vitae suae discrimine. Jam tunc videbatur, quo esset tantus Vir perventurus. Sed quam magnus fuerit hic, vel ex hoc intelligi potest, quod non modo Regum Aragoniae gratiam iniit maximam, cum procul a suis in urbe

vive-

viveret Neapoli : ubi (nimirum vera virtus ubique est amabilis) Beatricem Davalam , illustrissimo genere natam , & modestissimam matrimonio sibi junxit . Quo conjugio , quid umquam laetius visum est ? Quanto cum gaudio Genuenses publico hospitio illos , cum Mediolanum venirent , exceperunt ? ceteraque deinde oppida , & urbes ? Quanta cum voluptate , atque alacritate viderunt Cives amantissimi , Civem illum Clarissimum ? Quasi Triumphus ingressus esset urbem hanc , ita omnes obviam laeti , & gratulantes procedebant . Quid loquar de apparatu lautissimo , & copiosissimo ? de nuptiarum magnificencia ? Nemo , qui tunc vivebat , non vidit ; nemo qui postea natus est , non audivit : sed ut redeat unde defluxit Oratio , non solum Neapolitanis Regibus gratus vixit , sed gratissimus tribus ex ordine Francorum Regibus Christianissimis , Regi Carolo , Ludovico Regi , & huic potentissimo Regi Francisco Christianissimo ; quibus , quam fidem probaverit , animique constantiam , quidve sub eorum imperio egerit , non modo hic divulgatum est , sed exteris quoque Nationibus , eritque non huic tantum aetati cognitum , sed omni etiam posteritati . Quamdiu enim Regum illorum fama extabit , extabit autem omnibus saeculis ; tamdiu hujus quoque Viri nomen resonabit : ut enim cum Agamemnone laudatur Nestor , cum Rege Persarum Zopyrus ille , qui Babyloniam cepit , cum Philippo , ejusque filio , Parmenio : sic cum tribus Francorum Regibus Christianissimis , notum erit nomen TRIVULTII . Laudatur Carolus Rex Christianissimus , & vere quidem laudatur : quum alibi locorum , tum in agro Parmensi apud Forum novum , cum e mediis hostibus sese expediens , incolumi exercitu e locis angustis victor evaderet . Laudatur quoque cum eo TRIVULTIUS , ejusque consilium , & acumen , cum missis antea impedimentis hostem impedit , ac interea ferro viam aperuit , edita

ingenti strage. Quo die non tantum Viri virtus spectata est, & solertia, sed summa quoque felicitas, quae illum, quicquid agebat, numquam deseruit. Cepit, atque recepit Insubriam Ludovicus Rex Christianissimus cum maxima laude, & gloria. Laudem quoque & gloriam cum eo assequutus est TRIVULTIUS, qui praemissus, brevi omnia pacata reddidit. Mirifice se gessit fulmen belli Rex hic Franciscus Potentissimus, & Christianissimus; unde famam adeptus est, & immortalitatem. Famam quoque, & immortalitatem adeptus est TRIVULTIUS. Multa praetereo, & ea, quae gesta sunt ad Petram, ubi hostibus, tamquam belli propugnaculum, se se opposuit, effecitque, ut qui prius essent formidolosi, ultro ipsi rogarent inducias; & victoriam illam Bononiensem, claram, insignem, alius elatam, atque alatum. Quo enim volans ejus celebritas non pervenit? Vix tunc se se ostendit ille, cum repente dissipato hostili exercitu victor fuit, suis omnibus non tantum illaesis, sed ne stricto quidem ense, aut telo minus jacto; quamvis id non semel accidit, sed iterum, atque iterum consilio dumtaxat, & fama hostes, nullo praelio commisso in fugam vertit sine suorum caede, & periculo; aliaque praetermitto, quae cum multis Gallorum Duëtoribus gessit; unde nunc illi dolent, & valde quidem dolent socio in rebus dubiis, & nutantibus spectatissimo in perpetuum privari. Tuque imprimis doles, Odete Princeps Illustrissime, Rectorque, & Gubernator Cisalpine sapientissime. Tecum multos annos eadem iniit consilia, in iisdem fuit castris, in eadem acie armatus, eosdem labores suscepit tecum, iisdem periculis caput suum objecit tecum, in eosdem simul impetum fecit, eosdem simul fugavit, fuit particeps victoriae, particeps gloriae: merito igitur socium ira fidum, fortemque deploras; sed & ipse Rex Christianissimus, & mitissimus, ejusdem mortem fert molestissime; itaque per-

perspecta illius synceritate, quam semper probavit, ut viventem unice amavit, sic mortuum honoribus afficit, praemissisque, & literis, & certis hominibus mandat, ut oppida, & urbes, qua transeundum est, honorifice funus excipiant; quod si nihil aliud assequutus esset, praeter honorem hunc regium, abunde fuisset gloriosus; verum, & Romae, ut dixi, velut unum defecisset Italiae praesidium, iusta magnifice fiunt; quod vero novissime his paucis diebus egit JOHANNES JACOBUS TRIVULTIUS, silentio minime praetereundum est, pertinet enim maxime ad laudem ejus, & immortalitatem; nam cum multitudine annorum oneratus videret, non posse vitae exitum diutius proferri, ut fidem, quam semper inviolatam servavit, in extremo spiritu testatam relinqueret, nulla itineris difficultate deterritus, in Galliam ultimam nota via profectus est; quasi mandata veller accipere a Christianissimo Rege; migraturus, & ipse, quo ceteri, qui recte vixerunt mortales, in domum illam caelestem, & sempiternam. Et en, inquit, Christianissime Rex, mors tandem urgens, cui non datur resistere, jubet hinc cedam relicta uxore carissima, suavissimo nepote, propinquis omnibus, necessariis, sociisque, & amicis jucundissimis. Teque inprimis, Jucundissime Rex, a quo invitus abstrahor; sed quando naturae legibus parendum est, nolui, Te inscio, discedere; missionem igitur peto in Regionem iturus remotissimas, unde numquam dabitur reditus. Ecquid mandas? Jubes ne aliquid, Christianissime Rex. Vale, semperque sis felix, victorque semper. Patriam mihi rerum omnium carissimam, quamvis opus non sit, tibi commendo, commendo tibi cives meos. Quis igitur hujus vitam felicissimam non judicat? Quae tot honoribus, & dignitatibus aucta, tot laudibus ornata ad extremam pervenit senectutem: eaque tandem soluta defecit cum summa laude, superstiti tam florenti familia, superstiti etiam fama,

fama , quae pennis indefessa , quam latissime volans , hujus egregia facta celebrat ubique Gentium , non praesentibus tantum , sed posteris ; quae omnia dum cogitantur , dolorem tollunt , efficiuntque , ut non opus sit nenia , plangore , lamentis , & ululatu ; quae omnino vana sunt , & tamen adhibenda , ubi quis turpiter vixit ; non enim hujusmodi rebus egent illi , qui vitam duxerunt honestissimam , & hinc ita evolarunt , ut sui memoriam in animis viventium reliquerint perpetuam , ut hic fuit ; cujus manibus gratulandum est , qui fructus e laboribus capiunt , inter homines , & multo majores inter animas caelestes , ubi aevo fruatur ille sempiterno . Gratulandum est huic Familiae , quae inter majorum stemmata habet , & hujus imaginem , multis , magnisque titulis decoratam . Gratulandum est Patriae , quae non minus cive tam egregio gaudet , quam Thebani quondam Epaminonda , Athenienses Themistocle , Scipionibus Romani ; quorum gesta , aliorumque praeterea multorum studio seligebat hic , & aemulabatur . Nam quicquid ocii dabatur a militia , a rebus publicis , & amicorum , id omne conferebat in cognoscendis Antiquorum factis ; unde semper aliquid addiscebatur ; quocirca domi viros habebat doctissimos , quos & honore prosequabatur , & praemiis ; jamque sibi librorum suppellectilem paraverat laurissimam , & multae pecuniae , Lucillum sequutus , Augustum , & Ptolemaeum . Gloriae igitur militari , quam aeternam adeptus est , additum fuit literarum studium ; scilicet , quia legebat , Alexandrum Macedonem , Caesarem , Pompejum , aliosque militiae pariter incubuisse , & doctrinae , ut illis esset , sicut fuit in rebus honestis , quamsimillimus . Itaque ut finem dicendi faciam , qui hunc virum amavit , amarunt autem omnes , debent & mortuo gratulari , ejusque virtutes imitari . Tuque praeter alios , FRANCISCE TRIVULTI , puer ornatissime , & eximiae rei , absterfis

ex

ex ore lacrymis, compresso etiam singultu enitere sui vestigia sectari, unde non tantum hereditatem bonorum accepisti, quae ille non sedendo inter ignavos assequutus est, & labore vario, sine quo nemo vir bonus potest aliquid honeste adipisci, sed gloriae quoque hereditatem tibi reliquit, quae custodienda est, atque etiam augenda omni conatu: quod sine dubio efficies, si, ut dixi, Avum tibi proposueris imitandum, atque etiam Socerum tuum THEODORUM TRIVULTIUM, virum amplissimum, cujus fidei, prudentiae, & fortitudini Venetorum Resp. florentissima militiae suae permisit habenas; Illum, vel Hunc sequere; utrumque potius. Habes & alia domestica exempla ante oculos, & luminaria, quibus praelucentibus non poteris errare in tenebris. Age, Puer excellentissime, a teneris annis assuesce tuos referre, fidemque inprimis servare, sicut tui fecerunt, & faciunt Christianissimo Regi; unde praeter ea, quae Avus accepit, plura, & majora expectabis. Praeclara in te indoles elucet, scio; augebis & ipse domum tuam honoribus. Bene tibi opto, puer, tuisque omnibus, bene opto Patriae, quae floreat magis in dies, bonis artibus, divitiis, opibusque, & potentiâ; extinctisque seditionibus tranquilla quiescat, sitque unanimis; ita ut civitas omnis una videatur domus, cives fraterna caritate teneantur; opto quoque prae ceteris felicitatem Christianissimo Regi, ut diu vivat, ut gloria abundet, belloque tandem suscepto in hostes insolentissimos Religionis nostrae, eos agat in triumpho catenis oneratos. Utinam tempus illud veniat, quo videam Constantinopolim, Urbem illam pulcherrimam, eandemque miserrimam nobis jampridem ereptam, non sine maxima jactura, & dedecore, ceterasque Graeciae urbes, ipsumque sacrosanctum Christi Sepulchrum, & Christianissimi Regis virtute, & armis Christianis restitutum. Hoc ego cuperem, antequam oculos mors

clau-

clauderet ; victoriam ita justam , ita sanctam , ita Diis, hominibusque gratam spectare. Teque inter ceteros Gallorum Ductores, Odete Princeps Illustrissime, Rectorque, & Gubernator Cisalpine sapientissime exuviis Turcarum onustum conspicere. Jamque videre videor Senis illius animam ante Deum Optimum Maximum suppliciter orantem , ut omnes bellorum impetus, procellas, tempestates, & naufragia in Populos immittat Orientales, nobisque satis, superque jactatis, portus concedatur tranquillissimus. Dixi.

F I N I S.

ANTONII THYLESII

CONSENTINI

IN ODAS ~~OR~~ RATII FLACCI

A U S P I C I A

Ad Juventutem Romanam .



ANTONII THYLESII

CONSENTINI

IN ODAS HORATII FLACCI

AUSPICIA

Ad Juventutem Romanam.



DISCE bonas artes , moneo , Romana ju-
ventus . Habendum est in ore carmen
hoc , eique , velut Oraculo , semper pa-
rendum , adolescentes ingenui ; illinc enim
omnia , quae ad recte , tranquilleque
vivendum attinent , facile nascuntur , stabiles divitiae ,
honores non fucati , vera voluptas , famaeque celebra-
tas , atque etiam immortalitas , quae tot , tantaque
bona ut possitis assequi , juvabit vos magna ex parte
libellus hic ; quem iccirco mecum domo attuli , ut
dono hic darem , non uni tantum ; nam si id facerem ,
qui eum acciperet , solus me amaret : reliqui vero , ut
Juno , & Minerva , propter aureum illud , & fatale ma-
lum Veneri adjudicatum , odio in Paridem acerbissi-
mo , ejusque domum , & patriam exarserunt , unde fu-
rialis bellorum fax Priami regnum funditus delevit ;
sic me odissent omnes , atque inde mihi non nihil
metuendum esset homini praesertim peregrino . Quem
ego timorem ut vitarem , statui omnes pariter dona-
re , quo me amarent omnes , quando amore praeser-
tim

rim omnium , nihil homini contingere potest optabilius . Ut igitur una , eademque liberalitate tot nobilissimorum adolescentium animos possim mihi conciliare , omnes , ut dixi , donandi estis , ita tamen , ut singuli integrum accipiatis libellum , neque ipse caream libello . Dicitis (scio) aenigma loquitur hic : unus est liber , & nulli e tanta multitudine non est daturus totum , nec vult se eo privari . Ne planus quidem ille , & praestigiator Mercurius posset hoc praestare , ut multos faceret caduciferos , suo quem unicuique dato caduceo , nec eum tamen ipse deponeret . Is profecto Mercurius , ut id efficerem , me docuit ; audite quo modo , tuque in primis audi , Romanae Academiae moderator optime , ceterique , qui adestis , Antistites sacrosancti , ac viri illustres , & magnifici , res est , nisi fallor , digna ingenio , & doctrina vestra , nec vos multis morabor . Principio liber hic in usum meum a me mihi paratus de meo , ut meus est , sic futurus est meus , nec dono alicui dabo . Nam praeter unum , qui donaretur , alii , ut dixi , graviter dolerent , essetque praeterea munusculum leve , non enim est tale , qualia tria Philolai volumina , quae Siracusanus ille Dion liberalissimus adolescens decem millibus denarium emit , eaque largitus est Platoni suo ; neque hic idem aureis conspiciendus est litteris , ut Homeri Poëmata , sive quae junior habuit Maximinus , sive quae in Byzantia spectabantur bibliotheca , unius tantum serpentis corio , operose & sumptuose conscripta , jampridem cum ingenti librorum copia incendio consumpta ; mille hujusmodi exempla in tabernis librariis hic Romae venalia sunt , unde unusquisque vestrum poterit sibi aliquod parare , tenetis quamobrem nulli daturus sum , quia , ut dictum est , carerem ipse , nec omnes possent donari , & donum esset exiguum , & nemo vestrum non potest sibi emere tenuissimo pretio . Dicam nunc,

quo

quo modo Deorum nuncius docuit posse munus idem singulis dari totum, atque in perpetuum, sic ut qui semel donatus est, nequeat illi a quopiam eripi, aut subduci unquam: rem quaeso cognoscite. Mercurius non tantum palaestrae, ut scitis, aut furri, aut musicae, aut mercaturae, ut nomen indicat, sed etiam eloquentiae Deus est, & vocis humanae, quam erudita vetustas aligeram dixit esse, & Homerus ipse verba appellat alata, jamque ex antiquis pictoribus nonnulli, cum verba ipsa pingerent, atque alia vultu facerent exhilarato, alia efferato, alia tristi, alia remisso, ut est variarum vocum dissimilitudo, omnibus alas addebant, quae idcirco Mercurii pedibus accommodantur, quia oratio, cujus ille inventor fuit, & modulator, volucris est, non ut avis, quae pennis, plumisque vestita, atque unguibus, & rostro armata per aërem lapsa non potest uno, eodemque volatu, nisi in unum tantummodo locum pervenire, cum haec vox, quae, velut Numen aliquod Caeleste, non potest videri, aut tangi, per multorum aures penitus immissa in animos usque hominum eodem momento temporis involet, ibique fidat, atque eos ornet praeceptis, quibus vita recte instituitur: quae bona perpetua sunt, nec fortunae jaçantur fluctibus, aut diuturnitate senescunt, sed cujusmodi est animus ipse, semperpiterna sunt. Hac igitur mea voce operam dabo hujus operis, de quo jamdudum loquor, sensa omnia, id est immortalem, ut ita dicam, libelli animam, nam atramentum, papyrus, lora, membrana, & umbilici, velut membra quaedam vetustate, aut aliquo casu consumpta una cum universo corpore intereunt, sensa inquam omnia, nullos labores fugiens conabor vobis ostendere, & in uniuscujusque mente penitus insigere, ac in perpetuum dilargiri. Atque ita nemo indonatus erit, sed quotquot estis, omnes munus accipietis, sibi quisque integrum, quod pollicitus sum.

Verum ut tandem definam philosophari, &, ut Plautus inquit noster, argutari, aperte, breviterque rem exponam. *Horatii* Venusini poëtae impressa sunt hic Poëmata, e quibus ipse in vestram utilitatem, voluptatemque explicanda suscepi Carmina, sic enim ipse suas Odas appellat. Quid ego nunc vobis opus hoc laudibus exornem? putate nemus aliquod ingredi amoenissimum, latissimumque, ubi praeter Caeli nitorem, salubritatemque, terrâ sit herbis ac floribus convestita, procerae, ac frugiferae arbores, hic sub collibus agricularum sollertia cultis umbrosae jaceant convalles, illic speluncae penitus cavae fontes effundant uberes, frigidisque, atque aliarum rerum sit copia, quae oculis afferunt, ac auribus voluptatem. Sic in hac Horatiana Poësi quasi silva quaedam viret variarum rerum. Delectaris adolescentule fabella? quam gravissimus auctor Aristoteles carminis esse animam inquit, plurimam percipies hinc, & suavissimam. mavult alius historiam audire; passim occurrit illa, nec domestica tantum, verum etiam peregrina. Ecce hic de grege Epicureo voluptatem appetit; aliquis Democritus ridicula amat; Heraclitus aliquis flebilis. fac aut Phaedrum, aut Cliniam, aut Niceratum amatoria velle, Pollucem, aut Erycem, aut Herculem ipsum robustiora, etiam alium Orphei similem hymnis, & canticis delectari. quis hoc convivia hilarius parat? aut stultos ridet urbanus? aut miserabilius lamentatur, vel acerbos juvenum interitus, vel alias mortalium calamitates? Virtutes & gesta heroum canit hic solus, Caelitum laudes solus, at quibus carminibus? Dii immortales, Deaeque Jovis filiae Pierides eruditae, Parnassi castissimae cultrices! Sententiae modo graves, dulces modo magis hunc ornent, an verba selecta, an ipsorum verborum rursus teres & modulata structura, Graecorum luminibus passim illustrata, dubium est. Quid plura? Pindarum ipsum, Alcaicum, aliosque Poë-

tas

ras Lyricos paene innumerabiles, quibus se Graecia jactat, nequid magnificentius dicam, aequavit hic solus; nam nostri ubi tantum carminis excellentiam audiverunt, non ausi sunt idem tentare; quod siquis experiri voluit, repudiatus ab omnibus, & contemptus jacuit, nec ejus scripta ad posteros pervenerunt: ad extremum unicus est *Horatius* Romanae Fidicen Lyrae, quem plenum jucunditatis, quem plenum gratiae, quem solum fere legi dignum Fabius autumat Quintilianus; quem eundem Petronius cum Virgilio tantum e latinis Poëtam esse praedicat, reliquos tanto honore indignos censet. at ejus aequalis Ovidius sine invidia hunc & numerosum inquit, & ejus Lyrae Ausoniae carmina esse culta. Nam quid ego nunc dicam de Persio doctissimo sane viro, & in dijudicandis Poëtarum scriptis acerrimo, adeo ut ne optimo quidem illorum parcat, qui cum hujus etiam sermones studiose imitaretur, vasrum eum praedicat, callidum, jocosumque, & sagacem Poëtam: & alius lucernam clamat hunc esse Venusinam, sine qua Musa latina jaceret in tenebris ignota. Nihil dico de variis carminum generibus, quae nisi noster hic Romanos ipsos docuisset, unde illa disceremus, esset praeterea nihil omnino; & quid Poëticae nostrae deesset, si iis careret, quod nuda, & inops jaceret, quis non vider? Jam illud quantum est? quod non modo legentium, atque audientium animos suavitate perfundit, sed multa recte vivendi praecepta tradit e fontibus hausta Philosophorum, qui fructus e laboribus nostris jucundissimus est. Et profecto satis meo judicio perfecit ille, qui e litteris modestiam in primis doctus est servare, pietatem, atque humani generis societatem: contra qui nostram Religionem sanctissimam negligit, qui pudorem non ex animo tantum, sed ex ore deterisit; qui quid sit fides, & amicitia nunquam novit, qui velut alter Timon homines odit univer-

fos, eorumque commodis & honoribus diesque & noctes animo dolet telis invidiae graviter conlauciato; tantum abest, ut eum eruditum existimem, quamvis nefarius ille in Operto Musarum audeat permanere, nec timeat Jovis filias castissimas oculis, lingua, & manu incestare, ut infra omnes impuros, ventrique & gulae deditos parasitos, infra nebulones omnes, atque adeo pecudes, & monstra ipsa dejectum esse censeam. Nam quod tætrius portentum est, quam litteras virtutum genitrices tractare, cogitare, loqui, & facere turpissima. Ut enim os hominis naturae artificio in promptu positum, si oculis est perversis, si buccis plus nimio tumefactis, si deformi labrorum rictu, si denique foeda aliqua nota deturpatum, inuentium oculos offendit; sic vir litterarum studiosus, vitiorum macula respersus aequo non potest animo videri, non potest audiri. Sed ipsum tandem Poëtam, & vivendi magistrum audiamus, de cujus vita aliquid dicere, quando ea notissima est, & passim quotidie ab omnibus decantatur, absurdum esset, & hoc loco, tantaque doctissimorum hominum frequentia indignum. Audite igitur quibus verbis, quam honorificis Mecoenatem suum alloquitur Calaber Poëta, non Ennium dico, fuit enim ille multo antiquior, qui in eadem Calabria natus, ut fuit, ac nunc etiam est, genus hominum, non modo in omni litterarum genere praestantissimum, sed beneficii nunquam immemor, Scipionis, Laelii, Flamini, aliorumque Reip. Romanae Principum virtutes, & triumphos immortalī carmine celebravit; sed hunc, hunc etiam nostratem dico *Horatium* ut intente audiatis. Erunt hujus verba longe jucundiora, quia fuerunt nostra, quae tamen, ut est vestra omnium humanitas, & in me benevolentia, benigne hactenus audiistis, unde vobis omnibus gratiam semper habebo summam. Videte quam egregie non tantum in primo Carmine Mecoenatis sui nomen

po-

posuit, sed illud idem voluit primum esset ordine omnium verborum, ut legentium oculis primum statim occurreret, primumque velut aliquod felix, faustumque omen, Mecoenatis nomen pronunciaretur, ejusque imago in animos hominum incurreret. Favete linguis, duos tantum, polliceor, versiculos in praesentia exponam. spero, aliquod erit operae pretium audire.

Mecoenas atavis edite Regibus.

O, & praesidium, & dulce decus meum.

Enumerat hic *Horatius* diversa hominum studia in eorum animis natura penitus insita: inde concitatis in cursum equis, aliqui gaudent Olympici stadii metas ambire, magistratus alii potius ambiunt, hic autem, ut uberes e terra fruges percipiat, agros vomeribus sulcat duriter & laboriose, ille paupertatis aerumnam modo abjiciat, rostris idem facit per maris undas pavidè & periculose; est qui utriusque duriciem detestatus molliter vivit ipse in voluptate, jam vero plurimi libentius tubae clangores audiunt, hilariusque gestiunt in confertas hostium catervas penetrare, quam inter virgines choros agitare, atque sumptis armis ita ad mortem festinant, tamquam vitam inde sint relaturi, quin etiam venationis studiosi uxores jucundas caeteris ut feras exhorrent, feras rursus formidolosae aliis laetius vident quam uxores; se vero suapte natura ad Musas propensum esse significat modeste. *O Mecoenas*, casus est, quem veteres non modo vocativum, aut appellativum dixerunt, verum etiam salutatorium, hoc enim casu utimur, ubi jubemus aliquem salvere, ut salve juventutis o Princeps, Saecli deliciae, decusque salve; & apud Comicum (nam sic honoris gratia a multis Terentius dictus est) Myxis: salve Pamphile. Epicorum quoque praestantissimus Virgilius Maro: Salve sancte parens, iterum salvete recepti Nequicquam cineres, animaeque

umbraeque paternae; atque ut est in historia, alter e corvis planissime pronuntiabat, salve Caesar, alter salve Antoni, ut uterunque vicisset, novus ille Grammaticus, & magister avium mercedem laboris & quasi Minerval acciperet a victore. Quia igitur hoc casu, ut apparet, salutamus, antiqui, ut patrium sermonem omni ex parte locupletarent, casum, ut dictum est, salutandi, & saluatorium appellarunt. Fuit autem Mecoenas, ut nemo fere primis litteris imbutus ignorat, natione Etruscus, quae gens & antiquitate, & rei militaris peritia, & augurali disciplina satis se priscis temporibus nobilitavit, ad quas praeclaras virtutes accesserunt opes immensae, accesserunt ornamenta prorsus Regia, quae ipse Populus Romanus gentium victor usurpavit, iisque Reges suos & magistratus decoravit; nostra autem tempestate, ut missus fiat sermo Etruscus, qui ut olim Atticus reliquis Graecis jucundus erat, eumque alienigenae complures studiose discebant, ita hic Italorum aures lepore quodam & suavitate demulcet, ut siquis ab eo prorsus abhorreat, agrestis quodam modo, & quasi barbarus existimetur, quae laus non levis est, sed ut eum silentio praeterream, neque aliquid dicam de amoenitate, & cultura agrorum, deque villarum magnificentia paene innumerabilium, ipsae in eadem Etruriae regione urbes plurimae sunt, & celeberrimae inter quas velut Regina quaedam erigitur Florentia, omnium, quot uspiam sunt urbium, communi consensu, & iudicio pulcherrima, ubi quemadmodum eruditis saeculis olim in insula Rhodiensium, aut Athenis, aut in magna illa Graecia, aut Syracusis Graecae facultatis studium floruit, sic in una tantum urbe Florentia non unus modo Latinus, sed Grajus quoque sermo nostra jam memoria domicilium habuit, e quibus alter cum balbus paene jam obmutuisset, alter vero jampridem ita esset inauditus, quasi nusquam fuisset unquam, coepit

pit uterque simul quodam modo renascens diserte eloqui, ac poetice necnon sapienter multa mortalibus praecipere, idque uno tantum auctore omnium civium quot unquam ibi fuerunt, clarissimo, qui patrimonium suum copiosissimum benigne & cum magna, & in praesentia, & apud posteros laude effundens, Latinis, Graecisque voluminibus, quorum vel nomina ipsa jam diu interierant, per multos conquisitis, atque undique comportatis, conductis etiam utriusque linguae spectatissimis Professoribus, quos praemiis auctos ingentibus in summo semper habuit honore, patriam suam & tempora perpetuo ornavit. Quae cum mecum ipse cogito, o Laurenti, tu tu enim Laurenti Medicee, opulentissima, & illustrissima familia natus, tu inquam tuo studio, & regia liberalitate tot, tantaque bona nobis peperisti. Cum haec cogito, te unum oprime omnium de humano genere meritum esse existimo; nam cum oratione, praesertim erudita, maxime differamus a brutis, eaque diu perierit, cum illa per te fuerit nobis restituta, restituta per te nobis fuit ipsa humanitas. Nunquam tanti beneficii memoria ex animis hominum excidat, tuique sacratissimi manes sine ulla perturbatione aevo fruantur sempiterno inter animas Caelestes vir deorum consuetudine dignior, quam mortalium. Quamvis in eadem progenie non illud tantum sidus emicuit, sed aliquot post annis quasi lux quaedam exortus est Leo X. Pontifex Maximus nunquam sine summo honore, atque etiam veneratione nominandus, qui cum aliquandiu virtutibus suis cuncta illustrasset, fato nobis adverso mortifera quadam nube ante diem praereptus omnia reliquisset in tenebris, nisi Diis ipsis everfionem Saeculi miserantibus ex eadem Medicea domo alter sese ostendisset Sol clarissimus Clemens VII. eodem Summo Pontificatu ornatus, qui quamvis, ut Atlas, omnia solus sustineat, eique Christianae Religionis incrementum,

fit curae, & rerum omnium tranquillitas; non tamen oblitus est bonarum artium, ratus in iis sitam esse recte vivendi rationem. Itaque negotium dedit Aegidio Cardinali amplissimo eloquentia, ac varii sermonis multiplici doctrina ornato, quam qui fuit unquam maxime, meoque etiam Johanni Marthaeo Gyberto Darario Opt. & Sapientissimo, cujus tanta est modestia, ingenuus pudor tantus, ut non videam ejus posse ullam, ne verbo quidem, attingere virtutem, quae multa, magnaeque in eo elucet, quin graviter offendantur: tanta rursus est illa, tamquam varia, & in me non uniusmodi merita semper prae me, quam diu vixero, ferenda, atque etiam praedicanda, ut eum nullo pacto possem, nisi alio festinaret oratio, tacitus praeterire. His igitur duobus, atque hujus Academiae aliarum omnium florentissimae prudentissimo ac doctissimo Rectori datum est, ut dixi, negotium, ne huic loco eruditi desint, facundi ac modesti professores, neve iis rursus honore defraudentur, & praemio: quod tam insigne beneficium memoria debemus semper prosequi gratissima. Redeo nunc ad Mecoenatem Tyrrenum, patria Aretinum, Augusto Caesari, cum quo bellis omnibus ab eo gestis, ut Peto scribit Albinovanus, socius interfuit, acceptissimum, atque adeo intimum, idque non fide tantum, prudentia, & usu rerum, verum etiam Poëticae studio, qua Princeps ille maxime delectabatur. Id autem genus doctrinae tantopere coluit Mecoenas, ut inter sui temporis Poëtas haberetur insignis, jamque nonnulla monumentis tradidit, ut Elegias complures, ut Prometheus Tragoediam. Laudavit & Octaviae Augusti sororis venustatem luculentis carminibus, e quibus est illud.

Pexisti capillum naturae muneribus gratum.

Et de Berecynthia,

Ades, inquit, o Cybebe montium

Dea

Dea, ades, & sonante tympano

Quate flexibile caput,

Latus horreat flagello,

Comitum chorus ululet.

Idemque de suo sepulcro :

Nec tumulum curo, sepelit Natura relictos.

Quid autem Augustus ipse, & Neronis magister Seneca de hujus scriptis senserint, nihil attinet nunc ostendere. Illud vero laudandum est in eodem Mecoenate, quod non quemadmodum pusilli & minutuli homines inscitiae suae conscii animo semper pavido excubant formidantes, ne bolus, quem mordicus retinent, ex ore eripiat famelico, & iccirco maledictis, & latratibus eruditos probatosque viros a suis Principibus fugant, ut ingluviem soli expleant, homines taeterrimi, Tantaleis digni suppliciis: secus agebat ille, ut enim quisque ingeniosissimus erat, doctissimusque ita cum Octavio suo libentissime conciliabat, jamque nonnulli tanti Principis familiaritatem uni referebant acceptam Mecoenati, quorum in numero fuit Virgilius Maro, de quo non est nunc praedicandi locus, & noster hic *Horatius*, cui cum multa ille largitus esset, ociumque ad Poëticae studium concessisset, quod pretium habuit summum, persolvit hic; nam ingenii, & doctrinae suae monumenta Mecoenati consecravit, & praeter Epistolas, & Sermones, fuerunt haec Carmina, Odas dico: enimvero egregiam retulit gratiam, multoque plus quam acceperat, hic illi reddidit. Sed satis in uno Mecoenate immorati sumus, qui fuerit ne ille, qui triennium universum, antequam diem obiisset, ne punctum quidem temporis somno sopitus fuit, dubium est. Dicet aliquis, nihil ne de Turri loqueris Mecoenatica, unde communis hominum pestis Nero Urbis incendium cum cantu spectabat, & voluptate? deque ejusdem Domo, ubi aeger solitus erat Augustus curari, aut de Hortis,

quo,

quo, ut alii suspicantur, Poëtarum flos ventitabat, ibique lusit Horto carmina digna non libello? quid? omnia ne nunc sunt inculcanda? immo sentio me longius aliquanto, quam munus meum requirit, progressum, itaque reliqua celeriter perstringam. O *Mecoenas* (inquit Horatius) *edite Regibus atavis*, cujus antiquum est genus, & Regium. *Atavis* pro majoribus poëtica dixit, ut Virgilius: Turnus avis, atavisque potens; est autem Atavus quartus ab avo, sic enim stemma gentilitium, & domesticum ramos diffundit suos, ut post parentem sit avus, proavus deinceps sequatur, abavusque, & de quo dictum est, atavus, novissimo loco sit tritavus, ultra majores dicuntur, eademque ratione Avia dicitur, & Proavia, Nepos, Pronepos, Neptis, Proneptis, quae omnia gradus habent eosdem, quos Avus: explicatur hic locus a Jureconsultis abunde. De Regibus nihil opus est hic aliquid commemorare; quis enim nescit Regiam potestatem esse summam, eique sanctitatem inesse, & inter homines plurimum pollere? adeo ut, si quis opibus profluenter abundet, Rex dicatur, quasi inter alios excellens, inde est illud, Regem me esse oportuit. & Cicero Causarum, & Judiciorum Rex dictus fuit publico omnium elogio, quia ceteris Oratoribus anteibat. quin & colludentes pueri Regem constituebant, nec eo carebant Convivia, aut Sacerdotes: etiam rationis expertia Regem habent, nec aves modo, aut serpentes, sed apes ipsae Musarum volucres Regem multo magis observant, quam Aegyptii, aut Medi. quid opus est verbis? Jupiter Opt. Maximus & honore & nomine Regis gaudet, & Rex dicitur Hominum, & Deorum, eique mortalium Reges curae sunt. Non potuit igitur Horatius aut majori, aut sanctiori verbo Mecoenatis sui familiam exornare, quam dupliciter laudat ab antiquitate, & majorum dignitate. Nam aliqua domus vetusta est, & tritavi potest,

potest, ut ita loquar, atavum, ac domesticae stirpis
 ramum millesimum ostentare; in ea tamen, ut de an-
 tiquis Romanorum honoribus dicam, nulla fuit Prae-
 tura, Censura nulla, aut Consulatus, aut etiam Trium-
 phus: itaque nullo rerum gestarum splendore illustra-
 ta semper jacuit obscura. Contra, alii clari fuerunt
 per se, cum nihil luminis a suis accepissent, ut Si-
 culorum Rex Agathocles natus e figulo; ut Servius
 Tullius ancillae, & Vulcani, ut fama fuit, filius,
 cujus amore capta rerum humanarum arbitra Fortuna,
 (sic in Romanis fabulis legitur, fabulas autem Ro-
 manas dico, Romuli incunabula, ejusque ad Superos
 Ascensum, Numae & Aegeriae colloquium in spelun-
 ca, Apicem Tarquinio ab Aquila impositum, alia-
 que non multa, quibus abundat Graecia,) clanculum
 se per fenestram inferens adolescentis consuetudine frue-
 batur, eumque adeo dilexit, ut non tantum Pileo,
 id est libertate servum donaret, sed ejus manum
 scepro, caput autem diademate ornaret, eademque
 Hera (ita enim ab Ennio dicitur Fortuna) muliones
 Consulatibus decoravit. Qui omnes e parentibus nati
 ignotis se ipsos nobilitarunt; verum illa demum in
 honore summo habetur progenies, cujus vetustas ma-
 jorum virtute splendet, ut de Mecoenatis genere
 non semel hic praedicat, multique cum eo praeterea.
O & praesidium & dulce decus meum. O particula, quae
 producto vocis sono pronuntianda est, & geminis profe-
 renda temporibus. Quid autem sit tempus in syllaba, ne-
 mo ita indoctus est, quin intelligat; jungitur vero cum
 recto casu, ut, O ego felix virum nactus in omni
 virtutum genere praestantissimum; cum accusativo, O
 me nunquam quietum, donec incolumis redeat meus.
 nam quis nescit appellativo frequentissime haerere.
 certe tribus his modis uno, atque altero versiculo
 usus est Propertius: O me felicem, nox o mihi candida,
 & o tu Lectule deliciis facte beate meis. Et praesi-
 dium,

ANTONII THYLESII
CONSENTINI
EPISTOLÆ.





ANTONII THYLESII
CONSENTINI
EPISTOLAE.

ANTONIUS THYLESIUS
ALEXANDRO CACCIAE

Florentino

S. D.



ODEM tempore & tibi gratulor , & tui
me sursum miseret , quem enim maximi
omnium facis mortalium , cujus nomen
in ore semper inest , in animo semper
imago , in quo uno tuas omnes , amico-
rumque tuorum spes jampridem certa fide seposuisti ,
is hodie sacri , purpuratique collegii suffragiis in au-
gustissimo Petri solio collocatus est , ac Pontifex Ma-
ximus suppliciter de more salutaris . O diem , clamas ,
omnium , qui mihi illuxerunt , candidissimam , semper-
que , si qua nunciata fuit unquam leta , evangelio di-
gnam egregio . Sed te mi Alexander istuc Mediolani
castris vallatum hostilibus retineri fero acerbissime ;
quare , si non datur vi erumpere , excogita aliquod
Daedaleum , aut furtim per vias subterraneas , quem-
admo-

admodum Ulysses a suis ad hostes, sic tu contra ab hostibus ad nos tuos subterfugiens cuniculus evade. Haec ad te scribo ignibus per urbem passim collucens, clamores audiens discursantium laetissimos, immanesque bombos, & frequentissimos ab Hadriani mole, eademque divi Angeli arce expressos in Christianae gentis laetitiam: peream, nisi malles hoc genus tonitruum audire, quum dulcisonam, argutamque Amphionis tui citharam, quem etiam ipsum una tecum videre videor gestire, omniaque mente collustrare, ut evolet huc ad Johannem Matthaeum suum honore, & dignitate florentissimum, gratissimumque non modo Pontifici suo Maximo, cui intimus est, sed Regibus quoque potentissimis, ipsique in primis Caesari Christianorum unico imperatori invictissimo, ac semper Augusto. Vide quod valeat ingenium natura egregium, assidueque, & diligenter praeclarius artibus, & diuturno magnarum rerum usu cultissimum; nam etsi aurium voluptas jucunda est, nihil tamen ad eam, quae oculis percipitur. Sed brevi spatio, eadem Fortuna, quae vos beavit, exitum secundabit istinc felicissimum. Atque ut aliquid de eadem re scribam, ingens animos omnium invasit hilaritas cuncti Christiani populi, curam, regimenque Julio demandatum esse Mediceo Clementi nunc VII. vides quam amabile sit nomen, quodve polliceatur, nemo enim jampridem sibi non persuasit prae caetera animi bona, quae in uno sunt omnia, & praestantissima. cum amplissimis opibus summam quoque conjunctam esse liberalitatem, quod genus virtutis illustre, ac Pontifici Maximo prae caeteris hominibus conveniens, accepit is a majoribus suis, ut nosti, velut hereditarium: nam quis, ut de aliis ejusdem heroicae familiae viris splendidissimis taceam, nec quicquam de Leone X. dicam Pontifice munificentissimo, cujus recens in bonos omnes benignitas notissima est, sic
ut

ut res laude non egeat, quis inquam Magni Laurentii nomen non audivit? quis praemiis propositis plurimis, ingentibusque honestas artes jam mortuas in lucem revocavit, ad easque colendas non privatos tantum, sed Principes ipsos, atque adeo Reges impulit, qui omnes certatim unius sectari vestigia ingenuas disciplinas avidissime fuerunt complexi. Itaque cum hic Maximorum Antistitum Ordo prudentissimus aliquanto diutius opinione omnium in Curia fuisset Pontificia, ut virum eligerent, qui tot, tantisque oneribus sustinendis non succumberet, ac nonnulli metuerent, ne forte tantus heros Pontificatu privaretur, praesertim cum nemo illic non esset quovis honore dignissimus, ubi aligera, ut Poëtae ajunt, Fama erupit e Vaticano, ac decies centenis vocibus omnia celeriter pervolans clarissime cecinit, Julium factum esse Pontificem Summum, Maximumque Julium, nunquam ita, ut tunc, laetior fuit Urbs universa. Pontificem pars habemus, ajebat, oris dignitate conspicuum, nam hoc, ut scis, statim homines ultro sibi conciliat, & tamquam Numen aliquid Caeleste veneratur, unde aliqui Regem nolebant, nisi formosum, pars sapientissimum, animoque armatum invictissimo dictitabat. quarum utraque virtus furentibus bellorum procellis non semel, magno quasi theatro in Julio spectata est rerum apicem nondum adepto. Plura igitur nunc longeque majora sunt ab eo expectanda, qui sceptrum sustinet Reipublicae Christianae. Erant qui, ubi tantum boni divulgatum est, comem eundem praedicarent, facilem, benignum in suos, in alienos, in litteris ornatos, Musarum praesidium, miseris subsidium; quin etiam jam nunc complures rerum gnari affirmant hunc nihil aeque cogitare, quam ut Christianum augeat imperium, ingenique, atque animi vires intendat in hostes, inimicosque Nominis Sacrosancti, gratia prius inter principes nostros perpetuo foedere re-

conciliata: nam cum sint partes ejus, qui ipsius locum obtinet Christi, pacem suadere, quam ille rerum omnium sapientissimus, ditissimusque, & eorum, quos sibi elegit, amantissimus, velut amplissimam certissime hereditatem, antequam ad mortem raperetur voluntariam, suis reliquit, idque Christi Vicarius, imitatorque Pontifex probe intelligat, omnesque pro ejus sapientia, rerumque usu teneat aditus, quibus iri potest ad extinguenda bellorum incendia, nemo non existimat fore, ut nunquam cesser, donec quos filiorum loco accepit divino numine, depositis quiescant armis. Quod si in ore omnium nunc est, diuque erit, etsi multi praeterierunt anni, & saecula alter Romanorum Rex Numa ille Pompilius, qui civibus tantum suis paucissimis, ut res Romana eo tempore erat tenuis, persuasit pacem cum alienis, constituerent diuturnam, religionemque quamvis levem, vanamque colerent; quantae huic Sacratissimo Pontifici erit laudi, & gloriae, si nostra inter nos bella opprefferit impia? quibus gens ejus fidei, & prudentiae commissa mutuis cladibus plurimis, saevissimisque cadit quotidie, ejusdemque tandem sollertia, & auctoritate malis omnibus, quae latius manant in dies, funditus extirpatis, tot, tantasque Christianorum nationes firmissimo pietatis vinculo colligatas in Sanctissima continuerit religione? ita multi futurum esse praedicant. Et Rhodon sperant florem illum, ut vetus, Grajumque nomen indicat, insularum, marisque Reginam, nostrum quondam propugnaculum, nunc Turcarum, Rhodon insulam amoenissimam, munitissimamque, quamve auream non temere dixerunt antiqui, atque e septem totius terrarum ambitus, ut appellant, miraculis unum esse voluerunt, his paucis diebus (proh dolor, pudorque!) e tot Christianorum manibus unius vi extortam, per hunc rerum divinarum, humanarumque arbitrum Pontificem magnanimum nobis sperant omnes restitu-

rum

tum iri cum reliquis urbibus , regnisque jam multis ab hinc annis turpiter relictis , & calamitose . Quod bellum gloriosissimum fato nobis amico in haec tempora reservatum ut Pontifex hic felicissimus aggredia-
tur , quis e Christianis non approbans auxilio adest ? malumque quod in caput omnium gravius imminet , non properat depellere ? qui velint modo respicere , suasque vires agnoscere , ac spiritus magnanimos exci-
tare , reique communi , & publicae , tam piae , san-
ctaeque simul incumbere , ut est praeter nostrorum Regum innumerabiles , fortissimasque pugnantium co-
pias , opeque summas ad bella sustinenda divinum Nu-
men Christianae Sectae propitium , non modo hostem coërce-
bunt terribilissimum , & importunissimum , sed eum-
dem trepidum , proculque repulsum fugabunt . Verum
amore impulsus , provectusque publicae quietis , & bo-
ni , sentio me paulo longius progressum , & a propo-
sito aberrasse . redeo igitur ad te , mi Alexander , quem
opto diu , suaviterque vivere , & hinc esse , gaudium-
que solidum coram gaudere . Ego etsi tui , aliorum-
que praeterea multorum ita sum memor , ut a vobis
animo absim aegroto , sum tamen hinc alioqui liben-
ter , & jucunde captus nova doctissimorum hominum
consuetudine , quorum incredibilis est Romae multitu-
do . ex iis autem cum alios complures , tum Hiero-
nymum Vidam , Paulumque Jovium mihi praecipue
conciliavi , alterum Poëtam Epicum celeberrimum ,
quique tandem docuit Musas vere , pieque de rebus
divinis canere , idque cum summa carminis excellen-
tia , & lepore ; alterum non magis in Hippocraticis
artibus , quas cum eximia laude proficetur , versatum ,
quam in scribenda historia , qua res omnes nostro tem-
pore gestas monumentis tradit immortalibus , vel ho-
rum utriusque causa me nihil poenitet huc venisse .
Sed jam plerumque noctis abiit . praetermittendi sunt
igitur multi eruditissimi , quos mihi amicos paravi .

Vale. Messalae, & Corvitae meis salutem dico, atque etiam Amphioni. Civibus tuis amicitia mihi conjunctis, qui Mediolani sunt, meo nomine gratulare. Iterum vale, meque ama.

Romae XIII. Kal. Decembres cło. 10. xxiii.

ANTONIUS THYLESIUS
BENEDICTO RHAMBERTO

S. D.

ME vero ad reditum ultro paratum nonnihil incitavit epistola tua; sed quis homini jam senescenti, ac naturae praeterea imbecillis, si se per hyemem itineri longinquo metueret committere, veniam non daret? quare Martio mense, qui proximus est, statui, rebus omnibus posthabitis, me accingere, atque eo animo revertar, ut Venetiis tecum, ac cum ceteris, quos mihi communia litterarum studia conciliarunt, reliquum omne aetatis meae tempus tranquille ducam. Equidem, mi Rhamberte, nisi in tantisque rerum fluctibus, quibus sciebam meos fuisse vexatos, non accurrissem, praeter quam quod semper versatus essem in metu, jure poteram graviter accusari: quam meam causam, etsi nunquam dubitavi, gaudeo tamen Xviris summa humanitate praeditis fuisse comprobata; quibus quoniam placuit, ut scribis, neminem prorsus substituere, priusquam de meo reditu certiores fiant; agnosco amplissimi Ordinis gravitatem, aequitatemque, atque in me, qui illum semper suspexi, & sum veneratus, non levem bene-

benevolentiam; unde debeo ei immortaliter, teque unice rogo, ut, quam memori, ac grato animo beneficium hoc infederit, apud eundem Ordinem pro illius amplitudine, ac maiestate verbis ostendas honorificentissimis, meque brevi affuturum meo nomine pollicearis. Cur autem reditum non maturaverim, ex alteris litteris, multo quam hae prolixioribus, quas arbitror tibi jam esse redditas, facile potes intelligere: illud tamen in praesentia scias, & navigandi tarditate; vix enim quadragesimo, postquam conscendi die, domum perveni fere naufragus; & rerum mearum statu, quas longe aliter, atque opinabar, offendi, fuisse deceptum, quo minus eodem, quo discessi, navigio recurrerem ante dies, ut constitueram, brumales; spero tamen, vestro omnium ingenio, ac studio fretus, meaque item solertia, nullum querelis futurum esse locum, ac neminem vestrum doliturum ex hac paucorum mensium intermissione; dabitur, mi Rhamberte, reditus ad litteras, idque fiet alacrius; quanquam (de te loquor uno) damni ne aliquid tu e meo discessu? quid si, ut videre videor, quaestum potius fecisti, Triphonem nactus praeceptorem, patricium virum, varia doctrina expolitum, ac summa (utrumque omnes una voce, cum istic essem, praedicabant) probitate ornatum? quin tibi, quem alioqui summe amo, paene invideo, doleoque ante me discessisse, quam aliquid ex ejus lepore degustassem; sed liceat redire, non committam, ut solus viro fruaris tam egregio, quem quoniam totum habes, quid petis quippiam aliunde? amabo te, excipe omnia, quo possis, ubi affuero, benigne amicum impertire; sed cupio tecum, quamvis serio haec scribam, coram joculari, & cum Mario meo, elegantissimo, ac modestissimo adolescente, cujus quoniam consuetudine careo, vivo, velim crederet, acerbe; unice dicerem a me illum amari, nisi esses tu, quo nemo unquam fuit, aut futurus

rus est mihi carior. Vale. Parentibus tuis optimam,
fratrique plurimam salutem.

Consentiae XII. Februar. cId. Id. xxx.

ANTONIUS THYLESIUS

ANDREAE FRANCISCO

Scribarum Principi

S. D.

N Unquam, ex quo a vobis disceffi, fui non miser; nam principio cum necessitate coactus domum festinarem, quae ego non pertuli adversa, ac diuturna tempestate fatigatus? unde paene naufragus, vix tandem ad meos pervectus, nihil inveni, quod auribus non esset, atque oculis injucundum. Ad extremum omnia paraveram ut reverterer, jamque ante triduum discessurus, ecce, nescio quonam meo fato e duobus tantum scalarum gradibus, recenti pluvia lubricis, delapsus, utriusque pedis talos ita intorsi, ut aliquot dies ex eo casu decubuerim, dolore affectus acerrimo: quo jam medicamentis, ac die ipsa sedato, ulcus infra genu in interiori parte sinistri cruris enatum domi me aliquandiu continuit, & adhuc retinet invitum, ac stomachantem, non posse ad vos, quem admodum coram, & per epistolam saepe fui pollicitus, reverti. Obsecro te, atque obtestor, per majestatem, fortunamque, ac Genium reipublicae vestrae, ne me mutatae voluntatis arguas: quod ipsum esset non modo leve, sed turpe, ac dignum gravi reprehensione, atque etiam animadversione; enimvero tantum

rum a priori sententia absum , ut , ubi fuero paulo
 firmior , quod brevi , ut puto , futurum est , locatis
 in multos annos rebus meis , ut jam institueram , aut
 divenditis , eo animo Venetias remigrem , ut vel diu ,
 vel ad ipsius vitae excessum sim apud vos permanfu-
 rus ; interea poterit , si Xviris , quorum consilio ,
 & auctoritate res geritur , visum fuerit , aut vicarius
 mihi in paucos dies sustitui ; aut certus homo prae-
 ficiatur Scribis Junioribus erudiendis , exacto tamen (hoc
 autem vos etiam atque etiam oro) mense Octobri :
 quo tempore nova sunt professorum auspicia : quando
 sperem ante eam diem , nisi me pedum imbecillitas
 impederit , urbem istam amplissimam videre . Vale .

Consentiae. XIII. Kal. Octob. cId. Id. xxx.

ANTONIUS THYLESIUS

BENEDICTO RHAMBERTO

S. D.

O Mi Rhamberte , quam suavis est sermo littera-
 rum tuarum : non caret tamen aculeis , quibus
 partim me stimulas , ad vos ut redeam , partim sub-
 accusas , quod tandiu reditum distulerim ; utinam meo
 modo liceret vivere : essem non invitus quo me re-
 vocas ; sed non tantum aetas , atque imbecillitas , cor-
 pusque valetudine adversa affectum , ab itinere , &
 profitendi labore me deterrent , sed multa me impe-
 diunt , quae non est hic scribendi locus , aliae sem-
 per ex aliis me premunt molestiae , quibus video jam
 praecludi professionem , quos meos labores futuros
 cum velut e specula prospicerem , scripsi non semel

ad Scribarum Maximum, vel vicarium substitueret, vel certum hominem sibi pararet, quo juvenes vestri erudirentur; quod si apud alios, a quibus saepe fui honestissima conditione ultro invitatus, literas profiterer, (quamvis cui non permittitur vivere, ut vult?) haberes cur posses si non merito, saltem rationem invenire, cur me quasi velleres; sed si non modo Ragusinis, qui aureis C. C. bis me publico decreto vocarunt, & Mediolanensibus negavi, verum patriae ipsi, & huic urbi florentissimae, nescio unde exoriuntur querelae: video mei desiderio eas nasci: mutuum est, mihi crede, ac nullus fere dies abit, quin doleam, me tibi sapienter, & amice suadenti non paruisse; an apud vos non cuperem vitam agere, & in humanitate, ac lepore tuo acquiescere? sed multa me prohibent, & simul professionis taedia ita me capiunt, ut quidvis potius agendum mihi esse censeam, quam oneri molestissimo me posthac denuo subijciendum. Habes animi mei sensum, ama me, quod nisi feceris, ferreum te putabo; Mariumque meum, illustrem adolescentem, nostri amantissimum, in me amando supera; nihil enim mihi tam accidere posset jucundum, quam si intelligerem tuum in me amorem non modo non minui loci, ac temporis intervallo, sed etiam augeri; quod ut fiat, in tua est enim manu, te summe rogo. Theupolo viro clarissimo, cujus ego & doctrinam, & morum sanctitatem nunquam non praedico, Marioque eruditissimo salutem plurimam. Vale optime.

Neapoli. XII. Decemb. cId. Id. xxxi.

AN.

ANTONIUS THYLESIUS

BENEDICTO RHAMBERTO

S. D.

Litterae tuae, quo sunt frequentiores, atque etiam longiores, eo mihi majorem afferunt voluptatem; quamvis cum mecum ipse cogito, qui tam suaviter scribit, tam copiose, tam amanter, eo me juvene diu caruisse, atque esse cariturum, non possum non angi, & cruciari, quod desiderium augent querelae, & moeroris tui, quibus acerbe fero te plus nimio confici; quorsum afflictatio ista? pater, inquis, obiit; tibi ne soli id accidit? absenti mihi, hoc, quia oculis non aspexisti, minus dolendum, at omnibus carus, id vero debet consolari. Nam quod de matris valetudine scribis, video te animo esse admodum leni; age mi Rhamberte, te obfirma, quo filii optimi reditu possit illa, si quam tempus adhuc non delevit, aegritudinem funditus tollere. Ego, ut ad me redeam, vitam ago sine Musis, hoc est sine voluptate, quas animi delicias scelus mihi eripuit, famulum dico, qui, ut alias scripsi, ita me compilavit, ut paene nudum reliquerit; quas poenas fateor me jure, ac merito dedisse; cur enim tuis optimis consiliis non parui? aut agello saltem meo contentus, cives nostri amantissimos deserui? Nunc omnis spes in uno est Pompejo Columna Antistite amplissimo, litterarum firmissimo patrocinio: spero necessitatibus nostris opitulabitur; sed heus, vigent ne istic in aula tanti Caesaris Oratoriae, ac Poëticae studia? an negotiorum aestus non permittunt quemquam in ocio quiescere?

Scribe

Scribe omnia, & vale, ac tibi persuade, Rhamberto meo nihil in rebus humanis esse, ac fore jucundius, quem si quis Deus restitueret, non permitterem rursus sic temere ejus humanitate privari. Mario suavissimo, atque Oratori clarissimo salutem, verbis honorificis pronunciatam; iterum vale.

Neap. XII. Aprilis cId. Id. xxxii.

F I N I S.

CORIOLANI MARTYRANI

SANCTI MARCI EPISCOPI

A D

ANTONIUM THYLESIUM

E P I S T O L A E.

CORIOLANUS MARTYRANUS

A N T O N I O T H Y L E S I O

S. D.

A junt istam viam totam fere usque ad montes εἰμόνον
 Ψεκάζει ἄβατον fieri, & voraginosam, meque itu-
 rum istac non sine periculo tam parvo cantberio; & si
 illum expertus sum valde strenuum in paludibus transpa-
 danis; itaque persuasere, ut omisso Patavio, Tarvisio
 redirem; denique quantum est Alpium ambirem, modo
 ne istac male sit Cauris, qui Notis cessere: bem qui nullos
 anfractus vitassem, ut THYLESIUM viderem: cogor per
 anfractus βαδίζειν καὶ θυλέσιον ἐκ ὁρᾶν: hoccine crudelius
 quicquam, vel indignum magis? tamen quum primum
 per hyemem licebit, invise nos cum birundine & rosa;
 nonne? nempe es pollicitus. Vale.

CORIOLANUS MARTYRANUS

ANTONIO THYLESIO

S. D.

Vereor, ne nullam post hac mihi habeas fidem, qui toties pollicitus me istac reversurum, toties pejerarim, ego si in alium, quam in me hoc incommodum redundasset, cui alia redeunti to colloquio carendum fuit; longa uterer excusatione: fucum facere, ac elabi e iudicio conarer; nunc autem, quum tu nil damni ex meis mutatis consiliis passus sis, ego amplum illius peccati supplicium luam: quid me tibi diutius expurgem? sat sit audire: sic res tulit, faciundum fuit. Hoc tamen tibi persuade, summam mihi injectam fuisse necessitatem Patavii omittendi; nec illa ratio me movit, quod alio itinere propius redibam, etsi maxime properabam. Sed amici precibus coactus sum divertere ad Tres Villas, quo, praeter quam quod devium erat, bigis, quibus Dii sint irati, feris ac indomitis vectus sum, via aestuosa (Juppiter?) & pulverulenta, ut succussu nunc etiam indoleat latus: ergo mibimet deesse volui, ne amicis deesssem. Sed audi horrenda: praemisi quendam de mea cohorte cum litteris ad vos, quibus rationem mutatae sententiae reddebam; hem non te reperit noster Cyclops: quid (inquam) homo ignavissime, non litteras domi relictas, non illum toto oppido quaesitum oportuit? verabar (inquit) ne vos assequi nequirem, quid facerem? aegerrime passus sum. Tu si vir es, remitte mihi illas epistolas, quas immemor dereliqui, pro quibus mitto unam graecam ad Peruscum; non ego insanio, qui graece? sed prior laceffit. Meam Oratiunculam, quam ad
ravim


*ravim petis, mitte, quam afferunt tibi Venetiis; ibi il-
lam afferunt esse venalem: o audaciam singularem an ne
avaritiam, mea me inconsulto edere non vereri! quid
facto opus est? pari ratione de ventis querar. Vale &
istis Heroibus salutem, nostris istidem Consentinis. Ite-
rum Vale.*

238
INDEX EORUM,

Quae hoc Volumine continentur .

<i>AD Aemilium Jannutium Sabellum Epistola</i>	pag. III.
<i>Antonii Thylesii Vita</i>	VII.
<i>Index Operum Antonii Thylesii</i>	XIX.
<i>Selecta Doctorum Virorum de Antonio Thylesio Testimonia</i>	XXIII.
<i>Pauli Mocciae Epistola</i>	XXXVIII.
<i>Antonii Thylesii Tragoedia cum praefatione Laelii Aleandri</i>	3
<i>Carminum libri duo</i>	45
<i>Garcilassi de Vega Toletani ad Antonium Thylesium Ode</i>	128
<i>Bernardini Thylesii Carmen cum versione Julii Cavalcantis</i>	130
<i>Ejusdem Epigramma</i>	136
<i>Selecta de Bernardini Carmine , & Julii versione Testimonia</i>	137
<i>Index Carminum Antonii Thylesii</i>	139
<i>De Coronis</i>	145
<i>De Coloribus</i>	169
<i>In obitu Job. Jacobi Trivultii Oratio</i>	193
<i>In Odas Horatii Flacci Auspicia ad Juventutem Romanam</i>	207
<i>Epistolae</i>	223
<i>Coriolani Martyrani ad Thylesium Epistolae</i>	235








NEAPOLI . CIOICCLXII.

IDIB. SEXTILIBVS

EXCUD. PAVLLVS ET NICOLAVS DE SIMONE.





523534

